





Ex Bibliotheca
majori Coll. Rom.
Societ. Jesu


53.5.4

53

G

36





DE
FIDELIVM
ANIMARVM PVRGATO-
RIO, LIBRI DVO.

DE LIMBO PATRVN,
LIBER TERTIVS.

Authore IOANNE LENSÆO BEL-
LIOLANO, Sacræ Theologiæ Lo-
uanij Regio Professore.



LOVANIJ,
Excudebat Ioannes Masius, suis & Petri
Fabri Bibliopolæ sumptibus. ANNO
CL. ID. LXXXIIII.

CVM GRATIA ET PRIVILEGIO.

ex Bp. H. Cocini.



REVERENDISSIMO

DOMINO MAXIMILIANO
MORILLONIO, TORNACENSIS
ECCLESIAE PRÆSVLI DIGNISSIMO,

Ioannes Lensæus S. D.



Agnas deberi gratias,
Reuerendis. Præsul,
hominibus ijs quo-
rū in Rempub. Chri-
stianam cura propensior, studio-
rum nobis Vniuersitates erexit,
omnes qui verè studiosi sunt, lu-
bentes agnoscunt. Est enim apud
omnes pios in confesso, quanto-
perè sit per illos adiuta pietas, quā
inter imperitos rudiorum & in-
cultam suisque destitutam neruis
atque ornamentis iacere necesse
erat, nisi liberalium artium studiis
accuratius excoleretur & illustra-
retur. Sed illis vt communibus
quibusdam studiorum & politico-

ris doctrinæ parentibus, si eos forsitan æquare non possumus, qui parta & adultiora iam literarum Gymnasia conseruârūt, proximo tamen hos profectò loco subiungere debere videmur. Quorum beneficij in reliteraria conseruanda magnitudo, tum demum euidentius clariusq; patescit, cum in aliquo pereundi periculo illa versetur. Siquidem labentem eam ne penitus corruat sustinere, aut propè iam in prædonū manibus trepidantem eripere, tantumq; non oppressam atque extinctam in spe aliqua recuperandæ libertatis ac lucis collocare, id illi primorum, quos dixi, parentum gloriæ, tanta accessione vicinum est, vt meriti æstimatione vix quicquam distare videatur. Porro hac rerum nostra-

stra-

strarum tempestate tantum non modo periculorum formidauit, verumetiam malorum detrimentoꝝq; perpeſſa res literaria eſt, vt his quidem in locis tanquam vulneribus conſectam, & vltima iaculantem ſuſpiria, ſpectare ac deplorare cogamur. Cũ enim literarum ſtudijs, pacem & tranquillitatem amantibus, armorum ſtrepitus bellorumq; furor per ſeipſum ſit inimiciſſimus, tum ita Sathanæ ſubtiliſſima induſtria cõparatum eſt, vt ipſa ſtudiorum illorum ſedes, peiore & iniquiore loco eſſe non poſſet. Quid igitur in ea ipſius nomine dignum ageretur, quam non modo cinxiſſent vñdique latrones corporum, verum etiam hoſtes ex profeſſo talium ſtudiorum? Veruntamen

tot circumuallata inimicorum cuneis, tot exterrita periculis, tot insidijs appetita, tot afflicta & operata malis, numerositatem & decorem perdidit, professionem suam & exurgendi spem non reliquit. Idque cum Dei in primis Optimi Maximi summæ erga nos benignitati, deinde Regiæ Maiestatis pijssimæ vigilantissimæque providentiæ acceptum ferendum sit; tum Vestræ Reuerendissimæ Paternitatis officia, semperque pro nobis anxia & sollicita sedulitas, quantum eodem contulerit nos id nescire stuporis esset; non agnoscere, ingratitude non ferendæ, iure optimo videretur. Sed cum eius rei publicum, & quoad fieri posset, longissimi temporis testimoniū extare quam maximè

con-

conueniret, præstarique id ipsum etiam à pluribus æquissimum, honestissimumque esse iudicarem; nolui ipse quidem, pro mea virili, deesse tam honestæ æquitati & æquissimæ honestati. Quæ causa fuit, ut cum tres hi Libelli iusta quadam ratione poscente, prodituri essent in lucem, eos Vestre potissimum Reuerentiæ, præfixa hac epistola, donandos dedicandosque putauerim. Tametsi cur id facere me debere crederem, & illæ accedebant causæ, quod Parcensem familiam, in qua per annos iam complures versor, magnis officijs beneficijsque deuinctam iamdudum teneres. Pro qua quidem familia, de me citra controuersiam optimè merita, etsi Paternitati Vestræ satisfacere nullo mo-

do possim , tamen vt eò volunta-
 te quam proximè accederem , co-
 natumque aliquem satisfaciendi,
 vel hunc in modum susciperem,
 mearum partium esse mihi om-
 ninò persuadebam . Patronum
 quoque valentem quempiam, cu-
 iusque magna & grauis in Ec-
 clesia esset authoritas, prudentia-
 que celebris hi Libelli require-
 bant; propterea quod ijs aduer-
 sus hostem acriter præliantibus,
 accidere fortè posset, vt non benè
 fixo pede , subindè leuiter cespitan-
 tes , confirmatore quoquam
 indigerent. Quod igitur eiusmodi
 caussis adductus feci, rogo, Pa-
 ternitati Vestræ non minus acce-
 ptum gratumque sit , quam &
 candido animo factum est, & vt
 fieret honestissima ratio mihi per-
 sua-

suafisse videtur. Oro interim illum pastorum principem, vniuersique Christiani gregis principium ducem, vt Vestræ Paternitatis ministerium quam diutissimè Ecclesiæ suæ integrum, incolum expeditumque conseruet.

LOVANI, è domo Parcensi.

Anno 1584.

Reuerendiss. Vestræ Paternit.

addictissimus,

Ioan. Lensæus.

INDEX CAPITVM
PRIORIS LIBRI

De Purgatorio.

312^a

QUod in hoc argumento, hæretici
Ecclesiæ sanctæ se aduersari pa-
lam demonstrent. CAPVT I.
Catholici scriptores quid sentiant esse
Purgatorium, triplici descriptione
ostenditur. CAPVT II.

Aduersus primam descriptionem, Aretij
obiecta diluuntur. CAP. III.

Quomodo post hanc vitam nullus sit sa-
tisfactioni locus; vbi aduersus secun-
dam descriptionem Aretij argumen-
ta dissoluuntur. CAP. IIII.

Quæ sit Fulgentij doctrina, de remissio-
ne in hoc tantum sæculo obtinenda.
CAPVT V.

Non esse statuendum, bonos omnes
continuò transire ad vitam beatam.
CAPVT VI.

Tertia descriptio, contra Aretij obiecta
defenditur. CAP. VII.

Non esse de Purgatorio dubitandum,
etiã si de eius loco nihil definitum ac
fide certum habeatur. CAP. VIII.

Esse aliquem locum purgatorium, Græ-
cis Latinisque Ecclesiis minimè du-
bium

bium fuisse, et si esset aliqua de igne controuersia, neque quicquam de loco ubi esset definitum. CAP. IX.

Quæ sit verisimilior de Purgatorij loci sententia. CAP. X.

Apparitiones defunctorum fidelium; quæ apud scriptores catholicos leguntur, quam malè generatim repudientur ab Aretio. CAP. XI.

Quæ scripturæ vim habeant ad probandum Purgatorium: ac primum de illo scripturæ loco: Non exhibis indè, donec vltimum etiam minutum reddas. CAPVT XII.

Satisne magnam vim habeat ad Purgatorium probandum locus Matthæi 12. & Lucæ 12. de peccato in Spiritum sanctum, quod dicatur non remittendum in hoc sæculo, neque in futuro. CAPVT XIII.

Pertineatne quicquam ad Purgatorium construendum, quod scriptum est de Lazaro & diuite. CAP. XIII.

Locus Apostoli de quorundam per ignem probatione & salute, quomodo accipiendus sit. CAP. XV.

Quid sentiendum sit de Augustini dubitatione, circa memoratum scripturæ locum. CAP. XVI.

Non

Non benè colligi, ignem cuius meminit
Apostolus non esse Purgatorium, quia
significetur bonis & malis esse com-
munis.

CAP. XVII.

De loco Apocalyp. Beati mortui qui in
Domino moriuntur.

CAP. XVIII.

Quid de loco scripturæ ad Philip. cap. 2.

In nomine Iesu omne genu flectetur,
&c. sentiendum sit, in causa confir-
mandi Purgatorij.

CAP. XIX.

Faciatur pro Purgatorio, locus Psalmi
66. Transiimus per ignem & aquam.

CAP. XX.

Quoniam modo intelligendus sit locus
Zachariæ 9. de lacu in quo non est
aqua.

CAP. XXI.

Quid sibi velit apud Tobiam locus, Pa-
nem tuum & vinum tuum super sepul-
turam iusti constitue.

CAP. XXII.

De loco secundi Machabæorum duode-
cimo.

CAP. XXIII.

Præter scripturas, etiam Veterum tra-
ctatorum conformi doctrina, Purga-
torium animarum comprobari.

CAP. XXIV.

Catholicæ Ecclesiæ Patres non consen-
su tantum suo, verum etiam interdum
ex professò vrgere ad credendum.

CAP. XXV.

Quod

Quod licet consuetudo non præiudicet
veritati, index tamen sit testisque ve-
ritatis.

CAP. XXVI.

Dupliciter intelligi posse, afflictionem
Purgatoriam.

CAP. XXVII.

Ex veteri pro defunctis officio Ecclesia-
stico, clarè colligi Purgatoriū Christia-
narum animarum.

CAP. XXVIII.

Quid de illis sentiendum sit, qui ex gen-
tium libris aliquam Purgatorij signi-
ficationem petunt.

CAP. XXIX.

CAPITA LIBRI II.

De Purgatorio.

Quas hæretici fingant origines do-
ctrinæ de Purgatorio.

CAPVT I.

Frustra gloriari hæreticum in hac caussa,
de claritate scripturarum.

CAP. II.

Quomodo intelligendum sit, mortuos
nescire quicquam, & non esse eis am-
plius mercedem.

CAP. III.

Nec de vijs duabus, nec de Latrone ob-
esse nobis argumentum.

CAP. IIII.

Homines etiam iustos in hac vita, pro-
pter sua peccata flagellari, non tantum
exerceri.

CAPVT V.

Ad locum Pauli 1. Corint. 3. ineptum esse
de igne pœnitentiæ commentarium.

CAPVT VI.

Malè probari vitiosum fuisse Iudæ Machabæi factum, quod Sacrificia legis nihil prodesse coram Deo, sed tantum coram Ecclesia. CAP. VII.

Non rectè improbari Machabæi factum, eò quod nulla essent in Veteri lege pro mortuis instituta sacrificia.

CAP. VIII.

Falsò caussari Caluinum, quod Machabæi exemplo vrentes, in hac Purgatorij caussa, Sacrificia legalia tanquam nondum abolita, trahant ad nouum testamentum. CAP. IX.

Quibusdam Augustini locis quam abutantur hæretici. CAP. X.

Fueritne quæstio de Purgatorio, Diui Augustini ætate controuersa.

CAPVT XI.

Quod Purgatorij assertio magis illustret vim Dominicæ passionis. CAP. XII.

Quemadmodum circa locum Matth. 12 de peccato in Spiritum sanctum non remittendo neque in hoc sæculo neque in futuro, se torserit Theodorus Beza in suis annotationibus.

CAP. XIII.

In locum 1. ad Corinth. 3. quid Theodorus Beza notauerit contra Purgatorium.

CAP. XIII.

CA-

CAPITA LIBRI TERTII,

De Limbo Patrum.

QUÆ sit Catholicorum de Limbo sententia. CAPVT I.

Quemadmodum in cælo apud Patrem, ita & apud inferos diuersas esse pro cuiusque meritis mansiones. CAP. II.

De Sinu Abrahamæ. CAP. III.

Apud inferos non solum gehennam sed Tartarum statui debere, ex scripturis ostenditur. CAP. IIIL.

Diluatur argumentū petitum ex vtriusque testamenti Sanctorum fide communi. CAP. V.

Ostenditur imbecillitas argumenti quod ex eo fit, quia meritum Christi semper fuerit paternis oculis præsens. CAPVT VI.

Respondetur ad argumentum petitum à Sacramentis veteris Testamenti. CAPVT VII.

Ridiculo conatu descensum Christi ad inferos, ad mortis manifestationem detorqueri. CAP. VIII.

Petri locus num quam vim habeat ad Limbum stabiliendum. CAP. IX.

De loco r. Petri 3. quid annotatum Beza reliquerit. CAP. X.

Fru.

INDEX CAPITVM.

Frustrà exagitari locum Lucæ, de Lazaro & Diuitem, aduersus Limbum Patrum.

CAP. XI.

Argumentum ex consensu Patrum, aduersus hæreticorum exceptiones defenditur.

CAP. XII.

Absurdè statui Christi animam vno duntaxat die apud inferos fuisse, propter id quod dictū est Latroni; Hodie mecum eris in paradiso.

CAP. XIII.

PRÆ-



P R Æ F A T I O.

I



*N*ulla doctrina Catholica pars est, nullus omnino fidei nostra articulus, quem sic parui momenti putare debeamus, ut non pro eo sit vigilantissimè depugnandum. Etenim aduersarius, si qua in parte nos depræhenderit minus instructos atque munitos, ut iure bono possit nostram imbecillitatem traducere & suam ostentare victoriam; facile persuadet grauioribus etiam in rebus minus esse causa nostra confidendum, ac tanquam lapide vno moto atque excusso, posse breui totum ædificium labascere; pauloq; maiore conatu subuerti. Recusandum certè non est quantum ille omnia circumspiciat, tentat, modisq; & artibus quibus potest oppugnat, tantum nos elaborare in eo oportere, ut partes nostræ non solum inuictæ permaneant (quia nequit veritas errori succumbere) sed ne etiã labefacta esse videantur. Ac sicuti alius post alium surgit, ac veluti fatigato & cadenti succedit ad oppugnandum, perq; ingenia multa & varia, & linguas & stylos armatur hostis veritatis: ita

A

no-

nobis esse non debet satis, si qui de maioribus nostris, ipsis authoribus ac lucibus primis resistunt, fidemq; nostram libris eruditis ex omni parte munierint; nisi & discipuli discipulis sese fortiter prompteq; opponant; & quoniam vel nova subinde argumenta proferruntur à recentioribus hæreticis, vel antiqua ipsa novè proponuntur, atque explicantur argutius; non desint hominibus catholicis adversum hæc antidota propria, quibus muniantur, nec apta instrumenta quibus errorum dissolvantur nexus. Hac autem eò dico, ne qui mirentur, cur eadem de re tam variè scribatur à multis, neuiq; indies libelli prodeant in lucem, quibus explicetur aliquid aut defendatur catholica & aucta doctrina. Quid enim habeat rationis, ut illis quotidie novi quippiam cudentibus, nos otio & desidia terpescamus? Ac patior non necessarium videri, ut propter eos libellos qui procul ab orbe nostro seminantur, sedutus hic à nobis suscipiatur labor: sed cum ij iam qui procul licet editi sint, his tamen locis habeantur, legantur, ediscantur, passimq; nobis ingerantur in manus; nemo dixerit dissimulandum silendumq; fuisse: ne veritatis professo-

fessores, minus promptè ei seruiant ad hominum salutem, quam erroris ministri hunc student propagare ad perniciem plurimorum. Cum igitur ex copia librorum, quibus vicina ciuitates ad infelicissimam egestatem abundant, obrusa mihi esset Benedicti Aretij Problematum Theologicorum pars quadam, in eaque vidissem, inter ea quae partim verè ex institutione retenta catholicorum, partim contra veritatis regulam, in scholis haeticorum posterius percepta, disputantur, magno hoc agi molimine ut Purgatorium esse nullum crederetur; existimaui mei esse studij ac muneris, ea breuiter refellere, quae pro errore tam noxio afferuntur ab hoc authore; ordine quidam non incommodo rerum tractandum, sed magna tamen imbecillitate rationum.

A ij Quod

Quod in hoc argumento, hæretici Ecclesiæ sanctæ sic aduersari palàm demonstrent. CAPVT PRIMVM.

DE Purgatorio, inquit, acturi, hoc ordine rem tractabimus. Primum, quid dicant Purgatorium. Deinde ubi sit collocatū. Tertio, quomodo ex sacris literis confirmetur. Quarto, quam commodè affirmetur ex Philosophorum & Poëtarum placitis. Demum, quod tandem sit verum Christianorum hominum Purgatorium, quo expiant culpam & pœnam plenariè. Ita tandem constabit quam malè hætenus de eo disputatum & traditum sit in Scholis & Ecclesia.

Postremis verbis quid haberet sibi propositum cum de Purgatorio differeret, declarauit. Nimirum hic scopus erat, vt constaret quam malè hætenus esset in Scholis Catholicis de Purgatorio disputatum, quamque falsa de eo traditio Ecclesiam occupauisset per annos iam circiter mille & quingentos. Et vide quam se detegat, vtque se aduersarium esse sanctæ Dei Ecclesiæ imprudens profiteatur. Non enim ait: Ita tandem constabit quam malè hætenus de eo traditum sit inter Papistas, aut ab aduersarijs nostris: sed quam malè de eo traditum sit in Ecclesia. Veruntamen non aduertit quam hoc scripturæ canonicæ parum consonet, in qua expressum est Ecclesiam esse columnam & firmamentum veritatis, & portas inferorum aduersus eam non esse præualituras,

1. Timo. 3.
Matth. 16.

ras,

ras, aliaque permulta eodem pertinentia. Quæ quonam modo vera esse possunt, si tam falsa de Purgatorio traditio, ab ipsis, vt sentiunt, profecta portis inferorum, præualuit in Ecclesia tamdiu, & hanc quam isti nunc proferunt doctrinam, vt solam veram, & salutarem oppressit? Sed quemadmodum à Catholicis constituta sit Purgatorij ratio; deinde in eo quid huius iudicio peccarint, videamus.

Catholici scriptores quid sentiant esse Purgatorium, triplici descriptione ostenditur. CAPVT II.

Quod rem, inquit, concernit, Purgatorium aiunt locum medium inter æternam felicitatem & supplicium damnatorum: in quo qui sint, sunt extremi vtriusque participes. Ita quidem tria distincta nobis proponunt loca; Calum, Inferos, & inter hæc medium Purgatorium.

Est hæc indubiè, Areti, Catholicorum de Purgatorio sententia, esse locum, siue, vt loquitur Augustinus, receptaculum quoddam ab- Ench. 109.
ditum, in quo quæ continetur animæ, medium quendam habent inter felicitatem æternam, & damnationem reproborum statum; extremi quidem vtriusque participem, sed ab utroque interim longo discrimine separatum. Etenim in eo statu, ærumna est & afflictio & pœna, quæ pro peccatis in hac vita contractis exoluitur; id quod habet cum gehenna commune. Est ni-

hilominus in eodem iustitia, pax & tranquillitas conscientiæ, societas cum Christo eiusque omnibus membris; magna denique securitas, qua habet exploratum se de iustitiæ statu nunquam esse deinceps casuras. Atque hæc illi sunt cum cælesti beatitudine cōmunia; immo quedam eius sunt inchoationes, quibus & ab ipsa consummatione, quæ est in regno, & ab æterna damnatione, quæ est in gehenna, differt plurimum. Quippe hoc in extremo sempiternæ infelicitatis, horrida, turbulenta & plena desperationis sunt omnia: ubi iniquitas, quamvis torquetur, dominatur; & à societate sanctorum, incommutabili decreto segregata & proiecta reproborum turba, æternis pœnarum vinculis, societati dæmonum astringitur.

Alij, inquit, dicunt: Est satisfactio qua post mortem à defunctorum animis pro peccato penditur. Hi non tam locum describunt quam utilitatem illius. Nam duplicem constituunt satisfactionem: unam in hac vita; alteram post hanc vitam in Purgatorio.

Rectè hi quoque non locum describunt. Quæ enim abditissimi receptaculi & loci, descriptio dari potest? Vt enim spiritus & expers corporis substantia, quid sit concipere animo vix possumus; ita quis, qualisque eius sit locus, quoque in eo sit modo, ægrè possumus aut cogitatione concipere, aut verbis explicare. Neque id quod à prioribus mediis esse dicitur inter felicitatem æternam & supplicium damnato-
rum

rum locus, propter corporeum situm dici intelligendum est; sed propter ipsum illum quem explicauimus animorum statum. Vt enim æterna felicitas, seu Paradisus, regnumq; calorum, non est æstimandum ex loco propriè, sed ex statu, hoc est, ex clara Dei visione, quæ mundis corde promittitur, vbi scriptum est: Beati mundo corde, quoniam ipsi Deum videbunt. *Matth. 5.*

Vnde & Latroni dicitur: Hodie mecum eris in paradiso: neque etiam Angeli sancti, quia hic nobis dati sint ad tutelâ, propterea in regno suo non sunt; de quibus dicitur: Angeli eorû semper vident faciem patris, qui in calis est. *Matth. 18.*

Vt ipsi quoque daemones quocunque loco circumuolent, suum secum supplicium & gehennam, damnationemque trahunt: idque potissimum spectamus in inferno; loci interim ipsius, quis & vbi, qualisq; sit multum ignari: Ita cum Purgatorium dicimus animarum, non tam locum aliquem in quo reclusi illi spiritus sint attendere debemus (quamuis in hoc admodum pro sua consuetudine, nostra propendeat cogitatio) quam statum ipsorum ærumnosum, & afflictione doloribusq; plenum; sed temporarium, nõ æternum; & alijs quidem productiorẽ, alijs breuiorem, prout se hic cuiusq; merita habuerint. Benè proinde vt prima, ita illa quæ secundo loco ponitur, Purgatorij descriptio, nõ tam locum designat, quam statum, eiusq; utilitatem. Est enim alicuius modi satisfactio, quæ post mortem à defunctorum animis pro peccato penditur.

Generatim autem ac iuxta grammaticam significationem, satisfactio est cum tantum supplicij, tantumq; vindictæ exoluitur, quantum irato satis sit ut placetur, & irasci desinat. In inferno igitur satisfactio quidem esse potest, ut sic loquar, Satisfactio verò esse non potest, ubi nullus expectetur supplicij finis, nulla in amicitiam reditio. Quippè satis patitur, qui dignā suis meritis pœnam pendit, etiam si æterna illa sit. Satisfacimus verò læso cuiquam & irato, cum pœna quam subimus, illius tandem ira cōquiescit. Nam cum irasci desinit nunquam, sed incessanter affligit, quamvis iustitiæ satisfiat æterno supplicio; tamen offenso, tunc intelligimus esse satisfactum, cum eum aliquando placatum recipimus. Porro duplex est, ut hic etiā commemorat, satisfactio. Id quod explicare docendi gratia, sic (ni fallor) haud incommodè possumus; ut alia sit satisfactio in pœna, alia satisfactio pro pœna. Cum enim lege fixa est pro offensæ pœna, ut, verbi gratia, effossio oculi, amputatio manus, patibulum, &c. hæc pœnas si quis iudicij decreto subire cogitur, eius est in pœna satisfactio. Sin autem permutatio, & pœnæ eius, quam lege fixam diximus, redemptio quædam & compensatio recipitur; velut mulcta pecuniaria, aut vltro neum quodpiam erga eum qui læsus est officium servitutis, hæc erit pro pœna satisfactio nuncupanda. Cum igitur destinatum peccato supplicium propriè futuri seculi sit, quod tempus non frustra

stra iudicij, quemadmodum Augustinus annotauit, significatur esse in diuinis literis; velut cum ait Apostolus, Statutum esse hominibus mori, post hoc autem iudicium; quisquis post hanc vitam ob suas offensas in ærumna est, temporarium de manu Dei supplicium excipiens, eius est satisfactio in pœna. At si quis non hoc expectet, vt in vltices incidat Dei manus, sed præueniendi studio, pœnas hic de seipso pro culpæ magnitudine expetit, seque ipsum affligit modis Euangelica & Apostolica doctrina probatis, vt ieiunijs, vt orationibus, vt pijs vigilijs, vt subtractione propriæ substantiæ ad eleemosynas largiendas, aliisque eiusmodi carnem affligentibus officiis; quoniam talem commutationem, siue redemptionem diuina recipit benignitas, suæque misericordiæ præcepto requirit, cum iubet dignos fructus pœnitentiæ facere, aut peccata redimere eleemosynis, huius ergo satisfactio pro pœna esse censenda est. Seipsum enim hic punit, vt præparatam in futuro seculo pœnam euitet. Quæ vltro suscepta, & ex offensiæ sincero dolore oblata Deo satisfactio, pergrata illi & accepta est, pleniorēque gratiam & vitam æternam promeretur. Atque hæc talis pœnitentiæ satisfactio est, quam hic agere iubemur. Altera verò futuri seculi satisfactio, nō ad nostrum pertinet officium, sed ad Dei iudicium, qui illic animaduertit in eos, qui seipsum hic non iudicauerunt, iuxta id quod scriptum est; Si nos ipsos iudicarem, non vtique a Do-

I. Cor. II.

mino iudicemur. Cùm autem iudicamur, à Domino corripimur, ut non cum hoc mundo damnemur. Cùm igitur in nosipfos, pœnitentiæ dolore extimulati vlciscimur, tum ipsi Domino satisfacimus. At cum nos ipse Deus iudicans flagellat post hanc vitam, atque acerbis exripit cruciatibus, magis ipse sibi de nobis satisfacit, corripiens nos & repurgans penitens, ut à perdita mundi societate segregemur. Nam si id in hac vita subindè facit, morborum, mortiumque plagas immittens, quemadmodum

1. Cor. 11. loco memorato significavit Apostolus, quid alienum si quod hic non fecit, post hanc vitam facere credatur, præsertim cum illud tempus, sicut dictum est, propriè iudicii dies, tempusque sit? Si quis autem obijciat in Purgatorio pœnam temporariam suscipi, ut æterna non incurratur, sicut docere videtur Augustinus lib. 21. de ciuit. Dei, cap. 24. cùm ait, quosdam in futuro sæculo, post pœnas consecuturos esse misericordiam, ne in ignem mittantur æternū. Et eiusdem libri capite 3. Quibusdam, inquit, quod in isto sæculo non remittitur, remitti in futuro, id est, ne futuri sæculi æterno supplicio puniantur iam diximus. Eiusmodi igitur sententias ex Augustino collectas, si quis obijciat, tanquam quæ significant, Purgatorij pœnam satisfactionem esse pro pœna; temporariam videlicet pro æterna; responderi poterit, hæc ideo dixisse Augustinū, quod per remissionem quæ fit in hac vita virtute clauium, reatus damnationis

tionis æternæ, in supplicium temporariū commutetur; ideòq; hoc pro illo suscipi: quia nisi esset Dei benignitate ea facta commutatio, vigore tamen præstitæ hic condonationis, illa æterna fuerat subeunda.

Tertiam adiungit Aretius Purgatorij notationem, his verbis: *Summa angelica inquit. Est pœna grauissima, minor tamen quam infernalis. Opinor, pœna illi dicitur, quia non pro culpa, sed pro pœna diluenda est institutum.*

Pœnam verè dixit grauissimam, comparisone suppliciorum vitæ huius: quæ tametsi magna sæpè acerbæque sunt, tamen cum futuri sæculi purgatorij comparata cruciatibus, parua ducuntur. Sententia est hæc D. Augustini, cùm scribit in Psalmum 37. atque in eum versiculum; Domine ne in furore tuo arguas me, sic commentatur; vt deprecari Prophetam significet futuri sæculi pœnas, quas Domini furor infert. Atque ad id proferens Apostoli testimonium, de his qui salui futuri sunt per ignem, *1. Corint. 3* inter cætera sic dicit: Quia dicitur, saluus erit, contemnitur ille ignis. Ita planè, quamuis saluus per ignem; grauior tamen erit ille ignis, quam quidquid potest homo pati in hac vita; & nouimus quanta hic passi sunt mali, & possunt pati. Hæc Augustinus. Sed quamuis pœna hac comparisonem grauissima sit, minor est tamen quam infernalis. Primum, quia illa temporaria est, hæc æterna: siquidem ad damnationis & infelicitatis magnitudinem, incredibiliter

biliter facit ipsa æternitas; cum cogitatur quantumcunque temporis detractum sit, tamen adhuc infinitum esse quod restat. Deinde, ut sit par subindè cruciatus ab igne, tamen illic mirifice consolatur, summi boni vel post longa tormenta adipiscendi securitas. Hic extremum malum est, à facie Dei sine spe reuocationis esse proiectum. Cuius quidem mali magnitudinem D. Augustinus expendens episto. 75. quæ scripta est ad Auxilium, negat cum damno vnius animæ infantis sine regenerationis lauacro decedentis, innumerabiliū mortes corporum posse comparari. Ideoque & D. Chrysostomus hoc ipsum vigilanter nostræ considerationi subijciens: Ponamus, inquit, ante oculos, quanti doloris sit excludi ac proijci à regno celorum, quod ut mihi videtur, grauius est ipsa gehenna. Nam etsi ignis ille non arderet, & immortalis illa pœna non esset parata, hoc solum quod alieni efficimur à Christo, & excludimur à bonis æternis, nonne omni pœna cruciabilius diceretur? Ex quibus Chrysostomi verbis elucet pœnas inferni & purgatorij, non sola æternitate differre (quod ab omnibus concedi, Lutherus temerè affirmabat) sed ipsa omninò pœnæ damnationisque natura. Aliud quippè est regnum differri, aliud penitus auferri. In quo inest pœnarum ingens distantia, etiamsi ignem eiusdem rationis, paremque ab eo interdum existere cruciatum utrobique fateamur. Tribus autem hisce purgatorij descriptioni-

*Libro 1. de
confunct.
cordis.*

*Vide apud
Rossensem
art 37.*

ptionibus, ad hunc modum breuiter explicatis, videndum iam est, quónam modo eas, hic noster Benedictus, non bene dicendo labefactare conetur.

Aduersus primam descriptionem Aretij obiecta diluuntur. CAP. III.

Prima definitio, inquit, eò mala est, quia tria constituit loca, cum sacra litera tantum Caelos norint & Infernum post hanc vitam, dextram & sinistram; quemadmodum totum mortalium cœtum in hados & oues partitur Matthæi 25. Sinistris & dextris solum loquitur rex ille glorie. Et virgines solum prudentes & stolidæ sunt. Ager Dominicus solum zizaniam & triticum fert. Rete euangelicum, bonos & malos pisces, nullos inter medios capit. Non debuit igitur locus tertius induci sine certo Dei verbo. Quod quam verè dicatur, audi Aug. differentem contra Pelagianos librò 5. Tertium locum ignoramus penitus, immò nec esse in scripturis sanctis inuenimus. Finge Pelagiane locum ex officina dogmatis tui, ubi alieni à Christi gratia, vitam requiei & glorie possidere paruuli possunt. Pelagianos euertit quod malè negarent infantibus baptismum, quia tertius nullus dari potest locus inter calum & inferos post hanc vitam. Pari argumento exploditur Purgatorium, quia tertius non est locus inter vitam beatam & damnationem.

Principiò, Areti, cum ais, sacras literas cœlum tantum nosse & infernum, si constare tibi velis, nomi-

nomine inferni locum intelligis damnatorum, seu reproborum, in quo gehenna est & suppliciorum æternitas. Nam si de inferis loqueris, quomodo scriptura loqui solita est, velut cùm

Genes. 42. ait Iacob: Trahetis canos meos cum dolore ad inferos. Cùm ait Anna illa Samuëlis mater in

1. Reg. 2. Canticò; Dominus mortificat & viuificat, deducit ad inferos & reducit. Cum deplorat

Isaie 38. Ezechias; Ego dixi in dimidio dierum meorum, vadam ad portas inferi. Cum in Christi

Psal. 29. persona, gratulantis voce dicitur; Domine eduxisti ab inferno animam meam, saluasti me à descendantibus in lacum. Cum idem ipse lo-

Psal. 15. quitur de sua resurrectione securus; Quoniam non derelinques animam meam in inferno, nec dabis sanctum tuum videre corruptionem. Quomodo etiam inter fidei nostræ articulos ponitur, Christum ad inferos descendisse: tum etiam si dederimus scripturam diuinam præter Cælum & Inferos nihil nosse, non id magis Purgatorij nobis assertionem extorserit, quam Limbi, vt passim vocant, patrum: vtrumque enim apud inferos promptissimè intellexerimus. Nam sicut cæli nomine vnus designatur locus, in quo tamen pro varietate meritorum mansiones multæ, variaque receptacula sunt beatarum animarum: ita etiam latissimè patent inferi, iuxta familiarem scripturis vsum; locusque licet ponatur vnus, in varia tamen est ille ipse, loca statusque diuisus. Nam & Patriarcharum, Prophetarumque spi-

citus,

ritus, laxati corporeis vinculis, in certam quam-
piam inferorum regionem deducebantur. Ne-
que enim cuiquam fas fuit in cælum conscen-
dere, priusquam sanctorum omnium princeps
Christus, victor cælos penetraffet; sed ascen-
dens ille, quemadmodum Apostolus ait, cap- *E. bes. 4.*
tiuam duxit captiuitatem, homines nimirum
diaboli faucibus ereptos, ascendens duxit in
cælum, viamque hanc ignotam antea, minime-
que tritam primus aperuit; vt quo præces-
serat caput, eodem deinceps membra seque-
rentur. Et quamuis (ait Ambrosius in com-
mentario) captiui & inuiti & alieni ducantur;
Saluator tamen & suos duxit & voluntarios.
Ac rursum: Ex inferis, inquit, resurgens ante
omnes mortales ascendit super cunctos cælos,
vt illam mortem ostenderet creaturæ. Sic ille
commentarius. Iuxta familiarem ergo scriptu-
ris vsum, ecce duo loca tantum, cælorum & in-
ferorum: & tamen ea re nihil obstante, Purga-
torium, sicut & Limbum, pulchrè retinemus,
tanquam inferorum quasdam partes. Quibus
tamen locis qui inclusi tenebantur, firmissimo
interuallo discussi erant ab ijs, qui apud eosdem
inferos quasi in profundissimas atque terri-
mas partes deiecti, egressionis spem non habe-
bant. In quibus & ipse est princeps superborū.
Lucifer, sicut de eo scriptum est apud Isaiam: *cap. 14.*
Veruntamen ad infernum detraheris, in pro-
fundum laci. Quas partes si solas, inferni no-
mine pro vulgato magis loquendi modo quam
pro

pro vñ & consuetudine scripturarum Aretius hic noster intelligit, videt iam quam alienum à vero sit quod assumit, sacras literas duo tantum loca nosse, Cælum & Infernum reproborum. Etenim sanctos illos Iudæorū pariter & Christianorum patres, non in cælo fuisse ante Christi ascensum, sed apud inferos potius, nec tamen loco damnatorum; si præter scripturam canonicam, qua & sedulus operator, cultorque

Eccles 9. iustitiæ properare dicitur ad inferos, Patrum quoque testimonijs docere voluerimus, aderit continuò grauissimorū scriptorum iustus numerus. Volut Irenæi in fine libri aduersus hæreses. Tertulliani lib. de Resurrectione carnis, & 4. contra Marcionem. Basilij in illud Psalmi, Veruntamen Deus redimet animam meam de manu inferi. Nazianzeni in oratione de Paschate. Ambrosij in oratione de fide resurrectionis. Epiphaniij in hæresi Tacianorum. Hieronymi in caput 4 ad Ephesios, & tertium Ecclesiasticis, & nonum Zachariæ. Augustini 17 de Ciuitate, cap. 11. & 20. cap. 15. Cyrilli libro 12 in Ioannem cap. 36. Gregorij Magni libro 6. epistolarum, epistola 179. & homilia 19 super Euangelia. Damasceni lib. 4. de orthodoxa fide cap. 29. Bernardi serm. 4. de omnibus sanctis. Anselmi in cap. 5. posterioris ad Corinthios: pluraque his suo loco videre licebit. Quod verò adiungitur de dextra & sinistra, de hædis & ouibus, de virginibus prudentibus & stolidis, de bonis malisque piscibus, quibus ad-

dere

dere licet (quod alij faciunt) austrum & aquilonem ex Ecclesiasticis capite II. vias item duntaxat duas morituris propositas, vnam vitæ, alteram interitus, inter quæ media non sint, ideoque tertium induci non debuisse locum, quis non videt quam sit futile? Non enim tertius inducitur locus, in quo qui sint, neq; ad dexteram, neque ad sinistram pertineant; neque ad austrum, neque ad aquilonem; aut neque sint in numero ouium, neque hædorum; aut medij sint inter virgines prudētes & fatuas; pisces bonos & malos. Sed sicuti Patres illi sancti, nondum in cælo erant collocati ad dexteram patris, sed apud inferos degebant, & ad dexteram nihilominus pertinebant; quomodo & omnes prædestinati mortalem adhuc in terris vitam agentes: vnde cum dictum esset piscantibus discipulis; Mittite in dexteram nauigij rete, quoniam illic erant ij quos Deus præordinauerat ad vitam, copiosam cepere piscium multitudinem. Sicut etiam iidem de numero erant ouium, quamuis nondum in cælum subuecti. Quod mirum non est, cùm dicat Christus; Alias multas oues habeo quæ non sunt de hoc ouili: & illas oportet me adducere. Si enim oues appellantur, quæ nondum erant adductæ in ouile, quomodo non oues censendæ sint, nondum etiam ad dexteram patris in cælo constitutæ? Vt denique Patres iidem inter prudentes non inter fatuas virgines; inter bonos, non malos pisces numerandi erant: ita

Ioan. 21.

Ioan. 10.

quoque illi, quos ad tempus purgatoria quædam claustra continent, non ad sinistram, sed ad dexteram (cum sint prædestinati) pertinere censendi sunt. Cumque iidem iusti sint, & misericordiæ aliarumque virtutum quibusdam officijs sibi prouidè prospexerint in futurum, & hic cibum oleumque sibi compararint; quoniam apud inferos non est cibum inuenire aut oleum emere; profectò à prudentium cetu virginum, segregari non possunt. Sed habet varios prudentia gradus, neque par in omnibus est, qui prudentes meritò dicantur: sicut non omnes æquè fortes, neque æquè temperantes. Qui proinde hic ita se ieiunijs macerant, orationibus, pijsque studijs affligunt, elemosynis ita præparatos inferorum redimunt cruciatus, ut nihil reliquum sit quod debeat flagello Dei post mortem expiari, inter prudentes iure prudentissimi habentur. Quomodo etiam non oues, à dextris, qui sint audituri: Venite benedicti patris mei? Quomodo non pisces boni, qui non abijciendi sint, sed in æternum beata felicitate conseruandi? Quomodo non habendi in aceruo granorum, qui sint in horrea Domini congregandi, non ut zizania colligandi in fasciculos ad combustionem æternam? Ab alijs quoque quod profertur de austro & aquilone, similem habet duorum extremorum, inter quæ medium nullum sit, rationem. Siquidem ad Aquilonem pertinent omnes reprobi, qui in diaboli parte futuri sunt: ad Au-
strum

strum omnes prædestinati; quia sunt, vel futuri sunt in parte & societate sanctorum, quos gratia tanquam in austro illuminat, fouet ac recreat. Nam diabolus, inquit Augustinus, & angeli eius à luce atq; feruore charitatis auersi, & nimis in superbiam inuidiamque progressi, velut glaciali duritia torpuerunt: & ideo per figuram tanquã in aquilone ponuntur. Vnde cum generi humano diabolus incubaret, de ventura gratia saluatoris dicitur in Canticis canticorum: Exurge aquilo, & veni auster, perfla hortum meum, & fluent aromata. Exurge qui irruisti, qui subditis incumbis, qui possessos premis; Exurge vt à tuo pondere releuati erigantur, quorum animas premendo curuasti; Et veni auster inquit, spiritum inuocans gratiæ flantem de meridie, velut à parte feruida & luminosa, vt fluant aromata. Vnde Apostolus dicit: Christi bonus odor sumus in omni loco. Hinc etiam dicitur in quodam Psalmo: Conuerte Domine captiuitatem nostram, sicut torrens in austro: Captiuitatem, scilicet qua sub diabolo, tanquam sub aquilone tenebantur, vbi abundante iniquitate friguerant, & quodammodo congelauerant. Hinc enim & Euangelium dicit: Quoniam abundabit iniquitas, refrigescet charitas multorum. At verò flante austro glacies resoluitur, & torrentes fluunt, id est, peccatis remissis, populi ad Christum charitate concurrunt. Hinc & alibi scriptum est: Sicut glacies in sereno, ita soluentur peccata tua. Hactenus

*Epist. 120
ad Honoratū,
cap. 22.*

Cap. 4.

2. Corin. 2.

Psal. 125.

Matth. 24

Eccles. 3.

nus Augustinus de austro & aquilone. Cuius authoris quam nihil deinde premat nos locus ex libro quinto Hypognosticon : facillimum erit animaduvertere, si eius verba plenius aliquantò prolixiusque recitentur. Interrogarat Pelagianum antea, ut præter regnum cælorum alium daret locum, ubi vitæ requies posset esse perennis. Talem enim Pelagiani fingeant, paruulis ijs qui sine baptismo ex hac vita migrauerant; ut neque essent in gehenna, neque in regno: sed alicubi tamen ab omni doloris & tristitiæ sensu remoti, vita quadam beata, eaque sempiterna fruerentur. Sed, primum locum (inquit Augustinus) fides Catholicorum diuina autoritate regnum credit esse cælorū; unde non baptizatus excipitur. Secundum gehennam, ubi omnis apostata, vel à Christi fide alienus, æterna supplicia experietur. Tertium penitus ignoramus, imò nec esse in scripturis sanctis inueniemus. Tertium igitur Augustinus locum ignorari dicit, imò reperiri posse negat, in quo videlicet qui sint, neque crucientur à gehenna, & tamen extra regnum vitam viuāt beatam. Vnde cum primò requirit à Pelagiano, ut talem designet vel fingendo locum; Finge, inquit, Pelagiane locum, ex officina peruersi dogmatis tui, ubi alieni à Christi gratia vitam requiæi & gloriæ possidere paruuli possint; consequentibus deinde verbis, ut palam faceret eum se tertium intelligi velle locum, in quo qui esset, non pertineret ad regnum aut gehen-

gehennam; non ad dextram, neque ad sinistram, ideoq; non ad vitam neque ad mortem; subiunxit continuò: Dextera est iusti iudicis sedentis & sinistra, regnum est & gehenna, vita est & mors, iusti & iniqui. In dextera igitur iusti sunt constituti, in sinistra operarij iniquitatis. In regno requies baptifatorum; in gehenna pœna incredulorum. Vita ad lætitiā gloriæ, mors ad fletum & stridorem dentium. Iusti in regno patris cum Christo; iniqui in igne æterno parato diabolo & angelis eius. Hæc Augustini verba in quo nostram sententiā infirmant? quid habent quod non libenter fateamur? an eos qui in Purgatorio ad tempus sunt; à dextera in qua sunt collocandi; à regno ad cuius possessionem vocandi sunt; à vita quam expectant certa securitate; à numero, & societate iustorum cum sint iusti, nostra opinione rejicimus? Quod alienissimum à nobis esse, si luce meridiana clarius est, qua fronte illa nobis obijciuntur? Præsertim cum ea quæ consequuntur, satis declarent D. Augustinum, sub regno compræhendisse ea omnia quæ referuntur ad regnum. Nam hoc dicens, inquit, non diuisiones locorum multorum dedi, nisi duorum tantum: quoniam ad duo, regnum videlicet & gehennam, hæc omnia referuntur, etiamsi plura dicantur. Dextera enim vita iusti, vel, sicut dixi, addamus iustitia, sanctitas, beatitudo, & cætera bona, quæ ad regni cælorum requiem referuntur. Sic ille. Cùm igitur in

Rom. 14.

Purgatorio, iustitia & sanctitas adsint, ea quoque pertineant ad regnum, consequens est illas etiam animas horum ratione ad regnum pertinere. Regnum enim Dei non est esca & potus, quemadmodum Apostolus ait, sed iustitia, & pax, & gaudium in Spiritu sancto. His autem frui bonis iustos posse, etiam in cruciatu, martyres testantur. Iam ergo regni participes illæ sunt animæ, quamvis plenius incomparabiliter maculis omnibus expurgatis regnaturæ. Denique cum hoc sit argumentum quo D. Augustinus Pelagianos euertit: Nullus dari potest tertius locus, in quo paruuli sine baptismo decedentes beati esse possint: ergo ut beati sint ac miseriam euitent, necessariò sunt baptizandi; quis non intelligat quam ridiculè dicatur pari argumento euerti purgatorium? Neque enim assumebat Augustinus, non esse medium locum inter beatam vitam & damnationem, quod iste præsupponit, nam Pelagiani haud grauatim id annuissent Augustino: Paruulos enim sine baptismo abeuntes, in extremo altero, hoc est, in vita beata collocabant. Sed hoc, quod dixi, assumebat, non esse medium locum inter regnum & gehennam, in quo vita posset esse beata, quæ tribueretur paruulis sine baptismo decedentibus: Quod idem si assumitur ad euertendum Purgatorium, vides agi perinde atque si quis aërem feriat ut solem extinguat. Docet sanè alibi quoque B. Augustinus, non esse locum medium, velut libro 21 de ci-

de ciuitate Dei capite 25. sed attende quo modo; nimirum vt non sit in æterno supplicio, qui nunquam sit futurus in regno. Sic enim ait: Iam inquit respondeamus etiam illis, qui non solum diabolo & angelis eius, sicut nec isti, sed ne ipsis quidem omnibus hominibus liberationem ab æterno igne promittunt: verum eis tantum qui Christi baptismo abluti & corporis eius & sanguinis participes facti sunt, quomodolibet vixerint, in quacunque hæresi, vel impietate fuerint. Sed contradicit eis Apostolus dicens: Manifesta sunt opera carnis, quæ *Galat. 5.* sunt fornicatio, immunditia, &c. quæ prædico vobis, sicut prædixi; quoniam qui talia agunt, regnum Dei non possidebunt. Hæc profectò apostolica falsa est sententia, si tales post quantalibet tempora liberati, regnum Dei possidebunt. Sed quoniam falsa non est, profectò regnum Dei non possidebunt. Et si in regni Dei possessione nunquam erunt, æterno supplicio tenebuntur: quoniam non est locus medius, vbi non sit in supplicio, qui illo non fuerit constitutus in regno. Hæc B. Augustinus, quibus nihil à nobis contrarium dici, luce meridiana clarius est; quando eos qui sunt in Purgatorio, non dubitamus futuros in regno.

Quomodo post hanc vitam nullus sit satisfactioni locus; ubi aduersus secundam descriptionem, Aretij argumenta dissoluuntur. CAP. IIII.

Altera definitio, inquit, eò mala est, quia satisfactionem transfert in futurum sacculum, seu post mortem defunctorum. Primum enim, tempus gratia solam in hac est vita, iuxta Apostoli sententiam Galatarum sexto. Dum tempus habemus, operemur bonum. Quod D. Hieronymus explicans, ait: Tempus sementis, tempus est presens, & vita quam currimus. In hac licet nobis quod volumus seminare: cum ista vita transierit, operandi tempus aufertur. Et Augustinus: In futuro solum est remuneratio & condemnatio. Hic autem, aut soluantur aut ligantur peccata. Et Cyprianus expressè inquit: Quando hinc excessum fuerit, nullus pœnitentia locus, nullus satisfactionis effectus relinquitur. Et Christus hoc ipsum docet exemplo Latronis, cui dicit: Hodie mecum eris in Paradiso. Et Ioã. 5. ait: Qui credit in eum, &c. de morte transit in vitam. Statuamus ergo bonos hinc transire ad vitam æternam; malos contra ad damnationem æternam: nec esse vllum locum pœnitentia, postquam semel mortui fuerimus. Præterea, nocens est illa opinio, cum homines securos faciat, quasi post mortem pœnitentiam agere possint; etiam si illam in hac vita negligant.

Haftenus ille. RESPONSIO.

Satisf-

Satisfactionem aliquam, Areti, ad futurum sæculum nonnulli transferunt, sed quæ neque actio frugiferæ pœnitentiæ, neque meritoria sit: tum quod illic per iudicium pœna legis incurritur quæ hic redimi potuisset, vt esset voluntatis non necessitatis satisfactio: tum quia nec patientia in perferendo, nec virtus vlla in agendo meritū habet post hanc vitam. Quippe alia est meriti, alia boni operis aut mali ratio. Quis enim neget, aut beatos spiritus benè, aut damnatos malè operari? & illorum quidē magnas esse virtutes, perfectamq; iustitiam; horū obduratissimam iniquitatem? Et tamen nec illi merentur præmium quod sunt assecuti, neque isti supplicium quo iam afficiuntur. Vt ergo bonum opus sine merito, ita & satisfactio quædam esse potest. Quemadmodum & contritio, seu dolor de peccatis admissis, ex dilectione iustitiæ profluēs, seu tristitia quæ secundum Deum est; & confessio, siue peccati sui humilis agnitio coram oculis diuinæ maiestatis; planeque ipsa pœnitentiæ virtus; sicut fides & spes, atque ex ipsa spe orta deprecatio, & charitas, post hanc vitam consistere sine merito potest. Non quia tum æquè bona non sint hæc, atque prius; cum etiam illic forsitan augeantur: sed quia merendi post hanc vitam nō sit locus. Etenim vsque ad mortem voluit Dominus merendi tempus extendere, vt quæstus hic interim posset fieri cumulator, præmiaque maiora, & vberiora gaudia, comparari. Post

verò, iudicium esse ex quo quisque secundum merita hic cōparata reciperet. Nemo proindè aut vitam æternam, quam hic non fuerit meritus, mereri post hanc vitam potest, neq; vllam conciliare sibi misericordiam & gratiam, quam in hac mortali vita non conciliauerit: sed quæcunque illic misericordia præstabitur, ea dabitur intuitu meritorum vitæ huius; non autem propterea quod illic primum fuerit impetrata. Non enim emerendæ vel impetrandæ gratiæ tempus illud est; sed benè si quis eam hic est meritus recipiendæ. Fatemur proindè hic solum esse gratiæ tempus; non quod ea tantummodo hic detur: Alioqui quomodo scriptum erit: Gratia Dei vita æterna? &: Qui coronat te in miseratione & misericordia? Quomodo item beati misericordes, quoniam ipsi misericordiam consequentur? Ac rursus: Iudicium sine misericordia ei qui non fecit misericordiã. Vnde colligitur eius qui misericordiam fecerit, iudicium misericordia esse temperandum. Quo etiam pertinet quod illa dicebat fortissima septem filiorum mater, vltimum adhortās ad martyrij constantiam. Dignus fratribus tuis effectus suscipe mortem, vt in illa miseratione te recipiam. Et iterum: Qui formauit hominis natiuitatem, quiq; omnem inuenit originem, & spiritum vobis iterum cum misericordia reddet, & vitam. Et si propterea hic tantum gratiæ tempus est, quod illic nulla gratia detur, quomodo ipsi vitam æternam vsque

ad cō

Roma 6.

Psal. 102.

Matth. 5.

Iacob. 2.

2. Mach 7.

adeò intelligunt esse gratiam, vt nullo merito reddatur indignis? Ecce ipsorum confessione quanta est hæc gratia, quæ post mortem datur. Quomodo ergo tempus gratiæ, solum est in hac vita? Primum, quia gratia quædam est, & ea quidem præcipua, quæ non nisi hoc tempore conceditur. Ea nimirum est gratia conuersionis, qua mundo & peccato reiecto, ad Deum atque iustitiam animus conuertitur; siue ipsa iustificatio prima, qua ex iniusto iustus, ex inimico amicus, ex seruo liber ac filius quispiam efficitur: Ea cum hic præstita non fuerit, post hanc vitam nemini tribuetur. Sera ergo illic erit, ad obtinendam reconciliationem & amicitiam Dei, pænitentia. Deindè, quod ad reliqua pertinet; quæ ad Domini gratiam & misericordiam spectare noscuntur, tempus hoc solum est promerendæ impetrandæque à Domino gratiæ; vt siue hic donetur, siue post hanc vitam, non tamen alijs votis, precibus, satisfactionibus, quam ijs quæ in hac vita susceptæ sint, impetrata, obtenta, & conciliata esse, debeat intelligi. Neque verò video quid obster, quo minus interpretemur, propter vtrumque horum à B. Paulo dictum esse: Dum tempus *Galat. 6.* habemus operemur bonum ad omnes; maxime autem ad domesticos fidei. Primum enim hoc ait: exerceamus hic erga proximos officia charitatis: neque solum erga Deum, verum etiã erga fratres nostros, Christiano dignos geramus affectus. Nam eius vitæ hoc nunc tem-

pus

2. Corin. 6.

pus est: quod si præterierimus, atq; id per igna-
uiam & malos mores exegerimus, frustra nos
alios sperauerimus futuros post hanc vitam.
Significat ergo primam illam, conuersionis &
bonæ Christianæ quæ vitæ gratiam, non nisi in
hac vita dari. Propter quod Apostolus ait alio
loco: Ecce nunc tempus acceptabile, ecce nūc
dies salutis. Nam salutem, qui hic non pararit
sibi, ei quæ maturè consuluerit, de nihilo eam
quærat postea. Præterea & hoc compræhen-
sum arbitror, vt moneamur hic merita compa-
rare, quibus post hanc vitam leuemur. Id etiam
huius duntaxat est temporis. Atque tum hoc
dixerit Apostolus: Dum merēdi tempus affue-
rit, ne cessemus bonorum operum accumula-
re nobis merita. Illud etiam Ecclesiastici deci-
mo quarto capite scriptum: Antè obitum tuū
operare iustitiam, quoniam non est apud infe-
ros inuenire cibum. Rursum (quod illi simile
est) apud Ecclesiasten capite 9. Quodcunque
facere potest manus tua, instanter operare;
quia nec opus, nec ratio, nec sapientia, nec
scientia, erunt apud inferos quo tu properas,
potest ad utrūque referri, hoc est, ad boni ope-
rationem, comparisonem quæ iustitiæ, & me-
riti rationem. Tanquam si diceretur; Si non
fueris ante obitum iustitiam operatus, non
eam post obitum comparabis: & si hic tibi bo-
na merita non congregaueris, nullus erit po-
stea merendi locus, etiam si non desit operandi.
Hoc ipsum D. Augustinus clarissimè scriptum
reli-

reliquit, Enchiridij cap. 110. Hic inquit, omne meritum comparatur, quo post hanc vitam releuari quisquam possit vel grauari. Nemo autem speret quod hic neglexerit, cum obierit apud Deum promereri. Sed & Diuus Hilarius eandem sententiam, doctè & grauiter expressit, in explanatione Psalmi 51. Non enim confessio peccatorum (inquit) nisi in huius sæculi tempore est, dum voluntati suæ vnusquisque permissus est, & per vitæ licentiâ habet confessionis arbitrium. Decidentes namque de vita, simul & de iure decidimus voluntatis. Tunc enim ex merito præteritæ voluntatis, lex iam constituta, aut quietis aut pænæ, excedentium ex corpore suscipit voluntatem. Cuius temporis non iam liberam sed necessariam voluntatem ostendit propheta, dicens. Non est mihi in diebus illis voluntas. Cessante enim voluntatis libertate, etiam voluntatis, si qua erit, cessabit effectus. Transire namque ad Abraham volens diues, chaos medio non sinitur; cum tamen per libertatem voluntatis in Abraham sinibus esse potuisset. Interclusa est ergo libertas voluntatis, quia confessio nulla sit mortuis, secundum id quod dictum est: In inferno autem quis confitebitur tibi. Hæc D. Hilarius. Quibus pulchrè cōsonat quod ait D. Hieronymus in Epistolam ad Galatas scribens: Tempus seminis, tempus est præsens & vita quam currimus. In hac licet nobis quod volumus seminare: cum ista vita transierit, operandi tempus aufer-

Luca 16.

Psalm. 6.

Sapient. 5.

aufertur. Quæ iste verba, more peruerso, ad suum detorquet institutum. An enim existimandum est D. Hieronymum significare voluisse animas post mortem esse otiosas, & sicut quidam somniant, dormire eas vsque ad extremum iudicij diem? nihil operabuntur sancti post resurrectionem, laudantes assidue redemptorem suum, & perpetuum alleluia canentes? nihil impij, qui iustorum salute conspecta turbabuntur & dicent: Ecce hi quos habuimus in derisum? Quomodo ergo per mortem operandi tempus aufertur, nili quia nullum erit merendi? Sed vt non sequitur nullum fore post hanc vitam opus bonum, quia nullum erit meritum; ita prorsus effici non potest, nullam esse futuri seculi satisfactionem, quia nullum possit ibi meritum comparari. Quid autem hunc Cyprianus adiuuat, quia dicat scribens contra Demetrianum, quando hinc excessum fuerit, nullum relinqui pœnitentiæ locum, nullum satisfactionis effectum? Primum enim hoc dicere vult: si cum Deo hic non redierimus in gratiam, nobisque eius amicitiam, pœnitendo, & pro delictis satisfaciendo conciliauerimus, frustra quæsituros post hanc vitam aditum aliquem quo possimus ad Dei gratiam peruenire. Infidelē quippe Demetrianum adhortatur, vt credat, agatque pœnitentiam, tantisper dum viuit; quia (inquit) hîc vita amittitur, aut tenetur: Hîc saluti æternæ cultu Dei, & fructu fidei prouidetur. Nunquid fideli & iam amico

amico & iustificato dicitur : Nisi hic plenissimam fueris affecutus remissionem peccatorū, nulla postea vitę spes, nulla expectanda remissio ? Non ergo illic amicitiam inchoari, quę prius nulla fuerit dicimus, sed hęc cęptā munere iustificationis, posse illic perfici, minimē dubitamus : non illic frugiferę pœnitentię, cū hęc acta non sit, locum facimus : sed si hęc acta quidem per contritionem & confessionem, & aliquantam, saltem in desiderio, satisfactionem, minus plenē peccatum expiauerit, pœnalque aliquas temporarias propter insufficiētiā sui reliquerit, has dicimus post hanc vitam expendi, istoque modo satisfieri Deo, vt eius ira conquiescēte, post pœnam, plenē purgatas animas ad sui vultus conspectum admitrat. Loquitur deinde Cyprianus de satisfactione ea qua peccata redimuntur, quęq; pro pœna abolenda suscipitur, non ea quę in ipsa pœna per Dei iudicium sustinetur. Demetrianum quippe, eiusque similes hortabatur, vt maturē sibi consulerent, prouiderentque in futurum, & satisfactionibus vltroneis futura supplicia euitarent : idque hic monebat faciendum esse, quoniam post hanc vitam nullus sit talis satisfactionis effectus, cuius intuitu pręparata alioqui supplicia relaxentur. At Augustini forsitan magis verba premunt, quia dicat in futuro solum esse remunerationem & condemnationem ; item hic, & non ibi videlicet, peccata solui & ligari. Quę molestię quidem affer-

afferrent nonnihil, si cogeremur omnem futuri sæculi remunerationem seu retributionē, in ipsa beatone & regno constituere, aut omnem condemnationem in gehenna: verum id necesse non est, quia nisi & ipsa misericordia qua parcit Deus & indulget, de quæ iudicij sui seueritate remittit aliquid, ad ipsam quoque futuri sæculi remunerationem pertineret, non legeremus scriptum; Beati misericordes, quoniam ipsi misericordiam consequentur; quod ad futurum maximè sæculum pertinere cæteræ ostendunt beatitudines, in quibus quod promittitur propriè futuri sæculi est. Nō etiam, Onesiphori domui precaretur Paulus misericordiam in illa die, propterea quod ipsum pio miserationis officio refrigerasset, atque adiuiuisset. Non alia dicerentur, quæ supra de futuræ vitæ misericordia protulimus, nisi misericordiæ, quæ hic præstatur ab homine, aliqua esset futuri sæculi remuneratio, ipsa Dei misericordia. Nam & hanc Propheta inter retributiones connumeravit, cum ait: Benedic anima mea Domino, & noli obliuisci omnes retributiones eius. Qui propitiatur omnibus iniquitatibus tuis, & sanat omnes infirmitates tuas. Qui coronat te in misericordia & miserationibus. Plena igitur illa propitiatio, quæ in futuro sæculo tribuitur, remuneratio est, sicut etiam quod omnes sanat languores & infirmitates nostras. Quæ quidem remuneratio, non his quæ aguntur post hanc vitam comparatur,

ratur, sed iam vitę huius officijs comparata est; vt hic quoque intelligendum sit quod B. Apostolus dicit; Deum vnicuique redditurum secundum opera sua: Item quod scribit in posteriore ad Corinthios: Omnes nos manifestari oportet ante tribunal Christi, vt vnusquisque referat propria corporis prout gessit, siue bonum, siue malum. Ipsam quippe illam misericordiam, qua omnimoda hęc peccatorũ abolitio, plenaque remissio, recipiet quisque secundum ea quę gessit in corpore suo; non secundum ea quę illic gesturus est. Ideoque sic erit misericordia, vt tamen ad iustitię pertineat retributionem, ipsa quę illic fiet remissio peccatorum: quemadmodum B. Augustinus eam rem explicauit in libro de correptione & gratia, capite 13. his verbis: Numerus ergo sanctorum, inquit, per Dei gratiam Dei regno prædestinatus, donata sibi etiam vsque in finem perseuerantia, illuc integer perducetur, & illic integerrimus iam sine fine beatissimus seruabitur, adhærente sibi misericordia saluatoris sui, siue cum conuertuntur, siue cum præliantur, siue cum coronantur. Nam & tunc esse illis Dei misericordiam necessariam, sancta scriptura testatur, vbi sanctus Dauid de Domino Deo suo dicit animę suę: Qui coronat te in miseratione & misericordia. Dicit etiam Iacobus Apostolus, Iudicium sine misericordia illi qui non fecit misericordiam: vbi ostēdit etiam in illo iudicio in quo iusti coronantur, iniustiq;

Rom. 2.

Cap. 5.

Psal. 102.

Cap. 2.

C dam-

damnantur, alios cum misericordia, alios sine misericordia iudicandos. Propter quod etiam

2. Mach. 7.

mater Machabæorum filio suo dicit: Vt in illa miseratione cum fratribus tuis te recipiam.

Prover. 20

Cùm enim rex iustus, sicut scriptum est, sedet in throno, non aduersabitur ante eum omne malum. Quis gloriabitur castum se habere cor, aut quis gloriabitur mundum se esse à peccato? Ac per hoc etiam ibi Dei misericordia necessaria est, qua fiet beatus cui non imputavit Dominus peccatum: sed tunc pro bonorum operum meritis, iusto iudicio etiam ipsa misericordia tribuetur. Cùm enim dicitur:

Iacob. 2.

Iudicium sine misericordia illi qui non fecit misericordiam, manifestatur in his in quibus inveniuntur bona opera misericordiæ, iudicium cum misericordia fieri, ac per hoc etiam ipsam misericordiam meritis bonorum operum reddi. Hactenus D. Augustinus, perspicuè docens, misericordiam qua in illo iudicio iustis quædam peccata remittentur, ad futuri sæculi retributionem iustam pertinere. Iam & ipsa quoque futuri sæculi bipartita damnatio est: Alia æterna; alia temporaria. Neque enim sine aliqua damnatione quisquā per iudicis sententiam pœnæ vel temporariæ destinatur, quando & reos hîc damnari dicimus, vel ad metalla, vel ad carceres, vel alia supplicia etiā finienda. Idcirco

Enchiridij

cap. 110

B. Augustinus; Preces & sacrificia aliâq; officia misericordiæ, quæ pro defunctorum animis fiunt hîc à fidelibus, ad id prodesse dicit quibus

pro-

profunt, vt sit plena remissio, aut certè tolerabilior fiat ipsa damnatio. Neque enim in ijs verbis, Augustinus æternam reproborum damnationem intelligit, pro quibus sciebat in Ecclesia non orari, haud magis quam pro dæmonibus; sed temporariam quarundam animarum, quæ in hac vita non ea sibi merita parauerant, vt ad plenam condonationem possent eis à corpore diuulsis, suffragia prodesse viuorum. Ex his, opinor, perspicui potest, quam nihil nobis metuendum sit quod dicit Augustinus, in futuro nihil aliud fore quam remunerationem aut condemnationem. Amplectimur enim hoc, verissimeque dici cõsemus; quia & ipsa quæ illic fit peccati remissio, remuneratio est; & temporaria ipsa pœna, damnatio. Quod autè additur, solum hic peccata solui & ligari, ad clauium Ecclesiæ pertinet vsum, quo pœnitentibus & delicta sua confitentibus, absolutio per sacerdotē impenditur, id quod procul dubio vitæ huius est, non futuræ. Neque enim in futuro pœnitentia suscipitur, aut confessio fit ad consequendam absolutionem ministerio clauium: sed hoc necesse est in ista vita præcesserit, (nisi id forte angustia temporis exclusum est) vt sperari salus possit in futura. Cùm igitur author ille (neque enim Augustinus est) contra Nouatianum disputaret, negantem eum qui in idololatriæ crimen esset prolapsus, posse per clauis Ecclesiæ reconciliari Deo, & vtilem agere hîc pœnitentiam; argu-

mentatur hunc in modum. Constat ex scripturis etiam idololatram posse per pœnitentiam recuperare salutem, ergo debet ei in hac vita prodesse ad remissionem pœnitentia. Si enim hîc ad reconciliationem non profit, in futuro sæculo non proderit, ubi non est tempus impetrandæ vel emerendæ reconciliationis, sed duntaxat remunerationis & damnationis.

Quamobrem si concedendum est utiliter agi posse de quantocunque crimine pœnitentiam, ut videlicet absolutio consequatur, redeaturque in pristinum iustitiæ & gratiæ statum, profectò necesse est hîc illa agatur, ubi prodesse possit; quæ hîc prætermissa, in futuro prodesse non poterit, quia nec illic à quoquam veraciter agetur. Sic autem se habent verba quæ leguntur in quæstionibus ex utroq; testamento mix-

*Questio 102
de pœnitentia
et
medium.*

tim positis: Ecce, inquit, quantus profectus est pœnitentiæ. Sed fortè dicatur econtra. Concessa quidem est, sed non de crimine idololatriæ: quamvis enim graua sint, maius est tamen crimen idololatriæ. Rectè tamē explosa est non ex modica parte Nouatiani assertio, quæ duo crimina graua concessa pœnitentiæ videntur; Quia si fornicationi ignosci non debet, sicut Nouatiano videtur, quāto magis homicidio aut adulterio? Sed hinc vanitas eius apparet, quando hæc quæ graua sunt, concessa probantur. Quamobrem nūc an idololatriæ concedi posse promiserit Deus requirendum est. Omne enim quod iure hic concessum non fuerit, nec in futurum

turum poterit concedi. Hic enim sicut dixit Dominus, aut ligantur, aut soluantur peccata: *Matth. 16*
 In futuro autem, nihil aliud erit, nisi remuneratio aut condemnatio. Omnis enim qui hic iure reprobatur, non poterit eligi, aut dignus in futurum iudicari. Sic ille. Quid autem lugulentius, quam ibi nō esse sermonem de iusto homine & reconciliato, quasi non possit is post mortem, pleniorē veniam consequi, sed de idololatra & impio? qui si per pœnitentiam hic non sit à tanto crimine absolutus, post mortem non sit reconciliationem impetraturus. De iustis verò hominibus, si Diuus Augustinus id persuasum habuisset, nullam posse aut potuisse vnquam solutionem peccatorum fieri post hanc *Lib. 17 de*
 vitam, non incunctanter diceret, Christum ad *ciuit Dei,*
 inferna descendisse, propter quorundam sol- *cap. 12.*
 uenda vincula peccatorum.

Quæ sit Fulgentij doctrina, de remissione in hoc tantum sæculo obtinenda.

CAPVT V.

EXtant & apud Diuum Fulgentium sententiæ similes, quæ imperitis, & non satis attentis lectoribus offundunt tenebras. Velut libro 2. de remissione peccatorum cap. 20, Hinc est, inquit, quod beato Petro, hoc est, Ecclesiæ suæ, in terra ligandi soluendique tribuat potestatem, vt agnosceremus in tempore huius vite gratuitam tribui in peccatorū remissione mise-

ricordiam : in futuro autē iustam cunctis mercedem pro factorum qualitate reddendam, nec ambigeremus nūc omnia posse peccata dimitti, & nunc quæcunq; non fuerint dimissa, tunc exigi. Et cap. 21. Præsentis, inquit, sæculi tēpus, misericors Dominus & iustus solū remissionis beneficio deputauit, futurum verò iustæ retributioni seruat, quo vnusquisque pro qualitate credulitatis & operis, condigna, sed non finienda, recipiat. Et capite 4. eiusdem : Illud etenim tempus, non erit remissionis sed retributionis, nec indulgentiæ sed vindictæ. Estque in ijs libris hūc Fulgentio propositum, vt doceat remissionem peccatorum, post hanc vitam nemini dari, cui hūc data non sit. Verum quid intelligat nomine remissionis peccatorum, diligenter intuendum est. Sicut enim iustificationem, docendi gratia, facimus duplicem; vt alia sit prima qua remouetur iniustitia, alia secunda qua iustitia augetur & perficitur, de qua videlicet scriptum est: Qui iustus est, iustificetur adhuc. Et iterum: Qui lotus est, non indiget nisi vt pedes lauet. Quibus verbis insinuat^r prima quædam lotio seu iustificatio, quæ lauacro regenerationis efficitur, quæque ipsum in primis lauatur caput; Secunda, qua quotidie pedes repurgantur à puluere sæculari. Vnde & Augustinus primam libertatem dicit carere criminibus: secundam significans eam quæ ipsa quoque venialia, suppressis concupiscentiæ motibus, minuuntur à proficientibus atque à

per 2

perfectis penitus absterguntur. Sic remissio peccatorum prima quædam est, qua reconciliatur inimicus; alia secunda, qua perficitur ipsa propitiatio, quaque indies etiam amicis quotidiana peccata donantur, quam utique petunt filij Dei, qui Deum patrem appellant suum; cum precantur; Dimitte nobis debita nostra. Neque *Matth. 6.* enim iniustus erat Apostolus, aut de solis loquebatur iniustis cum diceret: In multis offendimus omnes. Neque B. Ioannes in epistola sua prima iustos volebat exceptos esse cum scriberet: Si dixerimus quia peccatum non habemus nos ipsos seducimus, & veritas in nobis non est. Quocirca remissio de qua subiungitur: Si confiteamur peccata nostra, fidelis est & iustus ut remittat nobis peccata nostra, & emundet nos ab omni iniquitate; proculdubio ea remissio est, qua & iustis & cum Christo societatem habentibus pijs sanctisque hominibus, aut prius remissa plenius donantur, aut quotidie admissa remittuntur ea sine quibus difficillimum est conuersationem, quamlibet sanctam & castam, inueniri. Ideoque & B. Iacobus in epistola, de iusto loquens infirmo & vngendo, ipsiusque vñctionis & orationis fructum ostendens; Si in peccatis, inquit, sit, remittentur ei. Et David post translatus ab eo peccatum, Dele, inquit, iniquitatem meam. Et *Psalms. 50.* Dinus Hieronymus, Petrum qui tamē ob hoc ipsum amare iam fleuerat, scribit trinam negationem trina confessione deleuisse. *Ad Oceanū de vita Fabiola.* Consti-

*Psalms. 31.
Rom. 4.*

tuerendum est igitur, non solum iniusto hominī
ad hoc peccata remitti, vt iustus fiat, de qua re-
missione dictum est in Psalmis (quod & Pau-
lus citat) Beati quorum remissæ sunt iniquita-
tes: verum etiam iniusto, & benè laudabiliterque
vienti, vt euadat iustior, pleniusque munde-
tur ab omni iniquitate. Sed sicuti est vñtatiuſ,
vt iustificari dicamus hominem cum sit iustus
ex iniusto, promptiusque & familiarius primā
iustificationem eo verbo cum nihil additum
est accipimus: sic etiam cum remissionem pec-
catorum dixit Fulgentius, in hac duntaxat vi-
ta dari, eam intellexit, pro loquendi consuetu-
dinē, qua reconciliatur iniquus, & qua pecca-
tor in gratiam atque amicitiam cum Deo reci-
pitur. Hoc vt dubium non sit, ejus verba ce-
leriter efficient. Ait enim sic: Non de re par-
ua differimus, nec vile aliquid quatimus, cum
de remissione peccatorum, quantum diuina
largitas adiuuat, disputamus. Per hanc enim
de potestate tenebrarum eripiuntur, quos Deus
transferet in regnum filij dilectionis suæ; Per
hanc liberantur ab æterna pœna, vt potian-
tur æterna lætitia: Per illam deponitur onus,
seu quod natiuitas vitiosa attraxit, seu quod ini-
quitas vitiosę iuuentutis adiecit: Per ipsam gra-
tis iustificatur impius, vt reputetur fides ejus ad
iustitiam: Per illam caret mala vita qua fuerat
implicatus, & accipit gratis bonam qua fuit
indignus. Per remissionem peccatorum gratis
homines discernuntur ab illis qui cruciabun-

tur

tur in æternum cum diabolo, & adiunguntur his qui sine fine regnabunt cum Christo. Hæc eo loco; Et ideo cum dixisset capite 6. libri 2. Illud etenim tempus non erit remissionis, sed retributionis; continuò secutus adiunxit. Non ibi misericordia iustificabit impium: sed iustitia discernet iustum & impium. Et alia eodem pertinentia. Ac rursus postquam dixisset capite 21. ea quæ supra commemorauimus, subnexit quæ sequenti capite continentur. Proindè, inquit, nunc omnis iniquus intra Ecclesiam positus, malam conuersationem respuat, & bonæ vitæ cursum festinet arripere; vt ad æternam vitam valeat peruenire: Nunc omnis impius prauam fidei sententiam deponat, & ad Ecclesiam venire non differat. Nunc sibi omnis homo dexteræ partis comparet meritum, si non vult sinistræ partis perferre tormentum: Et alia, in eam prorsus sententiã, vt nihil aliud significauerit, quam conuersioni & iustificationi primæ nullum esse in futura vita locum: & ideo quæcunque hic dimissa non fuerint misericordia primæ huius iustificationis, & piæ, vt

Ca. 10. li. 2

loquitur, remissionis, quæ bonos ex malis faciat, in futuro exigere, supplicijque non finientis puniri: eam ob causam precari Dauidem, atque istam quæ peccatorem iustificat remissionem hic petere, cum dicit: Remitte mihi vt refrigeret, priusquàm eam & amplius non ero. Quod beatus Propheta non tam sollicitè, inquit, postularet ante præsentis vitæ terminum

psalm. 38.

sibi dari, si sciret post hanc vitam vel cuiquam profuturam pœnitentiã, vel remissionem peccatorum tunc pœnitentiam agentibus diuino munere concedendam. Hæc capite 20. libri secundi. Quod autem ea quæ hîc remissa essent mortalia peccata quo ad reatum æternæ damnationis, non dubitauerit Fulgentius in futuro sæculo plenius posse remitti, illa eius insinuat oratio qua vsus est, dissoluens argumentum quod obijciebatur ex verbis Euangelij, de peccato in Spiritum sanctum, quod neque hîc, neque in futuro sæculo remitti diceretur. Hoc enim verbo inquit, Dominus & saluator noster non aliqua peccata insinuauit in futuro sæculo dimittenda, quæ in hoc sæculo dimissa nō fuerint; sed bene intelligentibus ostendit, non alia sed illa tantū (mortalia videlicet de quibus loquitur) in futuro sæculo dimittēda, quæ in hoc sæculo, in vna & vera Ecclesia Catholica fuerint vnicuiq; dimissa: Soli enim illi Dominus ligandi, soluendiq; tribuit potestatem dicēs: Tibi dabo clauēs regni cælōrū. Et hæctenus quidē de Fulgentij doctrina, prout eam nobis suis literis explicatam reliquit, quam profectō existimādum non est, ab ipsius viua voce discrepasse, qui cum per septuaginta propē dies, graui morbo fatigaretur, id solum frequenter dicebat; Domine, da mihi modo hîc patientiam, postea indulgentiam: satis id declarans, non hic modō remissionem peccatorum dari, verum etiam post hanc vitam rectē à pijs talem expectari.

Non

Libro 1.

cap 24.

Matth. 12.

Matth. 16

Non esse statuendum , bonos omnes
continuò transire ad vitam beatam.

CAP. VI.

NVnc ad Aretium redeamus, videamus-
que ex scripturis, Veterumque testimo-
niijs prauè intellectis, quid obijciat.

*Statuamus ergo, inquit, bonos hinc transire ad
vitam eternam; malos contra ad damnationem
eternam: necesse vllum locum pœnitentia, post-
quam semel mortui fuerimus.*

Quasi verò dubitemus, Areti, quin sint hæc
vti exprimuntur verissima. Sed sic arbitror di-
cere maluisti, vt opinionem induceres, qua
existimaretur à tuis, nos aliter sentire; & vel bo-
nos, negare hinc transituros ad vitam, vel as-
serere pœnitentiam frugiferam agi posse post
mortem. Quid autem de pœnitentia quæ post
hanc vitam agi possit sentiamus, credo te ex ijs
quæ supra dicta sunt, & ex beati Fulgentij cla-
rissima in hoc argumento doctrina, posse fa-
cillimè percipere. Ad quem etiam Bernardus
accedat, qui in libello sententiarum suarum,
breuissimè docet triplicem esse animæ statum.
Vnum in corpore; secundum posito corpore;
tertium recepto corpore: Primum datum esse
ad agendam pœnitentiam; reliquos duos ad ha-
bendam requiem vel pœnam: Porro ad agen-
dam pœnitentiam requiri tria, Tempus, corpus;
& locum: Tempus huius vitæ, quia hoc tem-
pus acceptabile: Corpus ad patiendum pro de-
lictis

luctis commissis: Locum Ecclesiæ, quia qui extra Ecclesiam sint, sic videlicet ut ne animo quidem sint intus, ij frugiferam pœnitentiam agere non possunt. Ad vitam verò hinc transire bonos non negamus: sed, quod tu vis intelligi, omnes omnino bonos & iustos, nullis pœnis quenquam remorantibus, continuò transire ad vitam beatam, id verò est quod pernegamus. Sunt enim boni quidem multi, & iusti & amici Dei: sed qui sicut cùm viuerent, habebant plerunque aliquid temporarijs pœnis dignum atque purgandum; Ita etiam hinc morte decedentes, tale quippiam secū deferre potuerunt, quod post hanc vitam purgari esset necesse. Vna enim hæc ratio est, propter quam non sit consequens, ut si bonus hinc quisquam emigret, beata continuò vita potiatur. Bonus enim est, quia Deum sic amet, ut ei nihil in sua dilectione præponat; sed, ut se habet infirmitas humana, & languor quidam, cui non feruentissima charitate, & promptissima vigilantia resistitur, carnalibus affectibus tenetur adhuc multis implicatus: qui ut secundum virtutis rationem iure improbantur, correctionemque desiderant; ita etiam permanentes & neglecti, meritò puniuntur; sed temporarijs flagellis, non æternis; quod ijs venialiter duntaxat delinquitur, non iustitia euertitur. Quales sunt, verbi gratia, coniugatorum affectus eorum, de quibus Paulus ait, quod cogitent quæ mundi sunt, quomodo placeat alter alteri, & ea cupiditate

ditate distractiones crebras ab ijs quæ Domini sunt, patiuntur. Neque enim eum vitæ statum in quo hæc insunt, malum & damnabilem esse, voluit significare beatus Apostolus, sed ad aliū tanquam meliorem purioremque adhortari, in quo facultas inesset liberius seruiendi omnium Domino. Boni ergo illi quidem homines sunt, vereque iusti, qui eum vitæ statum sequuntur: sed ita iusti vt sine peccato plerique non viuāt, non eo solum quod raptim quasi perstringat, celeriterque præteruolet, qualia sunt etiam in hac mortali vita perfectorum; sed eo planè qui tenaciter inhæreat infideatque penitus, vt nec magnis ægritudinibus, alijsque flagellis reuelatur. Habent ergo isti in fundamento Christum, quem sic non haberent, nisi eum affectu cordis, temporarijs omnibus bonis antepone-
rent: ita vt si conditio proponeretur, aut illa bona, aut Christum amittendum esse, citius, quam hunc negando, aut crimen aliquod perpetrando perderent, illis se carere paterentur.

Quippè in ædificio, inquit Augustinus, nihil *Lib. 21. de ciuit. Dei. c. 26.* præponitur fundamento. Benè proindè his in fundamento Christus est, qui ei nihil in vllò genere rerum anteponunt. At cum sic teneant Christum in corde per veram in eum charitatem, superædificant tamen ligna, fœnum, stipulam ignis videlicet pabulum, & ea quæ tanquam non aptè suo fundamento congruentia, corrumpi, exuri que mereantur. Superædificari autem intelligenda sunt, non quæ veloci-
ter

ter tranſeunt, & charitatis ardore celeriter abſumuntur, aut pœnitentiæ lachrymis promptè abſterguntur; ſed ea propriè quæ permanent, fixaque cohærent, vt ex his ædificium quaſi quoddam extrui & conſtare videatur. Ac ligna quidem affectus ſunt vitioſiores, magiſque tenaces & permagentes, aut humani erroris imprudentiæ, in quibus interdum, etiam ij qui inter prouectiores numerantur, ſibi tanquam rectè iudicantes applaudunt, ſeque corrigi nō oportere cenſent. Cuiuſmodi peccata vel cupiditatum vel ignorationū, ſi in hac vita flagellantur in iuſtis hominibus, varijs ſepenumero temporalium commodorum detrimentis, vt iſto modo tãquam ſcoria ab auro detracta purgatiores euadant ij quibus inhærebant; quid mirandum eſt tale quiddam euenire poſt hanc vitam, cum illic præſertim iudicij dies ſit atque examinis? Nam tales affectus atque errorum culpas, quas inter grauiffimas & longiſſimas ægritudines cernimus perdurare, vnde quæſo diuinauerimus in morte ipſa & extirpari radicitus, & plena obliuione aboleri? Ac, ſcio quidem hos veram negare iuſticiam ſolere, quæ non ſit pèrfecta, ipſaque venialia peccata quæ vocamus, affirmare veram iuſtitie rationem excludere; ſed hoc vt libet teneant, ad rem enim non admodum pertinet: ſatis eſt, ſi iuſtos eſſe concedant eos qui eiuiſmodi vitioſis laborent affectibus, in ijsque interim viuant. Si iuſti ſunt, meritò ergo iuſti propter eiuiſmodi pecca-

peccata temporaliter flagellantur, & si hîc aliquando; ordinariè ergo in futuro, cum eos natos ante mortem non deposuerint. Non enim dicturos esse credo, manere peccata illa & tamen esse per fidem remissa, ideoque propter ea neminem hîc iustum puniri, sed dûtaxat exerceri. Dici enim absurdus nihil potest, quam vt simul consistent manere, verbi gratia, mentiendi affectum & studium, & tamen idem simul esse remissum. Quomodo enim peccare quisquam potest, nec tamen eum in quem peccetur offendere? Quomodo autem idem esse potest simul in eodem & offensus & placatus? Et si ea quæ leuiora dicuntur peccata, eodem tempore & committuntur & remittuntur, quid impediat, cur non & grauiora? si mendacium, cur non & latrocinium? præsertim cum etiam hoc isti dicere soleant, omne peccatum esse mortale suapte natura: Omne ergo peccatum suapte natura mortale cum sit, si vno remanente nec adhuc per affectum deposito, eius tamen facta remissio est per fidem, nihil est profectò cur non de omnibus alijs, quantumuis suo genere grauioribus peccatis, id ipsum dicendum esse videatur: Quod tamen, si absurditate non ferenda diceretur, sequitur vt fateri debeant homines iustos ob sua quotidiana peccata, quæ vulgò venialia nuncupantur, non modò exerceri temporarijs huius vitæ flagellis, verumetiam verè proprièque puniri, idque in hac vita si fiat, ex eadem

Matth. 12.

dem prorsus causa multo magis post hanc vitam euenire oportere: Quia, quemadmodum scriptum est, etiam de verbo otioso, reddituri sunt homines rationem in die iudicii. Quid autem est, reddent rationem? aut quomodo verbi otiosi reddi ratio poterit, cuius si ratio aliqua reddi posset, otiosum non fuisset? Quid igitur aliud significat Dominus quam etiam verba otiosa, quibus difficile est vitam carere iustorum, in iudicium post hanc vitam vocanda esse, exigendamque eorum rationem: quæ quoniam reddi non poterit, ob id pœnâ esse subeundam, aut impetrandam remissionis gratiam? Neque enim quenquam dicturum arbitror, aut solos iniustos & impios, verbi otiosi offensam contrahere; aut eos solos ad reddendam rationem cogendos in die iudicii, ait enim; Omne verbum quod loquuti fuerint homines, reddent rationem de eo in die iudicii. Qui omne dicit, nullum excipit, siue id à iusto siue ab iniusto profectum sit. Quare sequitur & iustos qui in eius generis culpis ad mortem usque perseverauerint, in die iudicii rationem earum esse reddituros; ac vel propterea puniendos, vel si id hac in vita meruerint, remissionem accepturos. Est & altera ratio, ex qua hoc idem intelligi queat, quoniam modo iustus & bonus, aliquas post hanc vitam temporarias pœnas incurrat; quæ quidem ratio, non iam in venialibus tantummodo, sed in mortalibus etiam peccatis spectanda proponitur. Mortalia namque peccata, quæ

quæ sacræ literæ crimina vocât, de quibus pronunciant, qui ea fecerint regnum Dei non esse consecuturos, sic remitti certum est in iustificatione peccatoris, vt tamen subindè remaneât supplicia temporaria, in flagellis vitæ huius & calamitatibus, de ira Domini ob peccata priora prouenientibus, quæ quidem remissa sunt eatenus, vt ad pœnas non obsint æternas (quæ magna indulgentia Domini est) sed authores tamen suos ad temporales afflictiones teneant obstrictos. Neq; verò obscurare rei huius exempla sunt, neque procul petenda. Mox occurrit Dauid rex, cuius post crimina grauissima, nota simul fuit pietas, & tamen aduersa multa & calamitates graues: casus filiorum, & factiones; exturbatio è domo propria: violationes vxorum; maledicta seruorum; mors filij; pestilentia grauis. Quæ omnia ad vindictam priorum criminum; iam tamen quo ad æternam mortem condonatorum, pertinere si quis neget, is nihilo minus agat quam si sacram librorum diuinorum historiam apertè mentiri fateatur. Propheta quidem Nathan posteaquam dixisset, transtulisse Dominum à Dauide peccatum ipsius ne moreretur, mox adiunxit; Veruntamen quoniam blasphemare fecisti inimicos Domini propter verbum hoc; filius qui natus est tibi, morte morietur: quod nihil aliud est quam si dixisset planius: Tu quidè ipse non morieris, eâq; tibi ex parte (quæ sanè potissima est) do veniam; sed tamen filij tui temporanea

2. Reg. 12.
24.

2. Reg. 12.

D morte

morte punieris. Sic & de Aaron legitur: Per-
Numer. 20 gat Aaron ad populos suos. Non enim intrabit
 terram quam dedi filiis Israel, eo quod incre-
 dulus fuerit ori meo ad aquas contradictionis.
 Excepitque Moysen eadem diuinæ seueritatis
 sententia; nec ipse quamuis Deo charus, terram
 promissam ingredi permissus est, ob contractā
 ad aquas cōtradictionis offensam. Quid etiam
1. Cor. 11. illa quæ scribit Apostolus de indignè commu-
 nicantibus, è quibus propterea imbecilles &
 ægroti & morte rapiebantur etiam multi? Quid
 significant nisi peccatum mortiferum sic fuisse
 remissum, vt non pertraheret in æternam cum
 mundo seu reprobis damnationem, & tamen
 morbis & morte temporaria fuisse vindicatum?
Ibidem. Cū enim iudicamur, inquit, à Domino cor-
 ripimur, vt non cum hoc mundo damnemur.
 Quid autem iudicari, nisi condemnari ad pœ-
 nam? Quæ correptio nisi iudiciaria & pœnalis
 propter culpam? Mors ergo temporis huius in
 carnis resolutione, pœna fuit illis peccati remis-
 si quidem, sed ad id tantummodo ne obesset in
 æternum. Quapropter si diuinæ iustitiæ seue-
 ritas, tantam hic criminis admissi rationem ha-
 bet interdum, vt soluto etiam mortis æternæ
 reatu, non tamen omnino inultum abire patia-
 tur; quid facere existimanda est in futuro sæ-
 culo, quod propriè iudicij est & retributionis?
 Ac præuenire quidem hic possumus, de nobis-
 ipsis supplicium expetentes, nosque ipsos iudi-
 cantes, quod relapsorum pœnitentia postulat.

Non

Non enim in Baptismo & reconciliationis sacramento, par est indulgentiæ diuinæ facilitas: quod ipsum satis ostendit author ille sub nomine Augustini supra citatus, ex libro quæstionũ, quem sicut illic Aretius pro suo errore facere existimauit, vtinam cum hic pro veritate amplectenda sequeretur. Ad se, inquit, conuersis *Quest 102 in mixtis.* credentibus, omnia simul peccantibus concedit, nulla interueniente lamentatione pœnitentiæ. Vnde dicit Apostolus: Sine pœnitentiâ enim *Roma. I 16.* sunt dona & vocatio Dei. Post autem si peccauerint, per pœnitentiam poterunt mereri veniam. Et quia post acceptam gratuitam misericordiam peccauerunt, non iam gratis, sed interueniente gemitu & fletu, possunt ad indulgentiam peruenire. In his verbis nomine pœnitentiæ ipsum significauit pœnitentiæ sacramentum, quod Christus pro relapsis instituit: neque enim nescius fuit aliquam esse etiam ante baptismum pœnitentiam, quâ nomine conuersionis designauit. Non gratis autē ad indulgentiam perueniri pōstea dicit, non quia gratuita non sit illa per Christum iustificatio, sed quia non sine pœnali satisfactione, plena (vt prius) indulgentia statim conferatur. Cypriani quoque totiusque vetustatis est doctrina confimilis, à relapsis requiri lamenta, saccos, ieiunia; & alia opera satisfactionis, quibus in seipsum quisque animaduertat. Quæ si non adhibita hîc sint pro modo & magnitudine peccatorum, & tamen sincera cordis ad Deum non defuerit

conuersio, mirandum est, si post mortem expectantur, & postea tamen salus æterna speretur? Ergo & hic quosdam inuenimus sic bonos, vt tamen hinc emigrantes, quibusdam excipiantur tēporarijs afflictionibus & ærumnis, donec iustitiæ Dei sit satisfactum. Sunt sanè ita boni quidam & iusti, vt liberi statim euolent ad superos, digni per omnia qui societate beata nulla interueniente morâ perfruantur: Verû non omnium ista excellentiâ est; Quin id Tertullianus ex sola martyrij prærogatiua putauit euenire. Nemo enim (inquit) peregrinatus à corpore, statim immoratur penes Dominû, nisi ex martyrij prærogatiua, scilicet paradiso non inferis deuersurus. Hoc ille in eo libro, quem scripsit de Resurrectione carnis, illos etiam sub martyribus compræhendens, qui tanta flagrant charitate, vt eorû magis animo martyrium, quàm animus martyrio desit. Sed his tanto animi robore præditis hominibus, num cæteros omnes quamuis bonos æquabimus? Et si tanta fuerit virtutis in vita disparitas, nullum erit post excessum è vita discrimen? Nullum vos quidem esse vultis, qui præmia etiam omnium paria facitis; qui sola peccatorum remissione omnium iustitiam definitis; qui non solum apud inferos, sed nec in cælo apud patrem plures mansiones agnoscitis; qui tollitis stellarum viuentium in beatæ resurrectionis claritate distantiam. Hic nimirum fons est, vnde emanat illius impuritatis riuulus, quo iustos omnes Apostolis etiam
ipsis

Iplis corquatis; vnde sibi apud Deum vel ex-
 tremæ horæ tenuis post flagitiosam vitam con-
 uersio, tantum vendicat, quantum innocentia
 longissimæ & præclarè actæ vitæ. At aliter cum
 Tertulliano Cyprianus, cuius luculenta oratio
 est libro 4. epistolarum, epistola 2. quæ scripta
 est ad Antonianum: Floret, inquit, Ecclesia tot
 virginibus coronata, & castitas ac pudicitia te-
 norem gloriæ suæ seruat: nec quia adultero pœ-
 nitentia ac venia laxatur, continentia vigor
 frangitur. Aliud est ad veniam stare; aliud ad
 gloriam peruenire: aliud missum in carcere nō
 exire inde donec soluat nouissimum quadrau-
 tem; aliud statim fidei & virtutis accipere mer-
 cedem: aliud pro peccatis longo dolore crucia-
 tum emendari, & purgari diu igne; aliud pecca-
 ta omnia passione purgasse: aliud denique pen-
 dēre in die iudicij ad sententiam Domini; aliud
 statim à Domino coronari. Agnouit etiam Au-
 gustinus bonorum hanc differentiam, talesque
 vitæ bonæ gradus, cum agens de ijs operibus
 quibus Christiani post mortem possint adiuua-
 ri & leuari: Est (ait) quidā viuendi modus, nec
 tam bonus vt non requirat ista post mortē, nec
 tam malus vt ei non prosint ista post mortē. Et
 alia quæ sequūtur, Enchiridij cap. 110. Rursum,
 In his, inquit, qui filij sunt promissionis & vasa, *Lib. 21. de*
 misericordiæ, valet quod ait idē Apostolus: Su- *ciuit. Dei:*
 per exaltat autem misericordia iudicium. Quo- *cap. 27.*
 niam & illi iusti, qui tanta sanctitate vixerunt, *Iacob. 21*
 vt alios quoque recipiāt in tabernacula æterna,

D iij

quibus

Lucæ 16.

quibus amici facti sunt de mammona iniquitatis, ut tales essent, misericordia liberati sunt ab eo qui iustificat impium, imputans mercedem secundum gratiam, non secundum debitum. In eorum quippe numero est Apostolus

1. Corin. 7. qui dicit: Misericordiam consecutus sum ut fidelis essem. Illi autem qui recipiuntur à talibus in tabernacula æterna, fatendum est quod non sint his moribus præditi, ut eis liberandis sine suffragio sanctorum, sua possit vita sufficere; ac per hoc multo amplius in eis superexaltat misericordia iudicium. Et paulò infra: Est itaque quidam vitæ modus, nec tam malæ, ut his qui eam viuunt, nihil profit ad capessendum regnum cælorum largitas eleemosynarum, quibus etiam iustorum sustentatur inopia, & fiunt amici, qui in tabernacula æterna suscipiant: nec tam bonæ, ut ad tantam beatitudinem adipiscendam eis ipsa sufficiat, nisi eorum meritis quos amicos fecerint, misericordiam consequantur. Hæc Augustinus. Quamuis igitur ille bonus, magna & singulari quadam charitate ad Christum conuersus, hoc diuinæ clementiæ priuilegio usus sit, ut statim donatus sit paradisi felicitate: non tamen conuincit hoc, de alijs omnibus bonis ita esse sentiendum, propter illam, quam diximus, in bono differentiam. Sunt enim & pœnitentiæ, & charitatis, & omnino iustitiæ, sicuti & criminum atque delictorum varij admodum gradus: propter quos non solum multæ mansio-

nes

nes sunt in domo patris celestis, nec solum magna claritatis in resurrectione differentia; verū etiam multa inæqualitas in egressu cuiusque, distantiaque multiplex suppliciorum. Mali verò propter dominantem in eis iniquitatem, continuò in tenebras deuoluuntur. Quipè iniustitia in qua sunt depræhensi, bonorum si qua per eos facta sunt, obliuionem inducit. Iustitia verò in bonis omnibus præponderans, transitum quidem patefacit ad vitam; sicut scriptum est; Quia qui verbum meum audit, IOANN. 5. & credit ei qui misit me, habet vitam æternam: & in iudicium non venit, sed transiet à morte in vitam: verum ita sæpenumero imperfecta reperitur, vt sicut non omnem affectionem malam, & amorem sæculi, ita non omnem afflictionem & pœnam excludat. Et quia malum ex singulis oritur defectibus, bonum verò integra constat caussa; idcirco vnum quidem in quo quis discedit crimen, statim damnat; sed iustitia nisi tota sit, non continuò beat. Cùm autem dicitur; In iudicium non venit, hoc significatum est iudicium, de quo postea subiungitur: Et procedent qui bona fecerunt in resurrectionem vitæ; qui verò mala egerunt, in resurrectionem iudicij, id est, æternæ damnationis. Quomodo etiam iudicium accipit Apostolus, cùm ait: Qui manducat & bibit in- I. COR. XI. lignè, iudicium sibi manducat & bibit. Ac post iterum; Vt non in iudicium, inquit, conueniatis. Hoc ergo tristissimæ damnationis iu-

Cap. 14.

Roma. 8.

Matth. 15.

Lib. 12 de
ciuit Dei,
cap. 23.

dicium effugiunt omnes boni, ideoque ad omnes etiam illud pertinet bonos, quod scriptum est in Apocalypsi; Beati qui in Domino moriuntur: Amodo enim iam dicit spiritus, ut requiescāt à laboribus suis: Opera enim illorum sequuntur eos. Boni siquidem iusti que omnes moriuntur in Domino, propterea que moriuntur benè, quia moriuntur boni. Beati ergo illi, non tantummodo spe, quod sunt etiam in hac mortali vitā, periculorum licet plenissima: Spe enim salui facti sumus, inquit Apostolus: Er, Beati mites, ait Saluator; beati pauperes spiritu, aliaque plura, quæ propter spem dicuntur, quam illi gerunt qui beati esse pronuntiantur: Sed beati sunt peculiariter ab ipsa continuo morte; quia vel sunt adepti quod sperabant, vel omni cadendi periculo liberati, id se consecuturos esse exploratum habent. Si enim spes vitæ huius cum magno coniuncta metu excidendi, facit ut sancti beati appellentur, multo profectò magis propter ipsam securitatem beati poterunt æstimari, etiam si ad tempus quibusdam crucientur afflictionibus. Requiescunt autem à laboribus suis, quibus in hac vita sudarunt; contra diabolum, carnem, & mundum periculosa militia decertantes. Sunt enim hi sanctorum labores proprii; quibus cum timore & tremore suam salutem operantur: De quibus vitæ huius malis D. Augustinus ita scriptum reliquit: Præter mala, inquit, huius vitæ, bonis malisque communia, habent

habent in ea iusti etiam proprios quosdam labores suos, quibus aduersus vitia militant, & in talium præliorum tentationibus periculisq; versantur. Aliquando enim concitatus, aliquando remissius, non tamen desinit caro concupiscere aduersus spiritum, & spiritus aduersus carnem, vt non ea quæ volumus faciamus, omnem malam concupiscentiam consumendo, sed eam nobis quantum diuinitus adiuti possumus non ei consentiendo subdamus, vigilijs continuis excubantes; ne opinio verisimilis fallat; ne decipiat sermo versutus; ne se tenebræ alicuius erroris offundant, ne quod bonum est malum, aut quod malum est bonum esse credatur; ne ab his quæ agenda sunt metus reuocet, ne in ea quæ agenda non sunt cupido præcipiter: ne super iracundiam sol occidat; ne inimicitia prouocent ad retributionem mali pro malo; ne absorbeat inhonesta vel immoderata tristitia; ne impartientorum beneficiorum ingerat mens ingrata torporem; ne maledicis rumoribus bona conscientia fatigetur; ne temeraria de alio suspicio nostra decipiat, ne aliena de nobis falsa nos frangat; ne regnet peccatum in nostro mortali corpore ad obediendum desiderijs eius; ne exhibeantur membra nostra arma peccato; ne oculus sequatur concupiscentiam; ne vindicandi cupiditas vincat; ne in eo quod malè delectat vel visio, vel cogitatio, temoretur; ne improbum aut indecens verbum libenter audiat;

1. Cor. 15.

ne fiat quod non licet etiam si libet; ne in hoc bello laborum periculorumque plenissimo, vel de viribus nostris speretur faciēda victoria, vel viribus nostris facta tribuatur, sed eius gratiæ de quo ait Apostolus; Gratias autē Deo qui dat nobis victoriam per Dominum nostrum Iesum Christū. Sic Augustinus de laboribus sanctorum proprijs, quibus perfuncti, post mortem in magna securitate acquiescunt: & eis tamen adhuc ab Ecclesia requies petitur, donec eius sint plenitudinem assecuti: quæ tum contingit, cum per claram diuinitatis contemplationem datur summo bono perfrui, ipsumque possidere. Tunc enim omnia desideria expleta & satiata; velut in suo fine, & loco naturali conquiescunt. Hæc autem propterea post mortem eueniunt bonis, quia opera ipsorum sequuntur illos. Reddunt igitur bonos, opera iustitiæ, in quibus se hic laboriosè exercuerunt, beatos; sicuti mala, miseros. Vnum his addam, beatum Augustinum interpretari locum illum totum de martyrum animabus; in quas hæc peculiariter excellentiūsq; competunt. Ideo, inquit, tantummodo martyrum animas commemorauit, quia ipsi præcipuè regnant mortui, qui vsque ad mortem pro veritate certarunt. Sed à parte totum, inquit, etiam cæteros mortuos intelligimus, pertinentes ad Ecclesiam, quod est regnum Christi. Rectè etiam D. Cyrillus docet animas sanctorum neque vagari in terris donec sepulturae honoribus affectæ sint, neque

Lib. 20 de
ciuit Dei,
cap. 9.

Lib. 12 in
Ioā. ca. 36

neque vt peccatorum animas deferri ad im-
 mensi cruciatus locum, id est, ad inferos, sed
 in manus patris euolare, vitamque sortiri cum
 Christo perpetuam; quemadmodum Paulus
 significat, cum ait, cupere se resolui & esse cum *Philipp. 1.*
 Christo. Euolant enim omnes in manus pa-
 tris, quia statim eas in suam tutelam protectio-
 nemque recipit, malignos arcens spiritus ne cō-
 turbent, aut aliorum quam meritā sint rapiāt,
 iuxta id quod scriptum est apud Sapientem:
 Iustorum animę in manu Dei sunt, & non tan- *Cap. 3.*
 get illos tormentum mortis, visi sunt oculis in-
 sapientium mori; illi autem sunt in pace. Ma-
 gna enim pax, vbi tentatione remota, nullus
 cadendi metus, nullum amittendę iustitię pe-
 riculum: Ideo enim raptus est iustus, ne mali-
 tia mutaret intellectum, aut ne fictio deciperet *Sapient. 4.*
 animam illius. Hic enim fascinatio nugacitatis
 obscurat bona, & inconstantia concupiscentię
 transuertit sensum sine malicia. Vitam quoque
 quam hęc sit meliorem, & cum Christo perpe-
 tuam, certum est habituras esse iustorum ani-
 mas, vel mox resolutis corporibus si nihil im-
 pediat; vel certē, non multō post.

Tertia descriptio, contra Aretij obiecta
 defenditur. CAP. VII.

Tertia, inquit, definitio perniciofa est, quia
 culpam hic solum remitti affirmat, pœnas
 autem elui in Purgatorio. Sic autem meritum
 Christi

Christi imperfectum est : & Deus cum peccatorem recipit in gratiam, non solum culpam sed & pœnam remittit. Contra, illi, culpam condonari, sed pœnas soluendas in Purgatorio. Accedit illud, quod ne ipsi quidem in hac doctrina persistunt. Nam ut vt dicant pœnas in Purgatorio tantum deleri, tamen affirmant satisfactionem Purgatorij interdum valere etiam contra peccata mortalia: Quæ omnia euacuant Christi meritum.

Haftenus ille.

Obsecro, Areti, quî tibi potuit hoc videri consequens, vt si Purgatorium esse statueretur pœna grauissima, minor tamen quam infernalis, (id quod habet secunda purgatorij notatio) propterea diceretur hic tantummodo culpam non pœnam remitti, aut etiam pœnam dilui in purgatorio? Qui enim purgatorium dicit esse pœnam, is de eius remissione & dilutione dicit omnino nihil, possetque consistere, vt esset in purgatorio pœna, & eius tamen nulla fieret per Dei misericordiam diminutio, aut remissio, sed tota pro peccatorum meritis exigeretur, donec esset iustitię rigori satisfactum. Nam iusto quidem non potest æterna pœna deberi, ne fraudetur præmio iustitiæ; sed potest interim temporaria, quam meritis est pœna, post hanc vitam seuerè & sine aliqua remissione deposci. Quod si intelligit remitti hîc culpam, sed pro pœnæ remissione illam in purgatorio pœnam sustineri, quid fingit, quod nemini Catholico vnquam in mentē venit? Neque enim pro diluen-

luenda pœna ille in purgatorio cruciatus irro-
gatur, quasi sit illic pro pœna satisfactio, cum
ipsa sit pœna quæ propriè rependitur peccato.
Non ergo in purgatorio propterea ponitur ali-
qua pœnæ dilutio, quia ponitur pœna. Neque
enim seipsam pœna diluit: quamuis tolerata
& suscepta à reo, si temporanea sit, dici possit
reatum diluere quodam modo. Desinit enim
esse reus pœnæ, postquam eam ad iustitiæ rigo-
rem exoluit. At in hac vita per eam pœnam quæ
studio satisfaciendi vtrò suscipitur, futuri sæ-
culi diluitur pœna. Ad hoc enim sustinetur hic,
vt ibi nulla, vel certè leuior multo supersit, gra-
uius enim est incōparabiliter illic puniri, quam
hîc. Quod si in hoc mundo condigna subitur
satisfactio, quæ diuina æstimatione pro futuri
sæculi ærumna sufficiat, aut quæ tanquam suffi-
ciens misericorditer acceptetur, tū hic non cul-
pa solum remittitur, verum etiam pœna. Neque
alia ratio est quamobrem cum per sacerdotem
quisque absoluitur, non accipiat plenā remissio-
nem quoad culpam & pœnam, quā quia non
expleuerit omnia, quæ ad huius perfectionem
pœnitentiæ desiderantur, cum sit plerunque
frigida & perexigua satisfactio: In qua si esset, vt
erat olim studium ardentius, non æternæ modo
pœnæ, seu gehennæ reatus solueretur; verum
etiam, omnis aut penè omnis aboleretur pur-
gatorij supplicij obligatio. Nec verò insuffici-
ens est Christi meritum, quia remissa per iu-
stificationem culpa, plerunque post mortem
pœna

pœna aliqua luenda relinquitur; sed cum sit
sufficiētissimum ad plenam remissionem con-
sequēdam, nos vitio nostro fructum plenæ in-
dulgentiæ ex eo percipere negligimus. Est enim
ille quidem fons patens in ablutionem pecca-
toris & mēstruatæ, qui ad omnes omnium sor-
des perfectè eluendas cumulatiſsimè sufficiat;
id quod declarat multorum sanctorum, & in-
primis beatorum martyrum perfecta etiam an-
te mortem purgatio: sed sicuti quod multi in-
terim alij suis in sordibus computrescant & pe-
reant, non arguit meriti & fontis imperfectio-
nem; ita ex eo colligi imperfectio atque im-
becillitas meriti nulla potest, quod quibusdam
non plena donetur remissio peccatorum. Non
enim imperfecta purgatio est ex eo quod fons
perfectè purgare non potuit, sed ex eo quod ij
qui purgandi veniebant, id agere noluerint, vt
ex eo perfectè purgarentur. Nec propterea pa-
rum accipitur, quia dari nō potuerit multū, sed
quia vasculum quod affertur, propter angustia
sui, capere multum non possit. An est imper-
fecta etiam Dei bonitas aut potentia, quia tam
multi exitio pereant, sempiterno? Minimè in-
quis; sua enim quisquē perit culpa & volunta-
te, non imbecillitate Dei, aut misericordiæ de-
fectu. Cur ergo inquam, quod hic tam com-
modè responderetur, non illò quoque transfe-
runt, vt propositæ rationis latiùs pateat utili-
tas? perfectum esse videlicet meritum Chri-
sti; sed languorem nostrum impedimento esse,
quo

quo minus ex eo plenissimè hauriamus. Aut mihi alioqui respondeant, cum sit perfectum Christi meritum, cur adhuc, vti volunt, in peccatis nostris simus? Cur nō veritate iustitiæ, sed sola reputatione iusti censeamur? Cur peccet iustus etiā mortaliter in singulis operibus? cur maneat in baptizato concupiscentia, veri proprijque nominis peccatum? Quam præposterum est, vt seipsos non videant propter hæc facere Christi meritum imperfectum; nos accusent tanquam id faciamus, quia hominem minus pro sua salute vigilantem atque sollicitum, negemus plenam statim accipere remissionem peccatorum? Quod autem additur, Deum cum peccatorem recipit in gratiam, non solum culpam, sed etiam pœnam remittere, id falsum esse supra Davidis exemplo & Corinthiorum ostendimus. Nam his quidem Corinthijs, nisi culpa fuisset remissa, hoc est, nisi per iustificationis gratiam solutus fuisset ante mortem damnationis æternæ reatus, fuerant plane cum hoc mundo damnandi: & tamen hoc soluto reatu, mors temporaria, citius quam alioqui vêtura fuisset, in vindictam peccati sequebatur. Possumus & paruulos eis obijcere, quibus remissa per baptismū culpa, plenissimè quidem quoad futuri sæculi pœnas, ita vt nihil eos emigrâtes hinc, ab ingressu celi remoretur, restat tamen mors sæculi huius, pœna indubiè permolesta, ex antiqua iudicis sententiâ promouens: Quacunque die comederis, morietur *Genes. 2.*

Genes. 3.

moriêris: Ac rursus; Pulvis es & in puluerem reuertêris. Hanc enim quotidie sententiam suam Dominus exequitur in grandibus & paruulis. Vnde scire possumus mortem hanc, quæ in resolutione carnis est, pœnam esse peccati: quam quia Dominus pro nobis suscipere dignatus est, propterea peccata ipse nostra dicitur in sua carne portasse. Nam quod hic ad exercitium confugiunt, propter quod vitæ huius ærumnas & mortem dicant iustis esse relictas, id profectò locum nullum habet in paruulis, quos tantis quibus premuntur sæpè malis, nemo exerceri dicat, nisi qui benè de rebus iudicando, parum ipse se exercuit. Idcirco beatus Augustinus de morte & cõmunibus vitæ huius ærumnis loquens, Temporaliter (inquit) hominem detinet pœna, quem iam ad sempiternam mortem non detinet culpa. Ac Dauidem quidem ipsum non totam statim veniam consecutum esse, præter scripturas, Veteres annotauerunt: Ambrosius in psalmum 37. Qui pœnitentiam, inquit, agit, offerre se debet ad pœnam, vt hic puniatur à Domino, non ad supplicia æterna seruetur; nec expectare tempus, sed occurrere diuinæ indignationi. Vide facta Dauid eius precibus conuenire: Offenderat Dominum, quia numerari iusserat populum; confessione præuenit Dei nuntium; peccasse se valdè, & nimis stultè fecisse commemorans. Et infra: Non ergo penitus sibi peccatum remitti postulat, sed moderata solutione deleri, hoc

*Tract. 124
in Ioannē.*

hoc est, vt in futurum eius memoria deleatur. Docet his verbis Ambrosius quod dicimus, remissionem quandoque dari non plenam, seu non penitus remitti peccatum; sed ita vt relictis vitæ huius supplicijs in futurum eius memoria deleatur, id quod Dauidi accidisse significat. Augustinus quoque: Ad hoc vnum verbum inquit, peccaui, meruit audire quod accipit veniam: Ad quam rem, nisi ad sempiternam salutem? Neque enim prætermissa est in illo secundum comminationem flagelli paterni disciplina, vt & confessus in æternum liberaretur, & afflictus temporaliter probaretur. Quamuis autem B. Augustinus probationis meminerit, non tamen consequens est, eum intelligi voluisse Dauidem probatum, non punitum fuisse: non enim flagelli paterni secundum comminationem Dei suscepisse diceret disciplinam, nisi intelligi voluisset pœnam, quæ propter commissâ peccata inferretur. Nemo siquidem flagellatur, nisi propter peccata priora. Ipsa quoque Dei comminatio, nō exercitij, sed supplicij fuit. Veruntamen probationem appellauit Augustinus, quod sic esset supplicium secundum Dei comminationem inflictum, vt tamen non tantum ad pœnam irrogaretur, quomodo flagellantur perditî, sed vltèrius hoc ipsum ad probationis vtilitatem referretur.

*Libro 22.
contra Iam
flū, ca 67.*

At in hac doctrina qua remissa hîc culpa pœnam in purgatorio docemus permanere, quomodo, te rogo Areti, non persistimus? videlicet

E quia

quia purgatorij satisfactionem affirmamus valere interdum etiam contra peccata mortalia, quæ omnia, inquit, euacuant Christi meritum. Primum, nemo hoc affirmat Catholicus sic ut tu prætedis, quasi videlicet hic non remissa peccata mortalia, ibi pœnis purgatorijs dilui possint. Sed dicitur à catholicis mortale peccatum in hac vita remissum, quoad immensos illos gehennæ cruciatus, puniri adhuc temporarijs post hanc vitam supplicijs, penitusque illic expiari, istoque modo non venialia modò peccata, verum etiam mortalia, quantum ad suas pertinet reliquias, aboleri. Deinde etsi quis id affirmaret, non remissum hîc mortale peccatum, illic satisfactionibus & pœnitentia deleri posse, cur is meritum Christi euacuaret? an quia satisfactionē poneret post hanc vitam? sed ut fides, ut charitas, ut sincerus ob peccata dolor tristitiaque secundum Deum, ut laus, ut confessio aliaque bona post hanc vitam, esse possunt & sunt citra iniuriam meriti Christi, quoniam ex merito Christi profluxerint; quamobrem illic quoque statui satisfactio, nisi euacuata Christi morte, non posset? Nam quod ad euacuandum quidem attinet meritum Christi, nihilo plus euacuaret satisfactio ibi tolerata quam hic suscepta, modò sanguini Christi, vbicunque esset, ascriberetur, vimque suam & efficaciam inde statueretur accipere. Satisfactionem igitur mortalia peccata diluentem quæ hic remissa non sint, non hoc metu remouemus à purgatorio,

torio, quod euacuandum esset meritum Christi: Redimentem enim peccata satisfactionem *Daniel. 4.* iuxta id quod scriptum est, Peccata tua eleemosynis redime, ipsi hic ponimus: nec tamē euacuare nos Christi meritū arbitramur, ex quo omnis nostra satisfactio, visque eius vniuersa promanat. Si enim ne hic quidem vllus est nostræ satisfactioni locus, quia pro nobis Christus plenissimē satisfecit; nec orationi igitur nostræ vllus erit relictus locus, quoniam plenissimē sufficientissimeque pro nobis Christus orauerit, atque etiamnum pro nobis interpellat; nec dubium quin plenē & sufficienter, ad eumq; modum, vt in omnibus exaudiatur pro sua reuerentia. Orare tamen ipsi iubemur & remissionem peccatorum petere, quo sic ad nos Dominicæ intercessionis fructus, deriuetur. Planeque ad eum modum satisfactiones suscipimus laboriosas, vt satisfactionis eius quam in cruce mediator noster obtulit patri, ad plenam peccatorum abolitionem efficiamur participes. Quamuis enim plenē pro nobis satisfecerit atque orauerit, nostrum tamen non in credendo modò, verum etiam orando satisfaciendoque requirit officium: quomodo cum pro nostra æterna salute comparanda abundē passus sit, postulat tamen compatiamur vt conregnemus. Non igitur hoc metu remouemus à purgatorio satisfactionem mortalia diluentem, ne quam merito Christi faciamus iniuriam, si vllam talem satisfactionem introduceremus; quæ tamē

exactum pretium non haberet; quod in sola Christi morte potest inueniri: sed propterea, quod hoc solum mortalis vitę spatium esse credamus gratiæ illius primæ & præcipuæ tempus, quo peccator ab errore viæ suæ ad Dominum conuertitur, solutisque æternæ mortis vinculis ex inimico amicus, ex iniusto iustus, ex infelicissimo peccati & diaboli seruo liber efficitur, ea libertate de qua scriptum est: Si vos filius liberauerit, tunc verè liberi eritis. Hæc illa est à peccati regno & diaboli dominatu libertas, cuius spes adipiscendæ nulla est in futuro sæculo. Sed quæ hîc sit inchoata libertas per veram iustificationem, si quis negauerit post hanc vitam perfici posse, is non ferendo errore aberrat à doctrina scripturarum sanctarum: Quemadmodum enim illic perficietur ex ea parte qua non plenum hîc regnum obtinemus super carnem nostram, vbi adhuc illa suis motibus aduersus spiritum obluetur, cadendiq; periculum & metum facit: ita etiam perficietur in multis, ex ea parte qua non plena hic propitiatio, perfectaque admissarum culparum abolitio est: omninoq; ut nostra liberatio duabus agitur rebus, remissione peccatorum quæ commissa sunt, & concupiscentiæ mortificatione, quæ in corpore mortis huius bellum mouet perpetuum; ita prorsus post hæc vitam vtræque ex parte absoluetur perficieturq; . Neque enim existimandum est promissiones gratiæ noui testamēti de perfecta per Christum
stum

Iohann. 8.

stum libertate (vbi etiam illud est, Et propitius ero omnibus iniquitatibus eorum, & peccatorum eorum nō recordabor amplius) in hac vita compleri, sed in futura, vbi illud proprium est: Et omnes cognoscent me à maiore vsque ad minorem, & non dicet vnusquisque ad proximū suum; Cognosce Dominum, vbi excluso omni defectu, Deus erit omnia in omnibus. *Isaia 36. Ierem. 31.*

Non esse de Purgatorio dubitandum, etiam si de eius loco nihil definitum ac fide certum habeatur. CAP. VIII.

S Vbiungit Aretius de Purgatorij loco: quem vbi incertum effecit, hoc etiam incertum effecisse se putat, sitne aliquod purgatoriū post hanc vitam. *Audiamus etiam*, inquit, *vbi tandem collocatum sit illud Purgatorium. Thomas collocat illud in visceribus terra, proximè inferno. Idem alij multi faciunt: Opinor, vt melius curari à malis spiritibus possit. Alcuinus autem quidam monachus, affirmat in aëre esse; & ita diffusum, vt etiā omnes sanctissimi per id transire debeant priusquam calos intrent. In qua sententia magna est impietas, nam ipsi etiam martyres exiunt è Purgatorio. Non potest igitur illic esse: nec oportet sanctissimis illa retia tendere. Sed & de Christo quid dicet Alcuinus? ascensurus calos in illud ne incidit? At peccatoribus est contructum; quod cum in Christo nulla habeat ne vestigia quidem, quomodo absurdum immò*

† alias peccatis

impium non est, illic transferre Purgatorium? Antoninus & alij nonnulli, de loco dubitant. Et rectè quidem: Ideoq; vocant quoddam Purgatorium extraordinaria locationis: Nam duplex illi comminiscuntur: aliud commune omnium; aliud extra ordinarium, quod scilicet Deus pro clementia sua designat alijs atque alijs, hinc inde; ut alios in aqua, alios in glacie, alios in igni, quosdam in balneis, alios in stabulis, alios alibi ad certos purgari dies. In horum sententias si inquiras, solas audies apparitiones quibus totum hoc confirmatur: Quare totum hoc suis relinquatur authoribus. Et quia ipsi etiam de loco dubitant, nullum esse sciamus: Non enim res tanta, in tanta haberet obscuritate. Haecenus ille de purgatorij loco.

Satis declarat Aretius, se propterea de Purgatorij loco dubitationes Catholicorum, aut varias & incertas opiniones inducere, ut iustam efficiat de re ipsa dubitationem, assertionemq; eorum qui id negant plausibiliorem reddat: quasi sit consequens, ut quia de loco incertum sit quid existimari oporteat, de re quoque ipsa, nulla certa sententia habeatur. Atqui res sunt complures, de quibus quin sint, aut fuerint, aut futurae sint dubitare non liceat, quarum tamen circumstantiae ignorentur permultae. Iudicium futurum non dubia tenemus fide, sed quando sit futurum, aut quo in loco ignoramus. Paradisum initio quo in loco plantauerit Dominus, quaq; in parte orbis terrarum, non vna
etiam

etiam eruditorum, sententia est, an idcirco plantatam à principio paradysum nesciemus? Euangelistas inter se, & omnes omnino diuinæ scripturæ libros, summa consentire concordia extra controuersiam est: attamen quanta est interim compluribus in locis de cõciliandi ratione & modo ambiguitas? Dicat ergo hic etiam Aretius: Quia quomodo conciliari debeant ipsi dubitant, nos concordēs esse nesciamus. Addam his, quod est vicinius, de inferno damnatorum, quem esse vsquam nemo in dubium vocat qui velit haberi Christianus; sed vbi sit, in terra, sub terra, an super terram, ea de re nihil habetur fide fixum aut certa notitia comprehensum. Ideoque D. Gregorius in suis Dialogis percunctanti Petro, super terram hãc esset infernus, an sub terra, ita respondit vt definiendi caueret temeritatem. Nonnulli namque vt ait, in quadam terrarũ parte infernum esse existimauerunt: alij verò hunc sub terra esse æstimant: Ac verbis consequentibus nihil obstare dicit, quo minus sub terra infernus esse credatur. Cur ergo hic Areti non dicis: Et quia ipsi de loco inferni dubitant, nos nullum esse sciamus? Vbi adiungis: Non enim res tanta in tanta hæreret obscuritate; in rebus magnis quid esse debeat certum, quid remanere obscurum possit, non satis profectò distinguis. Res magna est (vt eodem quo supra, vtar exemplo) futurum esse aliquando commune de omnibus iudicium, & ideo inter Christianos nulla obscu-

*Lib. 4. dia-
log cap 42*

ritate incerta est : sed quo tempore, & qua terrarum in parte habendum sit, non magna in religione res est, potuitque etiam vtiliter ignorari. Sic damnatorum esse pœnas æternas, & ignem inextinguibilem, magna profectò res est, neque eam nesciri, aut dubiam/esse expediebat : sed ubi esset, quòue in elemento cruciaret, id quid attinebat nosse? Nam vt fugiatur, sat est certa fide credi existere. Sic purgatorium esse aliquod animarum, & eiusmodi statum aliquem post mortem, vt in eo nostris indigeant officijs, res profectò magna est, cuiusque ad nos cognitio magnopere pertinebat: sed quonam esset hoc loco situm, vt quid sciri necesse fuit? An minus p̄desse mortuis possumus, quam si id teneremus indubitata notitia exploratum? In magnis igitur rebus discernenda sunt ea quæ vtilem habent cognitionem, ab ijs quæ curiositatem magis pascunt, quam ædificandæ fidei & charitati subseruiunt. Illa nobis incerta esse Dominus, prouidentissimè nobis consulens, p̄ssus non est: hæc latère voluit & patienter ignorari. Quænam igitur, Areti, res tanta est, quam hæcere in tanta obscuritate significas? an purgatorium aliquod esse? sed id in Ecclesia Dei & est, & fuit semper ex scripturarum sanctarū expressa doctrina certissimum: An illud potius, quonam esset in loco, & qua orbis in parte constitutum? sed ea res magna nō est, nec interest admodum sciamus hoc, an nesciamus: imò verò vtilius est

est nesciri, quam haberi definitum. Nam & hoc patefecisset mortalibus diuina benignitas, si scire profuisset. Igitur vbi sit purgatorius locus, id ex ijs est quæstionibus quæ sunt præter fidem. Vbi etsi esset corrigendus error, non cum tamē tanquam hæresim insectari & dammare oporteret: cuiusmodi quæstiones aliquas D. Augustinus enumerat libro de originali peccato, capite 23. ad obscurissima, vt ait, Dei opera pertinentes.

Esse aliquem locum purgatorium, Græcis Latinisque Ecclesiis minimè dubium fuisse, etsi esset aliqua de igne controuersia, neque quicquam de loco vbi esset definitum. CAP. IX.

Quamuis autem ad obscurissima pertineat opera Dei, vbi purgatorius hic sit locus, tamen esse aliquem in Florentina Synodo, quæ Ferrariæ cœpit, magno consensu & sine omni dubitatione cum Latinis Græci tenuerūt. Hoc inter eos solum differebat, quod ignem Græci in eo loco esse non statuerint. His autem Latini verbis, suam explicarūt de purgatorio loco sententiam. Nos ignem, Patres amplissimi, in hoc mundo credimus esse, quò quidem animæ peccatis lenioribus, vel vt vulgò dicitur, venialibus obnoxia, coadiuuante Ecclesia, sacerdotum precibus, missis ac eleemosynis expiāntur. Nam sanctorum & iustorum animas in cælo esse, ac

Trinitati assistere, suam denique felicitatē consecutas esse nemo dubitat: Animas verò eorum qui sine pœnitudine mortem obierint, in inferno vna cum Iuda pœnas æternas luere profite-
mur: Ita vt tria mortuorū loca simpliciter sint: Vnus quidem sanctorum, quod cælum creditur esse; alter delinquentium qui sunt inferi. Qui verò confessi, sacratissimum Christi corpus, absque tamen pœnæ præiudicio satisfactione sumunt, continuoq; moriuntur, hi dubio procul in supradicto igne, quod purgatorium appellari solet, purgantur. De quo quidem igne, *1. Corin. 3.* Paulus ad Corinth. scribit; Vniuscuiusque opus quale sit ignis probabit. Et paulò infra. Ipse autem saluabitur: sic tamen quasi per ignem. Hæc Latinorum de purgatorio confessio fuit. Ad quam ita Græci responderunt. Quæcunque, Patres amplissimi, protulistis atque citastis, Orientalis Ecclesia profitetur: quamuis inter Græcos & Latinos parua sit differentia. Vestram ergo sententiam literis tradite, quod ipsi quoque facturi sumus, vt in quonā à vobis differamus, palàm fiat. Quæ cum audissent Latini, magno affecti gaudio, gratias Deo egerunt, & datis literis discesserunt. Ad decimam autem quartam diem eiusdem mensis iterum conue-
nerunt. Et Græci, Pauli dictum longè aliter exposuerunt, ac suam expositionem ita literis mandarunt. Paulus ad Corinth. scribens, Patres amplifs. Si quis autem superædificat super fundamentum hoc, aurum, argentum, lapides
pre-

pretiosos; lingua, fœnum, stipulam & reliqua, hominum vitam & opera intellexit, videlicet an praua, studiosaue sint: ita vt cuius opera in ignem combusta permanerint, is bonus censetur ac operum suorum mercedem accipiat: cuius autem opus arserit, id est cuius opera friuola fuerint combusta, ipse detrimentum patietur, hoc est, damnabitur, & saluus erit, sic tamen quasi per ignem, id est, in igne semper saluabitur, in eo luens pœnas æternas: ita vt ignis ipse de quo Paulus loquitur non purgatorius, verum æternum supplicium sit: de quo etiam inquit Euangelista; *Discedit à me maledicti in ignem æternum. Nam ipsi purgatorium non ignem, sed obscurum quendam locum ac laborum plenum esse censemus: in quo quidem existentes animæ lumine diuino priuantur, donec coadiuuante Ecclesia, vt supradictum est, expientur ac liberentur. Sic ergo sentimus de purgatorio. Habes Areti manifestum Ecclesiæ totius quæ tum fuit consensum de Purgatorio, id est, de vno quopiam loco, de pœna & ærumna qua animæ quædam expientur atque purgentur. In eo verò quod ignem esse Græci nollent, quam malè fuerint ipsi fundati in vnius Chrysostomi commentario, duro videlicet nimium & coacto, illi ipsi quoque Latini patres demonstrarunt in ijs quæ consequuntur loco designato; ex quo illa repetenda relinquimus. Itaque cum iuxta meliorem & certio rem, magisque patrum consensu roboratam*

Matth. 25.

raram loci illius expositionem, purgatorium aliquem ignem esse statuere debere videamur, tamen ubi, & quo loco sit ignis ille, iudicare est difficillimum; neque id est à patribus illis, aut Græcis, aut Latinis iudicatum, quamuis inter eos aliquem esse eiusmodi locum optimè conueniret.

Quæ sit verisimilior de Purgatorij loco sententia. CAP. X.

AC Diui quidem Thomæ sententiam si quis amplectatur, non video qua ratione refelli, aut possit aut debeat. Aretius certè commemorare contentus, nihil attulit quo illa infirmaretur opinio. Quid verò Alcuinus? propterea ne retia tetendit & Christo & sanctis martyribus, quia diffusum in aere illum ignem affirmavit? Ergo ipsum prius accusent creatorem, qui quæ proxima cælo sunt, aëris ignisque spatia ingentia, maximis voluit perpetuisque feruere caloribus; in quibus fragilem hanc nostri corporis naturam certum est sine gravissima doloris afflictionisque molestia non posse subsistere. Cur ergo hæc corpori Christi cælestia petenti, retia non fuerunt? Cur non quotidie sunt animabus sanctis, peracta hic purgatione ex corporis ergastulo euolantibus? Nimirum dicit Aretius, quia Christi corpus immortalitatis & impassibilitatis ornatum dotibus, nulla potuerit læsione corrumpi, nullo affici sensu doloris, nulla mora retardari: Anima

mae verò iam exutæ corporibus, cum spiritus sint, à corporeo elemento suscipere nequeant ullam impressionem, nisi quantum diuinæ voluntati subseruiat, cui subest posse etiam per ignem corporeum, & dæmonibus, & damnatorum spiritibus inferre cruciatum. Aliquid ergo tale hunc dicturum puto, vnde intelligatur pro diuersitate naturarum aliquid pati ab aliquo naturaliter, aliud non pati: à quo proinde requiro, cur etiam pro diuersitate meritum non aliud supernaturali operatione crucietur, aliud intactum & illæsum pertranseat? vnde intelligetur, plenè purgatis spiritibus nulla in igne esse posse retia, quando nulla sint supplicij merita: nec magis profectò illis retia esse possint quam angelis sanctis, qui in quouis elemento sine omni molestiæ sensu versantur cum volunt, & cum aliqua in re famulantur diuinis iussionibus. Hoc etiam, credo, Aretius tanquam subtilis philosophus perspectum habuit atque constitutum, non posse aut angelum aut animum auulsum à corpore, de loco in locum, nisi per spatium quod medium, sit commigrare: nam si hoc necesse non est vt per media spiritus transeat, sequaturque locorum continuitates sua progressionem, nihil iam prorsus ab igne medio fuerit illi metuendum, ne fortè in ea incidat retia, quæ facillimè possit transuolare. Atque hic quidem Aretium crederem suis retibus risum magis captare voluisse, quam quicquam concludere, nisi tam grauiter, serioque

Matth. 12

Ephes 4.

que colligeret, quomodo absurdum, imò impium non sit illuc transferre purgatorium. Maluisset forsitan in terræ visceribus, ut à D. Thoma factum est, collocari, ne foret illi impedimento commigranti in cælum, si esset in aëre. Sed ego eum hac cura liberabo: Non enim purgatorium timere debet, qui purgatorium nullum credit, cum sit de gehenna securus. Malim tamen ipse etiam cum D. Thoma in terræ collocare visceribus, propter id quod dicit de se ipso Christus Dominus: Sicut fuit Ionas in vētre ceti tribus diebus & tribus noctibus, ita filium hominis in corde terræ esse oportere tridui spatio. Apostolus quoque Christum ait descendisse in inferiores partes terræ: quod etiam si propter mortem dici Diuus Chrysostomus interpretetur, tamen quod mortem subsequutum est secundum animam, id seiungendum à morte non putauit; quia propter solam mortē, si ea totus Christus fuisset extinctus, quonam modo intelligi posset descendisse in inferiores terræ partes? Deinde D. Hieronymus in eum locum sic est commentatus, ut infernum significatum acciperet in humilioribus terræ partibus constitutum. Inferiora, inquit, terræ infernus accipitur, ad quem Dominus noster saluatorque descendit, ut sanctorum animas quæ ibi tenebantur inclusæ, secum ad cælos victor abduceret. Vnde & post resurrectionem eius plurima corpora iustorum in sancta ciuitate visa sunt. Quod autem infernus, inquit, in inferiore

riore parte terræ sit, & Psalmista testatur dicēs:
 Aperta est terra, & operuit super congregatio- *Psalm. 105.*
 nem Abyron: quod ipsum in Numerorum li- *Cap. 16.*
 bro plenius explicatur. Alio quoque loco legi- *Psalm. 54.*
 mus: Veniat mors super eos, & descendant in
 infernum viuentes. Hæc apud D. Hieronymū.
 Ipse quoque Augustinus in libros quos scripse- *Lib. 2. Re-*
 rat de Genesi ad literam, sui iudicij censuram *tract. c. 24.*
 annotās, In duodecimo (inquit) de inferis ma-
 gis mihi videor docere debuisse quod sub ter-
 ris sint, quam rationem reddere cur sub terris
 esse credantur siue dicantur, quasi non ita sit.
 Sic August. de inferorum loco. Cū igitur
 purgatorius locus inferorum pars sit quædam,
 vti & Limbus, iuxta eum sensum quo sacræ li-
 teræ plerunque inferos nominant seu infernū,
 non improbabilis D. Thomæ & aliorum opi-
 nio est, esse locum purgatorium in terræ visce-
 ribus, procul tamen ab ipsis gehennæ portis;
 non tam loci distantia, de qua diuinare nihil
 possumus, quam immutabili decreto Dei se-
 iunctum. Quod etiam intelligitur significatum
 esse per chaos illud magnum, quod Abraham *Luce 16.*
 inter Lazarum & diuitem epulonem interie-
 ctum esse dicebat, cum foueretur tamē alter in
 limbo, alter in gehenna torqueretur, quæ duo
 apud inferos erant. Torqueri quippe (inquit
 Tertullianus) animas foueri que penes inferos, *Lib. de Re-*
 licet nudas, licet adhuc exules carnis proba- *surrectionis*
 bit Lazari exemplum. Ipsum quoque infero- *carnis.*
 rum nomen tale quiddam significat, cum in-
 fera

fera superis opponatur: Sicut igitur superos in
cælo intelligimus, ita etiam inferos in imo ter-
ræ intelligere debere videmur. Quid etiam
aliud sonet, vt ascensus in cælum, ita etiam
descensus in infernum? iuxta id quod scriptum
Psalm. 128. in psalmis est; Si ascendero in cælum tu illic es;
Si descendero in infernum ades: Quid item
cap. 7. ille apud Isaiam locus; Pete tibi signum à Do-
mino Deo tuo in profundum inferni, siue in
cap. 11. excelsum supra: aut ille Iob; Excelsior cælo est,
& quid facies? profundior inferno, & vnde co-
gnosces? Quod autē propriè pertinet ad senten-
tiā Alcuini, qui Caroli Magni fuit institutor, &
venerabilis Bedæ discipulus, suæque ætate do-
ctrinæ & eruditionis nomine clarissimus, non
eam ostendit Aretius à D. Thomæ discrepare
sententia, quantum concernit ipsas animas, quæ
sine corporibus ante iudicium extremum pu-
niantur. Siquidem vbi sit ille ignis animarum
purgatorius, de eo nihil disputat Alcuinus, sed
eum ignem cuius Apostolus meminit primæ
Corinthiorum tertio, (quem locum ille retulit
ad extremum iudicium) dicit quosdam sanctos
qui minora secum peccata detulerunt esse pur-
gaturum, perque eundem ignem & iustos per-
fectos, sine omni tamen sui læsione transituros.
Ignem ergo illum, de quo beatus Apostolus,
quia in aëre Alcuinus posuerit, non est conse-
quens quod vsque ad extremum iudicium, ali-
quem esse in terræ visceribus ignem non puta-
rit quo animæ expiarentur; siue quod perpetuū
purga-

purgatorij locū æstimauerit aërem illum sublimiorem. Sic autem scribit Alcuinus libro 3. de Trinitate, capite 21. De igne diei iudicij Apostolus ait; Vniuscuiusque opus quale sit, ignis probabit: de igne purgatorio hoc eum dixisse non est dubitandum: quem ignem aliter impij sentient, aliter sancti, aliter iusti. Impij siquidem de illius ignis cruciatu, ad perpetuas ignium flammās detrudentur. Sancti verò qui sine omni peccatorum macula in corporibus suis resurgent, qui supra fundamentum quod est Christus, aurum, argentum, & lapides preciosos ædificauerunt, tanta facilitate illum peruolant ignem, quanta integritate fidei & dilectionis, Christi in hac vita custodierunt præcepta, eritque illis ignis ille diei iudicij, sicut tribus pueris caminus Babylonis fornacis fuerat, qui absque omni flammarum læsione in Domini laudes omnium pulchritudinem creaturarum conuocabant. Sunt ergo quidam iusti minutis quibusdam peccatis obnoxij, qui ædificauerunt supra fundamētum quod est Christus, ligna, fœnum, stipulam, quæ illius ignis ardore purgantur; à quibus mundati æternæ felicitatis digni efficiuntur gloria: illoque transitorio igne, & toto extremi diei iudicio completo, diuidentur duæ congregationes sanctorum & impiorum; vna Christi, altera diaboli; vna bonorum altera malorum, vtraque angelorum & hominum. Ex his Alcuini verbis perspicuum est, nō debuisse illi affingi peculiarem

1. Corin. 3.

de purgatorij loco sententiam, cui D. Thomas postea repugnarit. Perspicitur hoc etiam quàm illa futiliter afferantur de retribus, tanquam ea martyribus sanctis Alcuinus tetenderit in aëre. Tertia verò opinio quæ Antonino ascribitur, qua præter communem locum alia quædam agnoscuntur extraordinaria, neque repugnat prioribus, & quadam experientia non ineptè, quamvis hoc Aretius putet, confirmatur. Si quidem admonitionis nostræ gratia subinde fieri, ut animæ quædam post mortem, admirabili dispensatione Dei, suos cruciatus & pœnas in terris exhibeant, quamvis solis probaretur apparitionibus, tamen eam docendi rationem, quæ exemplum habet in Evangelio, ubi Mo-
Matth. 17 sis & Helix apparitio memoratur, contemni non oporteret. Ideoque B. Gregorius hoc genus apparitionum non modò non reiecit, verum etiam ex eo quiddam cœsuit dignum quod
lib. 4. Dia commemoraret in suis Dialogis, de eo qui post
log cap. 40 mortem ad erroris cuiuspiam culpabilis expiationem, cruciatus est in balneo.

Apparitiones defunctorū fidelium quæ apud scriptores catholicos leguntur, quam malè generatim repudientur ab Aretio. CAP. XI.

Sed hoc apparitionum genus non in ijs solum quæ passim fieri dicuntur, verum etiam in ijs quæ leguntur apud scriptores non con-
 tem-

remnendos, sine discrimine omninoq; generatim damnat Aretius vt fallax & noxium, cuiq; nihil prorsus tribuendum sit. Quod quauis ad probationem necessarium nobis non est, qui Dei verbo doctrinaq; maiorum nitimur in hoc de purgatione fidelium animarum argumento: tamen libet annotare breuiter, quibus rationibus efficere conetur Aretius, vbi de Spectris agit, vt totum hoc repudiandum esse credatur.

Primum (inquit) si defunctorum anime sunt qua offerunt sese hominibus, facient id vel priuata authoritate, vel Dei iussu. Priuata authoritate eas id facere credi non potest. Sed nec Dei iussu hoc faciunt: nam consulere mortuos prohibuit Deus, ergo mortuos nō mittit ad viuentes ipse Deus. Id vel vnus Lazari historia testatur Luca 16 Adde quod nunquam prodant sacra literæ veritatem per defunctos fuisse à Deo patefactam.

Hic Areti de tua illa disiunctione; Aut priuata authoritate, aut Dei iussu, quid tibi dare debeamus non admodum obscurum est. Dei enim nutu ac dispensatione speciali, id cum sit, non iure priuato seu ordinario rerum humanarum cursu fieri concedendum est. Idcirco beatus Augustinus, lib. de cura pro mortuis, cum dixisset, non solis beneficiorum effectibus, verumetiam ipsis hominum aspectibus, cōfessorum apparuisse Felicem, cum à barbaris Nola oppugnaretur; idq; non incertis rumoribus, sed certis testibus cognitū, subiunxit ista diuinitus

cap. 164

exhiberi, longè aliter quam se habet vſitatus ordo ſingulis creaturarum generibus attributus, aliòſque eſſe humanarum rerum limites, alia diuinarum ſigna virtutum; & alia quæ naturaliter, alia quæ mirabiliter eueniant. Sed nec iuſſu Dei quidem hoc vnquã fieri, ſi benè probatum putes, quia prohibuerit Deus conſuli mortuos, non leuiter hallucinaris. Non enim recens aut huius duntaxat temporis illa prohibitio eſt, ne mortui conſulantur: ſed Euangelio multò antiquior: Qua tamen nihil obſtante poſtea Moſes & Helias in monte Thabor apparuere Chriſto. Quæ ſi apparitio legi contraria non fuit, cur eſſe debuit legi aduerſa ſi qua poſtea eiſdem Dei iuſſu contigiffe narretur? An ſtatuendum eſt nullam poſſe fieri mortuorum exhibitione Dei nutu, niſi vt ab ijs qui ſuperſunt conſulantur, aut occultæ cuiuſpiam rei veritas exquiratur? quis id cõceſſerit? quis non hoc in apparitione Felicis perſpiciat falſum? Quod etſi concederetur, nõdum tamen peccaretur in illam Dei legem quæ Necromantiam & malas artes prohibet, quibus homines prophani mortuos excitare ſe putant poſſe, à quibus diuinationem accipiant. Quid autem eſt quod Lazari teſtatur hiſtoria? An quod ad amicos epulonis nemo mortuorum miſſus eſt, efficit nunquam id aliàs factum; nunquam futurum, vt ad viuẽtes mortui mitterentur? aut ea ſola mittendi ratio ſubefſe poteſt, vt hi qui viuunt moneantur, quemadmodũ amicos ſuos
epulo

*Aug. lib. 7.
de ciuit.
cap. 35.*

epulo moneri volebat, caueant sibi ne detrudi mereantur in gehennā? aut quia tunc impij & damnati hominis desiderio nihil tributum est in fauorem fratrum eius, simili impietate laborantium, consequens est vt nihil vnquam piorum votis propter aliqua piorū vel excitaementa vel solatia tribuatur? Denique quoniam asseris nunquam prodere sacras literas, veritatem per defunctos fuisse à Deo patefactā, quoniam pertinuit Moſis & Helix præſentia in monte Thabor, niſi vt ea manifestādæ veritati subseruiret, instruerenturque hoc modo & discipuli qui viderunt & alij qui id audituri fuerant, Christum habere testimonium à lege & prophetis?

Reipsa quidem hoc (inquis) manifestare potuerunt, at nihil verbis eloquuti, neque cuiusquam rei veritatem sermone prodiderunt. Hoc Areti, si putes, videris sane quemadmodum cum Lucæ narratione tua, consentire possit opinio. Dice- Lucæ 9.
bant enim (inquit) Moſes & Helias excessum eius, quem completurus erat in Ierusalem.

Quod addis, *Animas fidelium beatas de feliciore statu suo in deterioſiorem nolle descendere: eas verò quæ in pœnis ſint, et ſi velint, non poſſe aſcendere:* id priore quidem fui parte, errorem habet quo putetur beatas animas huc ad nos Dei iuſſu venire non poſſe, niſi beatiore ſuo ſtatu relicto, in deterioſiorem incidunt; cum angelos conſtet huc ad nos mitti & cum electis verſari, ſine villo detrimento ſuæ felicitatis. Nam & angeli Matth. 18.
eorum, ait Chriſtus, vident faciem patris qui

in cælis est. Posteriori verò id solum conuincit, suo quidem iure proq; suo arbitrio venire non posse, non autem ne tum quidem si Deus iusserit. Quod Chrysostomum obijcis, qui in caput 8. Matthæi scribens, diserte neger animas defunctorum hic oberrare, quis non illam eius doctrinam vt salutarem complectatur? hanc prorsus commendatam esse doctrinam volo fidelibus, quorum per simplicitatem multi quicquid passim, vel puerorum, vel muliercularum oculis per quietem aut alias sese ingerit, defunctorum animas esse putant. Verum aliud est oberrare hic passim defunctorum animas, aliud interdū mitti & apparere singulari dispensatione eius, cuius in manu esse creduntur. Quod si nunquam contigisse post illam in monte Thabor apparitionem existimandum est, totumque reiiciendum sit ad phantastica vel sathanica ludibria, quemadmodum persuadere niteris, quia nihil tale scriptum in diuinis literis inueniatur, tam multa quoque miracula, quæ post Apostolos in Ecclesia Dei facta sunt, ad imposturas reiicere debebimus, quoniam in Evangelio commemorata non leguntur.

At produnt se, inquis, illi spiritus quales sint sua confessione. Nam in eo Satban nō est satis cautus, cum plerunque petunt pugnancia cum verbo Dei, aut idem corrumpant aliquo pacto: vt cum alienos Dei cultus approbant; sanctis auctoritatem intercedendi arrogant; merita erogationis & supererogationis confirmant; postulant cultum aliquem, missas,

missas, altaria, sacella, in quibus vel ipsi vel alij defuncti honorantur: cum scriptura vnius Dei adorationem & cultum nobis proponat, vnius etiā Christi meritum & intercessionem cōmendat.

Hoc nimirum illud est Areti, propter quod vniuersim apparitiones damnandas esse putauisti, ne qua hinc vel cultus sanctorū, vel misfarum, vel orationum pro defunctis peti posset confirmatio. Et hic quidem Sathanam vt simplicem & nō satis cautum repræhendis, qui tamen, si benè attendas, in eo ipso te decipit. Lucē enim veritatis, illo procul dubio authore ac duce persequeris, propterea quod eius specie suas ille occultat insidias; tanquam si ouibus sua coneris vellera detrahere, quia lupina interdum feritas sub illo tegumento delitescit. At nos, quamuis illa interdum diabolus postulet sub prætextu mortuorum, quorum sibi & nomina & formas affingit studio fallendi; non tamen ipsa quæ petuntur damnamus vt impia, sed in his tanquam sub lucis specie, cauendam admonemus Sathanæ malevolentiam; qui propterea aliena ingerit, vt incautos ad ea quæ ipsius propria sunt, pertrahat. Nō enim Christus propterea Dei filius & Christus non erat, aut eius discipuli non ideo filij non erant Dei excelsi, quia de illis hoc diabolus prædicabat: sed tamen credi hæc diabolo tanquam vera dicenti, noluerunt Christus & Paulus, ne noxia induceretur ei credendi consuetudo; aut in assertionem quamlibet salutiferæ veritatis, aliquid tri-

bueretur auctori & patri nocētissimæ falsitatis.

1. Reg. 28. Quod autem pertinet ad exemplum Samuelis, à muliere excitati ut Saül Regi respōderet, quod illustre haberi dicis apparitionum exemplum, ex eo quidem fateor non certissimum argumentum duci, propter interpretationum diversitatem, & opinionem Augustini quam expressam reliquit breuiter libro 2. de doctrina Christiana, cap. 23. Sed tamen quia non pœnitendis rationibus te putas effecisse non Samuelem fuisse verum, sed ludibrium Sathanæ, paucis videro quantum debeas de tuarum rationum firmitate gloriari. *Primum* (inquis) *sermo illius, Regem ducit ad desperationem, quo se declarat spiritus ille quod interitum hominis deleatur.* Hic te, Areti, interrogo quam desperationem afferri Regi intelligas responso Samuelis? Num veniæ & æternæ salutis? At eius desperationis nulla prorsus in verbis significatio est: nec interclusus est Regi aut filiis ad salutem aditus, nec pœnitendi tempus subtractū, nec tanti mali hic vllas reperies minas. An vitæ longioris, & recuperandi regni successionis-que filiorum in regno iniecta desperatio est? Sit ita planè. Sed cur eam desperationem Dei spiritus facere nō potuit? Nōne & per Isaiam dictum est Ezechix Regi; Dispone domui tuæ; moriêris enim & non viues? Nōne & alius Propheta prohibetur orare pro populo; quoniam certissimè Dominus populum esset in interitum & captiuitatem abducturus? Nōne

Aaroni

Aaroni denuntiari voluit, non esse eum progressurū longius, sed in monte moriturū? Quid alienum rogo te à iustitia Dei, si homini desperationem faciat vitæ inter mortales productionis? Nec propterea consequens est quod hominis interitu delectetur; esset enim hoc crudelitatis: sed planè delectatur Dominus sua iustitia, cuius seueritatem in Saülem, denuntiata illi maturè voluit, vt vel sic prouiso temporali suo per mortis celeritatem excessu, per seriam resipiscentiam saltem æterū vnitaret interitum. Nihil ergo adhuc habes indignum spiritu Samuelis, nihil abhorrens à spiritu Prophetico & diuino. *Deinde (inquis) addit: Cras mecum eris. Sed rex impius non poterat cum pio Samuele copulari: Superest igitur illum cum impijs colligi. Non fuit igitur ille loquens Samuel, sed Sathan.* Non possum hic, Areti, quin tibi in memoriam reuocem, id quod scribis in eo loco qui est apud te de Limbo patrum. Cum enim proposuisses tibi argumētum tanquam à nostris profectum partibus, ex Genesis cap. 49. petitur: Collectus est ad populos suos; & ex eo quod aliàs quoque Sancti homines dormire dicuntur cum patribus suis, eâque etiam à Diuo Hieronymo referri dixisses ad Limbum, subiungis continuò, rem alium multò sensum habere; phrasim esse linguæ Hebrææ, qua is qui dicatur esse collectus ad patres suos vel ad populos suos, per id significetur esse mortuus & sepultus cum suis maioribus; eoq̃ue fieri addis

Lucæ vi.

vt phrasis illa non pijs solum, verum etiam impijs tributa legatur, quemadmodum videre liceat in historijs regum impiorum. Hunc igitur phrasis illius sensum cum teneas, cur non in mentem venit, similem commentarium & hic vsui esse potuisse? vt nimirum dixerit Samuel; Hodie mecum eris, id est, ad me cæterosque mortuos colligeris; desines inter viuos mortalem vitam agere, & ad numerum mortuorum aggregaberis. Nam & Christus Dominus propterea post resurrectionē suam ita locutus est, ac si cum discipulis suis iam non esset, quos tamen præsens alloquebatur, quia iam mortalis vitæ conditionē reliquerat: Hæc (inquit) sunt verba quę locutus sum vobis cū adhuc essem vobiscum. Hoc quidem sensu nec te puto, Areti, offendi posse, quem ad eum suscipiendum habeamus adiutorem; nec tergiuersaberis opinor, quia non dixerit: Hodie cum mortuis eris, sed, hodie mecum eris. Nam neque illic dictum est, appositus est, vel collectus ad mortuos, generatim; sed collectus est ad patres, ad populos suos.

Quod tertio loco adiungis; *Non patefecit se Deus vnquam per mortuos; sed per viuos homines admonet de sua voluntate: ergo nec hic idem fecit.* Id perfacile est animaduvertere manifestam habere principij petitionem. Hoc ipsum enim in istius exempli tractatione quæritur; An non Saūli Deus per Samuelis spiritum suam patefecerit voluntatem.

Sed

Sed neque id concludit quod quarto loco ponitur; *Accedit (inquis) quod Deus Sauli noluerit respondere, neque per Urim neque per Thumim, nec per visiones noctis, nec per prophetas; ergo nec per mortuos, quod illi insuetum est.*

Nam præter vñtatas atque ordinarias agendi vias, cum tam sæpe Deus circa homines, vel propter homines aliquid mirabiliter egerit, quis prohibuisset ne cor Regis superbia durū, & iam prioribus atque vñtatis prophetiæ modis indignum, noua hac denuntiandæ voluntatis suæ ratione concuteret?

Quinto, ais, Diabolus nullam habet potestatem in sanctos dum hic viuunt; ergo multò minus aliquid inris habet in eos post mortem. Diabolum, autem hic egisse constat inde, quia pythonissa illum vetitis artibus excitat. Quare non putandum est Samuelem verum reuocatum esse. Atque hoc inter cætera facilè præcipuum est argumentum. Sed vt magis obuium dissoluitur à pluribus; Idque in primis ab ipso Augustino lib.2. ad Simplicianum quæstione tertia, vbi docet non absurdum esse credere ex aliqua dispensatione diuinæ voluntatis permissum fuisse, vt non inuitus nec dominante aut subiugante magica potentia, sed volens atque obtemperans occultæ dispensationi Dei, quæ & pythonissam illam & Saulem latebat, consentiret spiritus prophetæ sancti se ostendi aspectibus Regis, diuina eum sententia percussurus. Hinc ergo tibi Areti respōdebitur; Dia-
bolum

bolum nihil hic iuris in Samuelem aut vſur-
paſſe aut exercuiſſe; ſed neq; à pythoniſſa illum
vetitis artibus excitatum, ſed à Deo iuſſum ad
Regem aſcendere, terribilem ac triſtem ei nū-
rium futurum, quoniā id ille merebatur. Neq;
hanc Samuelis reuocationem Deus Magiæ de-
dit, ſed Regis votis, quorum magnitudinem ex-
audiuit iratus. Suis enim Deus quædam negat
propitius; reprobos autem interdum exaudit
iratus.

Hinc iam perſpicias quas habeat vires quod
ſexto loco poſitum eſt. *Excitare verè mortuos
ſolius eſt Dei opus, quo inuito ne vini quidem ali-
quid poſſunt, ne dicam mortui; ergo hic non fuit
vera mortui excitatio, ſed ludibrium Sathane.*

Matth. 4.

Solius enim Dei potentia & nutu, Samuelis a-
nimam ab inferis excitatam dicimus, quam
etſi quis adductam fuiſſe Diaboli opera ſta-
tueret: (Nam & Chriſtum diabolus tranſtu-
lit in ſanctam ciuitatem, & ſuper templi pin-
naculum collocauit) non tamen neceſſe habe-
ret fateri id inuito Deo factum: ſed inter tot
ſanctorum angelorum myriades miniſtri luci-
diores quam Sathan eſt, omnipotenti omnium
Domino deeſſe minimè potuerunt.

Vt autem ſeptimo loco diceres, *patère ex hi-
ſtoria Luca 16. mortuis ſimpliciter negari reditū
in hāc vitam vſque ad diem iudicij*, prorſus non
video quæ te tam clara eius loci verba in eum
ſenſum adduxerint. Quin perſpicuū eſt, Areti,
hoc te ex Lucæ verbis non poſſe conuincere,
vbi

ybi nihil aliud expressum habes, quam mortuorum missionem epulonis fratribus esse negatam, idque ob id quod non necessaria esset ad illorum instructionem, quibus ad id Moses & prophetæ abundè sufficerent; imò verò quia etiam superuacanea & nihil profutura fuisset, propterea quod illi credituri non erant, qui Mosi & prophetis non credebant. Possem & hoc tibi respondere, quod olim Diuus Hieronymus Vigilantio, cuius abs te modò sententia defenditur; Tu Deo leges ponis? Tu Apostolis vincula iniicies, vt vsq; ad diē iudicij teneantur custodia, nec sint cum Domino suo, de quibus scriptū est; Sequuntur agnum quocunq; ierit? *Apoca. 14.*

Quod octauo loco, *De consensu Patrum*, ad argumentorum magis copiam, quam quo te id moueat, addidisti; vellem mihi hunc consensum Patrum demonstrasses, cū & pauci admodum locum hunc attigerint Patres, & ipse Augustinus, qui cum ex professō tractauit in quæstionibus ad Simplicianum, vtramque sententiam defendi posse monstraueit. *Quæst. 3.*

Sed nec video quid premar, quod postremo loco subnectis, de Pontificum approbatione, homo scilicet valde pontificius. Ais enim, *his rationibus adductos arbitrari te pontifices, vt in Decretis hunc sensum & explicationem historia approbarent.* *26. quæst. 5.* Decretorum librum, Areti, Gratianus conflauit ex Patrum libris, cuius omnes diligentiam approbamus, quamuis accuratior in citandis patrum sententijs esse potuisset.

tuiſſet. Namque eo ipſo loco quem designas, ſub Diui Auguſtini titulo verba proferuntur ex quaſtionibus vtriuſque teſtamenti, quas Auguſtini non eſſe certis oſtendi poteſt indiciis: quemadmodum nec ille dignus Auguſtino liber eſt, qui inſcribitur de Mirabilibus ſcripturæ ſacræ, in quo hæc eadem de ſimulato Samuele ſententia repetitur. Vtroque certè loco, id eſt, quaſtione 27. ex Veteri teſtamento, & cap. 11. lib. 2. de Mirabilibus ſacræ ſcripturæ, valdè hoc vrgetur argumentum, quod tu quoque paulò ante inuiſtum eſſe putaviſti; quomodo videlicet homo Dei qui cum Abraham in refrigerio erat, dixerit ad virum peſtilentiæ, dignumque ardore gehennæ, Cras mecum eris. Nec dubitat quin hic Sathan improuidus, ſubtilitatè fallaciæ ſuæ prodiderit, in eoq; Areti, tecum planiſſimè facit. At vide quantò fuerit Auguſtinus circumſpectior. Cùm enim hoc idem propoſuiſſet argumentum, & hoc quod tu vis intelligi ipſe ſignificari non certè, ſed fortè dixiſſet, continuò vir acutiſſimus alium illius loci ſenſum reddi poſſe perſpexit; vt nimirũ illud, Cras mecum eris, non ad æqualitatem felicitatis, ſed ad parem conditionem mortis referretur; adeoque hoc non contemnendum eſſe iudicauit, vt propterea & ante Simplicium & poſtea Dulcitium, ad quem verbis iſdem quaſtionem de Samuele propoſitam explicauit, animaduertere poſſe dixerit ſecundum vtrumq; intellectum habere exitum illam lectionem.

Quæſt. 8.

Minus

Minus certè multò mouisset cum quod illum mouit è veteri testamento quæstionatiū, quod à Saile se adorari Samuel passus sit. Neq; enim tam puer erat Augustinus in sacris literis interpretandis, vt nesciret quid frequenter admodū illo adorādi verbo signaretur. Quid? quod ipse Isidorus Augustini proculdubio fluctuatione permotus, rem hanc videtur in ambiguo reliquisse. Sed ea verba Gratianus consultò sibi prætereunda putauit (qui tamen superiora ex Isidoro desumpserat) propterea quod (vt arbitror) cum verbis quæstionis è veteri testamento, quæ postea contexit, non satis congruere viderentur. Vnum illud addam coniecturæ meæ: Si Diuus Augustinus cū hanc de Samuele quæstionem tractaret Simpliciano respondens, tam Ecclesiastici locum præ oculis habuisset, Cap. 46. cuius nullam mentionem facit, quam eum qui Regum continetur historia, in alteram sententiam fortasse procliuus fuisse descensurū. Nec tamen illum de ficto Samuele sensum dicit sibi solidiorem videri, sed in eo faciliorem quæstionis exitum & expeditiorem intellectum. Potest autē expeditior intellectus esse, qui non sit propterea solidior ac verior. Quod si Ecclesiastici Cap. 46. locum cum historia ipsa contulisset, idque vt faceret in mentē venisset, raptim atque ex tempore de proposita sibi quæstione dictanti, non ei tum (quātum existimo) suffecisset quod ait, propterea phantasma illud arte dæmonis excitatum nomine Samuelis appellatum esse, quia
soleant

soleant imagines earum rerum nominibus appellari quarum imagines sunt. Etenim animaduertisset inter clarorum virorum laudes, hanc Samuelis laudem poni, quod & postquam dormiuit, ostenderit Regi finem vitæ suæ. Quid autem ad hoc Samuelis encomium pertinebat, quod eius imagine fallaci dæmon est abusus? Aut quid in illo laudis argumento commemorari attinebat sub nomine Samuelis, quod à sancto viro tam erat alienum? Denique, quid hoc ad Samuelem verum, si fictitiis quoque Samuel vates est, nisi hic, id est, Dæmon, à Samuelis spiritu fingatur edoctus, eiusque simul (quod absurdum est) gessisse personā? Nec verò conatus esset Augustinus elabi ea via quam iam vobis tritam effecistis, ut diceret librum Ecclesiastici non esse in canone: Sciebat enim Augustinus librum Ecclesiastici in canonem Ecclesiæ recipi, quamuis non esset in canone Hebræorum. Quam enim hos canones librorum distinxerit (quamuis id tibi faciendum non putaris) declarat in libris de ciuitate Dei, cum ait; Machabæorum libros non Iudæos quidem, sed Ecclesiam pro Canonicis habere. Et hætenus de apparitionibus dictum sit animarum defunctorum; non ut hæc vulgares, & quotidiana propè muliercularum spectra probaremus, sed ne totum hoc genus, qua parte in scripturis canonicis compræhensum non est, improbandum esse crederetur; nèue Diuus Gregorius, aliive patres qui ex hoc genere quædam com-

me-

Lib. 18.

cap. 36.

memoratu digna putauêre, risus eorum & cachinnos incurrerêt, qui sibi nihil tale fieri posse persuasissent.

Quæ scripturæ vim habeant ad probandum Purgatorium: ac primum de illo scripturæ loco: Non exhibis indè donec vltimum etiam minutum reddas.

CAP. XII.

Reliquum est, inquit, vt expendamus loca scriptura, ex quibus id esse confirmant. Primum, Luca verba pro serapiunt. Da operam vt libereris ab aduersario tuo in via: ne protrahat te ad iudicem; & index tradat te exactori; exactor conijciat te in carcerem. Dico tibi, non exhibis inde, donec etiam minutum reddas. Primum, inquit, verba per se nullam faciunt mentionem Purgatorij, neque etiam ignis, nec Purgatorij hic vllam audis mentionem, sed de studio impendendo vt libereris ab aduersario in via, priusquam ad iudicem sit deuentum: ac proponit grauissima pericula, qua metuenda sunt inris aleam subito. Ex quo nihil aliud sequitur, quam oportere concordia esse studiosos & pacis, & reconciliationis amantes. Quod sanè studium cò magis à pijs requiritur, cum id sit necessarium & civilibus caussis. Dubia enim est iuris alea, vt belli: bona caussa sæpius opprimitur, contrahes infamiam, dolores, amittes sortem & multam, & alia multa, qua poteras in via cum aduersario

Cap. 12. &
Matth. 5.

componere; mitius potest is de sorte & summa aliquid condonare, quod iudex non faciet. Vitis multam & carceres, qua irrogantur victo: da ergo operam, ut amicè transigas. Hic genuinus & literalis sensus, nihil ad Purgatorium facit.

Haftenus Aretius. Vbi vehementer cauet, ne quid pertineat ad sæculum, futurum in commemoratis Euangelij verbis, ideoque in manus iudicis traditio, minister, carcer, ad huius sæculi molestiam referuntur, putaturque hic esse genuinus & literalis sensus, quasi hic Christus humanam duntaxat prudentiam docuerit, qua sibi vel alijs & gentilis homo prouidè nouit consulere: Quasi cum paulò antè secundum Matthæi Euangelium capite 5. ab iniurijs dehortans, ea quæ metuenda essent in futuro sæculo proposuisset, iudicium, consilium, gehennam ignis, continuò post tanquam oblitus sui ad sæculi iudicium, & temporaria incommoda & carceres delapsus sit. Qui prius conuitiatorem terruerat futuri iudicij & supplicij minis, quomodo consequens est, ut concordiam cum aduersario suaserit tātum ne molestia premeret temporalis? Ergo illud, Ne aduersarius tradat te iudici, & iudex ministro, & non exhibis indè donec soluas nouissimum quadrantem, in futuro sæculo fieri intelligendum est. Quomodo intellexit beatus Hilarius sensum literalē accuratè conatus exprimere, cum ita scribit in Matthæum: In præceptis Dominiæ orationis, remitti nobis peccata nostra

Canone. 4.
in Matth.

ora-

oramus exemplo; & data aduersarijs conditi-
 one veniæ, ipsi veniam deprecamur. Hæc ita-
 que negabitur nobis, si alijs negetur à nobis,
 nostroque ipsi iudicio rei sumus, si in iudicij
 tempus non remissis simulatibus transeamus,
 aduersario tradente nos iudici, quia manens in
 eum simularis nostræ ira nos arguit. Sic Hila-
 rius. D. quoque Hieronymus futuri sæculi iu-
 dicium se accepisse satis ostendit, cum inter-
 pretatur cohortari Dominum ad concordiam
 cum aduersario ineundam, quamdiu in huius
 sæculi via currimus, ne videlicet postquam
 huius viæ cursus morte abruptus sit, nos ad-
 uersarius iudici tradat. Eodemque modo B.
 Augustinus; Nescitis, inquit, quando via fi-
 niatur: cum via finita fuerit, iudex restat, &
 minister, & carcer. Ex his quantum arbitror
 satis elucet ea quæ Aretius ad huius sæculi mo-
 lestias refert, ad futurum sæculum esse refe-
 renda, quando huius vitæ via transierit. Sed
 verbis consequentibus in hoc totus incumbit
 Aretius, vt allegoriam & figuram remoueat,
 ab horū interpretatione verborum. *Excipiunt,*
inquit, per Allegoriam accipienda esse de Purga-
torio. Consideremus igitur an possint ἀλληγορικῶς
sic intelligi. Primū, Christus hic non per parabolas
loquitur, sed aperto dicendi genere hortatur suos
ad studium reconciliationis. Deindè si nobis pla-
ceret affingere allegoriam, oportet illam esse perspi-
cua, & cum verbis Christi minimè pugnare.
Esto enim, aduersarius sit Sathan, carcer sit Pur-

*Serm 1. de
 verbis Do-
 mini.*

cap. 3.

gatorium, minutum vltimum sit Satisfactio: vide quam malè cohæreant. Christus iubet operam dare vt liberemur hic ab aduersario, hoc est, Sathana. Et apud Matthæum iubet vt simus ei benenoli. Oportebit enim beneuolos esse Sathana, & sic liberabimur ab eo in via, hoc est, in præsentia vita? Et quis vnquam reconciliationem cum Sathana docuit? Nulla enim cognatio Christo cum Belial. Deinde, cum peruentum est in carcerem, nō exhibis donec soluas τὸ λεπτόν τὸ ἔσχατον. Postulat solutionē à quouis sui debiti; non admittit alterius satisfactionem: non ergo de Purgatorio intelligi commodè possunt. Tertio, abutuntur phrasi scriptura in hac allegoria. Nam cum præscindat omnem venia spem; Non exhibis inde donec solueris, inferunt: ergo solui potest & egressus est sperandus: cum potius concludat; non solui potest, nec patet egressus, quia semper soluendum est, & nunquā solui potest. Apud Matth. dicebatur: Et non cognouit eam donec peperit filium suū primogenitum. Heluidius inferebat: Ergo postea cognouit eam: ita hi inferunt: Ergo postea solutio erit & egressus: sed falluntur. Vt enim illic perpetua Maria virginitas manet integra; ita hic perpetua manet debiti solutio sine spe egrediendi. Frustra igitur hinc construunt Purgatorium. Hactenus ille.

Primum Areti, si quid pertinet locus ille ad incutiendum futuri sæculi metum, vt eo exstimulante operam demus concordia, nōne tu ipse per allegoriam, aut tropū alium, iudicium,

tor-

tortorem, carcerem, quadrantem interpreta-
beris? Aut enim sensu literali per metaphoram
hæc ita dicta sunt de futuri sæculi districto iu-
dicio; aut per Allegoriam eò sunt referenda,
aut nullus omnino hic nobis commendatur
Dei metus, sed tantummodo sæculi: quod à
Christiana cohortatione alienissimū est. Cum
ergo ex hisce tribus aliquid tibi sit eligendum,
neque postremum sine singularis absurditatis
mercede possis amplecti, superest si tibi con-
stare velis, vt ad tropum confugas, quem tan-
topere damnas in nostris authoribus. Et vidē
in quibus. Neotericos forsitan aliquos, & huius
scriptores ætatis putās abs te in hac re esse re-
prehensos: sed grātulus impingis. Nam vt
Theophylactum præteream, damnas D. Am- *Libro 7. in*
brofij commentationes, qui & Matthæi hunc *Luc. ca. 59*
locum, & Lucæ illi simillimum per tropum est
interpretatus. Diabolum enim intelligit no-
strum aduersarium, qui circueit vnumquemque *1. Petri 5.*
nostrum, quæres quem deuoret: à quo secun-
dum Lucam liberari, & cui iuxta Matthæum,
consentire, siue vt græcè est expressius, in quem
beneuolire esse debeamus. Si enim, inquit, dum
sumus in hac vita exoluamus nos à vinculis Di-
aboli, nec illè propter nos damnabitur, & nos
à vinculis eius erimus alieni. Hanc ipsam D.
Hieronymus expositionem adiunxit suæ, neq;
pro coacta aut improbabili habuit. Sed & illam
D. Ambrosius prosequitur per quam aduersa-
rius noster sit Apostolicus & propheticus ser-

mo, qui nos ad asperiora præcepta & durioris vitæ documenta constringit; cui nos secundum Matthæum consentire conuenit, vt eum operibus æmulemur, ne aliqua nostri contumacia ab eo desciuisse prodamur. Persimilis est ^a Augustini & ^b Fulgentij & ^c Gregorij magni commentarius, vt nomine aduersarij, sermo seu lex ipsa significata sit, quæ aduersatur peccatori, quoniam eum accusat, & pœna dignum violata conuincit (nam dictio Græca *ἐντιμωξ*, aduersarium causæ & litis significat; actorem videlicet ipsum, qui reum facit & in ius trahit) nec euadendi ratio est, nisi illi consentiatur. Sicut enim damnat ipsa à lege discordia, ita consensus concordiaque iustificat. En habes Areti perspicuum tropum, Christi verbis minimè repugnantem, & grauissimorum authorum literis commendatum. Habes aduersarium à quo debeamus liberari, & cui tamen sit consentiendum. Quia enim ratione lex damnat & reum agit peccatorem, ea ratione ab ea liberari debemus. Liberamur si consentimus atque concordamus. Cuius quidem concordia partes duæ sunt: altera vt obseruemus legem, faciamusque quod præcipit; altera vt pro delictis præteritis quibus violata lex est, nosmetipsos puniendo satisfaciamus. Nam sicuti lex primum requirit obseruationem sui; deinde pœnam, si quis non obseruet: ita consentitur ei prius quidem obseruando, vitamque exigendo, ad eius normam, tum deinde pœnam subeun-

do vl-

a *serm. 1. de ver. domini. & in fine sermon. secundi de duabus peccationibus qui quintus est sermo in seorsim ex-eusis*
 b *Libr. 2. de pecc. remiss. cap. 4.*
 c *Hoin. 39. super Euan-gelia.*

do vlttroneam, ne ob contractas offensas damnatio legis incurratur. Itaque aduersario isti consentire vtraque ratione debemus in hac vita; non solum viuendo secundum legem, sed etiam opera misericordiæ faciendo, quibus misericordiam nobis conciliemus, delictaque vitæ anteaestæ redimamus. Idcirco B. Hilarius *Canon. 4. in Matth.* hanc concordiae rationem insinuans dicit in commentario supra memorato: Quia charitas plurimum peccatorum tegit, & errorum nostrorum ambitiosa ad Deum patrona est, nouissimum pœnæ quadrantem soluemus, nisi pretio ipsius aliquātorum criminum culpa redimatur. Et ad similem modum Ambrosius; *Libro 7. in Luc. ca 59* Sicut, inquit, qui pecuniam solvunt, debitum reddunt, nec prius euacuatur fœnoris nomen, quam totius sortis ad nummū vsque quocunque solutionis genere quantitas vniuersa solvatur: sic compensatione charitatis, actuumque reliquorum, vel satisfactione quacunque, peccati pœna dissolvitur. Et alia quæ sequuntur eodem pertinentia. Ergo illi veteres hanc concordiae satisfactionisque rationem ostendunt, quia vti debet in hac vita, qui providere sibi consultum velint in futurum; alioqui manet eos severum iudicium post mortem; manet carcer, unde non exeant, donec soluerint nouissimum quadrantem.

Ac de his iam verbis videamus, utrū aspernentur sensum eum qui sit de Purgatorio. Id enim persuadere conatur Aretius: *Nam cum*

peruenitum est in carcerem, inquit, *non exhibis donec soluas*, τὸ λεπτόν τὸ ἔσχατον. Postulat solutionem à quouis sui debiti; non admittit alterius satisfactionem; non ergo de Purgatorio intelligi commodè possunt. Quæ hæc Areti collectio est? cum sit Purgatorij pœna secundum Dei iustitiam temporaria, non æterna; qui hanc totam subierit, nonne tandem exiturus est? Prorsus exiturus: Effet enim æternum aliqui supplicium, quod iusto homini & Dei filio deberi non potest: Exhibet ergo, sed posteaquam sua pœna diuinæ iustitiæ accuratè satisfecerit, quod est nouissimum soluere quadrantem. Et pro quibusdam aliena quidem recipitur satisfactio vt citius liberentur, sed pro his, qui huius misericordiæ meritum sibi in hac vitâ charitatis & misericordiæ operibus comparârunt, in eoque concordârunt cum aduersario suo in via. Etenim vsque ad nouissimum quadrantem is significatur redditurus, qui hîc non concordârit per aliquam satisfactionem cum aduersario suo. Ex quo colligitur, quantum quisque concordauerit, tanto minus seueram debiti supplicij exactionem in futuro sæculo fore. Idcirco D. Cyprianus ad illos peccatores, qui suis in flagitijs ad extremum vitæ tempus perdurârunt, & in fine conuersi nulla peracta satisfactione ex hac vita migrauerint, nullis hic misericordiæ præstitis operibus, quibus leuari post mortem possent; Ad tales igitur pœnitentes applicat hoc ipsum quod scriptum hic est: *Non exhibis inde, donec*

*Lib. 4. epist.
epist. 2. ad
Antonianū*

donec reddas nouissimum quadrantem. Aliud est, inquit, ad veniam stare, aliud ad gloriam peruenire: aliud missum in carcerem non exire inde, donec soluat nouissimum quadrantem; aliud statim fidei & virtutis accipere mercedē: aliud pro peccatis longo dolore cruciatū emendari & purgari diu igni; aliud peccata omnia passione purgasse: aliud denique pendere in die iudicii ad sententiam Domini; aliud statim à Domino coronari: Sic D. Cyprianus. Cui & Emissenum adiungam Eusebium homilia 3. de Epiphania: Hæc pœna infernalis, inquit, illos manebit, qui admissio & non seruatō baptismo in æternum peribunt, ad quos dicitur, vt eant in ignem æternum, qui paratus est diabolo & angelis eius. Hi verò qui temporalibus pœnis digna gesserunt, ad quos sermo dirigitur, quod non exeunt inde, donec reddant nouissimum quadrantem, per fluuium igneum, de quo propheticus sermo commemorat: Et fluuius rapidus qui currebat ante ipsum, per vada feruentibus globis horrenda transibunt; quanta fuerit peccati materia, tanta erit transeundi mora. Sic Emissenus. Perspicis ne Areti non esse, quod vis, consequens, vt de Purgatorio locus ille accipi non possit, quia dictum sit, exigendum ab illo vsque ad nouissimum quadrantem? Quoniam autem modo ita es oblitus tui, vt cum ad temporis huius molestias quæ per iudicium faculi subeuntur à reis, verba illa referenda putas, non cogitâris etiam de illo carcere hoc esse

Matth. 25.

Daniel. 7.

verum, qui aliquando finitur? Nam si quis urgente accusatore propter iniuriã compræhensus vnus tantum anni carcerem meruisset, neque plus exigi ab aduersario posset, is post illius temporis vincula & squalorem exiret poscente iustitiæ ratione, & tamen nouissimum exoluisset quadrantem, nulliusque pro eo esset recepta satisfactio. Sed adiungis abuti nos scripturæ phrasi, propterea quod sermo eiusmodi; Non exhibis donec reddas, spem omnem veniæ, egressionis persolutionisque præscindat; potiusque ex eo concludendum; ergo non solui potest, non patet egressus. Hoc quam verè dicas Areti, quamque benè phrasim hanc, quæ scripturæ familiaris est, expenderis, ex consi-

1. Cor. 15. milibus intelliges: Qualia sunt; Oportet illum regnare, donec ponat omnes inimicos sub pedibus suis; Iota vnum & vnus apex non transi-

Matth. 5. bit donec omnia fiant; Non contendet, neque clamabit, & linum fumigans non extinguet;

Matth. 12. donec eijciat ad victoriã iudicium; Acceptum fermentum mulier abscondit in farinæ sistribus, donec fermentatum est totum; Amen dico vobis sunt quidam de hic stantibus, qui non gustabunt mortem, donec videant filium

Luce 9. hominis venientem in regno suo; Non me videbitis amodò donec dicatis, Benedictus qui venit in nomine Domini; Homo cum dormierit non confurget, donec atteratur cælum. His ergo locis, dic mihi, sensusne sit; Nunquam ponet omnes inimicos sub pedibus suis; Nunquam omnia

omnia complebuntur ; Nunquam eiiciet ad victoriam iudicium ; Nunquam fermentatum est totum ; Nunquam gustabunt mortem ; Nunquam videbunt filium hominis ; Non me videbitis ; Nunquam dicetis, Benedictus qui venit in nomine Domini ; Homo cum dormierit nunquam resurget ; nunquam atteretur cæ- lum ? En Areti phrasis scripturæ , quæ tuam tamen expositionem non recipit. Neque enim aliud significat his locis, donec, quàm vsque dum: Verbi gratia, Oporteret illum regnare vsq; dum ponat omnes inimicos &c. Abscondit fermentum in farinæ satis tribus, vsque dum fermentatum est totum, vnde & hoc interdum posuit interpretes pro, donec; velut Matthæi 2. Fuge in Ægyptum, & esto ibi, vsque dum dicam tibi; dicere potuisset, donec dicam tibi; neque tamen opinor significasset, nunquam dicturum, nunquam egressurum ex Ægypto: Ita planè hoc loco, Non exhibis donec reddas, significatur, vsque dum, reddas nouissimum quadrantem: Ex quo colligitur id quidem, non exiturum antequam reddat, sed minimè significatur eum nunquam egressurum, quia nec dicitur eum nunquam esse redditurum. Nam & hoc de seruo dicitur sui conserui oppressore: Abijt & misit eum in carcerem, donec, *Matth. 18.* redderet debitum: Vbi sensus non est, coniecit, in perpetuum carcerem, vnde non esset egressurus, quia nunquam debitum redditurus: sed misit in carcerem, vsque dum redderet. Ac pa- titur

ritur quidem ea phrasis, ut nunquam reddat, & ideo nunquam egrediatur: sed aliud est, quid cum ea phrasi consistat, dicere; aliud quid ipsa significet, quidque ex ea sit colligendum. Tu concludis: Non exhibit donec soluat; nunquam ergo exhibit, nunquam soluet. Ego verò colligo, sicut & tu debueras: Potest ergo fieri ut nunquam exeat, si videlicet nunquam reddat nouissimum quadrantem. Sed si reddat, (id quod phrasis illa non negat futurum) satis insinuat eum egressurum esse. Quamquam & hoc interdum ita se habeat, interdum aliter. Cùm

Matth. 12. enim dicitur, Linum fumigans non extinguet, donec eijciat ad victoriam iudicium, non significatur quod post victoriam linum fumigans

Matth. 1. sit extincturus: Item cùm dicitur, Non cognouit eam, donec peperit filium suum primogenitum; non est intelligendum, quod postea cognouerit: Non enim sequitur; Non cognouit eam usque ad partum; ergo cognouit post partum. Attamen cùm dicitur; Non gustabunt mortem, donec videant filium hominis, intel-

Luce 9. ligendum est, quod posteaquam id viderunt, sicuti in transfiguratione factum postea me-

Iob 14. moratur, gustarint illi mortem. Item, Non resurget, donec atteratur cælum, ita hoc signifi-

cat ante non esse resurrecturum, ut tamen intelligi patiatur, quod tum saltem resurget. At-

Luce 21. terendum enim cælum, quia transibunt cæli, sicut habet Euangelium, ac tunc communis omnium resurrectio futura est. Idcirco id quod

legi-

legitur apud Ifaiam; Non dimittetur vobis hæc Cap. 12.
 iniquitas, donec moriamini, quamuis colligen-
 dum quis putauerit Aretio similis, Nunquam
 ergo remittetur (vbi non audeo adiungere, quod
 Aretiana interpretandi ratio postulabat, quia
 nunquam moriemini) Ea tamen phrasis ita si-
 gnificat, non remittendum eis antè mortem,
 sed iram Domini vsque ad mortem esse dura-
 turam in plagis temporalibus, vt tamen incer-
 tum relictum sit, num aliquibus illa in morte
 remissa sit iniquitas, ne pœnas sempiternas pa-
 terentur. Quapropter D. Hieronymus, quem
 phrasim hanc non ignorasse testari posset Hel-
 uidius, non dubitauit interpretari sic: Non di-
 mittetur hæc iniquitas vobis, donec moriamini
 peccato, vt nimirum intelligeremus, tum de-
 mum esse dimittendam, cum essent peccato
 mortui. Ex quibus colligitur phrasim quidem
 ipsam vtrumuis indifferenter admittere, vt vi-
 delicet postea dimittatur, vel non dimittatur;
 sed ex re ipsa horum alterũ intelligi: quia enim
 morimur peccato ad hoc, vt eius fiat remissio,
 sequebatur ex re, nõ ex phrasi; si non dimittere-
 tur donec peccato morerentur, dimitteretur er-
 go si morerentur peccato. Ita hic quoque cùm
 dicitur; Non exhibis donec reddas, ex vi quidem
 phrasis non rectè colligas, ergo exhibis postquam
 reddideris. Simile enim esset; Non cognouit
 donec peperit, ergo postquam peperit, cognouit.
 Sed quod ex phrasi non colligitur, quæ est
 ad vtrumuis indifferens, id ex rei natura colli-
 gen-

*In epist. ad
 Sabinianũ
 diaconum.*

gendum relinquitur. Habet autem ratio & natura iustitiæ, vt postquam quis plenè reddiderit quod exigebatur, tum liber euadat: sed non id exigebat rei natura, vt postquam Maria peperisset, tum cognosceretur à Iosepho. Cum igitur illis verbis, Non exhibis indè donec soluas nouissimum minutum, neq; significetur quod non sit persoluturus, & ex rei natura intelligendum relinquatur quod sit exiturus si persoluat, perspicuum fit, nihil impedire quo minus ad Purgatorium quoq; hoc ipsum accommodetur, vbi sunt animæ quæ soluunt in pœnis quadrantem nouissimum; & quia persoluant (neque enim damnatæ sunt nisi ad pœnam finiendam) profectò sunt aliquādo egressuræ. Ac reuera si attendimus, tale quiddam reperiemus hic concepisse D. Ambrosiū, nempe exitum esse & liberationem persoluto quadrante, sic enim ait: Quadrantem autem in balneis dati solere reminiscimur, cuius oblatione vt illic vnusquisque lauandi accipit facultatem, ita hic accipit eluendi; quia vnus cuiusque peccatum superscriptæ genere conditionis eluitur, cum tam diu exercetur noxius pœnis, vt commissi supplicia erroris expendat. Sic Ambrosius in Lucam, declarans & quadrantem solui posse, & eius oblatione peccatum elui atque purgari. Quid igitur est Arcti quod loqueris & non intelligis? *Vt illic perpetua manet virginitas integra, ita hic perpetua manet debitæ solutio, sine spe egrediendi.* Vellem explicares quid

quid sit illud tuum [Manere] Si enim intelligis manere virginitatem Mariæ perpetuam, quia benè consistat cum illo scripturæ loco quem proferebat Heluidius, neque possit inde concludi quod eam maritus cognouerit posteaquã peperit, iam tibi ostendi locorum istorum differentiam non ortam ex phrasi, sed ex ipsa natura rerum. Quamuis enim benè cõsistat cum illo loco, vt Ioseph non cognouerit Mariam posteaquam peperit, quia nulla est rerum consequentia necessarium, vt cognoscatur vxor post partum, tamen cum hoc loco non consistit, vt persoluat reus nouissimum quadran-tem, & tamen non liber abire sinatur. Si autem intelligis, manere, quia inde statuatur atq; concludatur, falleris in vtroque loco; quia neque ex priore potest concludi perpetua Mariæ virginitas, satisque nobis est, si inde non possit expugnari; neque ex posteriore similiter concludi potest, quod vis, esse perpetuam debiti solutionem sine spe egrediendi.

Pergis tuam munire causam, & addis Christum expressè hic loqui de culpa, atque hoc vt probes, subiungis. *Nam qui in causa succumbit, & est inferior, is solet mancipari carceribus.* Neque tamen ignoras subindè à principe etiam castigari filium carcere, quem nolit exheredare. Succumbit quidem in causa, & ideò propter offensam contractam dignus supplicio est: sed nunquid hinc consequens est carcerem esse debere perpetuum sine vlla spe egressionis?

Non

Non ergo euincis, Areti, Christum hic de culpa, siue de sempiternæ damnationis reatu loqui: qui & si solutus sit, tamen restat adhuc vbi succumbamus necesse est, si volumus iudiciū experiri; restat omnino, vnde sit actoris nostri, hoc est, legis accusatio metuenda, nisi studiosè satisfaciendo cum ea concordemus. Quod qui prætermittunt in hac vita, ij post mortem iudicium subeunt, & in carcerem rapiuntur, conclusique & constricti tenentur donec persoluerint. Ac spem quidem habent salutis & hæreditatis, quia filij sunt; & tamen adhuc puniuntur, quia seipsos in hac vita legi concordando minimè punierunt. Hæc abste animaduersa esse Areti, potius oportuit, quàm ea proferri figmenta tua, quæ etiam Augustinum, si superis placet, animaduertisse subiungis. *Hæc animaduertens, inquis, Augustinus, interpretatur hunc locum, Donec solueris, eodem pacto, ut illud Matthæi 1. Donec peperit. Quem Augustini dicas locum nescio. Certè vbi ex profelsò interpretatur ista Domini verba, hanc loci illius similitudinem non adhibet; quam etsi adhiberet, non tamen sensus esset quem tu imperitè prætendis, Donec solueris, Donec peperit, id est, nunquam. Neque enim, quod iam dictum est, locus ille probat perpetuam Deiparæ virginitatem, sed tantum huic non aduersatur, quod falsò Heluidius sibi persuadebat. Neque enim aliud dicitur, quam non cognouit eam vsque dum pareret suum primogenitum; vnde*

non

Libro 1 de
verb. Dñi.

non sequitur, ergo post cognouit. Ais quod de
 pœnis æternis loqui affirmat Augustinus Chri-
 stum: Ne id quidem sic expressit loco memora-
 to: sed in eo libro qui scriptus est de salutaribus
 documentis, quem neque esse Augustini, ne-
 que eo dignum, qui mediocriter est in illius
 viri libris versatus, intelligit, hic tuus, Areti,
 commentarius reperitur. Nec verum est D.
 Hieronymum, quod etiam imprudēter attexis,
 allegoricum hic sensum repudiare: Eum enim
 qui de diabolo apud Ambrosium est, non repu-
 diat, sed eum improbat, quem multorum esse
 dicit de carne & anima, vel de anima & spiritu.
 Non diffiteor interim esse qui de gehenna in-
 terpretentur. Sic enim Fulgentius: Aduersa-
 rium, inquit, homo sibi facit Dei verbū, quam-
 diu illa facit, quæ diuinus sermo prohibet; cui
 dicitur in psalmo: Tu verò odisti disciplinam,
 & proiecisti sermones meos post te. Huic ser-
 moni diuino si quis in via, hoc est, si quis in hac
 vita citò consentiens non fuerit, missus in car-
 cerem ignis æterni, vltra requiem non habebit.
 Sic igitur ille: sic & Theophylactus & alij non-
 nulli. Ex quo si quid effici potest, illud erit, lo-
 cum citatum non conuincere de Purgatorio;
 sed aliud est quid dicas non conuincere, quo-
 niam aliter accipi possit; aliud quid dicas non
 posse sic exponi: hoc enim tu contendis ad Pur-
 gatorium referri non posse; Nos ostendimus
 tuarum rationum nullam impedire, quo mi-
 nus id fiat; quin si diligenter attendimus, non

Cap. 64.
in fine.

Libro 2 de
peccatorū
remiss. c. 4.

Psal. 49.

In Luca
caput 12.

diuersa illa expositio est quæ gehennæ mentionem facit, sed loci huius sensus quidam partialis seu dimidiatus: vtrumque enim comprehendit vocabulum carceris, videlicet purgatorium, & infernum, hoc est, & carcerem perpetuum, & temporaneum. Si quis enim non concordauit in via cum aduersario, id est, cum verbo, legem implendo, vitæque deprauatos mores corrigendo, is mittetur in carcerem, quem sit perpetuum habiturus; Qui verò vitam quidem iam melius viuendo correxerit, sed tamen pro admissis non se castigauerit, neque ex ea parte concordarit cum aduersario, carcerem quidem & ipse est habiturus, sed temporaneum. Atque de vtroque verè dixeris, quod indè non exhibet, donec soluerit nouissimum quadratè: sed hoc est discriminis, quod is qui carcerem habet perpetuum, non persoluet, ideoque nunquam exhibet; qui verò carceri addictus est temporaneo, non exhibet quidem nisi soluerit, sed quoniam persoluet per seipsum patièdo, aut etiam per alios, quorum hic satisfactionū auxilia meruerat, idcirco exitum aliquando est habiturus.

Capite 4. Addere te dicis colophonis loco, allegoriam etiam perspicuam nihil probare: quod miror vbi didiceris, cum Apostolum cōster in epistola ad Galathas argumento vti ab allegoria petito, aduersus eos qui sub lege esse volebant; Dicite, inquit, mihi, qui sub lege vultis esse, legem non legistis? Scriptum est enim, quoniam Abraham duos

duos filios habuit, vnum de ancilla, & vnum de libera. Et mox: Quæ sunt, inquit, per allegoriam dicta: hæc enim sunt duo testamenta. Ac deinde subsumit; Nos autem secundum Isaac promissionis filij sumus: Et postremò concludit; Non ergo debemus esse serui sub lege. Vallet igitur ad aliquid concludendum perspicua & probata allegoria: quod nisi vos quoque persuasum habuissetis, non vobis tam aptè seruissent pelles Esau, quibus Iacob indutus est, ad externam illam & imputatitiam iustitiæ rationem constituendam. Possumus & hoc dicere, Veteres eos, qui sic interpretati sunt, vt ad legē aut diabolum sermō pertinuerit, nō allegoriam tradere, sed literalem sensum, metaphoricum tamen voluisse exprimere: cuiusmodi sensum, grauissimorum præsertim authorum iudicio & vsu probatum, dici non potest, vim nullam habere probādi. Sed tempus est, vt ad scripturam aliam veniamus, videamusque illam nobis vtrum Aretius extorqueat.

Satisne magnam vim habeat ad Purgatorium probandum locus Matthæi 12. & Lucæ 12; de peccato in Spiritū sanctum, quod dicatur non remittendum in hoc sæculo neque in futuro.

CAPVT XIII.

Matthæi, inquit, 12. & Lucæ 12. Christus agens de peccato in spiritum sanctum, irremissi-

remissibile illud facit in hoc & futuro seculo. Ex eo concludunt; Sunt ergo alia peccata remissibilia hîc, & in futuro seculo. Sed quam malè id sequatur, perspicui potest ita: Est quoddam peccatum hîc, & illic irremissibile, ergo est etiam quoddam hîc & illic remissibile. Consequens quia nulla connexionione necessario cohaeret, & conuersio etiam mala cum sit, nihil faciunt. Sed locus apud Lucam simpliciter sine distributione habet: Non remittetur ei. Quae verba ἀφετηξῶς Matthaeus explicuit distributione facta; Neque hîc neque in futuro seculo; Quasi dicat; alia peccata remittuntur hîc, vt peccatum in filium hominis: At illud ne hic quidem, Consequens ergo est, nec in futuro remitti. Si enim leuiora hic remitterentur, grauiora autem illic possent remitti, superesset aliqua spes malis. At contra sequitur, hic solum alia remittuntur peccata, illud autem gravissimum peccatum in spiritum sanctum, non solum hic non remittitur, sed nec illic quidem, ergo caneri eò diligentius debet. Hæc ille.

Facilè vincis, Areti, cum hostem armas ipse pro tuo arbitrio. Si enim argumentum hoc nostrum est, quo nos vti dicis: Est quoddam peccatum hîc & illic irremissibile, est ergo etiam quoddam hîc & illic remissibile, haud ægrè patior vt id concludere neget. Nam quid si solum esset peccatum in spiritum sanctum? Haberemus antecedens verum, falso consequente: Esset enim quoddam irremissibile in hoc & in futuro, & nullum esset remissibile in vtroque. Non ergo

ergo nostrū hoc argumentum est : sed dicimus Christum non leuiter, non ridiculè, nō sine ratione graui, distributione illa vsum, neq; in hoc sæculo, neq; in futuro peccatum remissum iri. Sicut autem ridiculè & sine ratione ac pondere dictum esset, neque in hoc sæculo, neque in futuro, si nullum esset futurum sæculum, sed prætereunte figura mūdi huius, omnia prorsus interirent : ita sine ratione & superfluo dictum à Christo esset, neque in hoc sæculo, neque in futuro esse remittendum, nisi aliqua peccata in futuro sæculo remitterentur. Duplex quippe in illis verbis facta distributio est ; vna sæculorum præsentis & futuri; alia remissionum quarum altera hic fiat, altera in futuro. Sicut igitur prior nullum esset habitura locum, si nullum esset sæculum futurum: ita neque posterior, si nulla fieri possit delicti remissio nisi in hoc sæculo. Qui ergo sic loquitur non inconsideratè & leuiter, sed seriò prorsus & grauiter, vt dicat esse peccatum, quod neque hīc, neque in futuro sæculo remittatur, is profectò sicut aliquod sæculum futurum, sic aliqua significat remitti peccata in futuro. Ideoq; D. Augustinus non dubitauit ita scribere: Neque enim de quibusdam veraciter diceretur quod non eis remittatur, neque in hoc sæculo, neque in futuro, nisi essent quibus etsi non in isto, tamen remitteretur in futuro. Cur autem non veraciter ita diceretur, nisi quia non subesset sermoni, quod ipse tamen præ se ferret? Ac ne eam co-

D. Aug. lib. 21. de ciuita. Dei cap. 24.

gitationem semel duntaxat Augustino venisse in mentem arbitreris, legis & hoc apud eundem lib.6. contra Iul.c. 5. Peccata quidem nulla remittuntur in regno, sed si nulla remitterentur in iudicio illo nouissimo, puto quod Dominus non dixisset de quodam peccato; Non remittetur neque in hoc sæculo neque in futuro. Sic Augustinus. Cui & Archiepiscopus Hispalensis Isidorus consentiens sic ait; Cùm Dominus dicit: Qui peccauerit in Spiritum sanctum non remittetur ei neque in hoc sæculo neque in futuro, demonstrat quibusdam illic dimittenda peccata, & quodam purgatorio igne purganda. Hæc Isidorus. Præterea dicitur hoc à Christo Domino, vt exprimeret nobis singularem eius peccati perniciem atque grauitatem; qua differat ab alijs, quæ peccata esse dicuntur in filium hominis. Si igitur eo differre voluit peccatum in Spiritum sanctum tanquam perniciosius ac grauius ab reliquis peccatis, quod illud neque remittatur in hoc sæculo, neque in futuro, nõne consequens est, vt intelligi debeat de cæteris quæ minora sunt, remissionem obtineri posse in futuro? Alioqui paria in hoc sunt omnia, quod in futuro remitti non possint; nec vlla relictæ est alia differētia quā quod illud in spiritum sanctū nō remittatur in hoc sæculo; alia in hoc sæculo remitti possint. Vt quid igitur additum: Neque in futuro? quid id pertinebat ad rem, si nihil omnino ad discrimen faciebat? Hoc spectans B. Gregorius: In hac, inquit, sententia

Libro 1 de
Ecclesijs
cap 18

Lib 4 Mo.
val. cap. 39

tentia datur intelligi, quasdam culpas in hoc sæculo, quasdam verò in futuro posse relaxari. Quod enim de vno negatur, consequens intellectus patet, quia de quibusdam conceditur. Sed tamen vt prædixi, inquit, hoc de paruis minimisque peccatis fieri posse credendum est. Beda quoque Venerabilis, cum in Marci caput tertium cõmentatur, quamuis nõ nesciret eandem esse Marci & Matthæi sententiam de non remittendo eo peccato quod in Spiritum sanctum admissum est, tamen quam haberet Matthæi verba vim peculiarem propter distributionẽ, ipsissimis quæ ante posita sunt Gregorij verbis diligenter expressit. Hoc idem & Philippus presbyter intelligens Dominicis verbis, quem admodum à sancto Matthæo referuntur, significatum esse, sic planissimè cõmentatus est lib. i in Iob, ad caput 12: Inter hos, inquit, conflictus subtilissimis insidijs in homine dimicantes, quæ insidiæ ita aliquoties quasi sub specie boni obductæ sunt, vt fortassis discerni vix possint, vbi & ipsa ignorantia peccatum habetur, potest fieri, vt aliquis sanctorum hinc ita subito exeat, vt minus purgatus à talibus, id est, à minimis delictis velut imparatus abscedat, quæ illi ibidem à misericordissimo Domino concedantur. Quod autem in illo iudicio quædam peccata donentur, ipsius Domini indicare videtur autoritas in Euangelio, vbi ait: Qui autem blasphemauerit in spiritum sanctũ, non remittetur ei, neque in hoc sæculo neque in futuro:

Vbi hoc intelligendum, quod aliqua exigua prævalentibus magnis operibus, vel sanctorum intercessionibus remittantur: Secundum hoc ergo Domini dictū sunt debita quæ illic donāda sunt, vbi peccatum blasphemie spiritus non memoratur: Non enim diceret Dominus, hoc peccatum non remitteretur, si alia peccata illic non remitterentur. Quæ sint autem illa peccata, vel cuiusmodi sint, solus Deus nouit, quia remissurum se esse promittit. Secundum hunc sensum est & illud, quod Apostolus de Onesiphoro ait: Det illi Dominus inuenire misericordiam à Deo in illo die. Sic ille de Euangelij loco. Sensum eundem D. etiam Bernardus concepit ex ijsdem Euangelij verbis: Nam si non credunt, inquit, ignem purgatorii restare post mortem, quærant ab eo qui dixit quoddam peccatum esse, quod neque in hoc sæculo, neque in futuro remittitur; cur hoc dixerit, si nulla manet in futuro remissio purgatione peccati? Vidēsne quemadmodū hanc illi distributionem expēderint? Nimirum hoc statuētes pro certo noluisse nobis illudere Christum, vt significationē daret non solum alterius sæculi, verū etiam remissionis in altero sæculo, cum tamē nihil tale subesset. Idcirco & Petrus Venerabilis, ijsus Bernardi tēporibus, pius Abbas & vir eruditus, aduersus errores differēs cuiusdam Petri de Bruis negantis viuorū suffragia defunctis prodesse, hoc eodē vsus est argumento: Quādo enim, inquit, de blasphemia spiritus loquens

2. Tēpo. 1.

Serm. 66.

in Cantica.

Joquehs ait: Qui dixerit verbum contra spiritum sanctum, non remittetur ei, &c. ostendit veniam quidem peccatorum in hoc sæculo semper dignis cōcedi, remissionem tamen pœnarum quas peccata exigunt, in futurum sæculum aliquando differri. Est hoc ipsum, quod supra D. Fulgentium in ijsdem Euāgelij verbis intellexisse monstrauius; nō aliqua videlicet mortalia in futuro remitti, quæ hic remissa non sint, sed quæ hic fuerint cōdonata quoad culpā siue quoad reatum damnationis æternæ, posse remitti in futuro sæculo, secundum restantes pœnas. Itaque in futuro sæculo leuia quidem minimaque peccata remitti possunt, velut sermo assidue otiosus; immoderatus risus, peccatum curæ rei familiaris, sicut intellexit D. Gregorius, & peccata etiam grauiora hic secundum culpam remissa, illic possunt secundum pœnam, quæ reliqua erat, plenius aboleri, quemadmodū D. Fulgentius significauit. Quæ quidem peccata quamuis mortalia sunt, quia tamen de pœna eis debita quod superest, temporaneum est ac leue, si cum æternitate supplicij conferatur, ideo sub minimis ac leuioribus peccatis ab alijs sunt comprehensa, quod pro talibus habeantur ea, quæ supplicio duntaxat temporario digna iudicantur. Habes igitur Areti grauiissimos aucthores non paucos, quibus aliqua fuit occasio distributionis huius attingendæ, in eo intellectu & verborum dominicorum sensu conformes, vt aliquam fieri conceperint peccato-

rum remissionem in sæculo futuro : Neque verò quod apud Lucam simpliciter ac sine distributione dictum sit [Non remittetur ei] tibi profuerit, ut vim distributionis eius quæ apud Matthæum expressa est, effugias. Quamvis enim idem sit reipsa dictum ab utroque; multum tamen interest, quo modo & quibus verbis expressum sit. Qui dicit Chimærā neque in cælo esse neque in terra, neque alio vlllo elemento, is idem dicit quod alius, qui diceret nusquam esse, & tamen suæ ille distributionis ita debet reddere rationem, ut non frustra dixisse videatur, Neque in alio vlllo elemento: quod profectò frustra & ineptè additum esset, si palam esset nullum extare aliud elementum. Atq; ut causæ huic affinius de scriptura diuina promatur exemplū, eadem reipsa sententia est, si dixeris breuiter: Nullus poterat aperire librum & soluere signacula eius, cum ea quæ expressa est Apocalyp. capite 5: Nemo poterat neque in cælo neque in terra neque subtus terram: sed si subtus terram nullus esset aut fuisset vnquam spiritus à quo tale quiddam non absurdissimè expectari potuisset, quis in ea distributione tertij membri additionem non protinus esse diceret otiosam? Neque ergo quicquam profuerit quod adiungitur, voluisse hoc idem Matthæum ἀνεξιχνίας facta distributione explicare. Nam etsi homines interdum pro sua vanitate faciant ἀνεξιχνίας vsque ad mendacia, vel certe cum ridicula quadam ineptia, tamen à Domini

mini & Euangelij verbis longè id alienum esse credendum est. Atqui non veraciter, vt Augustinus ait, dicturus erat Dominus; Neque in hoc sæculo neque in futuro, nisi aliqua futura esset post mortem peccatorum remissio. Vt ergo donemus isti, Christum per auxesin distributione vsum esse, cùm diceret; Neque in hoc sæculo neque in futuro, tamen ea necesse est grauis & apta sit, cuiusq; ex omni parte ratio reddi possit, maximè vero talis, vt in ea nulla insit falsi significatio. Si quis interrogatus, num quem vidisset Pigmæum cum gruè pugnantem, responderet per auxesin, neque sub cælo neque supra cælum quempiam talem vidisse; quam, rogo te, satis aptam rationem redderet, cūr supra cælum neminem se vidisse dixisset, cum illic neque esse, neque videri à mortalibus tale quicquam possit? Sed laborat Aretius, vt suam auxesin liberet à mendacio. Ita enim expressit eam quasi diceretur; Alia peccata remittuntur hic; at illud, ne hic quidem: Et tamen qui sic loquitur *ἀλλ' οὐκ ἔστιν ὧδε*, vt dicat, peccata distinguens, aliquod esse quod ne hic quidem remitti possit, nonne tibi significare videtur alibi quoque quam hic, fieri posse peccati remissionem? Quid enim est [ne hic quidem] nisi non solū non in altero sæculo, sed ne in isto quidem? Quemadmodū qui dicit, Vir iste sic est oppressus languore, vt nec medicinam quidem ipsam admittat, is significat non solum cibum ab eo non admitti, sed ne medicinam quidem qua curari

curari possit. Id quod distributionem haberet ridiculam & otiosam, si nihil præter medicinam recipi à quoquam posset. Sic & iste sermo; ne hic quidem remittitur illud peccatum, distributionem insinuat otiosam & ineptam, si alibi nulla potest fieri peccatorum remissio. Quod si nihil aliud tuum illud (Ne hic quidem) significet, quam (Non hic) ut dictum sit alia peccata hic remitti, illud verò hic non posse; tum neque distributio, neque αὐξήσις est, cum sit vehementius illud apud Lucam: Non remittetur ei: & apud Marcum; Non remittetur in æternum, quam istud; Non remittetur hic. Quod verò addis colligendo; Nec ergo in futuro sæculo, id neque auxesin habet; quoniam maius est, hic non posse remitti, ubi propriè tempus est remissionis quam illic, ubi nulla solet dari remissio. Sicut auxesin nullam haberet quod diceret aliquis, vina Renesia neque in Germania esse, neque in Brabantia: hoc sensu: Non in Germania, neq; ergo in Brabantia, cum nihil mirū sit in Brabantia nō esse, si in Germania non fuerint. Sed neque explicat hoc distributionem, quia distributio non est ratiocinatio. Nec enim Christus argumentatur, & aliud ex alio colligit, cūm dicit; Neque in hoc sæculo, neque in futuro, non plus omnino, quam si quis dicat, Neque in cælo, neque in terra plures esse deos. Rursum, si tuum illud [Ne hic quidem] id significat quod debet, hoc est, non solum non alibi, sed ne hic quidem; non solum

solum non in futuro sæculo, sed nec in isto, vidēsne quam nugatoriè colligas illud; ne hic quidem remittitur, ergo nec in futuro? Est enim perindè atque si dicas planius, Non solum non remittitur in futuro, sed nec in isto quidem, ergo nec in futuro. At si per nullam auxesin dici voluisti [Ne hic quidem] sed tātum non esse hic remittendum; qua cohærentia, & quo nexu propositionum consequens est, Non hic, ergo non in futuro? Simile enim est hoc, quod scis vitiosissimè dici: Non est hic regnum beatum, ergo nec in futuro sæculo: Non est hic anima Petri, ergo nec in cælo. Iam ea rogo, quæ consequenter adiungis, expende mecum & vide, vt in diuersum tua iactetur oratio, quia relicto sensu verborum plano & obuiο, certi nihil habet quod sequatur. *Contrà, inquis, sequitur: Hic solum alia remittuntur peccata; illud autem grauissimum peccatum in spiritum sanctum non solum hic non remittitur, sed nec illic quidem, ergo caueri eo diligentius debet.* Prius auxesin tuam in illo posueras [Ne hic quidem] nunc exprimis eandem per [ne illic quidem] indeque colligis, caueri ergo diligentius oportere. Cur debet caueri præ alijs diligentius, quia nec in futuro quidem sæculo remittitur? An vllum est ergo aliud quod possit in futuro sæculo remitti, sed istud non possit? Si enim nullum est peccatum quod possit remitti in futuro sæculo, ex ea ratione omne peccatum æquè atque istud caueri debebit. Laqueos veritatis Areti laboriosissimè

fissimè fugis, & tamen incurris in eos, velis nolis, nec te ijs, quæ tua est infelicitas, capi sinis. Quid enim aliud tua ista significat explicatio, quam aliquam fieri posse quidem remissionem in futuro, sed huius peccati in Spiritum sanctum tantam esse perniciem, ut nec illic sperari eius remissio possit? Consequimur ergo quod volumus te iudice, nec video cuius gladio certius vinci quam tuo potueris. Expeditior & minus implicatus videri poterat aliorum commentarius, ut dictum sit: Non remitteretur neque hic, neque in futuro sæculo, hoc est, punietur & hic & in futuro, cum videlicet cætera quæ tam gravia non sint sæpenumero hic non puniatur, sed eorum per Dei patientiam, usque ad futurum sæculum pœna differatur. Verum absurdè omninò statuitur iuxta hanc commetandi rationem, remittere peccatum valere idem quod non punire, in hoc sæculo præsertim. Quis enim dicat remitti peccata ijs hominibus qui in ipsis permaneat? Et ubi alias sic accipitur remittendi verbum? an, quod Apostolis dicitur, Quorum remiseritis, id est, quos non punieritis? Et quod dicit Christus paralytico, Remittuntur tibi peccata tua, idem erit, quod non puniuntur, cum adhuc ipsa paralyti punirentur? Multi præterea blasphemi, & suis blasphemijs peccantes in Spiritum sanctum, quales erant Pharisei, non puniuntur in hoc sæculo, sed opibus & bonis omnibus florent usque ad mortem: & ediuersa multa sunt alia peccata, quæ & hic vindicantur
& in

& in futuro sæculo; cum tamen hoc de peccato in spiritum sanctum peculiariter dictū sit quod neque hic remitteretur, neque in futuro. Sed isti commentario fauere Chrysostomus credi possit, cuius propè talis esse videatur explanatio. Verum cum dicat inter cætera Chrysostomus Christi verba interpretans: Quæ omnia si pœnitentiam gesseritis penitus dimitto, satis ijs verbis declarat, se remissionem intelligere, quareatus peccati dissoluitur per pœnitentiam, non qua in peccato manētibus temporaliter duntaxat parcitur. Cum teneamus igitur firmissimo scripturæ testimonio, vnde ridiculis tantum conatibus sese aduersarius expedire nititur, remissionem aliquam peccatorum ad futurum quoque sæculum pertinere, quæro iam vbi illa futura remissio est? in inferno reproborum? sed ibi nulla vnquam est speranda redemptio. In cælo & regno illo beato? sed eo nihil coinquinatum introibit; nihil ergo non purgatū prius. Restat igitur vt purgatorius aliquis constituatur locus vbi fiat hæc remissio peccatorū. Et hætenus quidem de illo scripturæ loco dictum sit.

Pertineátne quicquam ad Purgatorium construendum, quod scriptum est de Lazaro & diuite. CAP. XIIII.

L Vce, inquis, 16. de Lazaro & diuite historia est, ex qua Purgatorium construunt. Verum aperisè illud tollit: nam duo tantum agnoscit

nescit loca, sinum *Abrahe* in quo *lazarus* est, &
 infernum in quo diues torquetur. Nullus est me-
 dius locus nisi chasma quoddam in quo nulla sunt
 anima. Inane igitur erit *Purgatorium*. Deinde,
 diuiti negatur omnis expiatio, omne auxilium ab
Abrahamo & *Lazaro*. Præterea diues pro se aut
 mortuis nulla petit officia, sed pro vivis solum est
 sollicitus, quæ omnia *Purgatorio* repugnant. Adde
 quod solum parabolica sit narratio, non historia.
 Sed etiamsi des historiam esse, nihil iuvat *Pur-*
gatorium. *Divus Iustinus* martyr questione 66.
 ex historia illa *Lucæ* 16. colligit doctrinam *Pur-*
gatorio planè repugnantem, quod, videlicet homi-
 nibus non sit speranda redemptio postquam semel
 hinc emigraverint. Hæc ille. Eum *Lucæ* locum
Areti, an quisquam trahat ad *Purgatorium* cō-
 struendum, nescio. Sed si quisquam hoc face-
 ret imprudentius, nihil id causæ nostræ præiu-
 dicaret, ut propterea deberet infirma videri,
 quod ab aliquibus non benè defenditur. Bonas
 enim causas malè quidam agunt, neque hoc
 tamen æquitati præiudicat. De *Pompeio* di-
 ctum est à *Cicerone* quod malas causas sem-
 per obtinuit, in optima concidit. Sunt au-
 tem nonnulli qui dum in assertionis suæ con-
 firmationem incumbunt, vndecunque con-
 gerunt omnia, quæ ad rei propositæ probatio-
 nem facere posse videantur. Quo in studio fa-
 cile accidit, ut firmis infirma, & probabilibus
 minus interdum. probabilia permisceant. Vbi
 si de causâ iudicare quis velit, non hæc illi erit
 æsti-

æstimāda ex singulis, sed ex potioribus ac pluribus: Quin & si in vnum quempiam incidere, qui nihil idoneum, nihil validum satis proferret, ne tum quidem esset ei causſa damnāda. Quis enim malè pugnatum in acie dicat, propterea quod vnus atque alterius fortè militis depræhenderit ignauiam? At si neminem ex omnibus quos vel legerit vel audierit stare pro causſa de qua agitur satis fortiter animaduertērit, si tum incipiat causſæ etiam bonæ diffidere; potest is venia dignus iudicari. Sed cum non ignorent isti firmissima Catholicorum argumenta, quæ nequeant, vtcunque se torqueant, dissoluere, tamen studiosè frigida quædam, aut etiam quæ sint nullarum virium eligunt; quorum vbi traduxerint imbecillitatem, sperant effecturos se apud rudiores quosque vt cætera eiusdem farinae credantur. Hac vltus praxi Benedictus Aretius in eo elaborat, vt id quod scriptum est de diuite epulone ostendat ad Purgatorium nihil pertinere. At non necesse est vt in eo laboret. Scimus ipsi diuitem illum quoniam misericordiam non fecerit, sine misericordia iudicatum, nec in Purgatorio, sed in gehennæ sempiternæ loco sepultum. Medium quoque illud chaos & impenetrabile seu potius insuperabilem hiatum atque voraginem, nihil significare nisi immobile Dei decretum, quo electi à reprobis perpetua sunt segregatione separati, & ideo sudandum non esse vt in eo chasmate aliquæ animæ reperiantur. Nec tamen veram ne-

gamus esse historiam quam Diuus Ambrosius narrationē magis quam parabolam videri scribit, propterea quod Lazari etiam nomen exprimitur: sed quod in historijs explicandis frequens est vt metaphoricis locutionibus quædam expressa misceantur, id quoque hic agnoscimus factū esse, non modò in vocabulo chasmatīs, verum etiam in vocabulo Sinus, quo per tropum secreta quædam significata quies rectissimè cogitatur. Si qui tamen per Sinum Abrahamæ proprium quoddam & extremum inferorum receptaculum, tāquam in suprema parte situm (quomodo Tertullianus cōcepisse videtur libro contra Marcionem quarto) atque inter ipsum illum Sinum & Gehennæ locum mediam profunditatem & voraginem quādam veram, in qua purgandæ animæ tenerentur, intelligant, non eis resisto, modò ne hac non certissima imaginatione rem fidei probare nitantur. Quod autem addis Iustinum martyrem indè colligere doctrinam Purgatorio planè repugnantem, quia doceat hominibus nullam esse redemptionē sperandam posteaquam hinc emigrauerint, hoc aut nescire te quæ sit catholica doctrina demonstrat, aut certè id fingere. Quis enim dicit catholicus ei qui redemptus hic non fuerit, sperandam esse aliquam redemptionem cum hinc migrauerit? Tunc enim propriè quisque redimitur, cum ei ad ipsius iustificationem, prætium applicatur Dominicæ mortis, cum ex eo princeps mundi huius eijci-

tur

tur foras vt captiuum non teneat, qui translatus sit de tenebris in lucem, de statu iniquitatis in statum iustitiæ, de morte in vitam. Id quod si in hac mortali vita præstitum non sit, non est quod post mortem expectetur. Plenior autem liberatio siue redemptio si speranda post hanc vitam non esset, non diceret beatus Apostolus, Sed & nos ipsi primitias spiritus habentes intra nos gemimus adoptionem filiorum Dei expectantes redemptionem corporis nostri: Spe enim salui facti sumus. Est igitur in hac vita quædam iustorum redemptio, de qua scriptum est; In quo signati estis in die redemptionis vestræ. Et apud Petrum; Redempti prætioso sanguine agni immaculati de vana conuersatione paternæ traditionis: quæ redemptio si hic non contigit, nulla postmodum erit; eius verò perfectio datur post hanc vitam, siue cum plenius liberamur à pœnis antè magnum illud extremumq; iudicium, siue etiam cum corpus corruptioni datum ad beatam immortalitatem recipimus. Quantum enim quisque à peccato & malo liberatur, tantum redimi dici potest: Vnde & illud scriptum est in Psalmis: Qui redimit de interitu vitam tuam. Et apud Diuum Ambrosium cap. 24. libri de fide Resurrectionis; Descendebat in infernum Christus alios redempturus.

*Rom. 8.**Ephes 4.**1. Petri 1.**Psal. 102.*

Locus Apostoli de quorūdam per ignem probatione & salute, quomodo accipiendus sit. CAP. XV.

S Equitur, inquit, Locus prima Corinthiorum tertio, Si cuius opus exustum fuerit damnum patietur: ipse saluus fiet sed tanquam per ignem. Ad hunc ergo locum respōdens. Certum est, inquit, allegoricè hic ignem poni, cum prius de doctrina ministrorum esset locutus, per allegoriam adificantium & superstruentium aurum, argentum, pretiosos lapides; lignum, stipulam, quæ omnia ad diuersas doctrinas retulit: quare examen & probatio doctrinarum hic ignis erit; Restat igitur nihil hinc inferri posse pro Purgatorio constituendo. Ac quod pertinet ad interpretationem loci illius, verum quidem est alios alium intelligere ignem, tamen sensum litera vident esse de examine doctrinarum. q. d. non satis esse, nobis placere nostra dogmata, aut etiam hominibus arridere, sed esse necessum ut etiam censuram diuini iudicii ferre possint. At certum est quod dicit Aug. hūc ignem communem esse debere & bonis & malis, ideoq; Purgatorius esse non potest: Minus gehenna ignis, ut vult Chrysost. nam dura est & coacta interpretatio; Ipse autem saluus erit, hoc est, in gehenna tormentis non consumetur, sed manet saluus quoad esse, sed pœnis semper cruciatur. Apostolus enim vult dicere, quosdam superstruere fundamento posito quod est Christus, paleas & stipulas, hoc est, aliena à veritate, quæ censuram
indi-

indicij non possunt ferre, ideoque illa exurentur per ignem illum diuini iudicij. Ipse autem minister aut doctor non damnabitur, propterea quia mansit in fundamento Christo. Opus autem suum videbit exuri, quia humanitus quadam affinxit, & saluabitur quasi per ignem, hoc est, pudorem, iustum, quod videt damnari, & errore seductum, alios eadem docuisse. Augustinus lib. 21. de ciuit. Dei, cap. 26. affert huius loci quadruplicem explicationem. Primum, per ignem hunc intelligi posse presentes afflictiones & dolores quos capiunt homines ex amissione bonorum, qua tamen nomine Christi deserunt, licet dolenter, qui dolor non male dicitur ignis. Secundo, de igni diei Domini, qui per ignem reuelabitur; in quo boni persistent, videbunt autem multa exuri & damnari qua approbarant. Tertio, de intermedio tempore à morte vsque ad nouissimum iudicium, quo tempore quedam delicta puniantur. Sed dubitanter eam proponit, inquiens. Non redarguo, quia forsàn verum est. Quarto, de Antichristi tribulationibus, cuius tempora bonos probabunt tãquam ignis ardētissimus. In hac opinionum varietate hoc seruandum iubet, vt ignem intelligamus hic bonis & malis communem, qui est (vt diximus) censura diuini examinis quo doctrina ministrorum aut probatur aut damnatur. Hactenus ille.

Quo primum in loco nouitij istius commentarij ostendenda vanitas est, vt deindè Catholicę explicationi commodior esse locus possit. Id autem statuunt ferè nostrę ætatis secta-

rij, ad ministros hæc pertinere solos, neque alios
 esse qui superædificent super fundamēto Chri-
 sto, neque aliud intelligendum superædificari
 quam doctrinam, cuius quidem doctrinæ va-
 rietas significata sit nominibus auri, argenti, la-
 pidum præciosorum; ligni, fœni, stipulæ. Ac de
 ministris quidem non multò ante constat esse
 sermonem, de quibus expressè dicitur; Quid
 igitur est Apollo, quid verò Paulus? Ministri
 eius cui credidistis. Sed sicuti principio capituli
 illius tertij, ab ijs quæ populi communia erant
 & ad omnes pertinebant, transit ad ministros,
 ita post à ministris ad id redit quod commune
 erat Ecclesiæ; Dei, inquit, agricultura estis, Dei
 ædificatio estis: atque inde proximè illa con-
 texuntur quæ scripta sunt de ijs qui superædi-
 fificant; vt vel hinc quiuis intelligat, ab eo pri-
 mum istos esse depulsos quod aiunt; Antece-
 dentia propriè pertinent ad ministros, ergo &
 hæc quæ de superædificando subiunguntur.
 Non enim quæ proximè præcedunt ministro-
 rum sunt propria, sed pijs omnibus, bonisque
 Christianis communia; nempe esse Dei agri-
 culturam, & Dei ædificationem. Deindè vi-
 dendum est, cur pius quisque & ipsa Ecclesia
 sanctorum sit ædificatio Dei, & quam ratio-
 ne in hoc ædificio Christus sit fundamen-
 tum; indè enim perspicietur quorum sit super-
 ædificare. Est igitur & Ecclesia sancta & homo
 iustus ædificium Dei atque domus, de qua
 psal. 126. scriptum est in Psalmis: Nisi Dominus ædifi-
 cauc-

cauerit domum, in vanū laborauerunt qui ædificant eam. Ædificatur autem hæc in nobis domus non solum perceptione doctrinæ salutaris per fidem, verumetiam per charitatem studio bonorum operum, proficiendoq; de virtute in virtutem. Atque in hoc ædificio, vt firmum & stabile sit, necesse est Christum fundamenti esse loco. Ideirco enim comparatur iustus viro sapienti qui ædificauit domum suam super petram, hoc est, Christum. Porro Christus in fundamento est, non cum mortua tenetur fide, sed ea quæ per dilectionem operatur, siue cum in corde est, non per solam doctrinæ perceptionem, verumetiam per charitatis infusionem qua ille omnibus alijs antepositur rebus. Iam collocaſioni fundamenti reliqua de bet structura respondere, vt si Christus in fundamento sit per fidem & dilectionē, ipsa superædificatio non solum fiat cognitione crescendo, verumetiam recta operatione proficiendo. Ex quo illud conficitur, iacto ad prædicationem Apostolicæ doctrinæ fidei operatricis fundamento, non docendo modò, verumetiam operando superædificari, vt ad omnes omninò pertineat cura superædificandi, quorum est ædificationem esse Dei, sitq; eorundem augere in seipsis ædificium, quorum est suscipere fundamentum. Vnde posteaquam dixisset Apostolus se vt sapientem architectum fundamenta iecisse prædicando, non subiunxit, Viderint ministri cæteri quomodo superædificent, sed generatim

Luca 6.

complexus omnes, Vnusquisque, inquit, videat quomodo superædificet. Neque enim agebat Apostolus de doctrinæ structura aut ædificio quodam, quale in libro aut prædicatione cognoscitur, vbi fundamentum est doctrina Apostolica & fides de Christo; sed de iustitiæ & pietatis ædificio quod construitur paulatim in Christianis hominibus, ratione cuius ædificationis Ecclesia domus est Dei. Vnde neque ait, Vos habetis ædificationem Dei in doctrina vobis tradita, vbi à me positum est fundamentum; sed, vos ipsi vestrumque singuli estis ædificatio Dei, & agricultura eius. Non igitur monebat Apostolus, viderent Corinthij quæ doctrina super fundamento suæ doctrinæ superædificaretur; sed qui affectus, qui mores, quæ studia, quæ cogitationes, quæ facta & occupationes. Vbi propriè elucet illa auri, argenti, lapidum pretiosorum, ligni, fœni, stipularumque differentia. Ob eam rem id quod superædificatur, vocat Apostolus opus vniuscuiusque seu hominis opus, propterea quod ab homine sit per liberum eius arbitrium, quamuis non sine gratia, si opus est bonum. Doctrina verò si sancta est & salutaris, & digna quæ auri vel argenti vel pretiosi lapidis metaphora designetur, non opus est hominis sed Dei. Quippè doctrina sana verbum Dei est non hominis, neque libero hominis arbitrio subiecta res est, sed Dei cuius est verbum. Est quidem ipse prædicandi verbi labor & studium, hominis opus, quod à quibus-

quibusdam superædificatur super fundamento Christo; at ipsum quod prædicatur verbum, seu doctrina salutaris, Dei opus est, non hominis. Neque proinde ipsa doctrina est quæ mercedem accipit aut meretur, sed labor ipse quo doctrina traditur hominibus, eiúsque illustrandæ studium. Atqui beatus Apostolus dicit: Si cuius opus mæserit, quod superædificauit mercedem accipiet. Non ergo doctrina est seu verbum prædicationis (quod non hominis sed Dei verbû esse debet) id quod superædificatur, sed hominis operatio & affectus, siue hoc in prædicando verbo consistat, siue in audiendo vel legendo, siue etiã in alijs studiorum versetur generibus. Cum etiam ad fundamentû addat aliquid is qui superædificat, ipsumque fundamentum quod beatus Apostolus posuit sit Dei verbum, nunquid existimandum est, vllam doctrinam völuisse verbo Dei superaddi? Nõne quicquid additur verbo Dei, hoc & vos damnare soletis vt humanum commentum, & plantationem quam non plantauit pater cælestis? Vbi ergo iam erit aurum & argentum & lapis prætiõsius qui superædificabitur, cum nulla doctrina superaddita verbo Dei possit ad eum modum commendari, sed omnis reiijcienda sit ad ligna fœnum & stipulam? Doctrinam sanam & eam quæ secundum pietatem est, siue ipsum Dei verbum, explicare populis & manifestare licet; augere superædificando non licet. Auget autem ædificium quisquis superædificat &

. I v addit

addit ad fundamentum. Denique ut ostenderet non ad solos doctrinæ ministros pertinere superædificandi curam & delectum, sed ad omnes omninò Christianos, adiungit quod est omnium. Nescitis quia templum Dei estis, & spiritus Dei habitat in vobis? Tanquam profectò diceret; Magna vobis cura prouidendum est, quid in hoc ædificio superaddatis, quidque superædificetis: non enim vulgare hoc in vobis ædificium est, non vile & abiectum, sed templum est Dei in quo eius spiritus inhabitat, ideoque decet illic prætiosissima quæque superædificari. Et tolerabile quidem si ligna, si fœnum, si stipula superaddantur, quamuis parum est ea decora & malè cohærens superædificatio: Sed si quis violauerit templum Dei grauiora committendo, disperdet illum Deus. Et hætenus quidem dictum sit de superædificantibus, qui sint, & quid sit quod intelligendum sit superædificari. Quamuis de ea parte loci huius non præcipuè contendimus, qui non ignoremus illum sub Ambrosij titulo commentarium, minus certè tamen probabilem, cuiusque magis pondere premeremur, si Ambrosij esset illius Mediolanensis. Ideoque Diuus Anselmus cum hunc non omisisset, illum tamen quem prosequuti sumus, tanquam veriorē anteponendum esse putauit. Nunc reliqua expendenda sunt, videlicet de die Domini, de igne, de probatione, & salute per ignem. Vniuscuiusque opus, ait Apostolus, id est, vniuscuiusque ministri

nistri doctrina, iuxta hos interpretes, manifesta erit, videlicet an sit aurum, an argentum, an lapis prætiosus; an lignum, an fœnum, an stipula. Omnis enim hæc differentia & proprius cuiusque gradus erit manifestus. Quando, inquis? Dies enim Domini, inquit Apostolus, declarabit. Quid autem esset dies Domini non satis expressit Aretius, tamen cum de igne loquitur, satis ostendit diem Domini intelligere se in hac vita. Vnde suspicor eum accipere diem Domini, quomodo Robertus Stephanus & alij Erasinum Rotterodamum secuti, propter perspicuam operis inspectionem. Sed quæ rogo hic Areti doctrinæ cuiusque tanta manifestatio? Quæ inspectio tam perspicua, ut palam sit omnibus quo quæque præstantiæ gradu sit, aut vanitatis? Si enim quæ aurum est multis videtur lignum, & quæ lapis prætiosus à plurimis adhuc abijcitur vel etiam conculcatur ut stipula; quomodo illud perspicuè apparet quæ digna sit auri nomine, quæque argenti, aut quæ mereatur ligno vel stipulæ comparari? Quomodo ergo hic vniuscuiusque doctrina est manifesta? Quæ Domini dies declarat qualis & quo quæque loco habenda sit, cum in tantis errorum tenebris hoc sæculo plerique versentur? Vnde etiam de omni ferè articulo doctrinæ Christianæ tot tantæque lites, si manifesta est cuiusque doctrina? An sibi forsitan solis dicent fieri id manifestum? Dies ergo Domini solis ipsis illucescet, solisque ipsis hanc præbebit
decla-

declarationem. At non dicit Apostolus, Vniufcuiusque opus manifestum erit quibusdam, & dies Domini quibusdam tantummodò declarabit; sed, manifestum, inquit, erit cuiusque opus, & dies Domini declarabit: Vt taceam quod diem non faciat paucorum inspectio ad lucernulas, sed clara lux & vbique refulgens, Quantam lucem doctrinam cuiusque manifestantem omnibus, verumque à falso per omnia discernentem, cum per absurdum sit huic vitæ tribuere, tum id scriptura non patitur, quæ

2. *Petri* 1. monet attendere prophetico sermoni tanquam lucernæ lucenti in caliginoso loco, donec illucescat dies & lucifer oriatur in cordibus nostris; quæ etiā vetat iudicare ante tempus, quoadvsque veniat Dominus qui & illuminabit abscondita tenebrarum & manifestabit consilia cordium, & tunc laus erit vnicuique à Deo.

1. *Cor.* 4. Vnde intelligimus non in factis modò, verum etiam in dictis & assertis esse nonnulla sic latentia in abstruso, vt in ijs neminem hic iudicare debeamus. Et quia dicit Apostolus diem Domini reuelādam in igne, istoque modo manifestaturam cuiusque opus, videndum quem hic sui commentarij folle nobis ignem excitet. Vbi planè Aretius sibi non constat, sed modò hoc, modò illud, etiam intra paucas lineas. Semel enim censuram & iudicium Dei; semel atque id quidem paulò post, iustum quendam pudorem significatum annotauit. Erasmus autem & Robertus Stephanus afflictionem vitæ huius

huius. Verum neque iudicium Dei in hac vita, cuiusque ministri doctrinam quamcūque manifestat, quia de multis etiam Catholicorum assertionibus quæ fidei nō sunt, incertum quid iudicet : neque pudor, quia multi impudenter & sine omni rubore grauissimos sequuntur & spargunt errores : neq; denique ipsa persecutio & afflictio vitæ huius, quandoquidem assertores erroris vsque ad cruciatus acerbos, mortemque ipsam violentam pro suis sententijs decertent, mirabili sæpè fortitudinis specie, & ideo cum miserabili deceptione multorum. Præterea dicit Apostolus quod per ignem, cuiusque opus, hoc est (vt volunt) doctrina probabitur, sic vt quæ bona sit, nihil accipiat detrimenti, quæ falsa & mala exuratur, diuini iudicij censuram tãquam ignem ferre non sustinens. Sed hoc rursum in hac vita impleri, nimia profectò absurditate statuitur, vbi non minus pro veritate, magna commodorum temporalium detrimenta perpetienda sunt bonis ministris, quam pro errore pseudoprophetis. Aut quænam illa hic doctrinæ cuiuslibet vitiosæ exustio? quod detrimentum? an quod accusetur & improbetur à doctioribus, errorisque damnata repudietur? At catholicam veritatem ipsumque Dei verbum multi tanquam doctiores reprehendunt & accusant, suumque examen quod diuinum esse prædicant sustinere negant posse. Quæ autem multa alia sunt, quæ examinata cuiusmodi sint, certa & non dubia

dubia definitione iudicari in hanc aut illam partem ne à doctissimis quidem possint? Atqui B. Apostolus dicit; Vniuscuiusque opus quale sit, ignis probabit, suaque illa probatione manifestum efficiet, non solum quid aurum, quid stipula, sed etiam quid aurum, quid argentum, quid fœnum, quid stipula. Iam verò is cuius doctrina, quoniam vana & aliena à vero, ferre non poterit examen hoc diuinum, quomodo saluus sit futurus quasi per ignem, id crudum satis & inexplicatum ac dubium, ab Arctio relinquitur. Etenim quid si laboret minister aliquis crassa & inexcusabili ignorantia rerum ad religionem pertinētium, ex eaque & erret ipse, & temerarius doctor alios secum in errorem abducatur? nōne crimen hoc erit & mortale delictum, supplicioque, nisi ille resipiscat, puniendum æterno? Quonam ergo modo iste, non fœnum, non stipulam quæ leuior est, non ligna quæ exuri possunt; sed æs ferrumq; seductoriæ doctrinæ superstruens, saluus erit quasi per ignem, qui saluus non sit futurus? Nam & si teneat de Christo fidem, quem esse mediatorem Dei & hominum credit, tamen alia quedam ad Christum seu corpus eius pertinentia non credit, ideoque excidit ab ipso fundamento, cuius non sit de Christo fides integra.

• Sit, exempli gratia, Donatista, sit Nouatianus, sit Pelagianus, aut si id malit, Anabaptista vel Calvinista quispiam qui Christum agnoscit & prædicat. Is si habet in fundamento Chri-

stum

stum, saluus erit non obstante hæresi sua. Si autem is solus habet Christum in fundamento qui integram de Christo retinet fidem, sed errores interim in leuioribus & ijs quæ præter fidem ac pietatem sunt imprudens serit, patior id quidem vt hic saluus dicatur fore; sed cur per ignem pudoris iusti, qui bona fide tantaque quanta esse humana potuerit diligētia, tradiderit doctrinā minimè noxiam imò vtiliter etiam adhortantem? Ac si quis erit qui in hoc leuiorum erratorum genere quippiam venialis culpæ contraxerit (quod perpauci effugiūt, catholici alioqui doctores, & eruditi) nec hunc tamen spectasse videtur, qui & pudoris iusti & seductionis meminerit, quæ non nisi in grauioribus doctrinæ lapsibus commodè intelligatur. Denique vt sit cuiuspiam planè præstans & aurea singularisquæ doctrina, sed eius vita non sit inculcata, multumque hæreat in moribus vanitatis & flamma dignæ materiæ, hiccine propter solam doctrinam sine detrimento saluus erit? Soliúsne rationem habet doctrinæ censura diuina? Interpretaris deindè esse hunc ignem pudoris iusti; sed quam multi sunt qui de falso dogmate nunquam erubescunt in hac vita? Non enim pudet sic docuisse, non rubore suffusi conticescūt, cum se putent certissimam tenere veritatem. Atqui generatim pronunciat. Apostolus quod quisquis ædificauerit ligna, fœnum, stipulam, passurus in igne sit exustionem operis sui, sed tamen per ignem ipsum, sal-

saluus futurus. Addis etiam, quo teipsum tecum pugnare demōstres, ignem cuius Apostolus meminit debere intelligi cōmunem bonis & malis. Nunquid ergo vis ut boni etiam ministri, iustū patiantur de sua doctrina pudorem per quem salui euadant? At communē, inquis, ignem intelligo censuram diuini iudicij: Quid intelligas Areti non video, quid dicas & scribas lego. Ignem fingis iusti pudoris, qui prauē docentium sit proprius, cum tamē (si tibi constare volebas) eundem, hic, quem prius, ignem oportuerit intelligi; ut esset ignis communis bonis & malis, bonis quidem ad laudem, malis ad purificationem. Sed video quis hunc tibi ignem in tuo commentario accenderit: Erasmus Rotterodamus sic est interpretatus hunc locum in suis Annotationibus: atque hic ipse Ambrosiano commentario sese niti significat. Quasi verò futuri sæculi quendam ignem commentator ille nō se intellexisse declaret, cum interpretatur illa verba, Dies enim Domini declarabit, quia in igne reuelabitur; hoc est, inquit, mala doctrina in igne omnibus apparebit; nunc enim quosdam fallit. Quid est quod ait: Nunc enim quosdam fallit? nisi quia velit intelligi nō esse in hac vita cuiusque doctrinam manifestam, sed in futuro sæculo per ignem manifestandam? An forte per ignem in futuro sæculo, sed pudoris ignem & confusionis? Sit hoc ita sanē (magnus enim cuique in sua pœna pudor est, cum ea præsertim fuerit manifesta) id saltem

confe-

consequor, si illum sequeris commentarium, ut fateri debeas aliquos fore saluos qui in futuro sæculo pœna pudoris afficiantur, priusquam recipiantur in beatum illud regnum. Quod quam tuo aduersetur instituto, protinus opinor aduertis. Sic & is commentarius qui est sub nomine D. Hieronymi inter eius opera, cum verius existimetur esse Pelagij, quamuis superædificare interpretetur doctores ipsos super fundamento Christo, tamen neque doctrinam intelligit superædificari sed homines bonos aut malos, & in his tãquam discipulis manifestandam esse cuiusque doctrinam; sed in die iudicij, non in hac vita, ignemque (sicut ille commentarius Ambrosianus) nō in sæculo hoc intelligit, sed in futuro. Diuus etiam Chrysost. quãquam sicuti ipse annotasti, coactiore vti videatur expositione in verbo [saluus erit] tamen & manifestationem & ignem, per eumque probationem, ad futurum sæculum referenda esse non dubitat. Ædificationes verò rectissimè ei visæ sunt esse operationes, illumque cōmentarium Pelagij, ut ædificâtes sint magistri, opera verò discipuli & auditores, ut improbabilem iure refellit. Quo pacto enim, inquit, opus peribit, architectus autem saluus erit? Quid cæteros commemorem Græcos & Latinos, qui de eo quod post mortem est iudicio, Pauli locum magno consensu interpretati sunt? Nimirum animaduertebant id totum quod B. Apostolus dicit de manifestatione operis cuiusque, &

probatione, & diei illius declaratione absurdè in hac vita intelligi. Et quicquid ipse tandem Erasmus annotauerit, qui ad hanc interpretandi licentiam suis annotationibus magnam fenestram patefecit, tamè ingenuè post omnia confitetur, Græcum articulum vocabulo diei præpositum, efficere propemodum ut de certo die accipi debeat: Quasi dicas, Nam ille dies Domini declarabit. Quis autem ille est tam singularis dies, nisi supremi iudicii? Vita enim hæc propè tota quid nisi afflictio, & persecutio & tentatio est? Multi ergo, imò omnes ferè dies superædificata aliquorum ministrorum opera patefaciunt, quantum quidem manifestari in hac vita possunt. At vnum aliquem singularem scriptura diem significat, quo non vnus, aut plurium, sed vniuscuiusque manifestandum sit opus. Ut igitur de superædificantibus qui sint, & quid illud quod superædificent, ut de proprietate ignis tecum Areti non valdè contendam, fatendum tamen est in illo iudicio non in hac vita vniuscuiusque probandum & manifestandum opus quale sit, in eaque probatione quosdam propter ea quæ superædificauerint, detrimentum seu damnum passuros: sed tamen saluos futuros.

Quid sentiendum sit de Augustini dubitatione circa memoratum scripturæ locum.

C A P. X V I.

Vnum

VNum hoc loco Augustinum obijciendum nobis putauit Aretius, tanquam varia loci interpretatione fluctuantem, & incertum quo maximè modo accipi oporteret. Cuius tamen dubitatio etiam si de eo foret, vtrum ad futurum sæculum referendum sit quod dicitur de vnius cuiusque operis probatione & manifestatione, tamen nihil præiudicaret plurimorum & grauissimorum authorum tantæ in eo ipso intellectu consensio. Habet enim hoc in scripturis interpretandis regula Ecclesiæ, vt cõmunem magisq; receptum, & probatum pluribus scripturæ sensum recipiat, in his præsertim locis quæ aliquam fidei continent quæstionem: Eo enim fit vt nec Chrysostomũ hic sequatur in eo quod ignem interpretetur æternum, per quem salui futuri dicantur, qui superstruunt ligna, fœnum, stipulam, quia non sint igne quamuis perpetuo dissoluendi. Sed in eo propriè sita non est Augustini dubitatio, qui in id incubit vt explaret; Primũ quinam censendi sint habere Christum in fundamento; Deinde quid sit ignis vocabulo accipiendum; Tertio quo modo per hunc ignem quisque probatus saluus tandem euadat: Propterea quod essent id temporis, qui ipsum gehennæ ignem intelligerent, per quem dicerent saluos futuros etiam illos qui crimina secum hinc detulissent. Tamen si enim faterentur ignem illum esse perpetuum, ambustionem tamen eius negabant omnibus perpetuam fore. Quonam autem modo sensisset Augustinus

vnumquemque superædificantium super fundamento Christo, ex tribulationum igne hac in vita probandum esse, vnde vel ipsi esset manifestum quid superstruxisset quantumque bona pereuntia dilexisset, cum non nesciret esse plurimos qui vsque ad extremum ipsum mortis ictum nihil aduersi subirent, vnde id posset de seipsis habere exploratum? Talem igitur probationem, manifestationemque superstructi operis, intelligit partim hic, partim in futuro fieri; sed quod hic ita fieret in quibusdam aliquo dolore tanquam igne ipsos vrente examissione honorum quæ dilexerant, id pro certo habuit. In futuro verò sæculo vtrum tale quid esset, id non putauit definiendum, sed siue hoc modo, siue alio quopiam id fieret, vt igne superædificantium opera probarentur, non dubitauit tamē quod Apostolus dicit, Vniuscuiusque opus ignem esse probaturum, & diem Domini declaraturum quale esset, id plenè in futuro sæculo esse complendum. Ideoque in Psalmos scribens, & eundem Apostoli locum attingens, sine cūctatione declarat, ignem futuri sæculi purgatorium Apostoli verbis significatum esse. Quia dicitur, inquit, saluus erit, contemnitur ille ignis: grauius id tamē erit quam quicquid in hac vita quisque pati possit. Et iterum, Domine (inquit) in hac vita purges me, & talem me reddas, cui emendatorio igne non sit opus, propter illos qui salui erunt, sic tamen quasi per ignem. Et rursum hom. 16. libri 50. homi-

*In Psal. 37
Domine ne
in furore.*

homiliarum; Qui, inquit, temporalibus pœnis digna gesserunt, de quibus Apostolus dicit: Si cuius opus arserit, detrimentum patietur; ipse autem saluus erit, sic tamen quasi per ignem, per fluuium igneum de quo propheticus sermo commemorat; Et fluuius igneus currebat ante *Daniel. 7.* eum, & per fluuium igneum, & vada feruentibus globis horrenda transibunt. Quanta fuerit peccati materia, tanta & pertranseundi mora. Quantum exegerit culpa, tantum sibi ex homine vindicabit quædam flammæ rationalis disciplina; & quâ tum stulta iniquitas suggesserit, tantum sapiens pœna desæuiet. Et quia sermo diuinus quodam loco æneæ ollæ animam peccatricem comparat, dicens: Pone illam super prunas vacuam, donec concalescat æs eius, & omne stannum eius defluat; illic sermones otiosi, & cogitationes iniquæ vel sordidæ; illic multitudo leuium peccatorum, quæ puritatem nobilis naturæ infecerant, exudabunt: illic stannum vel plumbum diuersorum subrepentium delictorum, quæ diuinam imaginem obscurauerant, consummentur: quæ omnia hic ab anima separari per eleemosynas & lachrymas, compendiosa transactione potuissent. Ex his vides, si tamen verum videre libet, vt non dubitarit Augustinus in futuro sæculo intelligendum quod dicitur, Saluus erit sic tamen quasi per ignem. Non enim eam rem sic inculcasset populari sermone, idq; ex autoritate Apostolicæ prædicationis, si pro incerta habuisset.

Voluit igitur indubiè tribulationis, & eius quidem grauissimæ, quendam ignem in futuro intelligi, per quem tum demum cuiusque, sicut Apostoli verba continent, probaretur & manifestaretur opus, cum ipsi cuius esset opus, tum alijs quoque hominibus. Sed vtrum illa tribulatio tunc videret dolore quodam amissorum huius vitæ cōmodorum, qui dolor index esset inhærentis sæculi amoris, à quo deberent ipsa tribulatione repurgari (id quod in hac vita cōtingere multis non dubitabat) Hoc igitur num similiter in altero sæculo eueniret, id (sicut dictum est) pro incerto habuit Augustinus. Sint ergo, si placet, ij qui superstruunt ministri verbi; sit ignis, aut tribulatio aut iudicium Dei; sit dies Domini dies iræ & ultionis; denique & hic per tribulationes, amissionesque bonorum vitæ huius probentur quidam, & quid vel docuerint vel amauerint, & ipsis & alijs quibusdā fiat manifestum, nunquam tamen quisquam perficiet vt possit in hac vita intelligi quod Apostolus dicit, Vniuscuiusque videlicet superstruentium opus ignis probabit, & vniuscuiusque opus manifestum erit, & dies Domini declarabit, quia in igne reuelabitur. Ex quo efficitur vtcunque serres habeat in hac vita, in sæculo futuro quosdam igne probari, & eorum opera manifestari qualia sint: & alios quidem statim mercedē accipere, alios verò quia ligna, fœnum & stipulam superaddiderint, detrimentum & damnum pati, sed consequi tamen salu-

salutem tanquam per ignem . Ex quo rursum manifestè colligitur metuendum esse futuri post hanc vitam extremi iudicii quendam ignem; perfectis quidem imperfectisq; communem, sed per quem perfecti transeant illæsi, imperfecti accepto detrimento purgentur . Ac si tale quid futurum est in extremo iudicio, circa hominem totum, constantem iam animo & corpore, in quo adhuc purgandum, consumendumque aliquid reperietur, indicio id est profectò post mortem ad similem modum cum ipsis animabus agi, quæ eadem ædificij sui imperfectione laborent, donec plenè absumptis ijs quæ vitiosè cohærebant, liberæ prorsus purgatæque ad Dei conspectum, ex suis pœnis emigrent .

Non benè colligi ignem cuius meminit Apostolus non esse Purgatorium, quia significetur bonis & malis esse communis.

CAP. XVI.

Falleris igitur Areti, si colligis ignem quendam purgatorium intelligi non posse, quia dicat Augustinus, ignem illum, cuius Apostolus meminit, bonis malisque debere esse communem, aut saltem (quod magis abs te dici conueniebat) communem superædificantibus aurum, argentum, & superædificantibus ligna, fœnum & stipulam, qui non mali, sed boni omnes & iusti sanctique sunt propter funda-

K iiij men;

mentum Christum, id est, fidem quæ per dilectionem operatur: sed alij alijs perfectiores præstantioresque iustitia. Falleris, inquam, sic colligens: Ignis ille perfectis imperfectisque communis est, ergo purgatorius esse non potest. Vnus enim atque idem ignis, per quem illi omnes transaturi sunt, quos adhuc impuros inueniet purgabit; quos verò reperiet antè purgatos, hos inoffensos, & sine omni detrimento, damnoque transmittet. Neque enim ignis propterea non est purgatorius, quia non omnes est purgaturus. Quomodo nec propitiatorium apud Iudæos propterea non erat, quia non omnes propitiabat: aut rei cuiuspiam vires calfactoriæ esse negandæ sunt, quia non quilibet excalfaciunt. At hoc, Areti, vt alicuius momenti esse putares, quis tibi fuerit author propè me diuinare posse existimo. Suggesterat hoc Erasmus antea eiusmodi verbis; Si quis vrgeat per ignem intelligendum pœnas gehennæ aut purgatorium, quomodo qui superstruxerunt aurum, argentum & lapides præciosos æquè examinari dici possunt atque alij? hoc ille mouet, perindè atque si omnes ita essent rudes rerum, vt nescirèt etiam aurum præstantissimum igne examinari & probari, vt decius cõstet puritate. Ex quo etiã illa vox est; Igne me examinasti, & non est inuēta in me iniquitas: & apud Lactantium legitur lib. 7. cap. 21. Iustos quoque cum iudicabit Deus examinandos igni, ac tum quorum peccata vel pōdere vel numero præualuerint,

rint, perstringendos igni atq; amburédos; quos autem plena iustitia & maturitas virtutis incoxerit, ignem illum non sensuros: habere enim aliquid in se Dei, quod vim flammæ repellat atque reiiciat. Et Diuus Ambr. serm. 20. in Psal. 118. Petrum quoque & Ioannem, in quibus si quid vitij fuit, charitas diuina decoxerat, examinādos nihilominus igne, per flammāsque transituros asseuerat. Ergo & Lactantius & Ambrosius, examinandos scribunt igne illo cōmuni, iustos, & eos quidem iustos quibus nō reperias iustiores. Neque enim idem est examinari seu probari, & purgari: nam & docti pariter examinantur & indocti; illi vt eorum manifestetur eruditio, isti vt ab ignoratione & errore purgentur. Leuiter etiam illud & inconsideratè admonetur Ambrosium annotasse, propterea dici [quasi per ignem] vt similitudinem, nō rem intelligeremus: vndè colligitur de igne purgatorio non posse Apostoli locum explicari. Non enim id habet ille Ambrosij commentarius, sed id potius, quamuis obscurè significat, ideo non dictum; Per ignem saluus erit, sed, quasi per ignem: ne intelligeretur eum in igne fore saluum, id est, illæsum & incombustum futurum suo merito, sed salutem consecuturum quidem, at non sine pœna ignis. Non dixit, inquit, saluus erit per ignem, vt merito suo ab igni non combustus saluus fiat examinatus per ignem: sed cū dicit; Sic tamen quasi per ignem, ostendit saluum illum quidem

futurū, sed pœnas ignis passurum, vt per ignem purgatus fiat saluus, & non sicut perfidi æterno igne in perpetuum torqueatur. Nec verum est quod præsupponitur, vocolam [quasi] semper significare similitudinem solam, cum ipsam aliquando exprimat veritatem: velut cum de quopiam dicitur; Gubernat quasi tyrannus, id est, more tyrannorum, & ita vt se tyrannū verè exhibeat; Extorsit pecuniā quasi raptor; Sæuijt quasi iratus, aliaque per multa, quæ similem in modum dicuntur. Quale & illud est in epistola ad Galat. cap. 3. Non dicit, Et feminibus, quasi in multis, sed quasi in vno, Et semini tuo qui est Christus. Si ergo non verus ignis, quia dicitur Quasi per ignem, nec verè vnum ergo semen Christus, sed simile quiddam. Neque similitudinem opinor ibi significat, vbi scriptum est ad Corinthios: Non sumus idonei cogitare aliquid ex nobis quasi ex nobis. Neque veritas exclusa est vbi dicitur eodem capite; Non potui vobis loqui quasi spiritualibus, sed quasi carnalibus: aut in Euangelio Ioannis capite primo; Vidimus gloriam eius, gloriam quasi vnigeniti à patre. Sunt alia innumera quæ de politiori etiam literatura proferri possunt, vnde constet illud [quasi] sæpenumero ipsam exprimere veritatem: Non me, inquit ille, pater amas quasi filium; aut certè aliud quid proprium significare. Sed nec quia metaphora est in auro, argento, lapide pretioso; ligno, fœno, stipula, consequens videri debet, vt in igne quoque non

2. Cor. 3.

*Quasi interdum rei
vnde aut
qualitatē
declarat.*

non proprietas seruata fir, sed tropus agnoscendus (quamuis id Calvinus & Aretius videri velint.) Possit enim & alius similiter colligere, nec in mercedis aut detrimenti vocabulo proprietatem seruata esse, nec mercedis aut salutis veritatem, sed similitudinem duntaxat agnoscendam. Aut quia dicitur in Euangelio, *Ioann. 15.* is qui in Christo fructum non fert, per metaphoram palmes, & per metaphoram amputari & arescere & colligi, cōcludere possit in ignem etiam non verum, sed metaphoricum mittendum esse, & metaphoricè non verè arsurum. Imò verò quia verum & fulgentissimum quendam ignem, idoneum prorsus per quem dies Domini magnus cunctis patefieret, beatus Apostolus intelligi voluerat, idcirco & alia illa per eiusmodi metaphoram exprimenda putauit: quia si dixisset simplicius, vitam & mores vniuscuiusque per ignem probandos; & quosdam quidem illo puniendos igne atque purgandos; alios sine læsione & afflictione transiuros, eandem quidem retineret sententia veritatem, sed minus multò gratiæ habitura fuisset oratio. Saluum igitur fore pronunciat Apostolus superædificantem ligna, fœnum & stipulam, sed sic tamen atque ea lege, vt illi sit accipiendum ab igne detrimentum, pœnaque ignis temporaria perferenda, atque hoc in extremo iudicio fiet. Quæ autem vel hic satisfactione, vel post hanc vitam ante illud tamen extremum iudicium, repurgata & expiata fuerint,

rint, non illic per ignem absumi necesse erit, sed quid factum sit, tunc etiam dies ille probatorio quodam igne manifestabit. Iudicij certe supremi diem familiare est Apostolo hunc in modum designare: vt priore ad Corinthios capite primo, Conseruabit vos in diem Domini sine crimine: Et cap. 5. Vt spiritus saluus sit in die Domini: Sic & ad Philip. Vsque in diem Iesu: Et in posteriore ad Timot., capite 2. Quam mihi reddet iustus iudex in illa die: Et ad Hebræos 5. Quanto magis videritis appropinquātem diem. Quomodo & apud Lucam Pauli imitatore scriptum est; Remissius erit Sodomis in illa die. Quanquam & eodem conferat quod dicitur, Mercedem accipiet, est enim futuri sæculi propria bonorum operum retributio: Quia verò mercedi opponit detrimentum, intelligendum est proculdubio hoc quoque accipere in supremi iudicij die. Nec dicit Apostolus quod ignis diem ipsum efficiet, id est, vt quidam volunt, claram inspectionem: sed dies, inquit, Domini reuelabitur in igne, hoc est, per ignem supra modum admirabilem quod dies Domini sit quo iudicare statnerit, patefiet; eoque ipso igne vt diuinæ iustitiæ instrumento iudicium ipsum palam in omnes exercebitur, alijs quidem purgandis, alijs de sua puritate illustrandis, alijs damnandis atque perdendis. Hoc enim & antiquissimis Ecclesiæ cæremonijs, quæ in baptismo seu exorcismis adhibentur consentaneum est, & per-
celebri

celebri illi voci, quæ passim in Ecclesia Christi resonat; [Qui venturus est iudicare viuos & mortuos, & sæculum per ignem.] Quod ipsum & B. Petrus Apostolus in epistola secunda satis insinuat, cum ait: Veniet dies Domini sicut fur, 2. Petri 3. in quo cæli magno impetu transient, elementa verò calore soluentur, terra autè & quæ in ipsa sunt opera exurentur. Vnde colligit, quia sunt hæc dissoluenda & purganda, magnam operam dandam esse Christianis, vt immaculati inueniantur in eo die, ne videlicet per ignem illum iudicati & afflicti detrimentum accipiant, aut eòdem si expertes iustitiæ sint, ad interitum inuoluantur sempiternum. Neque verò id ipsum beatus Paulus in secunda ad Theff. capite 2. tacuit, cum ait venturum Christum in flamma ignis, quo vindicta de impijs sumatur. Sed & à Malachia Propheta, eiusmodi quiddam expressum est, de igne quo purgentur filij Leui: Ecce enim inquit, capite 3. venit, & quis poterit cogitare diem aduentus eius, & quis stabit ad videndum eum? Ipse enim quasi ignis conflans, & quasi herba fullonum, & sedebit conflans & emundans argentum, & purgabit filios Leui, & colabit eos quasi aurum & quasi argentum, & erunt Domino offerentes sacrificia in iustitia. Ex quibus verbis videtur (inquit Augustinus) euidentius apparere, in illo iudicio, quasdam quorundam purgatorias pœnas futuras. Lib. 20. de ciuitate Dei cap. 25. Quamobrem id omninò persuasum haberi debet beatum Apostolum, siue cum ait:

Et

Et vniuscuiusque opus quale sit ignis probabit, siue cum mox adiungit; Ipse autem saluus erit, quasi per ignem, de eodem prorsus igne loquutum, qui purgatorius his quidem qui purgatione adhuc indigebunt, omnibus autem probatorius futurus est. Per eum enim ignem sunt omnes iudicandi ab eo qui venturus est iudicare viuos & mortuos, & sæculum per ignem. Quod tamen quidam scriptor catholicus ne sit odiosum veretur: si videlicet asseramus sanctos homines nullo iam vitiorum inquinamento pollutos, per eum ipsum ignem qui impios est perditurus, esse transituros, quamuis citra omnem vel minimę læsionis noxam: vt sit ignis ille purgatissimis quibusque hominibus, quod tribus pueris caminus ille fuit Babylonicę fornacis: hoc (inquam) ne pias offendat aures, metuit: ideoque ab Alcuini commentario, qui huc ei sensum exprimere visus est, non nihil sibi recedendum esse putauit. At quid hic, vir bone, reformidas? Sanctisne indignum censes si clarissimo hoc discrimine puritas eorum singularis ab aliorum impuritate discernatur? si in igne communi alijs detrimētum accipientibus, ipsi Deo pleni vim omnē elementi vrentis euincāt? Sed dicito quid præponas: Nempe vt ignis de quo dicitur, [Vniuscuiusq; opus quale sit ignis probabit] sit ignis ille spiritualis diuini interni-que iudicij; materialis autem cum post additur, [Saluus erit quasi per ignē.] Quæro quis ergo ignis illè de quo dicitur; Dies enim Domini in igne

*Vide supra
cap. 10.*

igne reuelabitur, nisi materialis ille atque conspicuus? Nam & ipsa Dei circa quemque censura per seipsam inuisibilis, suis effectis in hoc igne manifestabitur. Hic igitur ignis est, de quo vno eodemque contextu subiungit; Et vniuscuiusque opus quale sit ignis probabit. Hunc & Latini patres in Florentina Synodo significatū esse, non dubia interpretatione acceperunt. Qui enim (aiunt) confessi, sacratissimum Christi corpus, absque tamen pœnæ præuia satisfactione sumunt continuoque moriuntur, hi dubio procul in supradicto igne quod purgatorium appellari solet, purgantur. De quo quidem igne Paulus ad Corinthios scribit; Vniuscuiusque opus quale sit ignis probabit. & paulò infra; Ipse autem saluabitur sic tamen quasi per ignem. Et ad hunc quidē modum illi. Atq; vt Diuum Augustinum præteream, cuius clara sententia est Enchiridij 68. talem ignem intelligi debere, per quem ambo transeant superædificantes, ^a Ambrosius ipse qui Diuū ^b Basilium & ^c Hilarium in eo sequutus est, cum interpretantur illud, [Ipse vos baptizabit in spiritu sancto & igni] intelligit ignem futuri iudicij per quē exuretur iniquitas, quiq; paleis futurus est inextinguibilis, perque hūc ipsum ignem optimos quosque transituros docet. Nam & si aliquis (inquit) vt Petrus sit, vt Ioannes, baptizatur hoc igni. Paulò quoque antè ex eodem Ambrosio & Lactantio protulimus quod eodem pertineret, pluresque proferre possemus, si esset necesse. Hæc autem

a Ser. 3. in

psal. 118.

b Ca. 11. li.

de Spiritu

sancto, &

in ca 4 &

9 I/aia.

c In cap. 3.

Matthæi.

ante obiter insinuanda putauimus, ne dum in breuissimo illo verborum Pauli contextu, citra ullam grauem satis causam ignem alium atque alium commentamur, hæreticorum fortè partes per imprudentiam adiuuemus.

De loco Apocalyp. Beati mortui qui in Domino moriuntur. CAP. XVIII.

Apocalypsis, inquit, 14. *Beati mortui qui in Domino moriuntur nunc; & iam dicit spiritus ut requiescant à laboribus suis, opera autem illorum sequuntur eos. Locus hic totus de felicitate piorum loquitur qui in Domino moriuntur. Sed quid hinc ad purgationem faciet? Excipiunt, quia opera illorum sequuntur illos; hoc est, quia alij pro illis faciunt, quasi hoc sit sequi opera illorum. Bonos sua sequuntur opera, dum obtinent quod sperarunt, & assequuntur pro quo tot ærumnas pertulere, quales sunt pij martyres qui sanguinem pro Christo effudere. Hos sequuntur sua opera, hoc est, non frustra laborarunt, non in vanum cucurrerunt.*

Rursum hic, Areti, nodum pro tuo arbitrio facis quem resoluas. Quis enim est nostrum qui istiusmodi argumento vel somniarit statui purgatorium posse? Prorsus ut dicis, locus ille totus de piorum felicitate loquitur, nisi quod ita latè pateat, ut illos etiam spiritus, quos purgatoria quædam receptacula detinēt, comprehendat. Nam & illos quamuis sunt in pœnis, beatos

beatōs magna ex parte tranquilla quædam securitas facit, sicut ante docuimus. Sed vt purgatorio locus ille neutiquam aduersatur, ita neque ipsum probat, neque quicquam expressum habet quod vllō modo faciat ad purgationem. Quid autem impudentius, quam vt interpretari nosingas, Opera illorum sequuntur illos, id est, quæ alij pro ipsis faciunt? Nam & si iuuantur animæ illæ bonis viuientium operibus, tamen in eo ipso sequuntur illas propria ipsorum opera, quæ suis in corporibus peregerunt. Siquidem & sibi cum hic agerent compararunt ea merita quibus alienis auxilijs atque officijs dignæ redderentur. Id quod ille significat Euangelij locus, ybi dominica admonitio est ad bonum diuitiarum vsum & misericordiam, Facite vobis amicos de mammona iniquitatis, vt cum defeceritis, recipiant vos in æterna tabernacula. *Luce 16.* Quid enim est facere sibi amicos de mammona iniquitatis, nisi largo & liberali pioque facultatum vsum, conciliare sibi salutis adiutores, qui suis precibus atque officijs nostræ vitæ quasi defectus suppleant? Quid recipi ab illis in æterna tabernacula, nisi ad ingressum beati illius regni tanquam opitulatrice porrecta manu adiuuari? Cùm ergo adiuuantur ac recipiuntur amicorum auxilijs, in eo ipso sequuntur illos opera ipsorum, quibus de mammona iniquitatis amicos sibi conciliauerunt. Sequuntur proinde illos opera ipsorum propria, non solum ad regni consecutionem, verum etiā

L ad ob-

ad obtinendam illam in iudicio misericordiam, qua remota si iudicarentur, peccatis quibusdā impredientibus, admitti non possent ad iustitiæ suæ premium accipiendum. Quam rem mirari se dicit Augustinus solère, etiā ab Ethnico Poëta disertis adedò verbis expressam. Nam cum Elysios (ait) campos Poëta ille describeret vbi putant habitare animas beatorum: non solum ibi posuit eos, qui proprijs meritis ad illas sedes peruenire potuerunt, sed adiecit atque ait;

Quiq; sui memores alios fecere merendo:

id est, Qui promeruerunt alios, eosque sui memores promerendo fecerunt. Prorsus tanquam eis diceret, quod frequentatur ore Christiano, cum se cuique sanctorum humilis quisque commendat & dicit: Memor esto mei, atque ut id esse possit, promerendo efficit. Hactenus Augustinus. Ac verè tu quidem dicis, *Bonos sua sequi opera, dum obtinent quod sperarunt, &c.* sed diligenter caues ne vim & fructum exprimas meritorum, propter quem tamen dictum est opera sequi. Quomodo enim sequuntur opera, si non propter ipsa remuneratio fiat? si nihil eorum intuitu, & quia accepta ipsa grataq; sint reponatur? quomodo sequuntur si nœuo peccati omnia sint deformata, odioque digna magis quam mercede? Quanquam igitur beatum regnum assequantur martyres, quia tamen ille fructus operum non est, neque laborum merces, secundum vestrum nouum

Euan-

Euangelium, profectò frustra laborarunt & in vanum cucurrerunt. Frustra enim fit cuius effectus est nullus: nam si cui ægro porrecta medicina sit, quam constet ad sanitatem recuperandam fuisse inutilem, quamuis ille alia quadam ratione & causa cōcurrente, sanitatem recuperet; medicinam tamen illam inutilem, frustra que porrectam omnes iudicabunt. Quid autem est quod inculcatis magis, quàm inutiles esse nos, etiam post sanctificationem? & opera etiam illa in quibus creauit nos Deus vt in illis ambulemus, ad vitæ beatæ comparationem nihil conducere? Sed quoniam hoc leuiter attigisse isto in loco sufficit, ad ea quæ subiungis transeundum est.

2. Timo. 2:
Epbes. 2.

Quid de loco scripturæ ad Philip. cap. 2.
In nomine Iesu omne genu flectetur,
&c. sentiendum sit, in causa confir-
mandi Purgatorij. CAP. XIX.

Philippensium 2. inquit, In nomine Iesu omne genu se flectat; celestium, terrestrium, ac infernorum. Quasi hic ternarius flectentium genua non possit subsistere, nisi detur Purgatorium. Flectunt genua celestes spiritus & sancti in vita aterna: Idem faciunt pij in terra adorantes Christum: Idem faciunt Sathan & damnati spiritus cum impiis omnibus in nouissimo iudicio; non quidem adorantes Christum, sed agnoscetes indicem. Credunt enim & contremiscunt; hoc est, non

colunt Christum, quem tum coguntur fateri filium Dei, & iudicem suum.

Et hic locus Areti magis ad quandam pertinet probationis copiam, qua nonnullis forsitan uti lubuit, quoniam sic accipi. posse putarunt, quàm concludendi vim habet ex eo quod aliter intelligi non debeat. Scio enim esse Catholicos interpretes, qui eum sensum quem sequeris, suis commentationibus expresse-*rint.* Quid autem Catholicos interpretes dico? cum Apostolum cōstet capite 14. epistolæ ad Romanos, ad extremū referre iudicium, in quo omnes boni & mali ante iudicem curuandi sunt; illi amore, isti metu? Omnes, inquit, stabimus ante tribunal Christi. Scriptum enim est, Viuo ego dicit Dominus, quoniam mihi flectetur omne genu, & omnis lingua confitebitur Deo.

Reliqua, inquis, noui testamenti loca eadem facilitate explicari possunt, ut planè perspicuum sit nihil praesidij hinc redire ad defensores Purgatorij. Reliqua dicis loca; sed quæ sint, non designas. Neq; dubiū est quin ea quoque sint selecta pro arbitrio tuo, quibus fingimur astruere purgatorium. Nam quod scriptum est Apoc. 5. Audiui omnem creaturam quæ in caelo est, & super terram & sub terra dicentem sedenti in throno, & agno; Benedictio, & honor, & gloria, & potestas in sæcula sæculorum: Item, Quid faciunt qui baptizantur (seu affigunt se) pro mortuis, si omnino mortui non resurgunt? Sic enim & Christus dicit, Marci 10. Potestis baptismo quo

1. Cor. 15.

quo ego baptizor baptizari? Et Lucæ 12. Baptismo habeo baptizari, & quomodo coarctor donec perficiatur? Item: Est peccatum ad mortem, non pro eo dico vt roget quis: vbi significatum videtur orandum esse pro ijs, qui rectè præsumantur in peccatis non perseuerasse vsque ad mortem. Rursum illud in Actis de Christo, Quem suscitauit solutis doloribus inferni, iuxta quod impossibile erat teneri illum ab eo. Hæc igitur quæ à nonnullis non contemnendis authoribus pro Purgatorij assertionem proferuntur, vellem illa tua facilitate nobis explicata reliquisses. De postremo certè loco Diuus Augustinus hunc in modum scripsit lib. 12. de Genesi ad literam ca. 33. Christi quidem animam venisse vsque ad ea loca, in quibus peccatores cruciantur, vt eos solueret à tormētis, quos esse soluendos occulta nobis sua iustitia iudicabat, non immerito creditur. Quomodo enim aliter accipiendum sit, quod dictum est, Quem Deus suscitauit ex mortuis, solutis doloribus inferorum, quia non poterat teneri ab eis, non video; nisi vt quorundam dolores apud inferos eum soluisse accipiamus. Locum autem Apocalypsis 5. valde conatur Calvinus extorquere nobis è manibus: *Quales enim (inquit) hic creaturas recenseri putant? Certo enim certius est & ratione carentes & inanimatas comprehendere.* Quo non aliud affirmatur, quam singulas orbis partes à summo calorem vertice ad vsque terræ centrum, suo modo creatoris gloriam enarrare.

Sed Agnum (ô Caluine) relinquis, cui quoniam modo omnia dicunt elemēta benedictionem & honorem, aut quomodo eius gloriam enarrant? Agni quippe gloria propria ex opere est redemptionis, cuius abditissimi in Dei sapientia consilij, ne vestigium quidem aut pertenuē signum reperiās in rebus inanimatis omnibus. Nam inuisibilia quidem Dei; vt bonitatem, sapientiam, potentiam, aliaque multa quæ sunt creatoris, vniuersæ res creatæ loquuntur: sed quid est in opere creationis quod prædicat lapsi hominū generis reparationem? quibus id signis atque vestigijs, è terra, è stellis, ex igne & aqua futurum fuisse colligas? Quod autem certo certius esse dicis, nomine omnis creaturæ etiam inanimata comprehendī, non id tam audacter dicerēs, si in mentem veniret Euangelij locus vbi scriptum est; *Ite prædicate Euangelium omni creaturæ.* vbi proculdubio Omnis creaturæ nomine, non elementa muta comprehensa sunt, sed homines soli quibus Euangelium prædicari volebat: Quod si dixeris, omnem creaturam debere illic intelligi, prout circumstantia postulat Euangelij prædicandi: scito hoc idem in Apocalypsi fieri oportere, vt sola intelligatur ratione prædita creatura, quoniā ea sola sit quæ beneficio reparationis agnito, illum qui mundi peccata sustulit agnum, prædicare & glorificare possit. Vnde non ait Ioannes, se audisse cælum & terram & mare, cum dicerent Agno benedictionem; sed creaturam
quæ

Marci vlt.

quæ in cælo habitat, & eam quæ super terram degit, & eam quæ sub terra quæque in mari versatur. Ideirco & antea dixerat in eodem capite; Et nemo poterat neque in cælo neque in terra neque subtus terram aperire librum, neque respicere illum. Neque enim hoc propter dæmones aut damnatos spiritus dictum est, à quibus absurdum fuerat tale quiddā expectare, sed propter spiritus iustorum. In quibus etsi tanta quorundam excellentia fuerit sanctitatis ac vitæ meritorum, vt de ijs aliqua concipi posset expectatio, nullus tamen ad libri resoluenda signacula, satis idoneus repertus est. Quocirca eiusmodi aliquos iustorum spiritus subtus terram fuisse hæc scriptura significat; qui tamen quoniam & ipsi liberatoris ope indigebant, non potuere humanę captiuitatis vincula resoluerē, quam peccata multa & manifesta tāquam scripta foris, & occulta vt si intus scripta essent, faciebant. Sed ad te Areti redeamus.

Faciátne pro Purgatorio locus Psalmi
66. Transiuimus per ignem & aquam.

CAPVT XX.

V Ideamus, inquis, si quid ex Veteri testamento presidij habeant. Primum vt ex nouo testamento accommodant, quæ speciem habent aliquā, sic veteris test. presidio aperto destituti, applicant quæ vtcunq; speciem aliquam habere videntur. Primo, Psalmo 66. Per ignem &
L iiij aquam

aquam transiimus. Loquitur Psalmus de afflictionibus populi Dei, ex quibus tandem eos liberavit & in terram sanctam duxit, quæ afflictiones etiam de Ecclesia & omnibus pijs possunt intelligi. Sed quæ est necessitas, ignem & aquam, hic de Purgatorio intelligere. Certè, res sunt pugnantes, ignis & aqua, ideoq; de eodem subiecto intelligi non possunt. Præterea, ignis est afflictionum in hac terra: nihil ergo ad Purgatorium.

Accedis ad ea quæ proferuntur è veteri testamento, & ne sis tui dissimilis eadem vteris industria, eligendis ijs argumentis quæ facillimè tibi dissolvere potuisse videaris. Nihil enim esse in illis Psalmi verbis quæ profers, quod satis magnam vim haberet, ad concludendum aliquid de Purgatorio Christianarum post mortem animarum, cum ex contextu ipso, tum ex luculentissimo D. Augustini commentario discere potuimus, quem sic explicatum reliquit: Ignis & aqua, inquit, utrūque periculosum est. In hac certè vita videtur aqua ignem extinguere, & ignis videtur aquam siccare. Ita & ipsæ tērationes sunt quibus abundat hæc vita. Ignisurit, aqua corrumpit; utrumque metuendum, & vitiatio tribulationis & aqua corruptionis. Quando sunt res angustæ, & aliquæ infelicitates sunt in hoc mundo, quasi ignis est. Quando sunt res prosperæ, & abundantia sæculi circumfluit, quasi aqua est. Vide ne te ignis exurat, ne aqua corrumpat. Firmus esto aduersus ignem, coqui te oportet, tanquam vas fictum mitteris in caminum ignis, ut fir-

August. in
Psalm. 65.

vt firmetur quod formatum est. Vas ergo quod in igne firmatum est, aquam non timet; si autem solidatum igne non fuerit, tanquam lutum aqua soluetur. Noli festinare ad aquam, per ignem transi ad aquam, vt transeas & aquam. Propterea & in sacramentis, & in catechizando & in exorcizando adhibetur prius ignis. Nam vnde plerunque immundi spiritus clamant, Ardeo, si ille ignis non est? Post ignem autem exorcismi venit ad baptismum, vt ab igne ad aquam, ab aqua in refrigerium. Quod autem in sacramentis aqua baptismi, hoc etiam in tentationibus huius sæculi angustia timoris. Accedit prima vice ignis, postea ablato timore metuendum est ne felicitas mundana corrumpat. Cum autem te ignis crepare non suffecerit, & in aquam non meriseris, sed enataueris, per disciplinam transis ad requiem, & transiens per ignem & aquam educes in refrigerium. Quarum enim rerum signa sunt in sacramentis, ipsæ res sunt in illa perfectione vitæ æternæ. Hæc Augustinus: in quibus nulla de Purgatorio significatio est. Sed tamē bella, tu quidem Areti, ratione probas de purgatorio non posse intelligi, quod pugnautes sint res, ignis & aqua; ideoque de eodem subiecto intelligi non possint: quasi ignis & aqua de eo sint genere rerum quæ in subiectis inesse dicuntur. Nam substantiæ quidem contrariæ si eodem aliquo loco non possent contineri; quomodo, vt cætera taceam, mundus hic ele-

menta continere posset inter se contraria? Sin ad qualitates respicitur inter se repugnantes, puto nō nescire Benedictum quemadmodum nostrorum corporum ex illarum pugna qualitatum, subindē valetudo turbetur. Si ergo in eodem corpore, eodem prorsus tempore, frigus pugnant & calor, magnumque hoc sapenumero in ista miseriarum valle purgatorium est, quanto facilius fuerit, ut quod in febribus conspicitur, eodem in corpore frigus æstusque succedant? Neque enim quia dictum est, Transivimus per ignem & aquam, simul utrumque fieri significatum est. Ideoque si qua talis post hanc vitam, ex illorum vicissitudine tormentorum futura cogitetur afflictio, quoniam in hac vita sancti etiam homines per illam exercentur atque purgantur, nihil id erit alienum à scriptura divina, quę dicit sanctos persecutiones hic pati in exemplum iusti iudicii Dei; hoc est, ut declaretur, & tanquam exemplo demonstraretur subijciaturque oculis illa diuini iudicii seueritas, quę post hanc vitam (ubi propriè tempus iudicii est) acuitur in eos qui secum aliquid flagellis deferūt dignum. Quocirca si qui sunt, (in quibus esse video Antoninum) qui ad Purgatorium accommodauerint Psalmi verba, ut id non ineptè fecerūt, ita traducendi non sunt, tanquam qui firmo argumento sic elici posse putauerint, Catholicam de animarum purificatione doctrinam.

2. *Thess.* 1.

Quo-

Quónam modo intelligendus sit locus
Zachariæ 9. de lacu in quo non est
aqua

CAP. XXI.

Zacharia nono, inquis, mentio fit putei in quo non sit aqua, siue lacus sine aqua. Lacus iste quibusdam est infernus, ex quo sumus sanguine Christi redempti. Qui Purgatorio fauent de Limbo patrum intelligunt, in quo etiam fuerit diues ille cum Abrahamo colloquens Luca 16. Verba Zacharia sunt. Etiam tu in sanguine testamenti tui dimisisti vinctos tuos de lacu, in quo non est aqua. Iudæi quidem sanguinem testamenti intelligunt, sanguinem circumcisionis. Alij fœdus in monte Sina initum & confirmatum sanguine animalium. Ita dimisit vinctos suos, id est, Iudæos ex Egypto, qua lacus est in quo non erat aqua. Verum quia cum Christianis nobis res est sanguinem testamenti, ut opinor, non intelligent alium quam Christi sanguinem, quem effudit in salutem omnium credentium. Nam aperta prophetia de Christo, In hoc sanguine dimisit vinctos suos, hoc est, electos, de lacu in quo non erat aqua, hoc est, de potestate Sathana. Nam statum mortalium afflictum per similitudinem explicat. Qui in orientalibus regionibus fuere, testantur adhuc foueas haberi & cisternas aridas, quibus detinentur captini. Dicit ergo nos calamitosos fuisse & miseros seruos diaboli, qui nos mancipia habuerit, non aliter ac si quis in lacu detineat captiuos, & ex tyrannide nos liberauit suo sanguine filius Dei

Dei. Magna autem impietas est, hanc gloriam redemptionis à Christo ad Purgatorium transferre, ex quo non sanguine Christi, sed satisfactionibus hominum anima finguntur liberari.

Sic ille.

In huius loci explicatione vnum est Areti, de quo inter nos conuenit, sanguinem testamenti non alium hic intelligi debere, quam sanguinem mediatoris Dei & hominum; cuius fit verbis antecedentibus certa mētio, cūm dicitur; *Zachar. 9.* Ecce rex tuus veniet tibi iustus & saluator: ipse pauper & ascendens super asinam, & super pullum filium asinæ. Hic ipse suum sanguinem, in Euangelio, noui testamenti sanguinem appellat; Hic, inquit, sanguis noui testamenti, seu calix nouum testamentū in meo sanguine. Etenim per hunc sanguinem implentur & præstantur ea nobis, quæ nouo testamēto promissa sunt, quæ spectant ad liberationem captiuorum. Itaque citra controuersiam, sanguis ille pretiosus, is ipse est in quo emisit Deus vinctos suos de lacu, in quo non erat aqua. Quis autem hic sit lacus de eo propria loci huius quæstio est, possuntq; de eo (inquit Augustinus) diuersa sentiri, etiam secūdum rectam fidem. Eò fit vt non vrgentissimum esse fatear quod hinc conficitur argumentum. Et Augustino quidem visum est nihil eo significari melius, nisi humanæ miseræ siccæ profunditatem quodammodo & sterilem, vbi non sunt fluentia iustitiæ sed iniquitatis lutum. De quo lacu etiam in

Psal-

Psalmo dicatur; Et eduxisti me de lacu miserie, *Psalm. 39.*
 & de luto facis. Hunc Augustini sensum repe-
 ries lib. decimo octauo de ciuitate Dei, cap. 35.
 Tu quoque instituti tui memor lacum hunc
 vis in hac vita intelligi, nimirum Sathanæ po-
 testatem: *Nam statum*, inquis, *mortalium*
afflictum, *per similitudinem explicat*. Sed pri-
 mum si tibi demonstraui ipsum Satanam in
 lacum esse deiectum, quam alterius Satha-
 næ mihi potestatem intelliges, quæ significata
 sit nomine laci? Hoc enim illi dicitur apud
 Isaiam, Verū tamen ad infernum detraheris, in *Cap. 14.*
 profundum laci. Si ergo & ipse Sathanas in
 lacu est, non est nomine laci eius accipienda
 potestas seu tyrannis. Deinde quid aptius aqua
 significat quam refrigerium? videlicet vt lacus
 in quo non sit aqua, is sit status in quo non queat
 refrigerium inueniri, non aliqua redemptio
 comparari. Atqui dum hic vitam agunt electi;
 quamuis sub potestate Sathanæ afflictissimi
 sint durissimaque pressi tyrannide, tamen ab
 ijs refrigerium inueniri & redemptio per Chri-
 stum potest. Hoc enim tempus gratiæ & mise-
 ricordię est; hoc tempus in quo licet operari;
 quoniam diei non noctis est; hic inueniri potest
 cibus, qui apud inferos nullus est; hic præsto est
 aqua de qua dicitur; Omnes sitientes venite ad *Isaia 55.*
 aquas; hic assidue proponitur illud; *Consurge;*
consurge, *excute de puluere,* *dissolue vin-* *Isaia 52.*
cula colli tui captiua filia Sion. Quæ non nunc
 prædicarentur in Ecclesia, si hic esset lacus, in
 quo

quo non esset aqua. Vinc̃tos præterea qui educuntur è lacu, interpretaris electos; cùm è potestate Sathanæ liberentur etiam non electi cõplures; qui liberati semel & iustificati in eandem post captiuitatem sua recidunt voluntate: quales dicit scriptura prolapsos postquam sunt illuminati & participes facti gratiæ spiritus sancti; quales dicit Euāgelium ad tempus credere, & in tempore tētationis recedere, persecutio- ni videlicet quæ propter iustitiam fit succum- bētes. Cùm igitur hæc tuæ interpretationis sen- tias incommoda, cur non potius, Areti, infer- num intelligas nomine laci, in quo nō est aqua? Hoc enim & ille supra citatus Isaię locus exigit, Veruntamen in infernum detraheris, in pro- fundum laci, hoc est, detraheris, inquit, in inferni ipsius profundissimas partes. Infernus enim, sicuti antea notauimus, generatim eum statum & locum designat, qui cælo opponi- tur, hoc est, qui sit infimus, vt ille supremus; qui sit tenebricosus, vt ille lucidus, & illu- stris; qui sit mœstus & horridus, vt ille iucun- dus & amœnus. In hoc & Patres ante Chri- stum fuere, sicuti locis varijs scriptura signifi- cat, & modo sanctæ quædam animæ detinen- tur ad tempus, & impij perpetuum habituri sunt domicilium. Latissimè ergo patet infer- nus iuxta scripturarum cosuetudinem, magna- que illic conditionum & statuum differentia est: sed hoc generaliter proprium habet, quod in eo non sit aquam seu refrigerium compara- re, si-

Hebr. 6.

[Lucæ 8.

*Infernus in
scriptura
pro statu
vel loco
mortuorū
accipitur.*

re, sicut nec inuenire cibum. Idcirco quicunque inde aliquando educti sunt vel educentur, eius sibi meritum in hac vita compararant; quippe illic nullus est eiusmodi merito locus, nec ibi redemptio seu iustificatio quæ hic neglecta fuerit reperietur: id quod est nec cibum nec aquam apud inferos posse reperire. Igitur qui infernum intelligunt, non est consequens Areti, vt Limbum Patrum excludant, in quo fingis dici à quibusdam diuitem epulonẽ cum Abrahamo collocutum: Pars enim inferni limbus erat. Itaque ne quisquam hoc sic accipi posse neget, Diuum Hieronymũ & Venerabilem Bedam in 22. Lucæ caput Haymo sequutus, sic locum illum enarrauit, vt & infernum intelligeret nomine laci, & tamen sanctos ex eo interpretaretur eductos, eam videlicet infernĩ partem attendens quę limbus patrum vſitatus appellatur. Tu, inquit, eduxisti vinctos tuos, id est, sanctos qui in vinculis tenebantur, de lacu in quo non est aqua, hoc est, liberaſti eos de inferno in quo nulla est misericordia. Denique in resurrectione Domini multi sanctorum qui in inferno vinculis originalis peccati tenebantur, surrexerunt cum eo, & venerũt in sanctam ciuitatem, & apparuerunt multis. Sic ille; qui in inferno dicit nullam esse misericordiã, non quod ibi nulla detur ex aliqua parte, sed quod illic nemo eam mereatur aut impetret. Quomodo etiam rectè accipitur dictum, quod in inferno nulla sit redemptio, quemadmodum
prius

prius ostendimus ; iuxta illam Augustini sententiam, Hic omne meritum comparatur, quo possit quisque post hanc vitam, aut grauari, aut leuari. Quanquam autem ex inferno reproborum, ubi est ignis ille pręparatus diabolo & angelis eius, intelligi queant electi esse liberati & educti, non quod in eum iam incidissent, sed quod nisi subuenisset gratia redemptoris, in eum casuri essent certissimè (quomodo Diuus August. declarat, accipi posse quod scriptum est Psalm. 85. Eruiisti animam meam ex inferno inferiore, quia nimirum liberarit eum qui hoc dicit ab eiusmodi peccatis, per quę deduci posset ad tormenta inferni inferioris) tamen propriè illi educti sunt, qui iam inferni claustris conclusi tenebantur, illi videlicet Patres quos habebat Limbus, aut quos adhuc carcer quidam purgatorius detinebat; vsque adeo, vt secundum proprietatem educationis è lacu in quo non erat aqua, referendus sit locus ad eos quibus post mortem, hoc liberationis beneficium, misericordia Dei pręstitum est, quam sibi hic benè sancteq; viuendo conciliauerant. At exurgit hic Aretius, & magnam esse cõqueritur impietatem, hanc gloriam redemptionis à Christo ad Purgatorium transferre. Sempérne Areti ad idem saxum impinges? atqui turpe scis illud esse: Bis ad eundem; tametsi hunc de via tua, quantum potuimus, remouimus, & nunc id ipsum haud grauatim faciemus. Redemptionem illam, Areti, de qua ipse loqueris, qua

qua ex mancipijs diaboli feruisque miserrimis
 efficitur liberi, non transferimus ad purgato-
 rium, sed hac duntaxat in vita fieri dicimus:
 deinde illam ipsam quam ibi ponimus libera-
 tionem, sanguini Christi minimè detrahimus,
 sed hanc illi ferimus acceptam, ceu fonti ipsi
 & pretio, vnde omnis nostra purgatio & liber-
 tas emanat. Tamen si enim in ijs satisfactioni-
 bus, quæ hic pro illis suscipiuntur, aliquam
 inueniunt à temporaria pœna redemptionem,
 tamen vnde illarum satisfactionum vis, nisi à
 Christi sanguine deriuata est? Potuisses hoc
 idem & prophetæ dicere, quod magna impie-
 tate redemptionis gloriam transtulisset ad elec-
 mosynas, quia dixerit benè Regi cōsulens, Pec- *Daniel. 4.*
 cata tua eleemosynis redime. Nec modò pro
 illis animabus orare, aut eleemosynas hic lar-
 giri non licebit; sed ne pro nobis quidem, aut
 alijs mortalem adhuc agentibus vitam, ne vi-
 delicet gloriam redēptionis & orationis Chri-
 sti, ad hominum orationes transferamus. Quid
 ergo hic est præter illum inanem fucum, quem
 de malè intellecta Christi gratia & redemptio-
 ne componitis, quoq; hominibus miseriis, & di-
 lectionem veritatis non habentibus imponitis?

Quid sibi velit apud Tobiam locus, Pa-
 nem tuum & vinum tuū super sepul-
 turam iusti constitue. CAP. XXII.

Tertium est, inquit, ex Tobia quarto; Pa-
 nem tuum & vinum tuum super sepultu-
 ram

ram iusti constitue, ut scilicet pauperes inde re-
fecti, pro defuncti salute Deum deprecantur. Po-
terat simpliciter argumentum rejici, quia sumitur
ex libro extra canonem. Notum autem est oportere
ex canonica scriptura peti testimonia ad proban-
dum aut confutandum aliquod dogma religionis.
Tamen hoc omisso videbimus quam malè eo testi-
monio utantur. Primum, Tobias pater, vir sanctus
instruit filiū in pietate quam à patribus hauserat,
& nusquam reperiuntur patres veteris test. memi-
nisse purgatorij in funeribus aut luctu pro mor-
tuis: non potuit igitur de eo filium suum hic insti-
tuere. Deinde verba hoc non sonāt. Textus ita ha-
bet: Non sit durum in oculis tuis panem tuum &
vinum tuum effundere supra sepulchra iustorum.
Quod igitur de suo addūt, ut pauperes inde re-
fecti pro defuncti salute Deum deprecantur, vanum est
& alienū à scopo Tobia. Sed hoc vult filium exem-
plum paternū imitari, non solum in facienda elee-
mosyna, sed in sepeliendis clam occisis bonis viris,
quos pater solebat noctu sepelire ipse, vel curare per
alios ut suis sumptibus sepelirentur, ut constat ex
cap. 1. Effundere igitur panem & vinum super se-
pulturam iustorū, est sumptus facere ne insepulti
maneāt, quod tū fiebat in Ninive. Præterea impij
Iudai hoc ipsum sic interpretabantur ut est cap. 2.
Deridebant enim ipsum etiā cognati sui. Iste non
solicitus est pro anima, quia adhuc sepelit mortuos.
Contra hanc ignominiam munit filium, ne patiat
se se deterreri vel metu Assyriorum vel subsanna-
tione malorum Iudeorū, sed pergat patris imitari
exem-

exemplum. Ideoq; rectè, inquit, Ne tibi durum videatur. Habebat enim periculum & ruborem ex subsannatione suorum aduersa. Et quod ait: Supersepulturam iustorum, notum est Hebrais gnal, significare in gratiam aliquid fieri: ac si dicat, Nō sit tibi durum in gratiā sepultura iustorum sumptus facere, dare panem & vinum vt sepeliantur. Alij iustos intelligūt pauperes viuentes: vt sit sensus; da panem & vinū vt à sepulchro præserves eos ne fame pereant, nam si non pauperis videberis occidisse. Sed ne sic quicquā hinc purgatorio habebunt patrocini. Et hanc posteriore sententiam expressè Græci innuunt: verterunt enim sic, ἐκχεον τοὺς ἄρτους σου ἐπὶ τὸν τάφον τῶν δικαίων, καὶ μὴ δὸς τοῖς ἁμαρτωλοῖς. significantes dandam eleemosynam bonis non impijs. Hæc ille.

Cum paulò ante Zachariæ tractares locum, repudiato Iudæorum sensu de sanguine testamenti, cum Christianis tibi negocium esse dicebas, ideoque Christianum ab ijs sensum & commentarium concedi tibi iure postulabas: Sed cum te quoque vicissim Christianis debeas præbere Christianum, cur vt oppugnes Christianos, in Hebræo sic canone Iudaizas? An nescis in diuinarum scripturarum libris recensendis, non eundem omnino esse Iudæorum & Christianorū canonem? Iste tuus canon in quē Tobiaē librum recipi negas, Hebræus est non Christianus. Eum enim, inquit Hieron. librū Hebræi de catalogo diuinarum scripturarum sēcantes, his quæ Hagiographa memorāt, man-

cipiunt. Quàm. autem hunc canonem, siue quàm Hebræorum ea in parte iudicium non magnificerit Hieronymus, ostēdit consequentibus verbis. Arguunt, inquit, nos Hebræorum studia, & imputant nobis contra suum canonem latinis auribus ista transferre: Sed melius esse iudicans Phariseorum displicere iudicio, & Episcoporum iudicijs deseruire, institi ut potui. En D. Hieronymus Phariseorum non veteris Ecclesiæ Iudæorum hoc æstimauit esse iudicium, quo de catalogo diuinarum scripturarum hic Tobia liber eraditur, Christiano certè catalogo compræhendi, ex vetustissimorum testimonijs, Conciliorumque censuris certissimè constat. Neque hunc librum D. Ambrosius dubitauit appellare propheticum, cap. 1. lib. de Tobia, quia reuera illustrem habet de Christo & eius Ecclesia prophetiam, cap. 13. & 14. Nec verò pluribus elaborandum hic est, ut libri huius authoritatem astruamus, quod alij pro sui instituti ratione, diligenter copioseque fecerunt. Sed et si inter Hagiographa iuxta Hebræorum & hæreticorum canonem esset numerandus, tamen magni deberet esse ponderis, hunc peruetustum librum cum alijs & diuinarum literarum & authorum Ecclesiasticorum testimonijs, habere tam pulchrè consonantem. Verum eo (quoniam omittēdum putas) omisso, videamus num hoc testimonio malè, quemadmodum ais, Catholici quidam vsi sint. *Primum*, inquis, *Tobias pater, &c.* Ego verò sic potius

potius colligendum arbitror : Tobias pater , vir sanctus instruit filium in pietate quam à patribus hauserat ; atqui instruit eum de eleemosyna facienda pro mortuis , ergo hoc officij soliti erant patres mortuis exhibere fidelibus , istoque modo suam de Purgatorio fidem protestari , etiam si nusquam expressam de Purgatorio mentionem fecisse legerentur . Multum enim erras si putas esse consequens , nihil fecisse patres aut dixisse , nisi quod mandatū literis diuinis aut canonicis demonstrare possimus . Quid si primus hic author , qui magnam habet vetustatem , literis id expressisset , nonne vel hoc nobis deberet esse testimonio , quid ab anterioribus ipse didicisset ? Deinde quid opus in luctu vel oratione meminisse Purgatorij , cum satis sit orare pro defuncto & lugere ? Atqui memoria tenebat Tobias exemplum Iacob patriarchæ , qui pro *Genes 37.* filio Ioseph quem crediderat mortuum , luctum non mediocrem suscepit . Non autem opinor quod gentilium more , tantum prophetam luxisse filij mortem dicturus sis , aut tanquam perditum , & æternis mancipatum supplicijs deplorasse , quomodo Dauid luxit mortem Absalon ; sed planè luxit ut prodesset mortuo , cui nisi prodesse lugendo posset , nulla esset alia ratio cur tantus vir lugeret eius mortem , de quo par erat spem bonam concipere quod præmissus esset non amissus : cuius spei cōtemplatione ab amicis fidelibus , ipse Tobias cum gaudio narratur esse sepultus . Textum autem ipsum si specta-

ueris, nihil reperies facilè quod probabilius sonet quam hoc quod volumus. Nimirum vt dictum sit ; Si gratificari iusto sepulto velis , & ei prodesse iam mortuo, effunde panem tuum & vinum largiendo pauperibus , atque id in gratiam eius facito ; hæc enim pro defuncto atque in eius gratiam facta eleemosyna , magnum ei potest afferre leuamen. Nam quod gentiles faciunt , vt collatis cibis epulentur inter se super mortui sepulchro , sperantes hac re defunctis afferre solatium , id vanissimum est . De quo subiungitur : Et noli ex eo manducare & bibere cum peccatoribus , Noli ergo , inquit , ad istum modum conuiuando nequiter & infideliter profundere tuam substantiam , sed eam misericorditer communicando indigentibus , stude sepulto apud Dominum conciliare misericordiam. Præterquam autem quod & Tertullianus initio libri de Resurrectione carnis , & Diuus Augustinus sermone quodam de Cathedra Petri , gentilis huius consuetudinis facit mentionem , (quam ille quidem sic reprehendit vt dicat , valde esse ridiculum , vt defunctos , quos atrocissimè exurant , eosdem postmodum gulosissimè nutrant) extant eius quibusdam locis hodieque vestigia , vbi cibi & potus super mortui sepulchro ponuntur , & inde sublati dantur pauperibus . Super sepulchro enim ponunt , vt in gratiam mortui largiri se hanc declarent eleemosynam : ita fit ab ijs nunc Christianè atque fideliter quod à gentili-

tili-

tilibus stultè & inutiliter seruabatur. Nam & alijs quoque in rebus nonnullæ consuetudines de ipsa gentilitate retentæ, à Christianis in meliores vsus conuersæ sunt. Quod autem velle dicis Tobiam patrem vt cum hac in parte filius imitetur, rogo te quæ conuiuia, aut quos sumptus fecisse legitur Tobias pater, vt pro eo mortui per alios sepelirentur? Imò vero conuiuio ob aliam instituto causam, id relinquebat, ac per seipsum corpora mortuorum translata domum sepulturæ mandabat: quod autem sumptus fecerit vt sepelirentur per alios cadauera mortuorum, nusquam Areti legis. Certè capite primo libri huius quod designas nulla eius rei significatio est. Fallebat te cum hæc scriberes tua memoria, aut fallere meditabâris eos quos putabas non esse lecturos. Si enim solitus erat sumptum facere aut conuiuio excipere amicos qui ei hac in parte essent adiutores, cur hic de conuiuio solus excessit? cur non alijs negocium dedit? Nec pecuniam dicit constituendam super sepultura iusti, quæ tanquam merces detur pro sepeliendi labore, sed panem & vinum, quo magis elemosyna quam laboris merces significata est: his enim rebus, refici ac recreari pauperes solêt. Taceo quod reliqua patris præcepta generalia sunt, atque omni conuenientia temporis, & necessaria: hoc autè de sepeliendis fratribus, qui ab impijs occidebantur, sauiensis persecutionis tempus specialiter concernet.

bat; eratque perfectionis singularis, non necessaria in proximum charitatis. Ideoque verisimile non est, quod vnum hoc interficere voluerit, tam speciale præceptum cum essent cætera communia. Postremò si, vt dicis, Hebræa vox declarat fieri aliquid in gratiam alterius (in quo tibi libens assentior) num sepultura est cuius in gratiam faciendum aliquid sit, an verò sepultus ipse, cui sit hoc modo gratificandum? Idcirco enim scriptum est apud sapientem Ecclesiasticum; Mortuo ne prohibeas gratiam. Quod si hoc modo volebat filium non sepulturæ, quod absurdum est, sed sepulto gratificari iusto, nulla hic est sumptus significatio, qui fieri pro mortuo sepeliendo iuberetur. Alterum quod adiungis nihilo commodiorem habet sensum. Primum quod hoc sit simplex, elemosynæ præceptum. Datur enim elemosyna egentibus, vt eorum leuetur necessitas, & à sepulchro, quoad potest, præseruentur. Hoc autem iam superioribus verbis satis inculcauerat. Deinde non fit in gratiam sepulturæ, quod fit vt arceatur sepultura. Atqui verbum Hebræum hoc significare dicis, vt in gratiam fiat sepulturæ. Postremò non iustis modò, verum etiã iniustis & peccatoribus extrinsecus præsertim egentibus, quibusque nisi succurratur sepulchrum metuendum sit, faciendâ est elemosyna, falsumque perspicuè quod dicis significatam à Græcis elemosynam dandam bonis non impijs, cum constet etiam inimicos dili-

diligendos, & benefaciendum ijs qui nos persequuntur, & is qui non pauerit, quod ipse allegas, videatur occidisse. Nisi fortè putes pro tua Christiana charitate, quod impium quidè sic liceat occidere, non iustam. Igitur si eleemosynam pijs dandam, non impijs Græcā significent, & hoc intelligi non possit de pijs & impijs uiuentibus mortalem hanc vitam, planè cōficitur iuxta Græcæ lectionis, ut tu vis, significationem, iusto defuncto esse dandam eleemosynam, siue in gratiam eius, non autem impij in sua impietate sublati. Vidēsne Areti, cum retia fugis ea quibus salubriter caperēs, quomodo in ipsa venabula veritatis incurras? Qui etiam si alium quempiam loci sensum non improbabilem protulisses, non esset tamen consequens malè nos illo vsos testimonio, cuius probabilem aliquā sententiam expressissemus: Quam Diuus quidem Ambrosius libro in Lucam septimo sic confirmat, ut etiā maius quiddam altiusque hic nobis commendatum insinuauerit; nempe Sacrificium id quod in Ecclesia Christiana sub panis viniq; specie pro defunctis fidelibus, quibus vita speratur æterna, non pro impijs seu infidelibus offertur, quorum est eum hinc decesserint desperata salus. Est & illa, inquit, prophetia, ut supra sepulturā maiorum quædam ponamus quæ lector agnoscit, infidelis intelligere non debet: non quo ci-bus imperetur aut potus, sed sacræ oblationis veneranda communio reueletur. Non ergo in-

terdictum est muneris, sed religionis mysteriū, communionem nobis cum gentilibus mortuis non futuram. Nam cum sacramenta victorum sint, non videntur mortui qui habent vitam. Hæc Diuus Ambrosius capite 3. memorati in Lucam libri.

De loco secundi Machabæorum duodecimo. CAPVT XXIII.

Quarto, inquis, *supereſt locus 2. Macha. 12. de Iuda Machabæo, qui Hieroſolymam miſit duodecim milia drachmarum pro defunctorum memoria faciendâ. Reſpōdemus hiſ quod ſolent Iuriſconſulti dicere: Rerum veritas non debet erroribus geſtorum vitiari. Et quia hic locus rem commendat quæ cum ſcriptura pugnat, meritò irritus cenſeri debet. Porro, de reſurrectione ſimpliciter loquitur, quæ res videtur occaſionem dediffe miſſionis illius. Nam apud interfectos reperit argumēta idololatriæ. Quam rem agrè tulit, ſed de ſalute illorum non deſperavit. Tamen ut viuos ab illo ſcelere expiaret, & teſtaretur diſplicere illis defunctorum idololatriam, munus illud miſiſſe videtur, quod author hiſtoria poſtea deſcribit ad ſatiſfactionem peccati illorum. Verum quia liber eſt extra canonem, & ſpeciale habet factum cuius non extat exemplum in ſacris literis, meritò repudiatur.*

Familiari nimium vteris petitione principij, quæ valde eſt apud Dialecticos in diſputatione vitioſa. Nam utrū hæc res pugnet cum ſcriptura,
idip-

id ipsum est quod modo queritur: neque tu pugnare haecenus ostendere potuisti; quin ut eas dissolueres scripturas quæ nostram assertionem efficacissimè confirmant, vano te haecenus & frustraneo labore torristi. Quid igitur est quod tam confidenter loqueris [Quia hic locus rem commendat quæ cum scriptura pugnat, meritò irritus censeretur debet?] Imò prorsus Areti quia hic locus rem cōmendat quæ scripturæ diuinæ locis alijs, partim necessario, partim probabiliter constituitur, meritò, cum alijs præsertim cōiunctus, magnam vim ad persuadendū habere debet. Ac Iudæ quidem Machabæi factum interpretaris pro tuo arbitrio, sic tamen ut mox oblitus tui nostra magis confirmes, quam infirmes. Dicis resurrectionem mortuorum occasionem dedisse missionis illius. Cur ergo horum defunctorum sperata resurrectio (quoniam de illorum, ais, salute Iudas non desperauerat) occasio fuit mittendi huius muneris Hierosolymam, nisi quo id ageretur apud Dominū ministerio sacerdotum, ut interfecti speratæ resurrectionis efficerentur participes, remissis quæ adhuc impedire potuerant quibusdam illorum peccatis? Namque si munus illud transmissum, nihil ad resurrectionē interfectorum faciebat, non potuit certè eorum resurrectio mittēdi muneris esse occasio. Nihil autem faciebat ad interfectorum resurrectionem, si quod dicis verum est, voluisse illum viuos duntaxat ab idololatriæ scelere expiare, & restari defun-

defunctorum displicere idololatriam. Ideoque author historiæ, non quasi violenta interpretatione factum illud detorsit ad satisfactionem peccati illorum, sed tuis quoque verbis suffragantibus secutus est, quo eum aperto gressu ducebat mittendi muneris occasio, hoc est, sperata salus & beata resurrectio defunctorum. Itaque hanc ipsam occasionem sic expressit: Facta collatione duodecim milia dragmas argenti misit Iudas Hierosolymam offerri pro peccatis mortuorum sacrificium, benè & religiosè de resurrectione cogitans. Nisi enim eos qui ceciderant resurrecturos speraret, superfluum videretur & vanum orare pro mortuis: Et quia considerabat quod hi qui cum pietate dormitionem acceperant, optimam haberent repositam gratiam. Sancta ergo & salubris est cogitatio pro defunctis exorare ut à peccatis solvantur. Hactenus libri secundi Machabæorum scriptor. Sed ad asylum confugis commune hæreticorum, quibus cum liberaliquis displicet propter ea quæ vehementer eis aduersantur, id familiare est ut librum eijciant è canone, maluntque tanquam infideles filij, Iudæorum infidelium, in libris diuinis recensendis iudicium sequi, quam Christianorum maiorum suorum, à quorum pietate & religione desciverunt. Esse enim hunc librum in canone Ecclesiastico, Innocentius primus, Gelasius, Synodus Africana, aliaque Patrum concilia definirunt. Nam quod D. Hieronymus & Rufinus.

in Sym-

in Symbolo ad dogmata Ecclesiæ statuienda valere negant huius authoritatem libri, id accipiendum est, vt dicant, non valere eo modo quo valent ij libri qui sunt in canone Hebræorum, vt aduersus eos videlicet Christianæ fidei dogmata possint stabiliri. Sic enim D. Hieronymus seipsum explicat in fine libri secundi Apologiæ contra Ruffinum. Quod si Hebræos in hoc de libris canonicis iudicio sequi voluerimus, Christo nobis erit aduersandum, qui Daniele vt prophetam habuit, & David Psalms vt propheticos, cum Hebræi & Daniele negent esse prophetam, & Psalms esse Davidis. Librum quoque Iob & Hester non eodem quo cæteros habent loco. Sed Augustinum interim proferunt, cum ille libro 2. de doct. Christiana, capite 8. duos Machabæorum libros inter canonicos manifestè recenseat, atque idem ex secundo memoratum locum producat, ad orationem pro defunctis astruendam, libro de cura pro mortuis cap. primo. Proferunt tamen atque obijciunt, quod idem Augustinus lib. 2. contra epistolam Gaudentij capite 23. hoc præ se ferat, libros illos se pro canonicis non habere. At quibus verbis? an quia dicit, scripturam Machabæorum non habent Hebræi sicut Genesim? sed hoc iam ante diximus, hosce libros pro canonicis, Hebræorum iudicio non haberi. Quod verò adiungit receptos esse ab Ecclesia non inutiliter, sed si sobriè legantur vel audiantur, hoc tantum

2. Mach. 14

tummodo significat ab ijs qui in eorum lectione versentur incautius, occasionem errandi sumi posse, ideoque sobriè & attentè legi oportere. Quod dictum est cōtra Gaudentium, qui Circūcellionum seipsos interficientium furorem defendebat exemplo Razię, qui in ijs libris seipsum interemisse narratur, & sic quidem vt ab imprudenti lectore factum eius videri possit esse laudatum. Ideoque & propter Sampsonis exemplum dici posset librum Iudicum sobriè legendum esse, ne quisquā ex eius lectione ædificetur ad interficiendum semetipsum. Quod rursum obijciunt à Domino dictum esse in Euangelio, oportere impleri quę sunt in lege, & Prophetis, & Psalmis de ipso: vnde colligunt Machabæorum librum, quia neque ad legem, neq; ad prophetas, neque ad psalmos pertineat, non esse canonicum, tale est vt librum quoque Hester exterminet, quoniā neque ad legem, neque ad prophetas, neque ad psalmos magis pertineat, quam Machabæorum liber. Verūtamen respondemus illis veteribus omnia propemodū in figura contigisse, gesta q̃; illa quę libri Hester & Iudith & Machabæorum complexi sunt, reuera fuisse prophetica, ea q̃; de causa & libros ipsos prophetici annumerandos esse; qui vt prophetici nō essent, id tamen satis esse deberet, quod historiam populi Dei suis cæremonijs ea quę ad Christum pertinebant præfigurantis, vsque ad ipsum Christum perduxerint. Nam neque in Regum, aut Paralipomenon libris, quam-

quâuis prophetici sint, necesse est statuere omnia quæ narrantur esse prophetica : sed quemadmodû in lira & cithara , aut alio quopiam instrumento musico præter cordas sonantes, etiam ligna sunt nihil sonantia quidem, sed necessaria tamen vt indè cordæ religantur atque intendantur, vel remittantur propter harmoniam; sic etiam in libris prophetis & qui ijs annumerantur, nõ necesse est omnia sonare aliquid futurorum mystica prophetiæ harmonia, sed sufficit vt tanquam ligna quædam sint in instrumento musico, quibus ipsa facta prophetica cohæreant, indeque dependeant quodammodo propter pleniorẽ historiæ structuram. Quod item aiunt authorem libri secundi Machabæorum veniã petere, quod minimè facerẽt si author esset canonicus, propterea facilè dissolvitur, quia constat scriptorẽ illum nusquam petere veniam si quid falsi dixerit, sed si sermo eius minus fuerit accuratus : ideoque subiungit; alternis vti, delectabile esse; non quia delectabile aut vtile sit, si modò vera, modò falsa, quadam alternatione scribantur, sed quia affectato semper vti sermone minus oblectet, atque interdum expediat pedestri & quotidiana dictione rem explicare. Quocirca non magis fuerit consequens, propterea librum hunc non esse canonicũ, quam Pauli epistolas, in quibus illud habet locum quod ipse ait, Etsi imperitus 1. Cor. xxi. sermone, non tamen scientia. Spiritus enim ille diuinus qui canonicos scriptores inspirauit, tam

tam per Amos rusticum locutus est, quam per
aulicum Isaiam. Est etiā considerandum, ut sit
liber aliquis canonicus, nō id requiri ut scriptor
exploratū habuerit diuina se oracula fundere,
sed satis est si quis Propheta vel Apostolus, li-
brum lectum atque examinatum approbarit ut
diuinum, pronunciaritque oracula sacra conti-
neri. Nam & quod dixit Caiphas expedire ut
homo vnus pro populo moreretur, diuinum
oraculum fuit, etiā si hoc ille nescierit. Itaque
etsi dicere nō potuerit scriptor ille quod Ioan-
nes Euangelista, Hic est discipulus ille qui scri-
psit hæc, & scimus quia verum est testimonium
eius, non tamen ex eo rectē colligas librum
quem scripsit non esse canonicū: quia satis sit si
Apostolus hoc pronunciauerit, scire se quia ve-
rum sit testimonium eius. Nam neque Lucas,
neque Marcus authoritatem habuisset cano-
nicam, nisi Petrus aut alijs quispiam Aposto-
lus sua authoritate legendum Ecclesiæ tradi-
disset. Quod verò scriptor idem ait cap. 2. lib. 2.
veritatē de singulis concedere sese authoribus;
non significat illum de veritate eorū quæ scribe-
ret dubitasse, sed particularē rerum singularum
prosequutionem; & ut Græcè est, diligentem
de singulis, hoc est, exactam & accuratam nar-
rationem omnium rerum gestarum, apud ipsos
historiographos requirendam, neque id fuisse
sui instituti. Quod rursus alij dicunt, Iudæ
quidem Machabæi factum, quo pro defunctis
sacrificium offerri iusserit, commemorari qui-
dem,

dem, sed non laudari, id quoque perspicuè falsum est; quoniã manifestam facti laudem habet quod dicitur, Iustè & religiosè de resurrectione cogitans: Et quod ita concluditur, Sancta ergo & salubris est cogitatio pro defunctis exorare, vt à peccatis soluantur. At non licuisse pro defunctis offerre sacrificium probant, quia scriptum est Deuteronomij 12. nihil faciendum nisi quod Dominus præceperit, neque quicquam adijciendum esse ad expressam legem: Nullum autem contineri lege diuina præceptum de offerendo pro mortuis. Quibus respondendum est, reperiri non pauca sanctorum opera collaudata, quæ tamen nusquam eis præcepta fuerint; velut quod Dauid voluerit ædificare templum Domino; quod nec Rechabithæ, nec Ioannes Baptista vinum biberint; quod Iudas Machabæus & Salomon nouum dedicationis festum instituerint, quorum nihil erat legis præcepto mandatum. Quod verò lex addere prohibet, eò pertinet (quemadmodum antecedentia significât) ne quid ex earum gentium quarum terras ingrediebantur possidendas, sacris sacrilegis & superstitionibus ac ceremonijs, in Dei cultum Iudæi transferrent; ne quid vt redundans ac superfluum detraherent; ne quid vt prætermissum apponerent. Siquidem eaphrasis allusionē habet ad artifices, qui opera sua imperfecta adhuc absoluentes, addunt aut detrahunt, ne qua sit eorum iusta reprehensio. Quoniam ergo instituta & opera

N

diuina

Deute 12.

et 14.

diuina reprehensione carēt, neque carpi aut vituperari possunt tanquam vitiosa, idcirco dictum est illud, neque addendum quicquam esse neque detrahendum. Vnde & Ecclesiasticus cap. 3. de operibus quæ fecit Deus, scriptū est: Non possumus eis quicquā addere aut auferre, quæ fecit Deus vt timeatur: quod quid aliud significat, quam in opera Dei, quæ nostræ utilitatis gratia fecit, nullam cadere iustam reprehensionem? Namque ob noua accepta beneficia, noua etiam commemorationis & gratiarum actionis festa instituere, nihil id esse adijcere ad legem: Hester quoque & Mardocheus probè intellexerunt, qui solēni per annos singulos die celebrari voluerunt, & recoli beneficium, quo fuerat Iudæorum populus ab oppressione præseruatus. Itaque etsi de offerendo pro defunctis sacrificio, nullum omnino in lege præceptū haberetur, non propterea tamen videri deberet vituperādum Iudæ Machabæi factum, tanquam ad legem additum contra legem. Veruntamen offerre iubebat lex pro peccatis etiam absentium, vt in die expiationis pro totius populi delictis. Terque quolibet anno comparere debebat omne masculinum sacrificij causa, vbi & pro absentibus mulieribus, & dispersis Iudæis offerebatur. Cū igitur nō ignari essent veteres illi sancti, eos fideles qui hinc emigrassent, tamen aliquibus peccatis essent obnoxij, non tamen à populo Dei segregatos esse, propterea quod scirent à lege non decerni separationem,

*Vide sequē
tis libelli
ca. 7. & 8.*

tionem, nisi ob grauissima quædã; velut si quis Phasæ non fecisset, si quis circuncisus nõ esset, si quis sanguinem comedisset: hos enim atque eiusmodi, statuebat lex de populo suo perituros. Quæ pœna cum esset grauissima, perspiciebant eos non esse à populo suo separatos, qui grauibus illis delictis non fuissent inquinati. Ea de causâ non dubitarunt pro illis offerre sacrificium, qui sic excessissent è vita, vt pro Iudæis absentibus, quia re vera neque interierât, sed adhuc viuebant, neque erant à societate populi Dei præcisi, sed ad tempus aberant per resurrectionem mortuorum coniungendi, reddendique mutuis aspectibus. Sed argumentari pergunt Lutherus & Brentius. An tale quicquam exercuerunt sancti? Volunt enim hoc Iudæ factum, nouum atque inusitatũ fuisse, quod iste speciale factum vocat, cuius in scripturis non extet exemplum. Idcirco ergo librum hũc à canone resecarunt: quod tantum abest vt propterea faciendum putemus, vt ob id etiam videatur esse canonicus, quia spiritum referat eundem ex quo libri cæteri conscripti sunt, videlicet hãc nobis pro defunctis fidelibus commendans misericordiam, quam alibi sæpius reliqua nobis scriptura commendat. Idcirco enim ieiunauit Dauid super mortuo Saule & Ionatha. Cur enim sese in eorum gratiam afflixit ieiunio, nisi vt illis misericordiam Domini hac ratione conciliaret? Non enim existimandum est, quod nimio mœrore cibũ capere noluerit,

1. Reg. 12.

1. Reg. vlt.

sicut ij qui dolent immoderatus; velut Alexander cum Clitum occidisset. Non enim dicitur noluisse aut non potuisse cibū sumere, sed ieiunasse, quod pro illis non fecisset, nisi profuturum sperauisset. Solitum enim ieiunare Dauidem vt aliquid impetraret à Domino ex eo potest intelligi, quod ieiunaret pro filio parvulo cum esset agrotus; eo vero mortuo ieiunare desierit. Nimirum quia dum viuebat sperauerat ieiunio productiorem illi posse vitam impetrari, eo verò extincto cognouit diuinam de morte voluntatem, cui cognitæ acquiescēdum esse perspexit. Sic ieiunauerunt viri Iabes Galaad, septem diebus; quod eos Venerabilis Beda interpretatur fecisse pro mortuis vt ad requiem peruenirent. Et hætenus quidem de Machabæorum libro.

Præter scripturas, etiam Veterum tractatorum conformi doctrina, Purgatorium animarum comprobari.

CAP. XXIIII.

Diximus, inquit, de præcipuis locis quæ ex scriptura solent adducere ad confirmandū Purgatorium. Præter scripturas habent Patres, qui idem concedunt, imò ad credendum urgent: de quibus paucula præsertim de Augustino quæ hic lacerant, de quibus nolo in præsentia quicquam dicere, quam veritati consuetudinem non præiudicare.

Præter

Præter scripturarum diuinarum luculenta testimonia, quæ suarum commentationum nebulis frustra hæretici obscurare conantur, habemus profectò, Areti, Patres (vt dicis) qui idem concedant, imò ad credendum vrgeant; & sic vrgeant, vt qui id non sentiat, is bonæ mentis sensum mihi perdidisse videatur. Vrgent autem partim admirabili illo suo cõsensu Græcis Latinisque doctõribus, & ijs præcipuis ac celebrioribus omniumq; temporum in hoc vnum conuenientibus; partim in hereseon catalogum reijciendo assertionem aduersam, in quo se procul dubio Ecclesiæ iudicium, cuius est hæreses condemnare, secutos esse demonstrarunt.

Atque ipsum primo consensum oculis breuiter hoc loco subijciam, quoniam id prolixius antea nonnulli fecerunt. Ac primum erit Tertulliani testimonium scriptoris antiquissimi & grauissimi, planèque idonei testis quid iam tum in Ecclesia fieret, ac fieri etiam debere crederetur. Is in libro de Monogamia: Ipsam, inquit, interrogo scæminam, Dic mihi soror, in pace præmisisti virum tuum? Quid respondebit? an in discordia? Ergo hoc magis euincta est, cum qua habet apud Deum causam: Non discessit quæ tenetur: Sed in pace: ergo perseueret in ea cum illo necesse est, quem iam repudiare nõ poterit, nec sic quidem nuptura si repudiare potuisset. Enimvero pro anima eius orat & refrigerium interimat. Postulat enim & in prima resurrectione consortiũ, & offert annuis diebus

dormitionis eius. Nam hæc nisi fecerit, verè repudiavit, quātum in ipsa est. Hæc Tertullianus, quibus non solum declarat quid fieret, verum etiam quid fieri deberet à vidua relicta pro defuncto marito, nisi vellet virum penitus repudiasse videri, & ab animo quoque suo reiecisse. Orare ergo solent viduæ pro defunctis viris, nec orare solum, verum etiam offerre sacrificium annuis diebus dormitionis eorū. Et quid orando petere? Refrigerium; ne forte essent in pœnis, & aliquo tormentorum æstu. Quod vsque adeò facere in virorum gratiam debere existimabantur, vt id nisi facerent, censerentur, quantum in ipsis esset, repudiasse post mortem viros suos. Quod autem dicit [interimat] obscurum & nouum est verbum, quale fortè, sempiternat: nisi legendum sit, quomodo suspicatus est Renatus; Enimvero pro anima eius orat, & refrigerium interim postulat, & in prima resurrectione consortium, & offert annuis diebus dormitionis eius. Scripsit in eandem sententiā Libro de exhortatione ad castitatem: Etiam repete, inquit, apud Deum pro cuius spiritu postules, pro quo oblationes annuas reddas; Et quæ sequuntur. Transeo ad D. Cyprianum, qui non solum offerre pro defuncto, verum etiam deprecari & orare pro eo, rem significat non suo tempore institutam, sed à maioribus acceptam, & ab antecessoribus fieri solitam. Sic enim scribit libro 1. epistolarum epistola 9. Quod Episcopi antecessores nostri religio-

religiosè considerantes, & salubriter providentes, censuerunt ne quis frater excedens ad tutelam vel curam Clericum nominaret, ac si quis hoc fecisset, nõ offerretur pro eo, nec sacrificiũ pro dormitione eius celebraretur. Neque enim ad altare Dei meretur nominari in sacerdotum prece, qui ab altari sacerdotes & ministros suos Leuitas auocare voluit. Et ideò Victor cum contra formam nuper in Concilio à sacerdotibus datam, Geminium Faustinum presbyterum ausus sit actorem constituere, non est quod pro dormitione eius apud vos fiat oblatio, aut deprecatio aliqua nomine eius in Ecclesia frequentetur, vt sacerdotum decretum religiosè & necessariè factum seruetur à nobis. In his Cypriani verbis audis oblationem pro defuncto, audis & deprecationem quam pro defunctis frequentari mos erat. Quid autem peti mortuo potuit? an resurrectio beata? sed si damnatus ille est, frustra petitur; sin clara Dei visione mox beatus (quemadmodum id habet de iustorũ omnium spiritibus hæresis ista persuasum) quid opus in hoc adiuuari precibus alienis, quod & perexiguum sit comparatione eius quod possidet, & ei iam non queat suo tempore denegari? Neque enim illa esset Ecclesiæ pro defunctis oratio, vt partē beatę resurrectionis obtineant, vitamque æternam habere mereantur in cælis; nisi quos illa spiritus adhuc eo subsidio alieno sciret indigere, quo fieret vt solutis peccatorum vinculis, speratæ resurrectionis

nis parte nequaquam fraudarentur. Non indigent autem ij qui peccatis plenè iam abolitis Deo clarè viso beati sunt, quibusq; iam adhæret nihil quod beatam resurrectionē corporum impediatur aut moretur. His duobus vide ut cæteri consentiant, precesque comprobent & alia officia iuuandis mortuis destinata. Dionysius Areopagita in eo libro quē de Ecclesiastica hierarchia scripsit; Accedens, inquit, antistes precem sacram super mortuum peragit, postque precem & ipse eum presul salutatur, & suo deinceps ordine qui astant omnes. Precatur oratio illa diuinam clemētiam, ut cuncta dimittat per infirmitatem humanam admissa peccata defuncto, eumq; in luce statuatur & regione viuorū, in sinibus Abrahamæ Isaac & Iacob, unde aufugit dolor & tristitia & gemitus. Neque multo post idem author hoc ipsum ita astruit, ut etiam argumentum quod istis familiare est dissoluatur. Non ignoro, inquit, & ego diuinis eloquijs accedēs, singulis reddendam pro meritis sortem, quia referet vnusquisque ea quæ per corpus gessit, siue bonum siue malum. Quod autem & iustorum preces etiam in vita ista, & nedum post mortem ijs solis prosint qui digni sunt, nos docet sacrosancta traditio. Quid enim Sauli profuit Samuelis oratio? quid Hebræorum iuuit plebem prophetica interpellatio? Hæc ille, multa q; alia eodem pertinentia, declarans videlicet etiam in eo quemque referre prout in corpore gessit, quod prodesse sibi ad refrigerium

rium sentiat sanctorum preces, quibus se vitæ similitudine reddidit dignum. Nihil etiam Chrysostomo illustrius aliquot locis, qui rem hanc ab Apostolis quoque ipsis traditam esse scribit, serm. 3. in epistolam ad Philip. in hortatione inorali: Non frustra, inquit, ab Apostolis sancitum est, ut in celebratione venerandorum mysteriorum, memoria fiat eorū qui hinc discesserunt. Nouerunt illis multum hinc emolumentum fieri, multū vtilitatis. Stante siquidem vniuerso populo & manus in cælos extēdente, cœtu item sacerdotali, verendoq; posito sacrificio, quomodo Deum non placaremus pro istis orantes? Et infra. Quemadmodum itaque pro viuis istis oramus (inquit) qui tamē nihilo differunt à mortuis, ita & pro mortuis orari potest. Pro liberis suis sacrificabat Iob, & à peccatis suis illos liberabat, &c. Vbi notādum quod ait, pro his qui in fide ex hac vita discesserunt, precibus & sacrificio placari posse Dominū, quod ad eam satisfactionem pertinet, qua viui pro defunctis satisfaciūt, ut ab ijs pœnis quæ adhuc ex ira Dei iusta luendæ supersunt liberentur. Vbi enim placatio est, illic ira & pœna cogitur necesse est. Quare non fuit Chrysostomo dubium, quin is esset post mortem, quarūdam animarum status, in quo pœnis quibusdam penitus expurgandæ tenerentur. Proptereaq; homil. 32. in Matthæum, Presbyteros vocari significat à Christianis, cum quempiam è charorum numero amiserint, ut orent pro eo, quo

*Circa firẽ
ex persona
Alicui.*

requiem adipiscatur, & propitium iudicem inueniat. Itemque in Acta Apostolorum hom. 21. & in priorem ad Corinthios, hom. 41. per orationes & eleemosynas, quæ pro defunctis fiant, solatium eis aliquod præstari declarat, cum tamen nullus sit locus solatio, vbi nulla præmittit afflictio. Cui doctrinæ & D. Hieronymus clara & non dubia testificatione subscripsit, cum libro primo contra Pelagianos peccatorem ab impio accuratè distingueret. Si Origenes (inquit) omnes rationales creaturas dicit non esse perdendas, & diabolo tribuit pœnitentiam, quid ad nos qui & diabolum, & satellites eius, omnesq; impios & præuicinatores dicimus perire perpetuò, & Christianos si in peccato præuenti fuerint, saluandos esse post pœnas? Eiusdem Hieronymi à nonnullis profertur & illud, quod scribit in fine libri decimioctauo Cõmentariorum in Isaiam: Sicut diaboli & omnium negatorum & impiorum, qui dixerunt in corde suo, Non est Deus, credimus æterna tormenta; sic peccatorum & tamen Christianorum, quorum opera in igne probanda sunt atq; purganda, moderatam arbitramur & mixtam clementiæ sententiã iudicis. Vbi proculdubio peccatores intelligendi sunt, qui quamuis totam propè vitam in sceleribus exegerint, tamen vel prius paulò quã ex hac vita migrent, veris gemitibus Christianos se esse meminerunt. Quomodo & apud Theophylactum, cum scribit in caput Lucæ 12. non semper qui moriuntur peccatores mitti in gehen-

gehennā, sed esse in potestate Dei, vt etiam dimitti possint. Quod (inquit) dico propter oblationes & distributiones quæ fiunt pro defunctis, quæ non parum conducunt etiam his qui in grauibz peccatis mortui sunt. Non ergo cessemus (ait) per eleemosynas & intercessionem propitium reddere eum, qui potestatem habet mittendi, non semper autem potestate vtemem, sed & valentem remittere quiddam. Laudat etiā Hieronymus Pammachium, quod eleemosynis ossa riget vxoris. Nimirum hoc ipsum ita significans, quod alij refrigerium dicunt, aut certè reliquarum sordium absterisionem. Paulinus item ille Nolanus epistola 1. ad Amandum Episcopum sic loquitur: Vt Deus (inquit) qui facit omnia in cælo & in terra, refrigeret animam eius stillicidijs misericordiæ suæ per orationes vestras. Concilium quoque Carthaginense quartum, canone 79. decreuit eorum pœnitentium, qui attentè leges pœnitentiæ executi essent, si casu in itinere, vel in mari obijssent, memoriam orationibus & oblationibus Domino cōmendari oportere. Quid iam Diuus Ambrosius? Nōne is Theodosio in oratione funebri requiem precatus est? Hoc proculdubio significans, potuisse ei non continuè requiem præberi, quæ tamē desperari non deberet, sed magna esset petenda fiducia: Epistola quoque quæ est scripta ad Faustinum, pro obitu germanæ acerbo dolore merentem, Non tam deplorandam (inquit) quam prosequendam

dam orationibus reor, nec iustificandam lachrymis tuis, sed magis oblationibus animam eius Domino commendandam arbitror. Horum grauissimam auctoritatem alij secuti; vt Boëtius lib.4. de Consolatione; vbi cum ipse interrogasset philosophiam, nullane post defunctum morte corpus supplicia relinqueret? sic eam respondentem introducit. Et magna quidem (inquit) quorum alia pœnali acerbitate, alia vero purgatoria clementia exerceri puto. Sic ille designati libri prosa quarta. Cuius viri etsi non maxima in Ecclesiæ dogmatibus stabiliendis auctoritas est, tamen & nota virtus ac probitas, & illis eius verbis expressa sententia est, quam cum Catholicis cæteris communem sibi esse monstrarit. Est & Damasceni sermo de defunctis, in quo res eadem, & ex Machabæorum libro secundo, & Apostolicæ traditionis auctoritate, & Dionysij Areopapitæ, Gregorij Nazianzeni, Chrysostomi, Gregorij Nisseni testimonijs validissimè confirmatur.

Catholicæ Ecclesiæ Patres non consensu tantum suo, verum etiam interdum ex professo vrgere ad credendum.

C A P. XXV.

SEd Aretius non hunc tantummodo consensum agnoscit Ecclesiæ patrum, verum etiam addit vrgere eos interdum ad credendū. Quod vsque adeo verum est, quamuis ipsa ini-
mici

mici confessione expressum, vt pro hæreticis habuerint eos qui id negarent. Aërium enim & Sanctus Epiphanius, & Diuus Augustinus hæreticorum in numerum propterea retulerunt, quod oblationes negaret pro defunctis esse faciendas. Sic enim Diuus Epiphanius loquentem inducit. Qua ratione post mortem nominatis, inquit, nomina mortuorum? Orat enim viuēs aut dispensationem facit, quid profuerit mortuo? Si verò omnino preces eorum qui hic sunt profunt illis qui istic sunt, igitur nemo sit pius, neque boni quicquam faciat; sed acquirat amicos quosdam per quem vult modum, aut per pecunias persuadens, aut amicis id in obitu demandans, & orent pro ipso, vt ne quid patiatur, neque immedicabilia peccata ab ipso perpetrata requirantur. Hac sua voce declarat hæreticus quæ fuerit Ecclesiæ Catholicæ tum fides; Nimirum excedētes hinc quosdam ob sua peccata aliquid pœnarum in altero sæculo pati, vnde possint liberi euadere precibus amicorū, aut eleemosynis in eorum gratiam dispensatis. Cui fidei quod opponeret non aliud tum Ecclesiæ inimicus habebat, quam quod si ita esset liceret cuique sceleratè viuere, cui præsertim facultas non deesset amicorum sibi beneficia comparandi quæ essent post mortem profutura. Quasi verò preces atque oblationes quæ pro defunctis secundum Ecclesiæ fidem ac morem fierent, quibuslibet profuturæ dicerentur, & non Christianis solis, atque ijs quidem Chri-

*Epiphanius.
hære. 75.*

stianis

stianis qui in gratiæ siue iustitiæ statu ex hoc mundo migrauissent. Si enim in hac vita nulla ad reconciliationem sceleratè viuentium officia profunt, sed ij duntaxat alienis precibus atque operibus ad impetrandam diuinæ benignitatis gratiam adiuuantur, qui à propria ipsi iniquitate recesserint, seque ipsos sic iuuare ceperint: multo magis existimandum est extinctis in iniustitia hominibus, nullum afferri posse leuamen aut solatium quibuscunque operibus, quæ in illorum gratiam suscipiantur. Sed Aërio sic respondit Epiphanius, errorisque absurditatem demonstrauit. De eo verò, inquit, quod proferantur nomina vita defunctorum, quid hec magis fuerit vtile? quid hoc commodius & magis admiratione dignum? quod credunt præsentibus, quod hi qui decesserunt viuunt, & non sunt nulli, sed sunt & viuunt apud Dominum, Et vt pietissimam prædicationem recenseam, quod spes est orantibus pro fratribus velut qui in peregrinatione sunt. Profunt autem & preces pro ipsis fientes, etiamsi totam culpam non abscindant. Verum enim vero eò quod nos sæpè dum in mundo sumus fallimur, & erramus tum inuiti, tum voluntariè, quod id quod perfectius est significetur, & pro iustis, & pro peccatoribus memoriam facimus, pro peccatoribus quidem misericordiā Dei implorantes, &c. Hactenus sanctus Epiphanius: cui D. Augustinus consentiens eundem Aërium simili de causa retulit in numerum hæreticorum,

co ipso

eo ipso declarans vrgere se ad credendum, quia pro hæretico sit habendus qui pertinaci animositate reclamer. Diuus etiam Gregorius lib. 4. Dialog. cap. 39. dicit credendum esse purgatorium ignem ante iudicium illud extremum, propterea quod veritas dicit, esse peccatum in Spiritum sanctum, quod neque in hoc sæculo remittatur, neq; in futuro. Venerabilis Beda ad fidem deuotionemque pietatis refert, orare, eleemosynas facere, victimas sacræ oblationis offerre pro ereptione eorum qui de hoc sæculo migrauerunt. Atque hanc ipsam fidem per aliquot postea sæcula in Ecclesia Dei continuatam, Sanctus Bernardus ostendit; qui & ipse pro hæreticis habuit quosdam sui temporis nauatores, qui (vt ait) Purgatorium ignem non credebant restare post mortem, sed statim animam solutam à corpore, vel ad requiem transire vel ad damnationem.

Lib. 4. hist. gentis Anglorum, cap. 22.

Serm. 66. in Cantica.

Quod licet consuetudo non præiudicet veritati, index tamen sit testisque veritatis.

CAP. XXVI.

SEd ad ea quæ producuntur ex Veterum scriptorum libris testimonia, vna tibi responsio est, qua dicis veritati consuetudinem non præiudicare. Magis quidem conueniebat vt diceres, cōsensum non præiudicare veritati, quia de consensu testium, non de consuetudine alicuius obseruationis agebatur. Admonuisti tamen pro

pro nostris partibus utiliter non solum consensum Patrum hac de re scribentium, verum etiam consuetudinem Ecclesiasticæ seu Christianæ observationis à nobis spectari oportere. Ac tametsi nec consuetudo nec consensus, non solum hominum, sed neque Angelorum sanctorum præiudicet veritati, tamē nunquid hoc efficit ut vel consensum Patrum, vel Ecclesiæ totius consuetudinem, tuo more, pro nihilo habere queamus? Audeo dicere non Angelorum tantum beatorum, sed nec trium divinarum personarum consensum præiudicare veritati, quia nec veritas præiudicare veritati ullo modo potest. An idē consequens est ut liceat non habere pro certo, id in quod divinæ personæ consenserint? Nec igitur consuetudo vlla Christiani populi, quantumlibet vetus veritati præiudicat, aut præiudicavit vnquam: & tamē beatus Apostolus contentiosis opponit consuetudinem cū ait: Si quis videtur contentiosus esse, nos talem consuetudinem non habemus, neque Ecclesia Dei. Cui si responsum esset, cōsuetudinem non præiudicare veritati, nunquid ex aduerso præiudicare confirmasset? Nullo modo: & tamen consuetudinis rationem haberi se velle dixisset. Sicut igitur illa consuetudo cuius Apostolus meminit, nō præiudicabat veritati; & tamen seruanda erat, eiūque cedere debebat omnis contentio: ita hæc nostra, imō totius Ecclesiæ consuetudo qua pro defunctis fidelibus funduntur preces, sine cunctatione sequen-

sequenda est. Non enim aut consuetudo obseruantium, aut consensus affirmantium, præiudicat veritati, sed index est, testisque veritatis. Ac sicuti dubitare non debemus verum esse, quod ab Ecclesiæ Patribus atque pastoribus, & iam & olim consentienter asseritur; ita dubium esse non debet, quin rectum & veritati consentaneum sit, quod veteri & publica perpetuaque Ecclesiæ consuetudine cõformiter obseruatur. Ideoque D. Augustinus hac ipsa in causa nostra, consuetudinem quanti facere oporteret ostendens, ita scribit capite 1. libri de cura pro mortuis. Poterat inquisitioni tuæ sufficere mea breuis ista responsio; sed quia alia mouent, quibus respondendum existimo, parumper attende. In Machabæorum libro legimus oblatum pro mortuis sacrificium. Sed & si nusquam in scripturis veteribus omnino legeretur, non parua est vniuersæ Ecclesiæ, quæ in hac consuetudine claret authoritas: vbi in precibus sacerdotis quæ Domino Deo ad eius altare funduntur, locum suum habet etiam commendatio mortuorum. Sic eo loco. Generatim verò quantum sit Ecclesiasticæ consuetudini tribuendum, docet in epistola quam scripsit ad Casulanum. In his Epist. 36.

• rebus (inquit) de quibus nihil certi statuit diuina scriptura, mos populi Dei & instituta maiorum pro lege tenenda sunt: & sicut præuaricatores diuinarum legum, ita contemptores ecclesiasticarum consuetudinum coercendi sunt. Hoc eo loco si verè dicit D. Augustinus, quid igitur

O existi-

Epist. 118.
cap. 5.

† Libro 3. de
bapt. contra
Donat. c. 7.
Citatur in
Decret. apud
Grat. dist. 8
ca. Veritate.
* Epist. ad
Pompeium.
Ibidem apud
Gratia. cap.
Consuetudo.

existimandum erit, ubi ad certam scripturarum doctrinam Ecclesiæ consuetudo accesserit? In epistola verò ad Ianuarium, Ecclesiasticæ consuetudinis tantam vim esse demonstravit ut diceret: quod tota per orbem frequentat Ecclesia dubitare quin ita faciendum sit, insolentissimæ insanix esse. Et hæc atque eiusmodi ille dicit: cuius alio† loco illa sententia est. Nemo consuetudinem rationi & veritati præponat, quia consuetudinem ratio & veritas semper excludit: qui etiam non ignorabat, quamvis non in bona causa, benè tamen à diuo *Cypriano dictum; Consuetudinem sine veritate, nihil esse aliud quam erroris vetustatem. Num igitur in his secum pugnat Augustinus, qui vno loco dicit consuetudinem veritati cedere oportere, alio loco censeat consuetudinis contemptores esse coercendos? Minimè verò: Vtenim si quis mihi consensum generatim obijciat, nec dicat quorum ille sit consensus, non magni pendendum putem; ita consuetudine sine discrimine allegata, nihil me premi arbitror. Tatum interest quorum consensus, aut cuius populi dicatur esse consuetudo. Nam & in errorem multorum sæpè consensus est, & consuetudo potest contra veritatem & rationem irrepere. At si consensus consuetudoque Ecclesiæ proferatur, (quod & nos facimus, & cum Apostolo faciebat D. Augustinus) quis non continuò, qui obstinatissimus non sit, contentionis suæ vela deponat?

Dupli-

Dupliciter intelligi posse, afflictionem
Purgatoriam. CAP. XXVII.

Sed de Augustino ita subiungis. *Augustinus quidem aliquoties id affirmat, ut de Genesi contra Manichaeos libri 2. capite 20. Et de vera & falsa poenitentia capite 18. ubi & de gravitate ignis illius differit. Et libri 21. de civitate capite 23. affirmat quosdam poenas temporales ferre post hanc vitam. Et capite 26. Non redarguo, inquit, quia forsitan verum est. Sed his locis & similibus opponendos censemus alios ex eodem Augustino, in quibus id ipsum vel negat, vel dubitanter inducit, ut Libro 5. contra Pelagianos: Tertium locum ignoramus, &c. Et in Enchiridio cap. 67. ait eos, qui diuturno non tamen aeterno igni puniri tradunt quosdam, falli humana quadam benevolentia: nam Scriptura divina aliud consulta respondet. Et in quaestionibus utriusque test. non dubitat dicere, in futuro solum esse remunerationem & condemnationem; hic autem aut solvuntur aut ligantur peccata. Sic dubitanter hanc quaestionem de Purgatorio infert, in Enchiridio cap. 69. Item de fide & operibus cap. 16. Et in quaestione prima Dulcitij: Tale aliquid post hanc vitam fieri incredibile non est, & utrum ita sit quari potest. Ex quibus perspicipoteff dubitasse & ipsum Augustinum: Sed quia recens erat quaestio, & à multis acriter urgeretur, alias concedit, alias dubitat; interdum caussa ita postulante palàm negat. Haftenus ille.*

Igitur vnum è Veteribus dubitasse interdum videri vis Augustinum, sed perspicuè demonstrari oportebat abs te quid id sit de quo dubitavit. Dicis enim eum de Purgatorio dubitasse, neque vlla eius verba profers quæ hanc dubitationem expresse- rint. Potest esse aliqua res dubia & incerta de Purgatorio, quamvis dubium non sit Purgatorium existere. Certè pro defunctis adiuvandis atque levandis, orationes rectè fundi oblationesque fieri, nusquam dubitat Augustinus: atque vsque adeò tenuit hoc rectè fieri, quoniam id tota per orbem Ecclesia frequentaret, ut sciret dubitare quin ita faciendum esset ad insolentissimam insaniam pertinere. Dubitat igitur Augustinus, suamque dubitationem tribus maximè locis explicavit, Enchiridij cap. 69. De fide & operibus cap. 16. Et libro 21. de Ciuitat. capite 26. Sed non de eo quod tu existimas dubitavit. Quod ut intelligatur plenius notandum est, cum omnis repurgatio à maculis & sordibus sit, bifariam posse hominem inquinatum & deformem intelligi, seu turpem: videlicet à culpæ macula, vitiosarumque affectionum & cupiditarum sordibus; aut à reatu pœnæ, siue turpitudine supplicij quod ex peccato incurritur, cuiusmodi est, in patibulum agi, aut carceris squalorem perpeti. Propter hoc enim sordium genus, quod in peccatorum pœnis & vili abiectio- ne constitutum est, dicit Christus per Isaiam *Isaia 63.* se inquinasse vestimenta sua: Et in prophetia Zacha-

Zachariæ, Iosedech, qui Christi typum gessit, *Zachar 6*
 turpia scribitur vestimenta induisse. Sed & in
 Psalmis Christus de luto facis eductum se re- *Psalm 39.*
 surrectionis gloria gratulatur. Vt igitur duplex
 est inquinamentorum genus, sic potest ipsa ho-
 minis purgatio bifariam intelligi: vel ab affe-
 ctu prauo & cupiditate sæculi huius; vel à pœ-
 na peccati, tanquam à sordibus carceris, dum
 in pristinum honorem ac nitorem restituitur,
 penitusque liberatur. Prius illud purgationis
 genus, non raro D. Augustinus attendit, vt Li-
 bro 9. de Ciuit. Dei, cap. 15. & 16. vbi distinguit
 emendationem peccati & cohibitionem à pec-
 cato, ab ipsa punitione. Clarissimè vero libro
 21. de Ciuitate Dei cap. 13. vbi contra Platonici-
 cos multa disserit, qui omnes pœnas purgato-
 rias esse censebant, quia per eas fieret emenda-
 tio atque correctio. Platonici, inquit, quamuis
 impunita nulla velint esse peccata, tamen om-
 nes pœnas emendationi adhiberi putant, vel hu-
 manis inflictas legibus vel diuinis, siue in hac
 vita, siue post mortem; si ita parcatur hic cui-
 quam aut ita plectatur vt hic non corrigatur:
 Et paucis interpositis: Qui hoc opinantur, in-
 quit, nullas pœnas nisi purgatorias volunt esse
 post mortem, vt quoniam terris superiora sunt
 elementa, aqua aër, ignis, ex aliquo istorum
 mundetur per expiatorias pœnas, quod terrena
 contagione contractum est: Et infra; Nos vero
 etiam in hac quidem mortali vita esse quasdam
 pœnas purgatorias confitemur, non quibus

affliguntur, quorum vita vel non indè sit melior, vel potius indè sit peior, sed illis sunt purgatoriae qui eis coërciti corriguntur. Iuxta hanc igitur quam D. Augustinus cum Platoniciis aspexit purgatoriae pœnæ significationem, incertum se subindè esse declarat, sinne pœnæ ad hunc modum purgatoriae post hanc vitam, quibus videlicet affectus quidam pravi atque distorti corrigantur & aboleantur; an vero omnes potius istiusmodi affectus & amores sæculi, quibus sæpenumero iusti homines tenentur usque ad corporis mortē, in ipsa corporis & animæ dissolutione prorsus secundum seipsum intereant. At iuxta posteriorem purgatoriae pœnæ rationem, qua videlicet per temporariam afflictionem transit homo ad plenam libertatem, nusquam se D. Augustinus de Purgatorio dubitare significat, quin illo ipso capite 13. postquam dixisset, in hac vita ijs duntaxat purgatorias esse pœnas, qui illis coërciti corrigerentur, subiunxit temporarias pœnas alios in hac tantum vita, alios post mortē, alios & nunc & tunc (verūtamen ante iudicium illud severissimum nouissimūq;) perpeti. Vbi proculdubio Christianarum animarū Purgatorium est, quia sufficiat ibi pœnas cōstituere temporarias, seu aliquando finiendas; quamuis an purgatoriae sint, quomodo Platonici de purgatorijs pœnis loquebantur, non certò constet. Ideoque libro 2. de Genesi contra Manichæos capite 20. ignem purgationis post hanc vitam sine dubitatione posuit,

posuit, scribens in hunc modum: Qui coluerit agrum suum interius, & ad panem suū, quamuis cum labore peruenerit, potest vsque ad finem vitæ huius hunc laborem pati: post hanc autem vitam non est necesse vt patiatur. Sed qui fortè agrum non coluerit, & spinis eum opprimi permiserit, habet in hac vita maledictionem terræ suæ in omnibus operibus suis; & post hanc vitam habebit vel ignem purgationis, vel pœnam æternam. Ita nemo euadit istam sententiam: sed agendum est vt saltem in hac tantum vita sentiatur. Sic D. Augustinus. Constat igitur inter Catholicos doctores, purgationem quorundam, post huius vitæ mortalis exitum, diuino iudicio fieri: Neque ea purgatio intelligenda est nisi à peccatis grauioribus hic remissis, aut puluere quodam sæculari, quo per facile est inquinari eos qui super terram desiderijs adhuc sæcularibus gradiuntur. Cæterum cum in peccato sint, & affectus & reatus; neque habeatur exploratissimum vtrum sit post hanc vitam ab affectibus carnis in ipsa voluntatis correctione futura purgatio, tamē quin sit tum futura purgatio à peccatis quoad reatum, neque id modò Ecclesiæ dubium est, nec fuit vnquam inter Catholicos tractatores controuersum. Atque id sufficit vt Purgatorij ratio teneatur, ne videlicet illud magnoperè sit formidandum quod Lutherus obieciebat, Punitorium, non Purgatorium vocari oportere. Pœna quippe est, sed per quam peccati debitum

abstergitur, Carcer est & pœna polluens, ut plenè repurget à vinculis & obligatione peccati; brevis est seruitus, sed per quam tribuitur æterna libertas.

Habes Areti quid sit quod pro incerto habuerit Augustinus; id nimirum quod ne nunc quidem satis certum est: & quid rursus sine dubitatione tenuerit, hoc ipsum videlicet quod nunc Catholica tenet fides, vestra vero hæresis oppugnare non desistit. Neque verò ea res Augustini ætate aut dubia fuit, aut quæstionem habuit, in qua, ut fingis, à multis acriter vrgeretur, sed si qua prius per Aërium hæreticum mota quæstio fuerat, ea diligenter magnoque consensu Ecclesiasticorum tractatorum refutata est, celeriterque damnata & oppressa; nihil ut D. Augustino, vel alijs eius coætaneis negotij relictum sit hac quidem in parte, ubi possent vrgeri. Quod si te in aliam opinionem induxerit epistola quæ inscribitur [Cyrilli Hierosolymitani ad Augustinum] in qua expressum est post obitum Hieronymi quandam hæresim inter Græcos surrexisse, quæ ad Latinos usque deuenerit, qua assereretur nullum fore Purgatorij locum, in quo animæ quæ nondum de suis peccatis in mundo plenam egissent pœnitentiam, purgarentur: Potuit eadem epistola hanc ipsam opinionem eximere, in qua narratur Diui Hieronymi meritis tres mortuos ad vitam reuocatos, qui de pœnis, & æternis & purgatorijs tam efficaciter testificati sunt, ut
hoc

hoc pacto hæresis confestim in fumos abierit, prius omninò quàm Augustino potuerit esse molesta. Neque proindè, vt dicis, tanquàm fluctuans, aliàs concedit aliàs dubitat, interdum caussa ita postulante palam negat, sed de quorundam fidelium pœnis non perpetuis post hanc vitam, à quibus vt liberentur precibus, eleemosynis, missæque sacrificijs agendum sit, dubitat nunquam; quin hoc ipsum varijs locis concedit: nullo denique in loco, aut tectè aut palam negat facièdum esse, quod & sedulò pro sua matre fecit, & illa vt id pro se fieret, filio commendauit.

*Vide libro
9. Confess.
cap. 13.*

Nam quod de tertij loci ignorance repetisti, ad id iam antea responsum est: Quin & hoc addam, tantum abesse vt ea de re dubitauerit Augustinus, vt etiam apertè disertisque verbis dubitandum esse negauerit, serm. 34. de verbis Apostoli. Sic enim scribit: Proindè pompa fan-
nebris, agmina exequiarum, sumptuosa dilig-
gentia sepulturæ, monumentorū opulenta con-
structio, viuorum sunt qualiacunque solatia;
non adiutoria mortuorum. Orationibus verò
sanctæ Ecclesiæ, & sacrificio salutari, & elee-
mosynis quæ pro eorum spiritibus erogantur,
non est dubitandum mortuos adiuuari, vt cum
eis misericordius agatur à Domino, quam eo-
rum peccata meruerunt. Addit etiam verbis
consequentibus, cur dubitandum non sit: Hoc
enim, inquit, à Patribus traditum vniuersa ob-
seruat Ecclesia, vt pro ijs qui in corporis & san-

O v guinis

guinis Christi communione defuncti sunt, cum ad ipsum sacrificium loco suo commemorantur, oretur; ac pro illis quoque id offerri commemoretur. Cum verò eorum commendandorum causa opera misericordię celebrantur, quis eis dubitet suffragari pro quibus orationes Deo non inaniter allegantur? Non omninò ambigendum est ista prodesse defunctis; sed talibus quã ita vixerint ante mortem, ut possint hæc eis vtilia esse post mortem. In his verbis Augustinus non semel duntaxat, sed iterum ac tertio omnem dubitationem abigit, simulque declarat propterea de eo dubitare nefas esse, quod & à Patribus sit traditum, & ab vniuersa Christi Ecclesia obseruatum. An forte alias nesciebat Augustinus quid haberet ea de re traditio Patrum, quid Ecclesiæ obseruatio, & ideo dubitabat? Quæ si de tanto Ecclesiæ præfule absurda existimatio est; nunquam ergo dubitauit, quoniam hæc ei cur dubitandum esse negaret causa fuit, quod maiorum traditioni vniuersæ Ecclesiæ obseruatio responderet.

Ex veteri pro defunctis officio Ecclesiastico, clarè colligi Purgatorium Christianarum animarum. CAP. XXVIII.

Addis tamen pari impudentia, hunc in modum cætera contexens:

Et sanè, inquis, apparet ante tempora Augustini plane fuisse ignoratum Purgatorium. Sed
quia

quia Veteres in exequijs habebant conuentus, in quibus habebantur conciones, orationes, fiebant eleemosynæ, & defunctis latam comprecabantur resurrectionem, posterius malè hanc consuetudinem ad preces pro defunctis applicarunt; quibus peior subsequens ætas orta est, quæ Purgatorium inde cõminsceretur. Ac veteris illius consuetudinis manifestum est indicium apud Papistas. Nam illi in officijs mortuorum, quæ Vigilias appellant, nullam faciunt mentionem Purgatorij, sed resurrectionis solum & magnitudinis peccatorum. *Libera me Domine* (canunt) de morte illa æterna, in die illa tremenda &c. Et, de profundis libera me (clamant) non ex Purgatorio, &c.

Fateris Areti, Veteres in exequijs habuisse conuentus in quibus orationes funderentur, & eleemosynæ fierent. Quæ te consuetudo, si sciperes, commouere posset, vt non existimares vanum esse quod etiam de Purgatorio creditur. Nam & propterea eleemosynæ fiebant, vt defunctis subueniretur, & (quod omittis studiose quamuis eius expressè Tertullianus, Cyprianus, Chrysostomus, Ambrosius, Augustinus, cæteri que meminerint) sacrificiorum oblationes. Quibus rebus omnibus quid opus erat, nisi vt defunctis indulgentia, & à pœnis leuatio impetraretur? Propterea ergo lugebāt Africani populi, abductis in exilium persecutione Vandalica sacerdotibus, ea voce quam sic Victor Vticensis expressit. Qui nos solemnibus orationibus sepulturi sunt morientes? à quibus diuini

Lib. 2. per-
seq. Vanda-
lica.

diuini sacrificij ritus exhibendus est consuetus. Nam de lata resurrectione iustorum, quos omnes statim vos in cælum subuolare creditis, & beatifica Dei visione frui, nulla eos ne temporaria quidem pœna remorante, non fuit quod quisquam deberet ad eum modum esse sollicitus. Alioqui & pro Martyribus hæc in Ecclesia frequentarentur officia, cum tamen è diuerso illud tritū sit, iniuriam facere Martyri qui orat pro Martyre: Quod & Augustinus, vt iam tum vulgatum referens, Ser. 17. de verbis Apostoli: Perfectio (inquit) in hac vita nonnulla est, ad quam sancti Martyres peruenerunt; Ideoque habet Ecclesiastica disciplina, quod fideles nouerunt, cum Martyres eo loco recitatur ad altare Dei, vbi non pro ipsis oretur; pro ceteris autem commemoratis defunctis oretur: Iniuria enim est pro Martyre orare, cuius nos debemus orationibus commendari. Sic Diuus Augustinus. Quare posterī suorum patrum optimè perspectam habentes fidem, rectè maiorum suorum cōsuetudinem in ijs precibus quæ pro defunctis liberandis fierent tenuerunt. Nec ratio est cur peior putetur ætas subsequens, quia inde Purgatorium crediderit, cum nihil aliud sit nostra de Purgatorio fides, quam ea persuasio ex qua pro defunctis oratio nascitur, qua id petitur à Dei benignitate vt à suis ærumnis atque miserijs, plena libertate donentur. Ideoque pro defunctis canere fideles soliti sunt, Kyrie eleyson; qua voce petitur misericordia, quæ solis est
mife-

miseris necessaria. Eam ob rem in cōcilio Are-
 latenſi 3. quod Leone primo Pontifice coactum
 est, remotis quibusdam pestiferis canticis, &
 inepta lætitia, qua laici in excubijs funeris dif-
 fluebant, prætextu beatæ Christianorum mor-
 tis; si quid canere laicus desideret, cantare iu-
 betur, Kyrie eleyſon. Hæc enim Christiano lu-
 ctui congruebat precatio, quem pro defuncto
 suscipi conuenire, veterum exemplis patres illi
 docuere. Quod autem ais, in officijs mortuorū
 quæ Vigilijs appellamus, nullam fieri à nobis
 mentionem Purgatorij, quid id te adiuuat, cum
 res ipsa quæ Purgatorij vocabulo significata est
 luculenter exprimatur? Cur enim illis petere-
 tur requies, nisi essent in labore? cur lux æterna,
 nisi adhuc in tenebris versarentur? cur sinus
 Abrahæ Isaac & Iacob, vnde aufugit dolor &
 tristitia, si mox in eo læti ac sine omni dolore
 acquiescūt? Hæc, quæ facilè sunt in officio de-
 functorum celeberrima, & ex veterum libris
 voceque populi Christiani publica atque per-
 petua, in vsum Ecclesiastici cantus inducta, tu
 vel de industria præteris, vel non attēdis quam
 vim habeant ad Purgatorij significationem.
 Neque necesse est plura ex ipso officio repetere,
 cum vnum hoc sufficiat; hōc (inquam) quod
 pro defunctis vsurpat, semperque vsurpauit po-
 pulus Christianus, Requiem æternam dona eis
 Domine, & lux perpetua luceat eis. Cui & il-
 lud aptissimè consonat quod in sacro Missæ ca-
 none, Græcis pariter Latinisque consentienti-
 bus le-

bus legitur: Ipsis Domine, & omnibus in Christo quiescentibus, locum refrigerij lucis ac pacis vt indulgeas deprecamur, per eundem Christum Dominum nostrum. Quò denique præter Tertullianum de vidua, quæ marito defuncto requiem poscit, D. etiam Ambrosius videtur alludere, cum sic ait de obitu Valentiniani: Date manibus sancta mysteria, pio requiem eius poscamus affectu, Date sacramenta cælestia, animam piam matris oblationibus prosequamur. Et rursus in oratione funebri de obitu Theodosij Imperatoris: Tu (inquit) Domine solus inuocandus es, tu rogandus, vt eum in filijs repræsentes: Tu Domine custodiens etiam paruulos, in hac humilitate saluos facito sperantes in te. Da requiem perfecto seruo tuo Theodosio, requiem quam præparasti sanctis tuis.

Quid de illis sentiendum sit, qui ex gentiliū libris aliquam Purgatorij significationem petunt. CAP. XXIX.

Sequitur (inquis) vt alia firmamenta Purgatorij videamus. Ex sacris malè astruitur, & Patres illi malè patrocinantur: si res Poëtis & Philosophis cõmitteretur, pleniora haberi possent testimonia. Notam est plura fuisse catariſmon genera. Homicidiū purgabatur flumine bis septies ablucendo: & Theseus post occisos Pallātis filios Purgationis causa è Træzenijs abiit, & Adrastus ad Cresum regem profugit, vt purgaretur à cede.

Pastor

Pastor etiam oves solebat purgare sulphure, herba sabina & lauro igne succens, ac circum ouilia suffibat, cum sacro carmine milio & libo, cum lacte & sapa Pali Dea sacra faciebat. Roma exercitus solebat purgari sue, oue, & tauro. Hos & similes mores frequenter inuenias apud Ethnicos scriptores. Ac fiebat omnis purgatio vel per aërem, vel per ignem, vel aquam. Sed ut ad nostra veniamus, Purgatorium depictum habes apud Virgilium sexto Aeneidos, ubi Anchises ita loquitur.

Non tamen omne malum misertis nec funditis omnes

Corporea excedunt pestes, penitusq; necesse est

Multa diu concreta modis inolescere miris.

Ergo exercentur pœnis, veterumq; maiorum

Supplicia expendunt; alia panduntur inanes

Suspensa ad ventos: alij sub gurgite vasto

Insectum eluitur scelus, aut exaritur igni.

Quisque suos patimur manes, exinde per amplum

Mittimur Elysium, & pauci lata arua tenemus,

Donec longa dies perfecto temporis orbe,

Concretam exemit labem, purumque reliquit

Aethereum sinum, atque aurai simplicis ignem.

Quibus sanè non poterat melius exprimi ratio Purgatorii. Et Pindarus Græcius Poëta in Olympiade secunda, affirmat lustratos demum apud inferos peruenire ad Saturni illam urbem, in beatorum insulis, quam Tyr sin vocari dicit. Huic Purgatorio vehemèter fauerunt & Philosophi, in primis Pythagorici & Platonici. De Platone satis constat ex Dialogo Phædone & Axiocho, ubi defunctos fluminibus inferni purgari dicit, priusquam perueniant in campos Elyseos. Ex quibus sanè constat Purgatorium, nihil aliud esse quam
Philo-

*Philosophorum & Poëtarum figmentum, quibus
hoc debent ei defensores Christiani.*

Haëte us ille.

Si Catholicam de Purgatorio fidem tam irridendam ostendisses, quam tu hic multum, Areti, ridere ac rideri voluisti, iam profectò cōfusi discedere cogeremur. Sed quantum quidem rideri cupias animaduertimus, quid autem irridendum probes non videmus. Posteaquam enim illa omnia de varijs gentilium purificationibus vano labore collegisti, ne tamen ad rem nihil pertinere putarentur, concludis ex iis constare, nihil aliud esse Purgatorium quam Poëtarum & Philosophorū figmentum. Quid ais? an quia Poëtæ & Philosophi purificationes finxerunt, ideo Christianorum Purgatorium nihil est nisi Poëtarum & Philosophorum figmentum? Poteras eodem modo & Christi descensum ad inferos, & inferorum pœnas, & iustorum in cælo felicitatem, Philosophorum & Poëtarum esse figmenta concludere; quoniam & Poëtæ quorundam ad inferos finxere descensus, & Philosophi supplicia improborum, & bonorum felicitatem post corporis dissolutionem esse putauerunt. Neque verò in colligendis eorum hac in parte testimonijs, minus esse disertus & copiosus potuisti. Occurrisset indubiè homini literato, mox illud Ouidij:

— *Theſea Pirithous Stygias comitatur ad undas.*

Et quod apud Homerum scribitur de Vlyſſe, qui ad inferos descenderit, indeque redierit:

Itemq;

Itemque apud Vergilium de Ænea, (quæ illi Poëtæ ad commendandam fortitudinem, singularemque virtutis excellentiam retulerunt.)

facilis descensus Auerni:

Sed reuocare gradum superâsque euadere ad auras

Hoc opus, hic labor est.

Quo etiam pertinent ipsi campi Elysi, quos ex Platone cōmemoras, nisi vt aliqua post mortem bonorum felicitas crederetur? Quam ob rem ergo hic quoque non concludis satis constare, inferos & cælum nihil aliud esse quam figmenta Poëtarum? Viam certè Arcti demonstras qua possint & illa à prophanis hominibus irrideri, quoniam similia quædam à gentilibus videantur esse conficta; vsque aded sæculum, non vitam modo iustorum beatâ, sed nec ipsam resurrectionem inortuorum (quemadmodum Tertullianus ait) dum errat, ignorat. Sed & ipsa de vno mediatore Dei & hominum, de restituta per eum iustitia & felicitate fides Christiana, concludetur esse nihil aliud quâ figmentum Sybillarum, imò etiam Poëtarû; quoniam & Sybillæ, & ex Sybillinis versibus Poëtæ de Christo quædam prædixisse putentur: Nam Vergilius, vt ait Ludouicus viues, & Ouidius, manifestè in poëmata sua de Sybillinis carminibus versus mutuuntur, quos nemo ita cæcus est, inquit, quin esse de Christo dictos perspiciat. Qualis est tota quarta Egloga Vergilij, & digressus de morte Cæsaris in fine primi Georgicorum. Apud Ouidium verò illa sunt:

Et Deus lumina lustris sub imagine terras.

Rursum :

Esse quoque in satis reminiscitur affore tempus

Quo mare, quo tellus, correptaq; regia celi

Ardeat, & mundi moles opertoq; labore.

Item apud Lucanum de ijs quæ præcedent iudicium Domini :

Sic cum compage soluta

Secula tot mundi suprema collegeri hora,

Antiquum repetens chaos.

Denique & hoc ipsum quod pios dicis habere suū Purgatorium in sanguine Christi, simili ratione ridebimus, quia (sicut ipse commemoras) Romæ exercitus sanguine purgari solebat. Sed & hominum cædē & sanguine purgationes atque expiationes in gentilitate fieri solitas, satis clarum est ex veterum scriptorum monumentis. Idcirco Diuus Ambrosius lib. 6. in Lucam, cum esse dixisset qui non statim credere possent per crucem mundo salutem esse refulsam, Alstrue ergo (inquit) per historias Græcorum hoc fuisse possibile. Sic interdum etiam Apostolus suadet incredulis, nec versus refugit Poëticos, ut fabulas destruat Poëtarū. Si enim reuocetur in memoriam, quod legiones sæpe & magnos populos, oblati aliquorum mortibus, historiæ Græcorum asserunt liberatos: Si recorderentur quod Imperatoris filia propter Græcorum exercitus transferendos, ad sacrificium sit vocata: Si nostrum illud consideremus, quia sanguis taurorum & hircorum & cinis vitulæ aspersus, inquinatos sanctificat ad carnē mundan-

dandam: Si pestilentia regionum, aliquibus hominum contracta peccatis, vnius alicuius morte afferitur esse resoluta; quod aut ratione præualuit, aut dispositione conualuit, quo facilius in crucem Domini crederetur, procliuè erit, vt qui sua negare non possint, nostra confirmant. Hoc ergo genere argumenti, cum sic vsus sit Diuus Ambrosius, cur non similiter dixerimus purgationem atque expiationem Christi sanguine factam, nihil esse aliud quam gentilitatis commentum? Et hoc tamen tu Purgatorium diligenter excipis, cum ita subiungis:

Interea verè pij suum habent purgatorium in sanguine Christi, qui sanguis est nostrum purgatorium. Unica enim est satisfactio pro peccatis mors Christi. Hoc sufficiens est purgandi genus, vt non sit opus illo fabuloso.

Addis tamen habere bonos viros etiam sua purgatoria in hac vita, ærumnas & antichimata, & fortasse alios Socraticam Xantippen. Cur hic quoque non metuis ne tibi illæ fabulæ de purgationibus obijciantur? Cur etiam tam absurdum censes aut fabulosum, ærumnas poni post hanc vitam purgatorias, cum tu nihil metuas aut dubites ærumnas purgatorias in hac vita constituere? quæ tamen plenissimæ purgationi per Christum factæ tam obstare debere videantur, quam illæ quæ post hanc vitam constituentur à nobis. An non attendis Arcti, quam non modò causam nostram confirmes, dum illam infirmare conaris, verum etiam quam te-

ipsum subvertas, dum oppugnas veritatē? Pōnis in hac vita purgationes, bonorum ærumnas & antichimata. Præsidio ergo nobis es ne accusari possimus, si post hanc vitam eiusmodi bonorum purgationem posuerimus, qui præsertim hic per ærumnas & antichimata purgati non sint. Ac ne metuere debeamus hic dominicæ purgationis occursum, tu idem nobis adiutor es, qui præter ærumnas & afflictiones Christi, bonorum quoque antichimata purgatoria facis. Quid enim interest, siue in hac vita, siue post mortem ærumna & afflictio constituatur quæ purget, modò alia quæpiam quam Christi mediatoris afflictio purgatoria asseratur? Postremo si illa interdum de Poëtarum libris à Christianis scriptoribus collecta sunt, nō quo fides Christiana quæ de Christo est, & purgatione per eum facta, aut de iudicio extremo sic stabiliretur; sed ut gentilibus demonstraretur, non debere absurdam videri Christianorum sententiam, quam ipsi quoque gentiles quos mirentur, vel suis prædictionibus vel carminibus commendarint, non debet tam alienum existimari si in hac quoque de Purgatorio causa & illa superius posita Vergilij carmina proferantur: non ut eiusmodi testimonio probetur quod credimus, sed ut ostendatur ipsa quoque gentilitas, de purgatione post hanc vitam sensisse aliquid, quomodo & de tormentis impiorum, & de felicitate piorum, quas res nētum quidem ignorat dum errat. Sic sanè Ioan-

nes Eckius de Purgatorio contra Lutherum disputans, non solum illa ipsa Virgilij carmina prorulit, sed adiunxit etiam aliqua Claudiani. Quin & Platonis atque Algaselis Arabis idem meminit. Non (inquit) quod quicquā auctoritatis Ecclesiæ Dei per hoc accedat, vt de Sybillinis & gentilium libris monet Augustinus, sed vt confundatur aduersarius, cum viderit veritatem gentilibus cognitam, quam ipse patitur Christianis esse absconditam. Quod si quis obijciat, authorem esse Iustinum in Dialogo cum Tryphone, eiusmodi multa diabolum per suos ministros Poëtas atque Philosophos euulgasse, vt nostris fidem detraheret, eaque obscuraret ac velut similia fabulis indeque petita eleuaret; ideoque illos qui his vtantur, diabolicæ maleuolentiæ studio nimium obsequi, nec prodesse, sed grauiter perniciosèque nocere, quemadmodum ille hostis per hæc introducta nocere studuerit: huic respondebo discerni vigilanter oportere, quid sibi diabolus propositum habeat, quidque intendat ab eo quod omnipotens Deus vel ex ipsa diaboli maleuolentia in vsus Ecclesiæ suæ colligit atque decerpit. Nouit enim Dominus, etiam id quod factum est vt obfit, ad aliquam vtilitatē conuertere; quia quemadmodum Apostolus ait: Diligentibus Deum *Rom. 8.* omnia cooperatur in bonum, his qui secundum propositum vocati sunt sancti. Quamquam ergo diabolus illas Poëtarum fabulas introduxerit, vt Christianorum placitis tanquam

similiter fabulosis, fidei minus haberetur, ideo-
 que suæ maleuolentissimæ intētionis effectum
 præclarè sortiatur in hæreticis, qui nostra hæc
 tanquam gentiles fabulas redolentia repudiāt:
 tamen prouidentissima Dei erga nos benigni-
 tate hunc ex illis vsum decerpimus, vt si qui sint
 qui nostra vel vt falsa negent vel vt impossibi-
 lia irrideant; illa verò vt sua mirentur, atque
 amplectantur, de his ipsis quæ teneant refelli
 & coargui possint. Sic enim procliuius erit,
 quemadmodum ait D. Ambrosius, vt nostra
 confirmet qui sua negare non possunt. Ideo-
 que contra gentiles, aut leues illos Christia-
 nos, quos magis Poëtarum lectio & commen-
 ta quam instituta Christiana delectant, aptius
 proferentur, quam aduersus hæreticos, in qui-
 bus diabolus gratulatur indubiè se tam vbe-
 rem studij conatusque sui fructum reperire.
 Quo tamen tolerabilius facere videantur, qui
 & aduersus hæreticos disputantes, illa profe-
 runt; poterit vel obiter annotari, quod Lactan-
 tius lib. 7. cap. 22. scribit: Quamuis Poëtæ ve-
 ritatis arcana in parte corruerint, tamen ipsa
 res eò verior inuenitur, quòd cum prophe-
 tis in parte consentiunt: quod nobis
 (inquit) ad probationem
 satis est.

LIBRI PRIMI FINIS.

PVRGATORIO,

LIBER SECVNDVS.

Contra Lucæ Loffij scholion in
caput 21. libri tertij Alcuini
De Trinitate.

PRÆFATIVNCVLA.



ALCVINVS, cuius* ante
quoque meminimus pro-
pter Aretij reprehensionē,
Carolus illius verè Magni
præceptor, vir & ætate sua
inter optimos doctissimosque habitus, &
post mortem à posteris iure laudatus, tres
scripsit libros de Sancta & indiuidua Tri-
nitate. Quod opus vt verè egregium, ve-
reque pium & Catholicum, recogno-
scendum sibi, ac breui etiam illustran-
dum commentario Lucas Loffius existi-
mauit. Sed in eo, tanquam pulchro alio-
qui corpore, næuum suo quidem iudicio
reperit propter doctrinā de Purgatorio.
Quæ si, vt clamitant, Christi satisfactio-
nem euertit, grauis profectò & pernicio-
sus est error, nec vulgaris næuus, sed in-

* Superioris
libri cap. 8.
& 10.

P iij tole-

toleranda deformitas. Ac si tanta, ut censent, deformitate Alcuinus laboravit, non dubium quin eadem & Carolo Magno, & Pastoribus, toti quæ tunc inhæserit Ecclesiæ Dei, in qua hic Alcuinus doctrina & pietate singulari, simulque & præceptoris & Abbatis dignitate atque authoritate fulgebat. Ex quo perspicui potest, huius Alcuini ea in parte repræhensionem, totius Ecclesiæ quæ ea tempestate Caroli virtute passim ubique florebat, gravem & iniuriosam damnationem esse. At nos eius Ecclesiæ, quæ acceptam religionem à prædecessoribus ad nos usque transmissit, quoniam authoritatem suspicimus, ut eam in tanti momenti doctrina suspectam habeamus, id procul à nobis abesse debere arbitramur. Et quoniam ipse Loffius post Apostolos, quorum opera Ecclesiæ fundatæ sint toto orbe terrarum, missos esse dicit Episcopos, pastores, & doctores usque ad nostra tempora; per quos iterum ineffabili misericordia Dei, vox Evangelij restituta & accensa sit: atque inter hos pastores & doctores Ecclesiæ, de quibus dicat Apostolus positos esse ut non essemus tamquam paruuli fluctuantes, meritò commemorari hunc ipsum

ipsum Alcuinum Abbatem Turonen-
sem, idcirco quod de Alcuino dat nobis
laudis, gratanter accipimus, lubentesque
eundem in hac de Purgatorio doctrina
ut doctorem Ecclesiæ sequimur; magis-
que eo ipso animamur, ut argumēta qui-
bus aduersus Alcuinum vitur, discu-
tienda hoc loco, breuiterque & cursim
duntaxat refellenda putemus.



Quas hæretici fingant origines doctrinæ
de Purgatorio. CAPVT I.

EST (inquit Lossius) *hac erronea & fal-
sa opinio de Purgatorio, quam hic Al-
cuinus vera & catholica doctrina de san-
cta Trinitate interserit. Est autem primum orta
persuasio de Purgatorio, hoc est, pœnis & crucia-
tibus animarum post hanc vitam, à spectris, tem-
pore Gregorij Pontificis, qui anno 590. vixit.*

Doctrinæ eius quæ de Purgatorio est veram
originem, quoniā in diuinis literis hæretici no-
lunt agnoscere: fontem eius alibi reperire co-
nantur. In quo proindè conatu, dissidere illos
inter se necesse est, & tanquam errantes atque
dispersos alium hic, alium alibi quærere; eorum
videlicet communi more, qui à recto itinere
aberrantes quærūt aliquid vbi id inuenire non
possunt. Itaque Lossius transuerso impeditus

P v. aspe-

aspectu non longè prospiciens, primâ originem posuit in spectris tempore Gregorij: Calvinum non piguit ad superiora longè tēpora respicere.

Ne enim (inquit) deteriores essent prophanis hominibus Christiani, puduit illos nullum mortuis officium prestare, ac si penitus extincti forent. Hinc malè consultâ sedulitas; quia si pigri essent in curandis funeribus, in epulis & oblationibus, putabant se magno probro expositum iri.

Hoc Calvinus de prima traditionis huius origine, satis haud dubiè perspiciebat, multò ante Gregorij tempora fuisse illam de Purgatorio persuasionem exortam: propter quam in iustis persolvendis animabus defunctorum susciperetur malè consultâ, ut ait, sedulitas. Huius ergo sententia, gentilitatis æmulatio perversa, purgatorium nobis peperit: at Lossij iudicio, spectra Gregorij. Quid igitur Machabæis hanc persuasionem generavit? etiâne spectra Gregorij? aut fortè perversa gentilitatis æmulatio? Scilicet hac æmulatione tenebatur vir ille religiosissimus, qui diuinis protectus præsidij meruit in bello fortis esse; cuique propria tot subeundorum belli discriminum causâ fuit, patriarum legum amor, odiumque prophanæ gentilitatis cultus.

Deinde (inquit Lossius) propter questum est confirmata, & adhuc à Pontifice Romano, Cardinalibus, Canonicis & sacrificulis armis pertinaciter defenditur & retinetur, contra clarissima testimonia scripturæ prophetica & Apostolica, quæ
affir-

affirmant non esse liberationem post mortem.

Imò verò, Loffi, quia iuxta clarissima scripturarum testimonia, ministerio potestatis eius cui Deus non sine causa gladium dedit, doctrina hæc defensa est; non id pertinaciter, sed planè fortiter constanterque factum videri debet. Cur enim non hoc quoque modo, cum facultas adest, vestris aduersus ecclesiam pertinacissimis contentionibus resistatur?

Frustra gloriari Hæreticum in hac causa, de claritate scripturarum.

CAPVT II.

NAm quod de clarissimis scripturarum testimonijs gloriaris, tale est, vt cum particulatim excutimus, vix obscuras quasdam sententias, illustri per tot sæcula veritati, deprehendamus opponi. *Affirmant enim scripturae* (inquis) *non esse liberationem post mortem.* Sed quo loco? nusquam enim id scriptura expressit ad eum modum, cum non parùm intersit vtrum dicas, non esse liberationem post mortem, & non esse in inferno redemptionem siue liberationem. Post mortem quidem liberationem redemptionemque futuram, docet B. Apostolus; Quia & ipsa creatura (inquit) liberabitur à seruitute corruptionis, in libertatem gloriæ filiorum Dei: sed & nos ipsi intra nos gemimus, adoptionem filiorum Dei expectantes redemptionem corporis nostri. Et Christus in Euangelio cum

Rom. 8.

Luce 21. cùm ait, de futuro iudicio præmonens; Cùm hæc videritis fieri, leuate capita vestra; quoniam appropinquat redemptio vestra. Erit ergo post mortem liberatio, imò ante mortem perfecta erit nemini: tantum abest vt verum sit docere scripturam non fore liberationem post mortem. Quod si intelligas docere scripturam non fore post mortem liberationem eam, qua quis à dominio peccati liberetur, & è regno tenebrarum tum primum in lucis iustitiæque libertatem transferatur; lubentes hoc tibi donabimus, modisque omnibus approbabimus. Sed quid hoc ad euertendum Purgatorium? Quod autem celebrè est in ore fidelium; In inferno nullam esse redemptionem, rectè intelligitur non solum de illo damnationis loco, vnde nemo post mortem eruitur: verum etiam de de ipso Purgatorio, propterea quod in eo qui sunt, redimere iam se suis operibus omninò nō possunt, ne à temporaneo quidem illo cruciatu: Verumque est generatim, in inferno nulli esse redemptioni, quemadmodum nec merito, locum. Hic enim, quod inculcandum est, omne meritum comparatur, quo quis post mortem aut leuari possit aut grauari. Quāquam de ipsa gehenna, quæ vñtatius inferni nomine concipitur, magis obuium habet sensum; quem Diuus Leo sic expressit: Non ita delinquētes peccata delectent, vt illos in suis actibus vitæ finis inueniat; Quoniam in inferno nulla est correctio, nec datur remediū satisfactionis, vbi iam

non

non superest actio voluntatis; dicēte Propheta
Dauid; Quoniam nō est in morte qui memor *Psalms. 6.*
sit tui, in inferno autem quis confitebitur tibi?
Tunc ergo nulla redemptio est, quando id fit,
quod ille à se deprecatur; Ne quando ut leo ra- *Psalms. 7.*
piat animam meam, dum non est qui redimat,
neque qui saluum faciat.

Quod autem adiungis ex Psalmo 113. Non.
mortui laudabunt te Domine: nōne attendis
tam latè patere, tamque obscurum esse, ut pos-
sit etiam de ijs qui in cēlo sunt spiritibus, nego-
tium facessere? Si enim mortui non laudant
Dominum, nec Petrus igitur nec Paulus, nec
sanctorum quisquam qui mortui sunt, laudant
Dominum; reddeturque hoc argumento non
modò vacuum Purgatorium, verum etiam tri-
sti & ignauo silentio plenum cælum. Imò verò
quoniam purgatorius locus afflictioni & ærū-
nis ob peccata sustinēdis destinatus est, in qui-
bus nec solet, minusque conuenit Alleluia can-
tari, quæ vox Hebræis ad laudis significationē
pertinet, magis illud abs te contra caelestem fe-
licitatem quam contra purgatorium carcerem,
torqueri oportuerat argumentum. Quippè his
qui ob sua peccata affliguntur, non laudes ne-
cessariæ sunt, sed humilis & sine murmure pa-
tientia sufficere potest. Quid igitur probabili-
tatis habeat ista collectio? Post mortem non
sunt laudes; non ergo pænæ purgatoriæ, non
afflictiones, non veniæ locus. Hæc eò dico, ut
animaduerti possit, quam bono iure Lossius in
hac

hac causa, de scripturarum possit tanta perspicuitate gloriari. Tamen non desint qui nihil aliud eo scripturae loco declaratum putent, quam post mortem apud inferos, quo & iustorum spiritus ducebantur ante Christi ascensum, non posse psalmis, hymnis & canticis Deum colaudari, quomodo hic in terris iucunda quadam operum varietate colitur, eiusque laudes celebrantur, beneficiorum quae in nos contulit commemoratione. Hæc enim sunt nostrae peregrinationis concessa temporibus, non quo Deus eiusmodi nostris egeret officiis, sed ut hic nobis vberes colligeremus pietatis & iustitiae fructus. Cuius rei contemplatione & seipsum & alios Propheta pius, ad diuinas in hac vita laudes celebrandas, excitans; Non (inquit) mortui laudabunt te Domine, neque omnes qui descendunt in infernum: sed nos qui viuimus benedicimus Domino. Diuus Augustinus mortuos interpretatur peccatores, qui etiam hanc agentes corporis vitam, mortui sunt, utpote à Deo suo qui animae vita est, longo affectionum intervallo seiuncti. Iusti verò etiam carne mortui, viuunt Deo: vnde & Abraham, Isaac, &

Matth. 22 Iacob dicitur Deus; quia non est Deus mortuorum sed viventium. Non ergo ij qui in suis peccatis mortui sunt, laudabunt te Domine; quia

Ecles. 15. speciosa esse non potest laus egressa ex ore peccatoris: neque omnes qui descendunt in infernum, eò quod peccator cum in profundum malorum venerit, contemnit. Cæterum apud

He-

Hebræos planior est sensus, quiq; minus multò negotij, aut illis exhibeat ne cælestium spirituum laudes conticescant, aut nobis ne post hanc vitam sperari venia haud possit. Eum ita quidam expresse-
 runt. In hac terra mortui non laudabunt te Domine, neque omnes qui per mortem descendunt in infernum. Hoc ergo significat; eos qui mortui sunt, apud viuos non posse laudare Dominum, neque iam cetibus nostris inferi, vt vna nobiscum præconijs extol-
 lant omnium seruatorē. Sed nos (inquit) quoad vixerimus laudabimus Dominum, ab hoc tem-
 pore vsque in finem vitæ, perpetuo halleluia. Tanquam diceret concludens, Quoniam ergo hominibus terrā tradidisti possidendam, in eaq;
 te ab ijs laudari voluisti, nomenque tuum apud viuos celebrari; ne quæso nos cultotes tuos ex hac terra ante tempus rapi sinas violentia &
 scelere impiorum. Illud autem alterum: Quo-
 niam non est in morte qui memor sit tui; in in-
 ferno autem quis confitebitur tibi? doctissimi quidam interpretes de morte æterna accipiunt,
 quæ mors dicitur anthonomasticōs, de quæ in-
 ferno, in quem demersi sunt peccatores & im-
 pij: eumq; sensum supra commemoratis verbis Diuus Leo sequutus est. Alij significatum vo-
 lunt, quod ij qui mortui sunt atq; in infernum descenderunt, non possint apud eos qui super-
 stites sunt, gratum pro acceptis à Deo benefi-
 cijs animum ostendere. Diuus vero Hilarius in Psal. 51. scribens, cuius ante verba posui-
 mus

Psal. 6.

*Superioris
libri cap. 4.*

mus, interpretatur significari, in. conclusam esse mortuis facultatem bona sibi merita comparandi, vbi ex merito præteritæ voluntatis lex constituta aut pœnæ aut quietis, excellentium è corpore suscipiat voluntatem. Ergo & hinc animaduertere quisque potest quæ sit illa scripturarum claritas de qua Loffius gloriatur, quando & tam varias interpretationes hæc scripturæ testimonia recipiant, & quamcunque omnium amplecti libuerit, nulla prorsus, doctrinæ quæ de Purgatorio est, aduersetur. At aliquam fortè aliam multò clariorem protulit ex libro Ecclesiastes, multo quæ vehementius nostro Purgatorio repugnantem.

Quomodo intelligendum sit, mortuos nescire quicquam, & non esse eis amplius mercedem. CAP. III.

ET affirmat (inquit) scriptura, mortuos omnino nescire quid his in terris agatur, nec prodesse illis vlla merita aut opera viuorum. Nam sic Eccles. cap. 9. dicitur: Mortui nesciunt quicquam, & non est eis amplius merces: In obliuionem enim venit memoria eorum, &c. In quem locum inquit Hieronymus: Nos viuētes cognoscimus Patrem & Filium & Spiritum sanctum: illi verò mortui nihil sciunt, neque expectant aliquam repromissionem atque mercedem, sed completa est memoria eorum. Neque ipsi meminerunt quæ scire debuerant, neque illorum iam Domini recordatio est.

Hactenus Loffius.

Qui

Qui si ea quæ protulit clarissima putet, dicat mihi quoniam modo verum sit omnes mortuos obliuioni traditos, cum Apostolorum & Martyrum tam celebris apud Christianos memoria, & modò sit & fuerit semper? Dicat quæadmodum nos quidem nouimus Patrem & Filium & Spiritum sanctum: at Petrus & Paulus & cæteri Apostoli hoc nesciant, qui sunt eius rei potissimum cognitione beati? Explanet quo pacto nullam expectent repromissionem, qui expectet redemptionem corporis sui, ipsis procul dubio cum hic agerent repromissam? Quod si hic sibi permittet è numero mortuorum excipiendi quos volet licentiam, quam obrè quod sibi concedi cupiet nobis denegabit? Si nullos excipi patietur, ostendar ergo sui testimonij non dico iam claritatem (cum hoc esse obscurum nemo non videat) sed etiam veritatem? Non quod illa vera esse non putem, sed quoniam vt ab eo sic intellecta, contra Ecclesiæ doctrinam torquentur, vera esse non possunt. Quid igitur est (inquis) Mortuis non amplius esse mercedem? Si tibi respondero hoc significari quod quidam reddiderunt, non esse mortuos apud viuos vllò amplius in pretio; videlicet vt eis, non post hanc vitam Sapiens neget esse mercedem, sed hic inter mortales in ijs rebus quæ consueto rerum humanarum cursu geruntur, quoniam modo id mihi refelles, aut pro te facere dicturus es? Rursum, quia Diui Hieronymi testimonio niteris, quæ tibi possit adiumento

Q esse

esse hic eius commentarius? Quia (inquit) supra dixerat cor filiorum impleri malitia & procacitate, & post hæc omnia morte finiri; nunc eadem compler & repetit, donec viuunt homines eos posse fieri iustos: post mortem verò nullam boni operis dari occasionē. Peccator enim viuens potest melior esse iusto mortuo, si uoluerit in eius transire virtutes; vel certè eo qui se in malitia, potentia, procacitate iactabat, & mortuus fuerit, melior potest quiuis pauper esse & vilissimus. Quare? quia viuentes, metu mortis possunt bona opera perpetrare: mortui verò nihil valent ad id adijcere quod secum semel tulere de vita, & obliuione obuoluta sunt omnia; iuxta illud quod in psalmo scriptum est:

Psalm. 30. Obluioni datus sum tanquam mortuus à corde. Sed & dilectio eorum & odium & æmulation, & omne quod in sæculo habere potuerunt, mortis finitur aduentu: nec iustè quippe possunt agere nec peccare, nec virtutes adijcere nec vitia. Licet quidam (inquit) huic expositioni contradicant, asserentes etiam post interitum excrefcere nos posse & decrefcere. Et in eo quod nunc ait; Et pars non eriteis adhuc in sæculo, in omni quod factum est sub sole, ita intelligunt vt dicant eos in hoc sæculo, & sub hoc sole quem nos cernimus, nullam habere communionem: habere verò sub alio sæculo, de quo Saluator ait; Non sum ego de hoc mundo; & sub sole iustitiæ: & non excludi opinionem quæ contendit postquam de hoc sæculo migraverit.

uerimus, & offendere posse creaturas & promereri. Haftenus D. Hieronymus: qui quod scriptū est, Mortuos nihil scire amplius, interpretatur non de scientia cognitionis sed operationis: nihil enim mortui sciunt amplius facere, nec adijcere quicquam ad id quod secum detulere de vita, ideoque nec eis merces est, quam possint benè operādo promereri. Viuentes autem cū sciāt se esse morituros, hoc metu extimulantur ad benè operandum, meritaq; hic sibi comparanda. Quæ autem huic expositioni contradicit opinio, apud eundem Hieronymum, id falsi continet quod merita constituat post hanc vitam, quibus in premio crescere quisque possit, cū illic non merendi tempus sit, sed recipiendi secundum ea quæ quisq; gesserit in corpore suo. Alioqui quod in eadem opinione est, non habere mortuos partem sub isto sole visibili, sed habere sub sole iustitiæ Christo, nemo est qui negare possit. Sunt enim illi qui in Domino moriuntur, heredes quidem Dei, cohæredes autem Christi. Sed sub isto sole partem nobiscum non habent, qui iam neque prosperitatis nostræ, neq; aduersorum quæ patimur possunt esse participes. Id quod si quis Sapientem hoc loco significare dicat voluisse, non video cur eum quisquam iure repræhendant. Quod verò Lossius profert ex eodem Hieronymi cōmentario, mortuos neque scire quicquam, neque vllam expectare repromissionem, cū viuentes norint Patrem & Filium & Spi-

Roman. 8.

ritum sanctum; id vel non attendit, vel vt falleret attendere noluit, non de fidelibus mortuis, sed de Iudæis à Diuo Hieronymo dictum. Mysticam enim post omnia loci huius expositionem tradens, in cane viuo gentiles, in leone mortuo populum circumcisum intelligit. Canis ergo viuens (inquit) nos sumus ex nationibus: Leo autem mortuus, Iudæorum est populus à Domino derelictus: Et melior est apud Dominum iste canis viuēs, quam leo ille mortuus. Nos enim viuētes cognoscimus Patrem, Filium, & Spiritum sanctum; illi verò mortui nihil sciunt, neque expectant aliquam repositionem atque mercedem, sed completa est memoria eorum. Neque ipsi meminerunt quæ scire debuerant, neque illorum iam Dominus recordaturus est. Hæc ergo à Diuo Hieronymo de Iudæis incredulis, suaque infidelitate mortuis dicta esse cum sit clarissimum, consideret lector Lossij huius transuersam intelligentiam, aut certè subdolam impudentiam, qui ea de Christi discipulis & sanctis martyribus, omnibusq; Christianis in Domino morientibus intelligi voluerit. Quibus etsi neque sit necessarius honor sepulturæ, quia possit fortius dicere Christianus quam gentilis;

Caleo tegitur qui non habet urnam,

vt est apud Lucanum: aut quemadmodum apud Vergilium legitur;

Non tumulum curo, sepelit natura relictos:

neque per seipsum leuamen afferat, magisque quem-

quemadmodum Augustinus ait, curatio fune- *Libro 1. de*
 ris, conditio sepulturæ, pompa exequiarum, vi- *ciuit. Dei,*
 uorum solatia sint quam subsidia mortuorum: *cap. 12.*
 tamen plerisque bonorum operum & oratio-
 num subsidia aut necessaria non esse, aut mini-
 mè profutura, nec dixit Augustinus, nec pror-
 sus dicere fas est.

Nec de vijs duabus, nec de Latrone ob-
 esse nobis argumentum. CAP. IIII.

TEstatur (inquit) & promissio baptismi duas
 tantum esse vias morituri propositas, vel vi-
 ta, vel interitus; vbi inquit Christus; Qui credi-
 derit & baptizatus fuerit, saluus erit: Qui verò
 non crediderit, condemnabitur.

Nemo est, Loffi, qui dubitet duas tantum
 esse vias; vnā vitæ, alteram interitus. Sed ne-
 scis in via quoque bona sordes contrahi, & pul-
 ueris aspergine pedes maculari? Nisi hoc ita
 esset, non diceret Christus Dominus: Qui lo- *Ioan. 13.*
 tus est, non indiget nisi vt pedes lauet. Non Ia- *Epist. sua*
 cobus Apostolus; In multis offendimus omnes. *cap. 3.*
 Ideoque licet quotidiano Dei munere (inquit
 Sanctus Leo) à diuersis contaminationibus e- *Serm. 3. de*
 mundemur, inhærent tamen incautis animis *ieiunio 7.*
 plerunque maculæ crassiores, quas oportet di- *mensis.*
 ligentiori cura ablui & impendio maiore deleri.
 Quod si quispiam hic per incuriam pedes non
 lauerit, nonne priusquā eo recipiatur quo ten-
 debat salutis iter ingressus, perpurgari debebit?
 Qui ergo post mortem ad infernas purgatorij
 sedes

sedes demittuntur, hi sunt in via vitæ, non interitus. Ex ijs enim sunt qui crediderunt & baptizati sunt. Sed propter contractas vitæ maculas quas hic non eluerant, purgari habent necesse, priusquam regnum intrent, quo nihil potest vel leuiter inquinatum intromitti.

Et Christus (inquis) ad Latronem conuersum ait: Hodie mecum eris in Paradiso, hoc est, vita tranquilla & beata, non in pœnis aut paenibus.

Vnum hoc nobis Latronis exemplum semper occinitur, quum animaduersum oportuerit vno quopiam exemplo generalem regulam non solere figi. Cur non etiam sceleratis omnibus spem faciunt in extremo vitæ pœnitendi, quo peccent securius; quia Latio ille pœnitentiam egit moriturus? Deinde, Latio iam recēs Christo incorporabatur, supplente inuisibiliter Deo quod ex parte Baptismi necessitas illa deesse coquebat. Eo proinde privilegio gaudere debuit, quo ij qui recentes à baptismo ex hac vita discedunt. Postremo, etsi fuisset post Baptisma relapsus, (quia inquit beatus August. vtrum non fuerit baptizatus, incertum est) magna tamen magnæ fidei & charitatis vis est, in qua pares non sunt omnes: Quo accedebat & supplicij magnitudo, & cum Christo in illo probro crucis, fidelis communicatio. Tot ergo discrimina cum Latronis illius vitam, quamuis breuem, à tot relapsorum Christianorum vita discernant; quid mirandum est si post ipsum quoque exitum distinguatur? Ex huius igitur vnius

Para-

Paradiso, tanquam videlicet si vna hirundo faceret ver, malè omnium iustorum continuò post mortem Paradisum colligis, cum ita concludis.

Non igitur anime iustorum, hoc est, qui in hoc seculo fide iustificati & accepti Deo fuerunt, & inchoarunt nouitatem vite, discedunt ad novos cruciatus, præter eas afflictiones & miseras, quibus in hac vita exercetur Ecclesia; sed ad gaudium spirituale & pacem perpetuam, in qua dulcissima Dei consuetudine, perpetuò fruuntur.

Homines etiam iustos in hac vita, propter sua peccata flagellari, non tantum exerceri.

CAP. V.

V Aldè sibi cauit, ne afflictionibus & miserijs vitæ huius, puniri diceret Ecclesiam ob peccata commissa; vsque adeò metuitur hoc, ne qua inde ratio probabilis affulgeat Purgatorii construendi, si hic & iusti homines à reatu damnationis æternæ liberi, temporalibus interim supplicijs flagellentur. Non ergo puniri, sed exerceri dicere maluit; quia reuera punitio in præterita peccata respicit: exercitium ad virtutes quas habere cupiamus. Ideoque & supra dixerat, afflictionibus Ecclesiam in hac tantum vita subiectam esse, vt in illis agnoscat reliquias peccatorum hærentes in carne corrupta, & inuitetur ad pœnitentiam agendam in hac vita. At longè aliter scriptura diuina sonat. Si (inquit)

Q. iiii

quit)

- Psal'm 88.* quit) filij eius dereliquerint legem meam, & in iudicijs meis non ambulauerint; visitabo in virga iniquitates eorum, & in verberibus peccata eorum: Misericordiam autem meam non dispergam ab eo, neq; nocebo in veritate mea.
- Psa'm 98.* Et alio in loco; Moses & Aaron in sacerdotibus eius, & Samuel inter eos qui inuocant nomen eius. Inuocabant Dominum, & ipse exaudiebat eos; in columna nubis loquebatur ad eos: Custodiebant testimonia eius, & præceptum quod dedit illis. Domine Deus noster tu exaudiebas eos, Deus tu propitius fuisti eis, & vlciscens in omnes adinuersiones eorū. Quid Petrus? Tempus est (inquit) vt iudiciū incipiat à domo Dei: Si autem primum à nobis, quis finis eorum qui non credunt Euangelio? Et si iustus vix saluabitur, propterea quod nec illius peccatis diuinæ iustitiæ parceret seueritas, impius & peccator vbi parebunt? Nec solum in Veteri testamento scriptum est: Quem diligit Deus corripit, flagellat autem omnem filium quem recipit: sed etiā
- 1. Petri 4.* in nouo; Ego quem amo, arguo & castigo; Et,
- Proverb. 3.* Cū iudicamur, à Domino corripimur, ne cum hoc mundo damnemur. Est & apud Beatum Augustinum dignus omni obseruatione locus de causis correptionum, propter quas & boni & mali pariter flagellantur. Quid (inquit) igitur in illa rerum vastitate Christiani passi sunt, quod eis non magis fideliter ista considerantibus ad profectum valeret? Primo quod ipsa peccata quibus Deus indignatus impleuit

uit tantis calamitatibus mundum, humiliter cogitantes, quamuis longè absint à facinorosis, flagitiosis atque impijs; tamen non vsque adeò se à delictis deputant alienos, vt nec temporalia pro eis mala perpeti se iudicent dignos. Excepto enim quod vnusquisque, quamlibet laudabiliter viuens, cedit in quibusdam carnali concupiscentiæ, etsi non ad facinorum immanitatem & gurgitem flagitiorum, atque impietatis abominationem; ad aliqua tamen peccata vel rara, vel tantò crebriora, quantò minora. Hoc ergo excepto, quis tandem facile reperitur, qui eosdem ipsos, propter quorum horrendam superbiam, luxuriam & avaritiam, atq; execrabiles iniquitates & impietates, Deus sicut minando prædixit conterit terras, sic habeat, vt habendi sunt; sic cum eis viuatur, vt cum talibus viuendum est? Plerunq; enim ab eis docendis, admonendis, aliquando etiam obiurgandis & corripiendis malè dissimulatur: vel cum laboris piget; vel cum os eorum, coram verecundamur offendere; vel cum eorum inimicitias deuitamus, ne impediant & noceant in istis temporalibus rebus; siue quas adipisci adhuc appetit nostra cupiditas, siue quas amittere formidat infirmitas: ita vt (quamuis bonis vita malorum displiceat, & ideò cum eis non incidant in illam damnationem, quæ post hanc vitam talibus præparatur; tamen quia propterea peccatis eorum damnabilibus parcunt, dum eos in suis, licet leuibus & venialibus metuunt)

iure cum eis temporaliter flagellentur, quamuis in aeternum minimè puniantur. Iure istam vitam quando diuinitus affliguntur cum eis amarum sentiunt, cuius amando dulcedinem peccantibus eis amari esse noluerunt. Hactenus D. Augustinus. In illis igitur scripturæ locis, & his Augustini verbis, audis, Lossi, virgam & flagella non ad virtutes exercendas expressè id quidem, sed ad flagellanda, puniendaque peccata: audis non exercitium sed vindictam: non quod cum eiusmodi castigatoria disciplina, exercendi quoque coniuncta non fuerit utilitas; sed quoniam pœna quæ in præterita peccata respiciat, in flagellis atque verberibus debeat imprimis cogitari. Nec verbi vis eadem in flagello, castigatione & vindicta, quæ in afflictione est. Nam & læsum chirurgus affligit sectione membrorum, quem non ob id punire aut flagellare seu castigare dicendus est: Recteque Diuus Augustinus flagelli proprietatem iuxta sacrarum literarum vsum attendens; Nulla (inquit) vindicta, nulla correptio, nullum Dei flagellum debetur nisi peccato. Est igitur ubi afflictio pœna nō sit, quoniam in ea inferenda, non culpæ, sed profectus aut alterius cuiuspiam rei ratio habeatur. Quo fit vt non omnia quæ accidere sanctis mala, in peccati pœnam accidisse censenda sint. Ideoque loco supra dicto beatus Augustinus, posteaquam flagelli communis causam communem, in peccatis vindicandis constituisset, subiunxit aliam quibusdam sanctis

Libro 2 de
pec. mer. &
remiss. c. 16

sanctis excellentioribus peculiarem. Habent *Lib. 1. 2.*
 (inquit) aliam causam boni, quare tempora- *Ciuit. ca. 2.*
 libus affligantur malis: qualem habuit Iob; ut
 sibi ipsi humanus animus sit probatus & cog-
 nitus, quanta virtute pietatis gratis Deum di-
 ligat. Est etiam ubi afflictio pœna tantum sit; ut
 in perditis; velut in Pharaone; ut in paruulis
 non modò recens natis, verumetiam regene-
 ratis, quibus propter ætatem neque ad cau-
 dum vitium, neque ad exercendam virtutem,
 ex afflictione prouenire potest utilitas. Est de-
 nique ubi non modò pertineat ad pœnam an-
 te actorum, verum etiam valeat ad cautionem
 futurorum, exercitationemque virtutû. Quod
 ille declarat in epistola ad Hebræos locus; Om- *Hebr. 12.*
 nis disciplina in præsentem quidem videtur non
 esse gaudij, sed mœroris; postea autem fructum
 pacatissimum exercitatis per eam reddet iusti-
 tiæ. Vtrumque igitur in hac castigatoria disci-
 plina cogitare debemus. Quia neque corre-
 ptio est nisi ob præcedentem culpam; neque exer-
 citium, nisi ad nitorem & incrementa virtutum.

Ad locum Pauli 1. Corint. 3. ineptum esse
 de igne pœnitentiæ commentarium.

CAPVT VI.

Locus autem Pauli (inquit) quem citat Al-
 cuius, secutus in hoc superiorum errorem,
 ad confirmationem Purgatorij 1. Corint. 3. Vniuf-
 quisque opus quale sit ignis declarabit. Item;
 Sal-

Saluabitur, sic tamen quasi per ignem; intelligendus est de pœnitentia & afflictionibus huius vite. Nam ignis sæpè afflictiones significat.

Vide hic varietatem eorum qui veritatem refugiunt. Alius ignem Spiritus sancti, alius pudoris iusti aut censuræ diuinæ; alius pœnitentiæ; alius afflictionum comminiscitur. Hic utrumque, hoc est, pœnitentiam cum afflictione coniunxit; cùm tamen ea differant longo discrimine. Nam & pœnitentia sine afflictione exteriori agitur, & afflictio sæpè grauis sine pœnitentia sustinetur. Alius ergo pœnitentiæ; alius afflictionum ignis sit oportet. Cumque Paulus vnus duntaxat ignis meminerit, hic pro vno, duo nobis ignium genera repente conflauit. Ac de afflictionis igne & eius quidem quæ in hac mortali vita discruciat, non posse intelligi vniuersalem omnium eorum qui superædificant probationem, declarationemque operis cuiusq; superædificati (de qua perspicuum est à Paulo haberi sermonem) supra satis, vt reor, ostendimus, cum aduersus Aretium ageremus. Pœnitentiæ verò qua subindè homines afficiuntur, ignem, si quis ad tantæ manifestationis lucem sufficere arbitretur, qualescunque certè oculos habeat in carne, nullos in mente habere se demonstrat. Primum, quia de suis erratis innumerisunt qui nulla tangantur pœnitentia. Deindè, reperias etiam quos vera dixisse atque docuisse pœniteat. Postremò, qui non frustra lætantur conscientia prædicatæ & illustratæ
apud

apud homines veritatis, quónam modo ad hos pœnitentiæ ignis pertineat? Primorum ergo doctrinam qualis sit, non probat ignis pœnitentiæ, quam non agunt; sed tegit potius & obumbrat constantiæ falsa species, quæ apud multos efficit vt error pro veritate habeatur. Secundi verò ordinis hominum, multò minus ipso igne pœnitentiæ doctrina patescit; quia pœnitudo quæ de veritate suscipitur, non ignis est illuminans, sed tenebricosi potius fumi caligo, veri conspectum quantum in ipsa est, intuentium oculis adimens. Postremi quoque, quoniam bona conscientia pœnitentiam non admittit, per hunc ignem probari non possunt, neque qualis eorum doctrina fuerit, pœnitendo prorsus ostenditur. Atqui Paulus ait: Vniuscuiusque opus quale sit, ignis probabit; Et, dies Domini declarabit qualis sit cuiusque structura. Porro cum dicat etiam Apostolus, ab igne detrimentum accepturos eos esse, qui ligna, fœnum & stipulam superædificauerint, num intelligi possit ignem pœnitentiæ cuiquam detrimento futurum? Vt enim statuamus per ignem pœnitentiæ, ea quæ malè superædificata sint exuri, tamen ei qui superædificauit non affert ignis ille, temporale semper detrimentum. Afflictio quidem ipsa damnosa est, non ita pœnitentia quæ de falsa doctrina suscipitur. Sed expositiones scripturarum falsæ inutiles & erroneæ (inquit Lossius) exurentur igne, hoc est, non permanebunt in ecclesia, sed abolen-

tur

tur & reijciuntur. Quonam ergo (inquam) id sit igne? pœnitentiæ, an afflictionis? Doctrinam tu quidem, Loffi, quæ de Purgatorio est apud Alcuinum, inter hæc ædificia quæ exurentur, collocaſti. Dic ergo de tuis ignibus, illam doctrinam in Alcuino vter exuſſerit in hac vita? Num afflictio hæc illi extorſit? num de eâ pœnitentiam egit? Non eſt (inquis) neceſſe id in vnoquoque doctore fieri; ſed ſufficit ſi tandem erroneæ cõmentationes eiſciantur ex Eccleſia. Atqui Paulus diſertis verbis pronũciat; Vniuſcuſque opus quale ſit, ignis probabit. Ac ne hoc ad doctrinæ probationem referas non perſonæ, ſubiunxit eum qui ſuperædificauerit ligna, fœnum, ſtipulam, ſaluum fore; ſic tamen quaſi per ignẽ. Vt igitur omnis ille cuius opus in igne manſerit, hoc eſt, qui ſuperædificauit aurũ, argentũ & lapides pretioſos, mercedẽ accipiet: ſic omnis cuius eodem tempore ſuperædificatio, ligno & fœno cõſtabit & ſtipula, ſaluus erit, ſic quaſi per ignem. Quæ ſi huius vitæ non ſunt (vti non eſſe quiuis bona mente præditus intelligit) fruſtraque vel in Alcuino completa, vel alio quolibet doctore hac in vita complẽda demonſtrare ſtuduæris, ad illud tibi poſt hanc vitam Domini iudicium redeundum eſt, vbi & Alcuini & noſtra veſtraque omnium doctrina probabitur igni, palamq; fiet vòſne melius doctrinam de Purgatorio repudiaueritis, quam nos amplexi ſimus. Dominus enim (inquit

c42. vlt. Iſaias) in igne veniet, & quaſi turbo quadrigæ
cuius

eius, reddere in indignatione furorem suum, & increpationem suam in flamma ignis; quia in igne Dominus dijudicabit. Quem Prophete locum, ad ignem purgationis in extremo iudicio futuræ, Diuus Ambrosius retulit: Augustinus quoque, totaq; vetustas tenuit Dominum igne præcedente venturum. Quanquam non satis etiam forsitan in eo tibi cõstes, quod cum doctrinam hanc de Purgatorio clarissimis scripturæ testimonijs repugnare statueris, vestroque omnium iudicio pernitiõsa & hæretica isthæc doctrina sit, quæ ipsum dominicæ satisfactionis fundamentum euertat; tu tamen eam super fundamento stare & superædificari, atq; ad ligna, fœnum & stipulã pertinere significes.

*Serm. 3. in
Psal. 118.
Lib. 1. q.
euangel.
q. 20.*

Malè probari vitiosum fuisse Iudæ Machabæi factum, quod Sacrificia legis nihil prodesse coram Deo, sed tantum coram Ecclesia. CAP. VII.

SEd omisso eo, quid est Lossi cur exemplum quod ex Machabæis citatur de oblationibus pro mortuis, vitiosum erroneumque sit? *Quia nimirum Sacrificia Leuitica, quæ figuræ fuerunt Christi sacrificij, non debebant peccata coram Deo, sed tantum coram Ecclesia.*

Hoc ergo tuum est argumentum. Sacrificia temporis illius non valebant ad remissionem peccatorum obtinendam à Deo; ergo mortuis apud Deum nihil ea prodesse potuit Machabæorum

bæorum oblatio. Cuius si verum est anteceden-
 dens, cur toties legitur; Offeret qui peccauit,
 hoc aut illud; orabitque pro eo sacerdos, & propi-
 tius erit ei Dominus? quid est quod Prophe-
 ta Daniel, inter alienigenas positus, cum offer-
 re per captiuitatem sacrificia iuxta legem non
 posset, exaudiri poscat in corde contrito, sicut
 antea in holocaustis & victimis legalibus? Quo
 pertinet eiusdem prophete illa deploratio; Non
 est in tempore hoc princeps & dux & prophe-
 ta, neque holocaustum, neque sacrificium, ne-
 que oblatio, neque incensum, neque locus pri-
 mitiarum coram te, vt possimus inuenire mise-
 ricordiam tuam. Solámne propheta coram ho-
 minibus misericordiam expetebat? aut cor con-
 tritum non illi prodesse potuit ad obtinendam
 veniam coram Deo, sed tantummodo coram
 Ecclesia? Quanquam igitur illa sacrificia nihil
 per seipsa valerēt ad veram peccati coram Deo
 expiationem; tamen in his operabatur fides
 vtentium, perque fidē efficax erat in illis Chri-
 sti mediatoris sanguis, qui, quemadmodum ait
 sanctus Leo, tam potens in suis significationi-
 bus fuit, vt non minus per eum acceperint qui
 illum credidēre promissum, quam qui dona-
 tum susceperunt. Cuius Pontificis & illa sen-
 tentia est. Patriarchæ & Prophete & Sacerdo-
 tes omnesque sancti, qui prioribus fuēre tem-
 poribus, eiusdem sunt Spiritus sancti sanctifi-
 catione vegetati: & sine hac gratia nulla vn-
 quam sunt instituta sacramenta, nulla celebrata
 myste-

Daniel. 3.

Ibidem.

*Serm. 3. de
natiuitate.*

*Serm. 2. de
Pentecoste.*

mysteria; vt eadem semper fuerit virtus charismatum, quamuis non eadem fuerit mensura donorum. Diui quoque Augustini doctrina est consimilis. Sacrificia (inquit) illa, si per seipsa attendantur, nullo pacto possunt mederi: si autem resipsæ quarum hæc sacramenta sunt inquirantur, in ijs inueniri poterit purgatio peccatorum. Et rursum, fructum visibilium illius temporis sacramentorum, ponit in sanctificatione inuisibili per Spiritum sanctum. Quale autem est, vt hic obsistant nobis, qui aliàs, quod ad inuisibilem gratiam attinet, nullum esse volunt inter sacramenta testamenti veteris & noui discrimen? Si igitur illa quoque sacramenta ad spiritualem animæ gratiam conducebant; cur ab eo resiliences, modò statuunt nullum ea fructum expiationis habuisse coram Deo, sed duntaxat coram Ecclesia? Nimirum, quia illud in hæreticos aptissimè quadrat: Quod volumus sanctum est.

*Quest. 25.
super Numeros.*

*Quest. 84.
super Leviticum.*

Non rectè improbari Machabæi factum, eò quod nulla essent in Veteri lege pro mortuis instituta sacrificia.

CAP. VIII.

ADdit Loffius, nulla Sacrificia pro mortuis instituta fuisse in Veteri testamento; ex eoque colligit, errore id commissum à Machabæis, vt pro mortuis sacrificare præsumerent. Quo loco respondeo, multo æquius esse

R vt ex

ut ex huius viri facto interpretemur sacrificiorum veterum oblationes, etiam ad mortuorum aliquam utilitatem pertinuisse, quam ut propterea illum coarguamus, quod nullum ea de re speciale & expressum reperiamus institutum. Quis enim hoc sibi nisi impudenter arroget, ut nunc melius scire se dicat, quosnam ad usus illa sacrificia solerent applicari, quàm illi ipsi quibus erat familiaris illorum sacrificiorum ritus; quiq; non ut ex infima plebe rudi cōsuetudine ducebantur, verùm etiam præerant rebus eiusmodi, ad Dei cultum, salutemque hominum gerendis? An quenquam, tunc Machabæi factum offendit ut nouum? An sacerdotes, ad quos sacrificij causa pecunia mittebatur Hierosolymam, Machabæo ut contra legem, contra patrium morem aliquid postulanti, restiterunt? Nemo tunc in tota illa Ecclesia potuit animadvertere, quid contra legem peteretur? Et vnde Machabæo res eiusmodi venisset in mentem, nisi neque obstare legem, cuius non erat ignarus, & hortari patrium morem, cuius obseruantissimus erat, perspexisset? Scilicet vir tantus, tanto, tamque religioso patre genitus, populi princeps, Sacerdos summus, pro lege Dei, pro patrijs ritibus tuendis usque ad mortis contemptum fortis atque zelosus, hic quid faceret ignorans, tam graviter contra diuinam legem impegit. Nonne id magis ratio postulabat, ut si quid esset in illius temporis lege positum obscurius, nos viri huius factum legis

gis interpretationem putaremus? Quanquam enim verum est quod Iureconsultus ait; veritatem rerum, gestorum erroribus non vitari *Ulpianus.* (quod ipsum antea quoque protulit Aretius) & quod contra Aristocratem Demosthenes admonuit, non tam quid factum sit, quam quid rectè sit factum spectari oportere, *μη δὴ τοῦτο ἡμῖν ἐστὶ λήγειν, ὡς γέγονεν ἀλλ' ἐστὶ δίκαιον γενέσθαι*; tamen cum rei veritatem clarè lex non expressit, sed aliqua generaliore sui parte cōclusit, tum & popularem consuetudinem, & publica insignium virorum facta generatim expressæ legi consentanea, rectè legis interpretationem esse duxerimus. Vt enim verum est quod Iureconsultus ait, Rerum veritatem non vitari, gestorum erroribus: ita & à Iureconsulto verissimè dicitur; Optimum legis interpretem, vsum & consuetudinem esse. An fortè nulla legis pars est, cui possit videri facta pro mortuis oblatio consonare? Cum ergo iuberetur Pōtifex pro se, *Leuit. 16.* proque domo sua offerre sacrificium; quid alienum, si in domo sua & mortuos intelligeret esse comprehensos? Siquidem vsu scripturæ ad aliquis (verbi gratia, Dauid, Iacob, Ioseph) domum etiam mortui pertinent. Rursum, cum *Leuit. 16.* sacrificandum esset orandumque ex lege pro filiis Israël, & pro cunctis peccatis eorum semel in anno; mirandum est si in filiis Israël computarentur & mortui, deque peccatis eorum vt in obliuionem venirent coram Deo, pia cura posterit tangerentur? Quod si contenderis, tam

cap. 19.

accuratè præscriptum lege, quæ & quando quibusque de causis offerenda essent sacrificia, ut intelligeretur extra ea quæ expressa & præscripta forent nullum offerri Deo sacrificium oportere, ideoque Machabæi sacrificium improbandum esse, quod non sit ex legitimis illis, quæ statis temporibus celebrari debebant: fatebor sanè ordinaria fuisse gentis illius sacrificia permulta: & quotidiana, mane ac vesperi, & annua solenniaq; temporum diuersorum: sed præter hæc legitima, erat etiam spontaneis seu extraordinarijs neque lege præscriptis oblationibus ad sacrificia locus. Sic enim scriptum est in Numeris: Hæc offeretis Domino in solennitatibus vestris præter vota & oblationes spontaneas, in holocausto, in sacrificio, in libamine, & in hostijs pacificis. Quid igitur isti, ut omnia quæ rectè & laudabiliter fiant, lege sint mandata requirunt; cum & spontanea ab ipsa lege commendetur oblatio? Iudas itaque Machabeus, legis diuinæ scientia probè instructus, quemadmodum id personæ dignitas postulabat, mortuorum in bello pio & iusto curam gerens, spontanea oblatione misit Hierosolymam duodecim milia drachmas argenti, ut his comparata sacrificia offerretur ibi pro peccatis mortuorum.

Sed hæctenus ad Lucæ Lossij argumenta.

Falsò

Falsò caussari Caluinum, quod Machabæi exemplo vtentes, in hac Purgatorii caussa, Sacrificia legalia tanquam nondum abolita, trahant ad nouum testamentum. CAP. IX.

VNdè etiam æstimari posse puto, quid de illa sit arrogantissima Caluini censura iudicandû, quam in sua Institutione sic expressit.

Superstitione quidem & prapostero zelo non caruit hoc facinus. Sed plusquam fatui sunt, qui sacrificium legale ad nos vsque trahunt, quando aduentu Christi scimus cessare quæ in vsu tunc fuerant. Quis hic non protinus videat quanta fatuitate nos fatui iudicemur? Non enim factum legale ad nos trahimus, sed facti sequimur rationem. Nam etsi Christus Dominus, aduentu suo legalia sacrificia dum impleuit aboleuit, sacrificandi tamen rationem non sustulit. Quare quemadmodum is qui colligeret nunc quoque agi Deo gratias oportere pro acceptis beneficijs, quia paschalis agnus à Iudæis in gratiarum actionem quotannis immolabatur, non ita carpi deberet vt diceretur ei quod sacrificium legis ad nos traheret, qui procul dubio nequaquam id faceret, sed illius sacrificij causam sequeretur: (Reuera enim in magna etiam diuersitate factorum, eadem sæpe manet ratio faciendi:) ita nos quamuis ex Machabæi sacrificio pro defunctis oblato, colligamus nunc quoq; pro defunctis, pium esse preces fundere

& sacrificium, non illud muti pecoris, sed hoc Dominici corporis offerre, non per fatuitatem sacrificium legis ad nos trahimus, sed sacrificandi causam prudenter attendentes, ex eadem suscipimus, quod pro tempore faciendum esse, diuinis edocti literis arbitramur.

Quibusdam Augustini locis quam abutuntur hæretici. CAP. X.

* *Præceden-
tis lib. cap.
27. ex En-
chiridio.*

EST autem omnibus propè familiare, quod nec Aretius * antea præterijt, vt cōtra Purgatorium, illum detorqueant Augustini ex Enchiridio locū, vbi dicere fingatur, falli eos humana beneuolentia qui aliquos opinentur, non æterno quidem illo, sed diuturno tamen igne puniendos. Non enim hoc dicit Augustinus; sed illos humana quadam beneuolētia falli docet, qui homines sceleratos, qui tamen Catholici essent, in suis licet criminibus ad finem vsque vitæ perseuerarent, asserebant per ignem quendam saluos futuros. Quod à Catholicorum doctrina longè semper fuit alienum: Nam & contra hūc errorem scripsit Augustinus ipse librum, cui titulus est, De fide & operibus. Sed ipsa Diui Augustini verba ponam integrè, quæ illi mutilant ac deprauant. Creduntur (inquit) à quibusdam etiam ij qui nomen Christi non relinquunt, & eius lauacro in Ecclesia baptizantur, nec ab ea vllō schismate vel hæresi præciuntur, in quantislibet sceleribus viuunt, quæ nec diluant pœnitendo, nec eleemosynis redimant,

Cap. 67.

mant, sed in eis vsque ad huius vitæ vltimum
 diem pertinacissimè perseuerent, salui futuri
 per ignem; licet pro magnitudine facinorum
 flagitiorumque, diuturno non tamen æterno
 igne puniri. Sed qui hoc credunt, & tamen Ca-
 tholici sunt, humana quadã beneuolentia mihi
 falli videntur. Nam scriptura diuina aliud con-
 sulta respondet. Librum autem (inquit) de hac
 quæstione scripsi, cuius titulus est, De fide &
 operibus: vbi secundũ scripturas sanctas, quan-
 tum Deo adiuuante potui, demonstraui, eam
 fidem saluos facere, quam satis euidenter ex-
 pressit Paulus Apostolus dicens: In Christo e- *Galat. 5.*
 nim Iesu neque circũcisio aliquid valet, neque
 præputium; sed fides quæ (benè) per dilectio-
 nem operatur: Si autem malè & nõ benè ope-
 ratur, proculdubio secundum Apostolum Ia- *Cap. 2.*
 cobum, mortua est in semetipsa. Cõtra eosdem
 agit Augustinus lib. 21. de Ciuitat. Dei, cap. 17.
 quos misericordes vocat, qui hominum Dei iu-
 dicio damnatorum, miseras temporales, post-
 que eas, æternam felicitatem fore putabant.
 Quæ sententiã (inquit Augustinus) si propterea
 vera & bona quia misericors est, tantò erit me-
 lior & verior quantò misericordior fuerit. Ex-
 tendatur ergo ac profundatur fons huius mise-
 ricordix, vsque ad damnatos angelos, saltem
 post multa atque proluxa quantumlibet sæcula
 liberandos. Hæc Augustinus: quem procul-
 dubio sic loquẽtem, & ita suis instructum plu-
 mis, quas detrahunt, pro sua hæresi proferre
 R. iiij vere-

vererentur. At hic istorum mos est, ut vnde-
 cunque collectis quasi quibusdam verborum
 flosculis, suas ornent sententias: non quò ma-
 gnificiāt Veterum libros unde illa decerpunt;
 sed partim ut fucum faciant imperitis, partim
 ne omni illorum patrocinio destituti esse vi-
 deantur. Itaque & Calvinus postquā in hoc de
 oratione pro defunctis argumento, totius ve-
 rustatis consensum suā pedibus superbiæ satis
 conculcasset, tandem addidit, nonnulla etiam
 Veterum testimonia proferre non difficile sibi
 fore, quæ totas illas pro mortuis preces, quæ
 tunc vsitatæ erant, manifestè euertunt. Nonne
 hic vides Augustinum obijci? non quia vel tan-
 ti sit Augustinus, cuius testimonium etiā con-
 tra illas preces quæ tunc fiebant, produca-
 tur; sed ne nihil omninò indè quoque videatur
 potuisse desumi, quod ad causam pertineret.
 Quid autem illud est Augustini? Videlicet quia
 resurrectionem carnis & æternam gloriam ex-
 pectari docet ab omnibus: requiem verò quæ
 post mortem sequitur, tunc vnumquemque ac-
 cipere, si dignus est, cum moritur. Quasi verò
 in illa conditione quam interponit (Si dignus
 est) difficile sit intelligere, ut non modò requie
 aliquando tribuēda dignus esse debeat, verum-
 etiam dignus, quam statim post mortem acci-
 piat? Id quæ sine controuersia certū est, vnum-
 quemque piorum simul ac moritur, requiem
 accipere, si dignus est qui eam post mortem sta-
 tim accipiat. Quod ad illam quoque transferri
 sen-

In Iohann.
 tracta 49.

sententiam potest quæ profertur ex libello de Vanitate sæculi, & alias si quæ interdum repariantur consimiles. Namque & illo eodem Tractatu, declarat Augustinus diuersas animarum esse custodias receptionesq; diuersas cum hinc emigrarint; multumq; interesse quali custodia quisque excipiat, postea ad Iudicem producendus. Quomodo videlicet in sæculo (talem enim affert similitudinem) receptiones in custodia pro meritis caussarum adhibentur; alios iubentur custodire lictores humano & miti officio atque ciuili; alij traduntur optionibus; alij mittuntur in carcerem; & in ipso carcere, non omnes, sed pro meritis caussarum, in ima carceris contruduntur. Hæc Augustini omnia, causam nostram magis adiuuant, quam infirmant. Quamuis & aliàs clarè doceat quosdam recipi statim in beatas illas cælorum sedes, nullis post mortem interuenientibus pœnis purgatorijs; vt paruulos regeneratos in ipsa infanti ætate decedentes: alios verò multos, non mox ed migrare post mortem, sed ante quibusdam purgatorijs pœnis expiari. Tanta enim (inquit) in vasa misericordiæ quæ præparauit in gloriam, Dei misericordia est, vt etiam prima hominis ætas, id est, infantia, si Sacramenta Mediatoris acceperit, etiam si hanc in eis annis vitam finiat, translata scilicet à potestate tenebrarum in regnum Christi, non solum pœnis non præparetur æternis, sed ne vlla quidem post mortem purgatoria tormenta patiatur.

Cap. 1 habetur Tomo 9 operum Aug.

Lib. 21. de Ciuit. c. 16.

Sufficit enim sola spiritualis regeneratio, ne post mortē oblit quod carnalis generatio cum morte contraxit. Cum autem ventum fuerit ad aetatem quæ præceptum iam capit, & subdi potest legis imperio, suscipiendum est bellum contra vitia, & gerendum acriter, ne ad damnabilia peccata perducatur. Paucissimi autem sunt tantæ felicitatis, ut ab ipsa ineunte adolescentia nulla damnabilia peccata committant; vel in flagitijs, vel in facinoribus, vel in nefariæ cuiusquam impietatis errore, sed magna spiritus largitate opprimant, quicquid in eis posset carnali delectatione dominari. Plurimi verò præcepto legis accepto, cum prius victi fuerint prævalentibus vitijs, & prævaricatores eius effecti, tunc ad gratiam confugiunt adiuuantem, qua fiant & amarius pœnitendo, & vehemētius pugnando, prius Deo subdita atque ita carni præposita mente victores. Ex hac ergo præcipuè multitudine, volens Augustinus intelligi veniri post mortem in purgatorias quasdam pœnas, subiungit: Quisquis ergo cupit euadere pœnas sempiternas, non solum baptizetur, verum etiā iustificetur in Christo, ac sic verè trāseat à diabolo ad Christum. Purgatorias autem pœnas nullas futuras opinetur, nisi ante illud vltimum tremendumque iudicium. Quibus verbis planissimè declarat, ante illud extremum iudiciū, purgatorias quorundam pœnas futuras: non autem post illud iudicium. Id quod contra Platonicos dictum est, qui omnes omninò futuræ quo-

quoque vitæ afflictiones, purgatorias esse censabant; cum inter Christianos cōstet damnatorum & dæmonum pœnas, purgatorias non esse futuras. Intelligendus autem est dicere, ante illud extremum tremendumque iudicium, id est, antequam peractum & completum sit; ne præiudicare putentur ea verba, illi sententiæ Apostoli, qua declarat in ipso iudicio extremo, cum Dominus ad iudicium igne præcedente veniet, quosdam igne purgandos esse; quemadmodum Apostoli verba Catholici tractatores acceperunt.

Quod rursus idē Augustinus scribit, in requie esse animas piorum à corpore separatas; impiorum autem, pœnas luere: satis ex antecedentibus intelligi potest, ad quorum sit piorum animas referendum; eorum nimirum quos & initio capitis dixit, pro veritate fideliter & laudabiliter mori; & proximè ante illa quæ obijciuntur verba, dicit fortiter mortē tolerare, pro tenendo vel adipiscendo summo bono. Nam pijs licet omnibus communis sit quies in tranquilla securaq; cōscientia, propter quam etiam dormire dicuntur in somno pacis; tamen quin requie pleniore fruantur martytes, vt verè excellenterque pij homines continuò post mortem, dubium non est: quandoquidem & non percepto regenerationis lauacro, si pro Christi confessione moriuntur, tantum id his valeat ad dimittenda peccata, quantum si abluerentur sacro fonte baptismatis. Qui enim dixit;

Nisi

*Lib. 13. de
Civitate Dei
cap. 8.*

- Iohann. 3.* Nisi quis renatus fuerit ex aqua & Spiritu sancto, non intrabit in regnum cælorum; alia sententia istos fecit exceptos, vbi non minus generaliter dixit; Qui me cōfessus fuerit coram hominibus, confitebor & ego eum coram Patre meo: Et alio loco; Qui perdiderit animā suam propter me, inueniet eam. Hinc & illud scriptum est; Pretiosa in conspectu Domini, mors sanctorum eius. Quid enim pretiosius quam mors, per quam fit vt etiam delicta omnia dimittantur, & merita cumulatius augeantur?
- Matth. 10.*
- Marci 8.*
- Psal. 115.*

Fueritne quæstio de Purgatorio Diui Augustini ætate controuersa.

C A P V T X I.

V Ideo tamen nonnullos hoc nomine sibi applaudere in hac controuersia, quod & Augustini ætate fuerit res ea controuersa, vt ne inter Catholicos quidem satis constiterit, quid esset ea de re sentiendum. Hoc autem vt aliquo probent argumento, proferunt Dulcitij quæstiones ad Augustinum, inter quas vna sit eiusmodi proposita verbis: Vtrum oblatio quæ fit pro quiescentibus, aliquid eorum conferat animabus, cū euidenter nostris aut subleuemur actibus, aut grauemur: cū siquidem legamus quod in inferno nemo possit iam confiteri. Ad quod multi dicunt, quod si aliquis beneficij in hoc locus possit esse post mortem, quanto magis sibi anima ferret ipsa refrigeria, sua

Quæst. 1.
Tom. 4.

sua per se illic confitendo peccata, quam in eorum refrigerium ab alijs oblatio procuratur? Hæc igitur Dulcitij propositio, sed Dulcitij filij non Episcopi, non Ecclesiæ pastoris fuit. Nam Paulinus quidem ipse Nolanus Episcopus, ad quæ conscriptis literis se rem hanc attigisse subiungit, nō id interrogauerat; sed de eo cōsuluerat Augustinū; Vtrum sepultura quæ sit in memorijs Martyrū, profit aliquid spiritibus mortuorum. Deindè, cuius hoc circumspectionis est, vt vnus priuata quæstio plenioris doctrinæ capiendæ gratia proposita, publicam putetur inter Catholicos controuersiam demonstrare? Quamuis enim multos ille dixerit hoc mouere, quonam modo huic alieno refrigerij beneficio locus esse queat post mortem, cum multò magis id sibi quisque sua confitendo peccata post mortem esset præstiturus; tamen aliud est quid Ecclesiæ pastores moueāt, quorum est aliorum esse Doctores, aliud quid subditi & auditores. Multum etiam interest quid mota quapiam quæstione admirationem teneat ignorantium & discere cupientium; & quid asserat pertinacia contradicentium. Denique, si publicas in Ecclesia turbas aduersus tam vetustam tamque publicam & vniuersalem Ecclesiæ consuetudinem orandi pro defunctis, res ea dedisset, non fuisset profectò satis Augustino paucis illam attingere, cum se rebus alijs pertractandis obtulisset occasio, sed quod alijs in rebus fecit, ex professò scripssisset, iustoque opere tam manifeste-

nifestum Ecclesiæ vniuersæ morem defendisset: Qui mos, tam ipsum quoq; mouerat Paulinum Episcopum, vt eo ipso ad aliud quiddam suscipiendum propensius moueretur. Aiebat enim, vacare non posse, quod vniuersa pro defunctis Ecclesia supplicare consuevit: Vnde colligebat etiā illud homini prodesse post mortem, si fide suorum humando eius corpori talis prouideatur locus, in quo appareat opitulatio etiam isto modo quæsitæ sanctorū. Sed vt tunc ad tantę tamque illustris consuetudinis improbationem, publicus error quam plurimos abripuisset, nunquid placet vt simili de causâ toleranda videri debeat hoc tempore controuersia de personarum diuinarū distinctione? De filij, de Spiritus sancti diuinitate? de Christi vnica persona, aut eius vnus personę duplici natura? de rebus alijs iam quoq; publico & Protestantium & aliorum plerorumq; hæreticorum sensu damnatissimis? Imò verò si tunc ista res tantam altercantium conflictationem habuisset, quantam habuit vnquam vlla alia de Religione mota disputatio, quoniam tamen in eo tanto conflictu, vetus consuetudo & antiqua traditio valuisset, & vsque ad hanc ætatem victrix euasisset, quemadmodum vsque ad illam ætatem Augustini, ab ipsis Ecclesiæ primordijs in Ecclesia Christiana viguerat, multò profectò magis eam nunc, vt solida veritate subnixam, venerari & firmitus tenere deberemus, minimeque eam controuersiam existimare ferendam

dam esse, quæ tanquam non satis discussa prius quæstione, aut nondum satis eliquata veritate, rursus sibi ex integro iudicandi sumeret libertatem.

Quod Purgatorij assertio magis illustret vim Dominicæ passionis. CAP. XII.

QUod autem clamitant detrahi sanguini Mediatoris, Purgatorij huius assertione; multum profectò sua opinione falluntur. Quis enim iuxta Dei verbum, & vberius & magnificentius illius meriti vim prædicet; quam is qui doceat eam non in hoc modò sæculo valere, verum etiam vsque ad ipsos inferos penetrare? Illi præfigunt Agni misericordiæ in hac terra limites: nos etiam pro defunctis fidelibus precamur; Agnus Dei qui tollis peccata mundi, dona eis requiem. Illi profusissimam Mediatoris indulgentiam ad solos porrigi patiuntur mortalem hanc agentes vitam: nos eius pro defunctis implorantes gratiam, dicimus; Qui Lazarum resuscitasti à monumento fœtidum, tu eis Domine dona requiem & locum indulgentiæ: Illi exuberantes gratiæ riuulos, huius vitæ breuissimæ fine præcidunt: nos precamur per illius Agni meritum, vt quæ per fragilitatem humanæ conuersationis peccata commissa sunt, in altero quoque sæculo, venia misericordissimæ pietatis abstergat: Illi Christo dicunt; Miserere eius hic, quoniam ibi Iudex eris: nos cum Paulo dicimus; Det illi Deus inue-

inuenire misericordiam, etiam in illa die. Breuiter, sic Agni prædicamus misericordiam, ut eam & in cōuersione peccatoris, & in iusti perseuerantia, & in ipso etiam quo coronandi sumus, iudicio celebremus: Non ignari scilicet *Psal. 102.* scriptum esse; Qui coronat te in misericordia & miserationibus. Quod autem hic obijciunt ab Hieronymo dici in *Psal. 105.* Hic misericordem esse Deum, ibi iudicem; facile apparet locum inspicienti esse ridiculum, cum aperte profiteatur aduersus illos agere se, qui dicant in inferno esse pœnitentiam & resipiscentiam peccatorum.

Quemadmodum circa locum *Matth. 12* de peccato in Spiritum sanctū non remittendo neque in hoc sæculo neque in futuro, se torserit Theodorus Beza in suis annotationibus. CAP. XIII.

MInimè molestum putauero si huc & illud reiiciam, quod apud Theodorum Bezam non sine voluptate legere me contigit, de loco *Matthæi 12.* quem ante tractauimus. Valdè enim cōducit ad perspiciendam loci firmitatem pro austruendo Purgatorio, si animaduuerterimus tot interpretationū laboriosissimè quæsitæ cuniculis, quam frustra illi conentur elabi. *Notum est* (inquit Beza) *cuius Christiano, duplicis vite siue duplicis sæculi mētionem fieri in sacris literis. Quorum unum ab eo die incipit*

incipit quo nascimur, & huius vitæ spatio terminatur: alterum verò ab eo die quo morimur initium capit, estq; infinitum. Caterum quia peccatorum remissio quam quispiam in ipso mortis articulo consequitur, propriè respicit futurum sæculum, ideo, opinor, dixit Christus fore, vt blasphemia in Spiritum sanctum, neque in hac vitâ constitutis, neque etiam morientibus, id est, nunquam remittatur: quum alioqui multa in hac vitâ remittantur, & rursus multorum absolutio in extremum vitæ momentum differatur. Hæc Beza.

Qui cum dissimulare non posset aliquam dari significationem remittendorum peccatorum in futuro sæculo; idq; nobis ingenuè concederet, laborat in eo vt ostendat vbi & quando illa præstetur futuri sæculi remissio. *Nempe* (inquit) *in morte, aut in extremo vitæ momento, seu ipso mortis articulo.* Atqui non paululum ista differunt, neque nihil interest quid horum exprimiatur. Nam si dixerit [In futuro sæculo, id est, in extremo vitæ momento] ostendere debet quoniam modo extremum vitæ momentum non huius sæculi sit. Tota quippe hominis vitâ, vsque ad ipsum mortis punctum, sæculi huius est non futuri. Extremum autem vitæ, proculdubio ad aliquam pertinet vitæ partem; cum nequeat idem esse extremum vitæ & mortis principium, nisi mortem velimus in eodem cum vitâ coniungere. Hoc igitur absurdi continet ista interpretatio, quod dum accuratè nititur sæcula distinguere, tamen ea con-

S fun-

fundere cōvincitur, sæculum futurum eo puncto temporis accipiens, quo adhuc sæculum est præsens, propter vitæ huius mortalis vel extremam partem. Quod si intelligit extremum vitæ punctum, quo iam ipsa vita extincta est, vt ipsum sit mortis momentum quo verè dixeris iam non viuere hominem sed mortuum esse; Agnosco sanè hic futurum sæculum, sed agnoscat ille quoque vicissim oportet, remissionem quæ post hanc vitam fiat, & animæ seiunctæ à corpore iudicium hac misericordia temperatum, vt aliqua detur ei remissio peccatorum. Quod si dederit, fateri cogetur hominem quamuis iustum & mortis aternæ reatu absolutum, à quibusdam adhuc quæ restent peccatorum vinculis absoluendum mox à morte; aut certè & ipsum damnationis aternæ vinculum, post huius terminum vitæ resolui; animamque non iustificatam in hoc sæculo, in altero demum iustificari. Dic ergo, Beza, clarè, quodnam istud est sæculum futurum? quando (ais) quisque moritur: Ergone (inquam) moritur homo corporis etiam morte in sæculo futuro? Quin igitur & morientis lectulum ad futurum sæculum eadem opera transferimus? Quod si ipsum mori, huius sæculi est non futuri, profectò non rectè dixeris, In futuro sæculo, id est, cùm moritur. Dic ergo rursus, quid intelligi velis per hoc ipsum [cùm quisque moritur, aut ipsum mortis momentum?] An tempus id quo anima iam est auulsa à corpore? sed
id

id tempus te minimè iuuat, quemadmodum ex antedictis intelligi potest. An vitæ pars extrema proximè ante ipsum mortis punctum? sed illa multò magis huius sæculi est, quam ipsa vitæ extinctio. Quoquo te veritas igitur, Beza, fatearis necesse est, vel in hoc sæculo fieri istam quam vis remissionem; aut verum esse quod docemus, remissionem aliquam fieri peccatorum circa animam à corpore separatam, prius tamen iustificatam cum adhuc haberet in corpore mortis huius. Et quia nobis ipse, qua es subtilitate, quæstionem hanc ad temporis punctum reuocas, trium ego tibi punctorum optionem do: Vnius proximè ante extinctionem vitæ: Secundi, in ipsa extinctione: Tertij, post extinctionem, cum est anima iam exuta corpore, ad diuinum producta iudicium. Duo priora si eligis, damnes necesse est interpretationem tuam de futuro sæculo, cum sit vtrunque huius sæculi. Sin tertium amplecteris, in nostra, velis nolis, castra partesque trāseundum est. Quod si contenderis vnum idemque esse momentum, eius quod dicitur mori & mortuum esse; seu animam à corpore separari & separatam esse, illamque nobis disputationem refrices, quæ apud Augustinum lib. 13. de ciuit. Dei à cap. 10. per aliquot sequentia subtilissimè producit, nos de eo nobis contendere non necesse esse putabimus: & si tria nolis tibi momenta dari, duo si voles dabimus; vnum proximè ante animæ discessum; alterum post

discessum : Quorum quidem momentorum
priore adhuc viuitur , posteriore non viuitur :
& illud quidem huius sæculi constat esse ; istud
verò sæculi futuri esse donabimus. Horum er-
go alterū si deligis , quo plena fiat peccatorum
remissio ; tunc vel ea huius tantum sæculi est,
vel futuri. Si hoc annueris , plenam cuique re-
missionem dari in ipsa vitæ extremitate , cum
adhuc tamen viuitur , sed quomodo ab ijs qui
animam agere dicuntur ; ergo omnis remissio
datur in hoc sæculo : Sin aliqua detur extincta
iam vita ; ea vel est in solutione reatus damna-
tionis æternæ , vel temporariæ duntaxat pœnæ
sita , vel in utroque simul . Si coniunctim in
utroque ; quoniam remitti negatis vnquā pec-
catum posse quin plenè simul quoad culpam &
pœnam aboleatur ; fatendum igitur erit quem-
quam iustificari post hanc vitam , qui cum vi-
ueret non fuerit iustificatus : quod quidem est
absurditatis non ferendæ plenissimum. Sin re-
missionem culpæ in ipso quidem vitæ vel ex-
tremo tempore posueris , pœnæ verò remissio-
nem extincta iam vita , id est , cum homo sic
moritur vt eodem puncto mortuus sit , quæad-
modum dicimus aërem eodem temporis pun-
cto & illuminari & illuminatum esse , tunc sal-
uum relinquitur nobis assertionis nostræ fun-
damentum , quo statuimus non plenam sem-
per homini simul remissionem peccatorū con-
tingere , sed remissa hic culpa , post hanc vitam
pœnæ temporariæ obligationem resolui ; & quæ
hic

hic remissa non sint peccata, tunc remitti. Veruntamen etsi maximè sentiendum sit, eodem temporis puncto hominem mori & mortuum esse, tamen negari non potest quin ipsum mori, siue animam à corpore diuelli, ad hoc sæculum pertineat: Vt enim ingressus animæ, ita & egressus, sæculi huius est; ideoque si qua fieri ponatur eodem puncto remissio, ea profectò sæculi huius erit, nec magis futurum sæculum respicit, quàm quæ cuiusque in baptismo longè ante mortem facta sit. Sed audiamus quæ sequuntur.

Præterea (inquit) quamuis nulla peccata post mortem propriè remittantur; sed vel in vita, vel in ipsa morte: tamen quia huius remissionis plenum fructum non percipient fideles nisi ab extremo illi die iudicij futuri, videtur quodammodo ipsa peccatorum remissio in illum diem differri, ac vicissim declaratio eorum quæ hic non fuerint remissa.

In his verbis tria illa licet animaduertere momenta, quorum prius optionem dedimus. In vita, in morte, post mortem: siue quemadmodum illa Diuus Augustinus expressit; vnum ante mortem; secundum in morte; tertium post mortem: quibus singulis tria ista singula redduntur, viuens, moriens, mortuus: eaque vulgarior & promptior animorum conceptio est. Sed tamen aliam iam expositionem adiungit, ne forte in priore non satis firmiter, solideque consisteret: vt nimirum intelligatur in futuro sæculo, id est, in extremo iudicio futura remissio, quia tunc plenè fructus eius percipietur à

*Lib. 13. de
Cinita. Dei
cap. 11.*

fidelibus. Verum hæc quoque improuidentia puerilis euasio est. Primum, quia tunc dicendum erit, omne peccatum remitti in futuro sæculo, & ipsam quoque iustificationem ac regenerationem fidelium, in futuro sæculo fieri; propterea quod eius fructum plenè fideles non percipient, nisi in extremo illo iudicij die, cùm resurgēt ad beatam immortalitatem. Nec consistet iam illa distinctio significata Euangelij verbis, quædam peccata remitti in hoc sæculo, quædam in futuro; alià neque in hoc sæculo, neque in futuro. Deinde quid alienius, vel à communi sensu, quàm vt intelligatur remissio peccatorū fieri, in ipso beato illo regno, quo nemini patere potest ingressus, nisi remissis prius peccatis? Atqui in eo demum regno, plenus accipitur remissionis fructus. Rursum, si propterea tunc fiet peccatorum remissio, quia eius ibi percipietur plenus fructus; licebit pari ratione futurum dicere, vt & tunc diabolo resistatur & peccato, atq; aduersus tentationes carnis adhuc spiritus cuiusque luctetur: quoniam ibi percipietur huius quoq; pugnae fructus. Quod si absurdè, nec sine proximo meritæ irrisionis periculo, dixerimus certamen ad tempus differri coronæ; & agriculturam ad tempus messis; & præparatoria rudimenta ad tempus perfectionis atque splendoris; absurdum & hoc erit, peccatorum remissionem ad tempus percipiendi ex ea fructus distulisse. Est enim ea præuia quædam præparatio atque purgatio, quam

idcir-

idcirco priorem cogitari oporteat beati illius regni consequutione. Cuius etiam erat prudentiæ dicere; Non remittetur, neque in hoc sæculo, neque in futuro, quando palam sit plenum remissionis fructum à nemine percipi in hoc sæculo? Hoc igitur tantummodo dici oportuerat; Qui peccauerit in filium hominis, remittetur ei in futuro sæculo, quia poterit ad beati illius regni possessionem peruenire: sed qui peccauerit in Spiritum sanctum, non remittetur ei in futuro sæculo; quia damnabitur, regnoque illo beato excidet. Vt nimirum remitti peccatum in futuro sæculo, sit beatum fieri & à Domino coronari: non remitti verò, sempiternis addici tormentis. Verùm multò aliter Christus Dominus, cuius in verba nihil otiosum, nihil superfluum cadere potest; Non remittetur (inquit) neque in hoc sæculo, neque in futuro. Nec remitti peccatum, est donari præmium, sed per condonationem non exigi supplicium: peccato enim pœna debetur; iustitiæ præmium redditur. Et quia indulgentia quæ pœnam relaxat, prior esse debet remuneratione iustitiæ, necesse est vt si ad extremum iudicium differatur ista remissio, aliquæ tunc iustis hominibus relaxentur pœnæ, priusquam iustitiæ suæ præmio munerentur. Quo loco si responderit, non se dixisse remissionem differri vsque ad extremum iudicium; sed vsque ad id tempus videri dilatam: nos ex aduerso referemus significasse Dominum remissionem tri-

buendam in altero illo sæculo; nec quid videatur futurum, sed quid futurum sit indicasse. Deinde, *videtur* (inquit) *quodammodo ipsa peccatorum remissio, in illum diem differri*. Si videtur, verène an falsò? si videtur, & non est; ut quid ad explicationem Dominicorum verborum talis adhibetur error? cur falsitatis tenebræ ad illustrationem veritatis inferuntur? Sin ita ut se res habet, videatur; differtur ergo quodammodo usque ad extremum iudicium, omnis omnino remissio peccatorum: unde colligo sic quoque differri fatendum esse, & fidem & cordis conuersionem, & quicquid hic rectè geritur; quia nec fidei nec iustitiæ fructus plenè vnquam nisi ab extremo illo iudicij die, capietur. Et hætenus quidem de præclaro illo Bezæ commentario.

In locum 1. ad Corinth. 3. quid Theodorus Beza notauerit contra Purgatorium. CAP. XIII.

FAcilè apparet hic quoque quam laborent, cum ad solius doctrinæ superædificationem referunt Pauli locum. Ait enim Beza, *aberrare à scopo, qui ad doctrinas verbo Dei vlla ex parte contrarias hanc Pauli similitudinem accommodant: in quibus etiam numero* (inquit) *ciborum delectum, dierum & vestium discrimina; reliquiarum venerationem, & cetera id genus*. Aberrauit ergo, Beza, à scopo tuus Calvinus, cuius
in

in Institutione verba sunt. Eos ecclesia Paulus Lib. 3. c. 3. Architectos notat, qui retento legitimo fundamento disparem materiam superstruunt, hoc est, qui non desectentes à præcipuis & necessarijs fidei capitibus, in minoribus nec ita periculosis hallucinantur, commenta sua Dei verbo admiscentes. Tales inquam operis iacturam facere oportet, abolitis eorum commentis. Ipsi autem salui fiunt, sed quasi per ignem; hoc est: non quod eorum ignorantia & hallucinatio coram Domino sit probabilis; sed quia Spiritus sancti gratia & virtute ab illa repurgantur. Proinde quicumque auream divini verbi puritatem, isto purgatorij stercore infecerunt, operis iacturam facere necesse est.

Hæc Calvinus; Planè & apertè significans intelligere se hoc loco, etiam illas doctrinas, quæ verbo Dei aliqua ex parte repugnent, modò non desectant à præcipuis & necessarijs fidei capitibus. Quin & de hac ipsa Purgatorij doctrina, subiunxit exemplū; Quod eo modo, nisi ineptè, contexti non potuit, si noluerit hanc de Purgatorio doctrinam, ad ea quæ superædificatur ligna, fœnum, & stipulam pertinere. Cùm hoc ergo, Theodore, te committo: Tu illi dicito: Chare præceptor, quid tibi in mentem venit? ullane doctrina verbo Dei repugnans poterit cum fundamento cohærere? An non eoduntaxat nomine reprehendit Corinthiorum doctores Apostolus, quod curiosis argutijs & humanæ potius quàm divinæ sapientiæ dediti essent; non quia falsam doctrinam annuncia-

S V rent?

rent? Iam quid minus ferendum sit, quam exemplum poni doctrinæ de Purgatorio? Nónne paulò ante dixeras in Institutione tua, clamandum esse non modò vocis, sed gutturis ac laterum contentione, Purgatorium exitiale Sathanæ esse commentum, quod Christi crucem euacuat, quod contumeliam Dei misericordiæ non ferendam irrogat, quod fidem nostram labefacit & euertit? Quid enim illis est Purgatorium nisi quæ post mortem à defunctorum animis pendatur pro peccatis satisfactio? Ea verò quo modo Christi satisfactionem illam vnicam non euertit? Hæc erit Theodore iustissima tibi cum præceptore tuo expostulatio, si verior est tuus commentarius quam illius: quem tamen & Loffius & Benedictus Aretius ea in parte sequuti sunt. Sed in hac te cum tuis pugna non inuitus relinquam, id obiter admonens quam & laborent, & malè inter se consentiant, qui referunt Pauli locum ad superædificationem doctrinarum. Cur ergo non potius illum teneant sensum, qui superædificationem etiam ad priuatorum hominum vitam & actiones extendit? At subiungit Beza, *hos multò longius excurrere, qui ad priuatorum vitam & actiones hoc referant.* Non video cur excurrant, quamuis ampliore loci expositione delectentur, quæ non solum priuatum operantium, verum etiam publicè prædicantium labores compræhendant. Omnes enim superædificant pro suo quisque vitæ instituto, mercedem accepturi, aut
statim

statim, aut interueniente purgatione, secundum laborem atque intentionem suam.

Denique, longissimè (ait) atque adeò in contrariam partem feruntur, qui hoc loco Purgatorium suum ignem extruunt; sed benè habet, quod is ex ligno, fœno & stipula sit extructus, ut nihil mirum sit illum nostra memoria Dei flamma rursus accensa, magna ex parte confluisse.

Quid, hoc rogo, Theodore, profuerit, si multorum in cordibus Purgatorium vestræ hæresis communi incendio ad id conflagraret, ut inde cæcis & improuidis maior gehennæ flamma confurgeret? Vnum ignem frustra nitimini extinguere, ut alium vobis grauiorem funestiorémque reddatis: Purgationem tollitis, ut vestris in sordibus pereatis. Sed benè habet, quod è cordibus multorum dissipatum esse dicas: Non enim in re propterea esse desijt, quia in cordibus vestris perierit. Verborum vestrorum flatibus tenue fidei lumen extinguere in ijs qui vos libenter audiunt, potestis: scripturas nobis adimere, quibus vestra coarguatur perfidia, non potestis.

Sed præclaros (inquis) istos architectos oportuerat suo saltem Gregorio assentiri. Is verò libro Dialogorum quarto, capite 39. quum aliquot scripturæ testimonia citasset. Ex quibus (inquit) sententijs constat, quia qualis hinc quisque egreditur, talis in iudicio presentatur. Sed tamen de leuibus quibusdam culpis, ante Iudicium purgatorius ignis censendus est: Nam cum Paulus di-


cat Christum esse fundamentum, atque subiungat; Si quis superadificauerit, &c. quāuis hoc de igne tribulationis in hac nobis vita adhibito possit intelligi: tamen si quis hoc de igne futuræ purgationis accipiat, pensandum sollicitè est: quia illum per ignem dixit posse saluari, non qui super hoc fundamentum ferrum, as, plumbum adificat, id est, peccata maiora; sed lignum, fœnum, stipulam. Hæc (inquit) Gregorius, & Papa, & Diuus, & Doctor, ut volunt, irrefragabilis.

Facimus, Theodore, quod dicis fieri debuisse; Assentimur lubentes Gregorio, ut & Pontifici, & diuo, & doctori in Ecclesia Dei iure colendo. Nam esse purgatorium ignem credimus post hanc vitam, quemadmodum id ille citatis verbis pro indubitato se habere demonstrat. Non enim consequens est, ut rem pro incerta habuerit, si de loci vnius expositione dubitarit. Veruntamen ne id quidem vtrum accipiendus esset de igne futuræ purgationis Pauli locus, dubium reliquisse videbitur penitus introspectanti: sed hoc potius significasse, quod Apostolus dicit de probatione per ignem, intelligi posse fieri in hac vita, quod attinet ad ipsum probationis genus, & in quibusdā superædificantibus; non autem hic totum illud impleri quod ait, Vniuscuiusq; opus quale sit ignis probabit. Quod autem subiungit: Si quis de igne futuræ purgationis accipiat, &c. non est ambigenti de intellectu, sed cautionem præscribentis ne in eo cōtingat error, quo putetur etiam sceleratos
in co

in eo iudicio per ignem posse saluos euadere. Cùm enim verisimile sit Diuum Gregorium cùm id diceret ad Augustini tractationes respexisse, quónam modo induxisset in animum vt existimaret generalem illam omnium superædificantium probationem in hoc mundo fieri, quod neque putauit Augustinus, neque etiam credi sine absurditatis nota possit? Nam quod fabulantur quadruplicem ab Augustino tradi loci eius explicationem, lib. 21. de ciuit. cap. 26. ex ea profectum inscitia est vel fraudulentia, qua pars expositionis, pro tota explicatione simplicioribus obtruditur. Quippè quod Apostolus dixit de hominum purgatione & probatione, varijs id quidem modis & temporibus opinatus est, etiam hac in vita, circa fideles fieri: at nunquam perfici seu generaliter compleri, nisi in extremo illo tremendoque iudicio.

*Vid: librũ
prioris. cap.
15.*

SECVNDI LIBRI FINIS.



TERTII LIBRI

PROOEMIUM.

VT ij qui munitas arces aut vrbes obfident, nihil patiuntur in vicina consistere, vnde retardari aut frustrari queant oppugnantium conatus: ita Benedictus hic noster tanquam industrius scilicet ac circumspectus castrorum princeps, cum animaduertet è vicino Limbo, non mediocriter sua in Purgatorium tela frustrari, in id separatim incubuit, vt hanc quoque demoliretur inferorum mansionem; forsitan & Tartarum aggressurus aliquando, vt nec daemonibus quidem ipsis apud inferos locus esse possit. Est enim nonnullorum, hac tempestate, illa cognita progressio, vt sublati Limbo & Purgatorio, tandem nec Infernum damnatorum crederent esse vllum: Sic enim impius, cum in profundum venerit, omnia contemnit.

Prover. 18

LIMBO PATRVM,

LIBER TERTIVS.

Quæ sit Catholicorum de Limbo
sententia. CAPVT I.



C prius quidem Aretius Catholicorum explicat de Limbo sententiam: Postea sic refellit, vt nullum omninò Limbū fuisse demonstrare nitatur. *Limbū* (inquit) vocāt inferni partem superiorem, in qua detenti sunt saluandi patres, quovsq̃ue debitum primi parentis solueretur per mortem Christi. Quem locum *κόλπον*, id est, sinum *Abraha* dici volunt à Christo, *Luca* 16. Et apud *Hebraeos* *קברות* hoc est, Ligatorium vel conseruatorium esse. 1. *Regum* 25. Et erit anima Domini mei ligata *קברות* in ligatorio uiuentium. Quæ vt rectius intelligamus, sic accipite. Qui hās doctrinam de Limbo patrum & Purgatorio defendunt, statuerunt duo loca seu receptacula animarum; vnum gloria; alterum miserie & pœnarum. Gloria locus est calum ipsum, in quo sit vita aterna, & vera *μακαριετις* rerum omnium: sed ante Christi aduentum animabus nondum patuisse. Pœnarum locum distinxerunt in plura receptacula, vel domicilia ac mansiones: Nam pœna illa aut sensum habent aeternum.

pœna-

pœnarum ; In quo loco soli sint damnati impij, quibus nulla sit spes liberationis . Hic locus propriè infernus dicitur , & infernus inferior ; quia infimum sit domicilium totius inferni : Aut pœna sunt cum sensu coniuncta , sed ad tempus solum . In hac mansione sunt ab illis constituti , qui post mortem, liberationem expectare possunt peccatorum ; ideoq³ purgatorium ijs est attributum . Ac collocant purgatorium supra tartarū illum damnatorum, tanquam in secunda mansione vel interstitio: Aut pœna illa nullum habent coniunctum sensum , sed privatio est solum melioris & perfecti boni, ideoq³ damni appellarunt ; quia damnum tantum sit in mora : Estq³ conclave hoc tertium, seu in tertia contignatione totius inferni; & Limbum appellarunt , in quo conclusi manserint Patres vsque ad Christi aduentum . Sed qui diligentius inspexerūt regiones illas, & infernum lustrarunt , dicunt Limbum hunc geminum esse ; alium patrū, de quo iam diximus, eumq³ euacuatū Christi descensu ; aliū verò infantium, qui sine baptismo decedunt, qui indies magis magisq³ cōpleatur vsq³ ad nouissimū iudicium, quo sint resurrecturi etiam atate perfecta, annorum circiter triginta trium ; deinceps verò , ubi sint mansuri , ignorant . Ex his facile animadvertitis, infernum tanquam integrum aedificium, distinctum esse in quatuor contignationes . Infima, in ipsis fundamentis & centro totius, damnatos sine spe retinet . Superior, quæ secunda dici potest, purgandos habet, & inde purgatorium ; Et rectè in secunda contignatione, ubi

ignis

ignis damnatorum ad hos penetrans, eosdem expurget. Tertia contignatio infantes innocentes recipit, Limbus infantum dicta. Quarta demum & suprema mansio, patrum fuit Limbus, iam vacuus, translatis patribus à Christo, in ipsum caelum & vitam æternam.

Haëtenus Aretius, de Limbo cæterisque inferni mansionibus, scholasticam sententiã explicauit; subindè tamen eam & ironiæ suæ felle tingens, & proprii sensus insperfectione tanquam fermento deprauans. Nam vt diuinationem de triginta trium annorum ætate præteream, infantes quidè ipsi qui sine baptismo ex hac vita decesserunt, quis dixit catholicus paulò instructior, nescire se vbi post resurrectionem mäsuri sint; cùm inter omnes eruditos constet, illos in æterna apud inferos damnatione mansuros? Siue enim ignis sensu, sed leuissimo torquebuntur (quod videtur nonnullis) siue à facie Dei proiecti, sine tali cruciatu, soloque affecti tam funestæ priuationis damno iacebunt (quæ receptior apud Scholasticos authores opinio est) tamen & in damnatione, & in morte æterna cum diabolo & angelis eius futuros, nulli inter catholicos mediocriter instituto dubiũ esse potest: Iudiciũ enim (inquit Apostolus) ex vno in

Thomas in
3. parte q.
52. art. 7.

Roman. 5.

ignis: Hoc erit omnium damnatorũ post resurrectionem

T rectio-

rectionem, sicut ante quoque fuit extremum æternumque receptaculum, quamuis in eo pro meritis quique suis, pœnis afficientur disparibus: & leuissima sine dubio paruuli, quemadmodum etiam perspicuis verbis scriptum reliquit Augustinus. Ideoque inter fidei regulas ponere non dubitauit Sanctus Fulgentius scribens de fide ad Petrum Diaconum, id quod eiusmodi expressit verbis: Qualitas malæ vitæ ab infidelitate incipit, quæ ab originalis peccati reatu initium sumit, In quo quisque viuere ita incipit, vt ante finiat vitā quam ab eius obligatione soluatur, si vnius diei vel vnius horæ spatio anima illa vixit in corpore, necesse est eam cum eodē corpore interminabilia gehēne sustinere supplicia, vbi diabolus cum angelis suis in æternum arsurus est, qui & primus peccauit, & peccatum primis hominibus persuasit. Hæc D. Fulgentius. Quibus & illa sunt apud Gregorium Magnum persimilia: Nonnulli (inquit) prius à præsentī luce subtrahuntur, quam ad proferenda bona malæue merita actiue vitæ perueniant. Quos quia à culpa originis sacramenta salutis non liberant, & hic ex proprio nihil egerunt, & illuc ad tormenta perueniunt. Quibus vnum vulnus est corruptibiliter nasci, aliud carnaliter emori. Sed quia post mortem quoque æterna mors sequitur, occulto eis iustoq; iudicio etiam sine causa vulnera multiplicantur. Perpetua quippe tormēta percipiunt, qui nihil ex propria voluntate peccauerunt. Sic Diuus Gregorius

de

Cap. tertio.

Lib. 9. in
Job. 6. 16.

de æterna damnatione non renatorum paru-
 lorum. Quod autem dicit Ioannes, post extre-
 mum illud iudicium, mortē & infernum in sta-
 gnum ignis proijciendos, hoc opinor, significat:
 (quid enim melius? nam si quis dixerit nomine
 inferni diabolus, mortis vero peccatum desi-
 gnari, ostendat quonam modo de diabolo &
 morte possit intelligi quod proximè antecedit:
 Et dedit mare mortuos qui in eo erant, & mors
 & infernus dederunt mortuos suos qui in ipsis
 erant.) Illud ergo potius significat vsque ad ex-
 tremum quidem iudicium, nō mortem solum
 fuisse extra illud stagnum, quoniam hic cor-
 poris dissolutione grassabatur; sed & infernum
 sic extitisse, vt aliqua sui parte stagnum illud
 ignis perpetui non haberet. At post resurre-
 ctionem carnis, neque mortem alibi quam in
 illo tartaro fore, vbi erit mors secunda, (nulli
 enim amplius super terram, carne morientur)
 neque inferni vllam aliam fore partem siue sta-
 tum alium, quam eorum qui in illo æterno sta-
 gno, sint diuinæ visionis perpetua priuatione
 mulctandi. Quicunque enim præordinati fue-
 rant ad vitam æternam, qui ad tempus inferni
 claustris tenebantur, in cælos tandem reddita
 immortali & incorruptibili carne deferentur.
 Nunc interim sicut mors nondum est in solo
 illo stagno quam & hic iusti patiuntur, ita neq;
 infernus ad solum est stagnum ignis æterni re-
 legatus, quoniam aliquos adhuc hominum spi-
 ritus complectitur, non addictos æternæ illi

morti, sed suo tempore ad vitam beatam educendos; sicut & ante Christi aduentum sanctorum animos, qui hic in fide vixerant venturi mediatoris, complexus est: quo quidem locali situ, quâne dispositione mansionum corporea, haud satis exploratum, neque de eo nobis contendendum est: At quin cælesti adhuc domicilio priuarentur, sed in infernum aliquem locum demitterentur, donec eos inferni claustra refringens, Christus educeret, in Ecclesia Christi non est dubium. Verum quibus hoc tu machinis impetas videamus.

Quemadmodum in cælo apud Patrem, ita & apud inferos diuerſas esse pro cuiusque meritis mansiones. CAP. II.

A Nimas piorum & impiorum in eodem domicilio statuunt; contignationibus postea distinguunt, sine scriptura, quasi de arca Noë differentes. Quis enim illis monstrauit hanc dispositionem? aut ubi scriptura habet illam quadripartitam inferorum mansionem? Deinde, vocem Limbi scriptura quoque non habet. Et quod illi sinum Abrahae eò trahunt, impertinens est & alienum à mente scriptura, ut videbimus infra.

Tua hæc, Benedicte, in Limbum ei aculatio est, qua nobis absurditatem obijcis & temeritatem: Hanc quidem, quia nemo nobis quadripartitam istam inferorum mansionem ostenderit: Illam verò, quod piorum & impiorum

ani-

animas, in eodem domicilio statuamus. Quod tamen telum tuum valde abs teipso retusum & debilitatum est. Quonam enim modo consequens videri debet, vt animas piorum & impiorum statuamus in eodem domicilio, qui dicamur abs te regionem inferorum in diuersa domicilia distinguere, quorum alia piorum propria sint; vnum, totius videlicet inferni domicilium infimum, receptaculum sit damnatorum? Qui ergo, teipso quoque teste, animarum domicilia tam accuratè disiungimus, non benè absurditatis eius insimulamur, tanquam qui piorum & impiorum animas eodem in domicilio statuamus. Quod si te dicas, domicilij vocabulum pro tota inferorum regione communiqué locoposuisse; quid absurdi est, si ad tempus duntaxat, bonis malisque communis quædam post mortem miseria est, quibus hic fuerat peccati causa cõmunis? Nam si piorum & impiorum animabus nulla potest ad tempus esse communis miseriæ conditio, cur hoc miseriarum vallis cõmune domicilium? Cur vnus per mortem exitus pio & impio, sacrificanti & sacrificia contēnenti? Si autem piorum animabus perpetuā cum impijs miseriam faceremus, meritò censeremur absurdi, nosque ipsos vehementius nostra damnaret sententia, quam vestra reprehendat oratio, propterea quod piorum animabus vitam æternam deberi pro suis meritis asseramus: Vos autem sublata iustitiæ ratione, quæ pios remuneret, etiam hos iustè

T iij posse

posse in infimum inferni domicilium detrudi statuitis. Quânam ergo in parte maior absurditas est, nostrâne, qui perpetuum miseriæ domicilium pijs dari contra iustitiam esse docemus; an vestra potius, qui pios pariter & impios communibus gehennæ meritis copularis? Quod autem adiungitur nos inferorum domicilium contignationibus distinguere sine scriptura, quasi de arca Noë differentes, tale est, ut sic ipse quoque Christus irrideri potuerit, qui tanquam de arca Noë differens, mansiones esse dixerit apud patrem suum multas. Quæ enim mansiones multæ? Nisi quia & supremæ quædam, & infimæ, & mediæ pro diuersitate meritorum? Multæ quippe mansiones (inquit Augustinus) diuersas meritorum in vna vita æterna significant dignitates. Alia enim est gloria solis, alia gloria lunæ, alia gloria stellarum: stella enim à stella differt in gloria, sic & resurrectio mortuorum. Quod ipsum D. Hieronymus in arca Noë significatum accepit, cum aduersus Iovinianum libro posteriore differeret, ut nihil mirandum sit, si quisquam de hac in cælo diuersitate mansionum, tanquam de arca Noë differat, in qua illius rei typus habeatur. Si autem in cælo diuersæ mansiones; ergo & apud inferos, ubi pro varietate meritorum, ita sunt diuersi pœnarum gradus statusque miseriæ distincti, quomodo in domo patris plura diuersaque præmia, pro multarum distantia & diuersitate virtutum. Nisi fortè ut paria merita bono-

bonorum, ita etiam tibi videbuntur æqualia esse peccata, meritaque iniquorum, vt nihil sit opus mansionum distinctione, vbi omnes pari pœna, propter æqualia peccata teneantur. A qua sententia si te erroris magnitudo deterret, fatearis Areti necesse est nobiscum, diuersa esse domicilia inferorum. Quam si distinctionem inter damnatos seu reprobos admiseris, nihil erit cur nos iure reprehendas, si mansionum differentiam in tota ipsa inferorum regione ponamus. In toto enim facimus, quod tu etiam in parte faciendum esse perspicis, si scripturarum sanctarum doctrinæ acquiescis. Nam si parricidarum & ebriosorum non eadem in inferno mansio, propter maximam scelerum distātiā, tu miraberis, si pueros qui sine baptismo ex hac vita sublati sunt, nullumque aliud quam originale peccatum secum detulerunt, proprio quoque ab ijs domicilijs seiungamus, qui ad originale ipsum multas addiderunt propriæ actionis offensas? Id enim potissimum hac distinctione docemus, non debere parem esse illis miseriæ statum cum cæteris, qui sibi proprijs grauibuscque delictis damnationem accersierunt.

At Limbi vocabulo offenderis, quia non sit in scriptura; Quasi nō & vos teratis vocabula, quæ nusquam in scriptura canonica expressè ponuntur. Vbi enim in illa reperias, Orci & Auerni vocabula, quibus tu ipse infernum damnatorum designari dicis à Latinis, nec refellis? Deindè cum rem ipsam ex scriptura tenuerimus,

non sic Aretj scrupulosi sumus, vt non cum quouis vocabulo designari patiamur, modò id subiectam rem non ineptè expresserit. Hoc ergo restat, aptene satis Limbi vocabulo designetur is apud inferos miserix status, qui sit pro ratione & mensura peccati leuissimus? Et ipsos quidem inferos interdum significari legimus periphrasi regionis vmbre mortis, seu terræ tenebrosæ; interdum nomine lacu, cuius etiam insinuetur profunditas, in quam Lucifer ipse detractus sit. Vbi ergo tanquam regio quædam tenebricosa, vbi lacus, vbi profunditas quasi putei cuiuspiã præalti, aut immensæ voraginis; mirandum est, si tanquam extremæ quædam oræ, quæ ab ipsa profunditate procul sint, cogitentur? aut absurdius Limbum dicimus propter extremitatem, quam sinum scriptura dicit propter quietem?

De Sinu Abrahæ. CAP. III.

NEc verò eò trahimus sinum Abrahæ, quasi idem esse omnino sinum Abrahæ & limbum existimemus. Est enim Abrahæ sinus, vbicunque post mortem secreto quodam beatæ quietis anima perfruitur. Sic Augustinus interpretatus est Abrahæ sinum, vt esse diceret, nescio cuius quietæ felicitatis, magnum abditumque secretum. Sicut & Ambrosius, Cùm ait Lazarum in Abrahæ gremio, quasi in quodam sinu quietis, & sanctitatis locatū recessu. Quorum vestigijs insistens Diuus Gregorius: Quid

Cap. 5. lib.
33. contra
Faulū Ma
nichæum.

Lib. 8 in
Lucam.

Quid (inquit) Abrahamæ sinus nisi secretam re- *Hanc 19.*
 quietem significat patrum? Neque enim hic (quã- *in euang.*
 uis id aliquos velle video) ad illa littora curua
 respicitur, quæ ad similitudinem Sinus, quibus-
 dam quasi brachijs amplectitur mare; sed pla-
 nè ad humanum sinum seu gremium, quo in-
 terdum quos habemus charos, ad quietem ex-
 cipimus ac fouemus. Habebant igitur & illæ in
 limbo sanctæ Patriarcharum animæ sinum A-
 brahæ: quomodo & Lazarus, qui in sinum A-
 brahæ per angelos dicitur esse deportatus, ubi
 solatio non mediocri afficeretur, non modò ab
 omni vitæ huius labore liber, verùetiã à cru-
 ciatu & tormentis inferorũ. Sed quamuis mo-
 dò Limbus ille patrum non sit, hoc est, talis ali-
 quis qualis ille erat apud inferos, sanctarum &
 plenè alioqui purgatarum animarum status, si-
 nus tamen Abrahamæ nec modo esse desijt. Quin
 plus etiam in eo quietis atque solatij post Chri-
 sti aduentum esse cœpit, ex Dei clara contem-
 platione: quippe qui tunc apud inferos illis e-
 rat Abrahamæ sinus, nunc iisdem & alijs sancto-
 rum spiritibus in cælo est; in quem vt recipian-
 tur animæ defunctorum, Christi quoque Ec-
 clesia (teste Dionysio Areopagita) deprecatur.
 In quo sinu D. Augustinus gratulatur suum esse
 Nebridium: Quicquid enim illo significatur *Lib. 3. con-*
 (inquit) sinu, in eo meus viuit Nebridius, & *sej. cap. 3.*
 & iam non ponit autem ad os meum, sed spiri-
 tale os ad fontem tuum, & bibit quantum po-
 test sapientiam pro auiditate sua, sine fine felix.

Sic & apud Seuerum Sulpitium est : Martinus Abrahæ sinu latus excipitur, Omnisque ante corporum resurrectionem purgata anima, hûc in sinum deportatur ; quemadmodum id Prudentius versu expressit in hymno defunctorû.

*Sed dum resolubile corpus
Renocas Deus, atque reformas,
Quâ nam regione iubris
Animam requiescere putam ?
Gremio senis abdita sancti
Recubabit, ubi est Eleazar :*

Atq; id quidē rectè Prudentius. Nam reformato per gloriosam resurrectionē corpore, non iam abdita & secreta quies, sed erit electorû omniû manifesta, ipsisq; etiam reprobis conspicua felicitas. Ideoq; & illa distinxit Hilarius enarrans Psalm. 51. Extendit (inquit) sanctus Propheta, spes suas ad infinitam perennitatis ætatem, nec concluditur mortis occasu, quum sciat sibi in Abrahæ sinibus, exemplo pauperis Lazari esse viuendum ; sciat quoque gloriosæ resurrectionis demutatione coæternum se & conformem Deo esse mansurum. Quod si quis hic obijciat, Ipsa differentia Lazari & epulonis, qua ille dicitur esse deportatus in sinum Abrahæ, hic verò sepultus in inferno, significari, Lazarum non fuisse apud inferos, sed diuitem solum: Nos ei respondebimus illud primum ; Non solum in græcis codicibus, verum etiam in latinis permultis secus haberi : vt nimirum hæc sit contextus illius distinctio, Mortuus autem est & diues, & sepultus est. In inferno autem ele-
uans

uans oculos suos, &c. Quomodo & Augustinus legit lib. 12. cap. 33. de Genesi ad Literam; Et homilia 7. li. 50. homiliarum, alijsque interdum locis. Deinde, ne lectionem alteram, aut damnare ut vitiosam, aut non sustinere posse, ut aduersam, videamur; considerandum est, Diuitem epulonem non simpliciter in inferno collocatū, sed sepultum dici, ut illic obrutum; & in ima detrusum planeque coopertū supplicij cogitemus. Sed neq; chaos illud magnum intelligi necesse est spacium ingens illud, quod est inter cælos & inferos interiectum, cum & in ipsa inferorum amplitudine, tanquam vasta quadam regione, cōcipi possit hoc chaos, quod rectius hiatum seu voraginem dixerimus, Id enim græca dictio χάσμα significat: Hac nimirum figura sermonis, insinuante nobis Abrahamo, (Id quod D. Ambrosius, hunc interpretatus locum, breuissimè dixit:) non posse merita post mortem immutari.

Apud inferos non solum gehennam seu Tartarum statui debere ex scripturis ostenditur.

CAP. IIII.

Sed ne quidem, inquis, opus est illa dispositione. Nam scriptura solum duo receptacula agnoscit animarum; Vnum vitam æternam, calos, paradysum, sinum Abrahe; Alterum verò impiorum, gehēnam, Tartarū, inferos, & quicquid tale est: nec potest ex scriptura tertius monstrari locus.

In his verbis tuis, primum illud attendere de-

debueras, Vitam æternam, Paradisum, Sinum
Abrahæ, non esse receptaculi vocabula. Nam
& cum in terris ministrant angeli, vita æterna
fruuntur extra ipsum beatorum receptaculum,
Lucæ 13. hoc est cælum: Et Latro, cui dictum est; Hodie
mecum eris in paradiso, ad inferos, vti & Chri-
stus ipse, descendit, vbi non erat propria beati-
tudinis sedes. Denique sinus Abrahæ non lo-
calis receptaculi, sed quietis per tropum signifi-
cationem habet, vt & in cælo & apud inferos,
& vbicunque voluerit Deus, esse possit. Quem-
admodum nec receptaculum vllum designatū
est apud Ioannem c.1. vbi scriptum est; Deum
nemo vidit vnquam; Unigenitus qui est in sinu
patris, ipse enarrabit. Quod deindè adiungis,
scripturam duo tantum receptacula nosse, vi-
delicet cælos & inferos, siue (quod idem esse
vis) gehennam & Tartarum, id declarat te in
scripturis non animaduertisse, aut certè intelli-
gere noluisse, inferos patere latius, quam vt de-
beāt restringi ad gehēnam & tartarum. Id quod
tamen Diuus Hieronymus animaduersum his
verbis annotauit, scribens in caput decimum
tertium Osæ ad illa prophetiæ verba: Ero mors
tua ô mors, ero morsus tuus inferne: Inter mor-
tem (Inquit) & inferos hoc interest: Mors est
qua anima separatur à corpore, Infernus locus
in quo animæ recludūtur, siue in refrigerio siue
in pœnis, pro qualitate meritorum. Ac reuera
quid in sacris literis luculentius magisque ob-
uium? Cùm enim Christus loquitur in Psalmo;
Non

Non derelinques animam meam in inferno, *Psal. 15.*
 nunquid significat animam suam non esse in
 gehenna relinquendam? An fortè Christus &
 gehennā passus est, quia in infernum icrit? Cū *Eccles. 9.*
 rursus dicitur homini, vt ante mortem suam
 operetur iustitiam, quoniam apud inferos non
 sit inuenire cibum, quo tu (inquit) properas;
 num significatum est, hominem iustum prope-
 rare in gehennam & tartarū? Aut vbi scriptum *1. Reg. 2.*
 est, Dominum mortificare & viuificare, dedu-
 cere ad inferos & inde reducere; an declaratum
 est Deum ex tartaro & gehenna, vbi supplicio-
 rum æternitas est, solere quenquam educere?
 Quid item pius rex cum vitæ suæ lugens bre-
 uitatem diceret: In dimidio dierum meorum *Isaie 38.*
 vadam ad portas inferi? adeone perditā con-
 scientia significatur fuisse, vt desperata salute,
 in gehennam se crederet esse detrudendum?
 Quid etiam Propheta Iob, cū optantis voce *Iob 14.*
 precaretur: Quis mihi tribuat vt in inferno
 protegas me? Tantūmne desipuit, vt se vellet in
 extrema sui proiectione protegi, hoc est in ge-
 henna? Quod enim effugere conamini statuē-
 tes vocabulum *הַיָּסוּד* scheol, interdū pro sepul-
 chro poni, Id cum nullo in loco scriptura re-
 quirat, tum in superioribus locis recipi non po-
 test. Quoniam accuratè illa, distincta sunt, vt
 vnum ad corpus, alterum ad animam perti-
 neret, vbi dictum est de Christo: Non dere- *Psal. 15.*
 linques animam meam in inferno, nec dabis
 sanctum tuum videre corruptionem. Quo
 signi-

significatum est neque animam in inferno, neque corpus in sepulchro ad putrefactionem relinquendum. Nam illud quidem Beza commentum impudentissimum, ut Infernus eo quoque loco sepulchrum significet, Anima verò pro cadauere, id est, vita pro morte ponatur, suam secum refutationem damnationemque euidenter trahit. Iusto quoque generatim dicitur, quod ad inferos properet, ubi non sit inuenire cibum; cum multi ante Christum sepulti non sint iusti, sed vel igni consumpti, vel deuorati à bestiis, vel aliàs in tenues auras puluerémue redacti. Quid etiam attingebat dicere & docere, quod in sepulchro non sit inuenire cibum? An de corporis cibo loquebatur, quem se fortè nonnulli adhuc in sepulchro reperturos & manducatu- ros per incredibilem stultitiam expectarint? Inferni quoque portas non te puto dicturum esse portas sepulchri, quæ plerumque nullæ sunt; nec optasse prophetam, ut protegeretur in sepulchro. Aliud quoque mortem esse per quam sepulturæ corpus mandandum relinquitur, aliud infernum diligenter annotauit Hieronymus in supradictū scribēs Osæ caput. Quod enim aliud sit mors (inquit) & aliud infernus, & Psalmista demonstrat dicens: Non est in morte qui memor sit tui; in inferno autem quis confitebitur tibi? & *Psalm. 54.* in alio loco. Veniat mors super illos & descendant in infernum viuentes. Fateris & ipse cum de inferno scribis, non posse inferni vocabulum qui-

quibusdam locis pro sepulchro sumi : Velut Deuteronomij 32. vbi Moyses inquit in persona Domini ; Ignis succensus est in furore meo, & ardebit vsque ad inferni nouissima, siue, vsq; ad infernum inferiorē, vt ipse legis. Et Prouer. 9. Nescit quod ibi sint gigantes, & in profundis inferni conuiuæ eius. Et 15. Semita vitæ sursum est ad erudiendum, vt declinet ab inferno qui infra est ; siue, inferno nouissimo, vt legimus. Et Psal. 86. Quia misericordia tua magna est super me, & liberaisti animam meam de inferno inferiori. Neque ergo locis ijs, quæ à nobis producta sunt, neque his quæ abs te proferruntur, potest infernus pro sepulchro intelligi. Vnde ergo alibi, pro sepulchro poni diuinas, nisi quia si non eo cōfugas, metuas tibi à Limbo patrum, à quo propterea tibi tantopere cauendum existimas, ne si ille esse conuincitur, inter cælum & tartarum, tertius aliquis locus in scriptura sacra repertus sit ? Et tamē illis ipsis locis quæ abs te ipso commemorata sunt, non parua significatio est eius, quod times. Cum enim infernus dicitur qui infra est, siue inferior atque profundior, cur absurdum sit superiorem aliquem cogitari, si non loci situ, de quo non firmissima forsan opinio est, certè ipso discrimine atque distantia status, sicut fuerat differentia meritorum ? Vnde & Petrus in epistola posteriore, profundiores ac tetriores hæc partes, vocabulo Tartari designans, infernum insinuat patère latius ; cū ait Dæmones rudentibus *cap. 25*
seu

2. Reg. 22.

seu catenis inferni detractos, in tartarum traditos esse cruciandos; Non enim illic Infernus & Tartarus idem significât. Neque tamen aut sepulchrum, aut aduersa vitæ huius cogitari possunt, quæ annotas vocabulo inferni designari, vbi dicitur; Funes inferni circumdederunt me. Quo tamen loco si attendas, cur aduersa vitæ huius, non quidem infernus, sed funes inferni dicantur, possit & hoc adiumento esse tibi ad verum perspicendum. Nam dolores atque aduersa vitæ huius, quibus Dauid conquerebatur se esse circumuallatum propter grauissimas, vt vis, persecutiones quas à Saule patiebatûr, cur dicuntur inferni funes, nisi quia per eas tanquam funes constrictus implicitusque, pertractus fuisset ad inferos, nisi eum Dei protectio è mortis periculis eruisset? Ex his opinor similibusque locis quæ frustra aliorum detorque-re conamini, intelligi potest, quàm illud falsò statuatur, non agnoscere scripturâ aliud quam Cælum & Tartarum siue gehennam. Quamuis enim nihil aliud nisi superos & inferos; tamen in ipsis inferis aliud quoddam præter gehennæ locum, agnoscit domicilium temporaneum, in quo fuerint inclusi spiritus aliqui, donec eos Christus educeret ad perfectam libertatem & lucem. Quam sententiam, post Gregorium Magnum, eoq; vetustiores multò Patres, luculenter admodum explicatam Sanctus Bernardus reliquit sermone quarto de omnibus sanctis. Diuus quidem Ambrosius cap. 1. lib. 4.

lib. 4. de fide ad Gratianum : Mosen (inquit) licet corpus eius non apparuit in terris, nusquam tamen in gloria cælesti legimus, nisi posteaquam Dominus Resurrectionis suæ pignore vincula soluit inferni, & piorum animas eleuauit. Theophylactus quoque in Matthæi caput 27. scribens, breuiter annotauit illam mortuorum resurrectionem, quæ mortuo in cruce Domino facta est, significasse eorum qui in inferno fuerint libertatem; propterea quod ante id tempus, & sanctorum animæ intra inferni penetralia conclusæ captiuæque tenerentur. Et quod scriptum est : Contriuit portas æreas, & *Psal. 106.* vectes ferreos confregit (quamuis id non patiatur Calvinus) eodem retulit tamē Eusebius, sub finem libri eius quem scripsit de euangelica demonstratione; multoque plures postea suis proferentur locis, quorum grauissima authoritate hæc de Limbo doctrina confirmetur. Sed quod eiusmodi loco tertio nihil opus fuerit, videamus nunc quibus rationibus tu patêre demones.

Diluitur argumentū petitum ex vtriusque testamenti Sanctorum fide communi.

CAPVT V.

Primum (inquis) *Quod sancti in veteri testamento eadem fide in Christum, qua nos, sint iustificati. Quod si eadem fides est virosque iustificans, habuere igitur eandem iustificationis gloriam: Gloria autem iustificationis est vita*
V
æterna.

aterna. Quare mea quidem sententia, pij ante Christum defuncti, animabus ad celos ascendere corpore in terra quiescente. Sic ille.

Tua hæc, Areti, prima ratio tum demum aliquem aduersum nos locum habere potuisset, si iustificationis gloriam, hoc est, vitam æternam, sanctis ijs qui ante Christi aduentum in iustitia decesserunt, nostra aliquando detraxisset opinio. Sed iustificationis gloriam, plus etiam quam vos, illis tribuimus, quam & meritis eorū fuisse iusto Dei iudicio reddendam asseramus. Habes ergo quod tuum argumentum postulat, sicut vnam fidem iustorum omnium vnamque ex fide iustitiam, ita etiam cōmunem quæ omnibus promissa sit iustificationis gloriam, vitam æternam. Hic nempe diurnus est ille denarius, quem paterfamilias vocatis in vineam proposuit, perseueranter operatibus certissimè redditurus, quacunque tandem hora venissent. Sed ut illic murmurabant quidam, quod non plus accepissent priores, qui diei pondus æstumque pertulerant, quam posteriores, qui vna tantum hora laborarant: ita video quid tu quoque submurmures, cur videlicet antiquorum iustorum dilata sit mercedis retributio, ut non ante, quam his qui posterius vocati sint, redderetur. Nam & propterea dictum intelligi posse putat Augustinus, redditam operarijs esse mercedem, incipiendo à nouissimis vsque ad primos, quod ij qui posterius venerūt in vineam, minus ab ipsa Dei contemplatione dilati sint quam priores.

Id vi-

Id videre est in fine cap. 24. lib. de spiritu & litera, eumque sensum Augustini Diuus Gregorius hom. 19. super Euangelia sine cunctatione complexus est. Verum ob id, Areti, si murmur operariorum exaugeas, tibi iure paterfamilias respondere possit; Amice, ego nullam illis antiquioribus facio iniuriam; Nonne denarium accipiunt, de quo mecum conuenire? Quod si aliquanto tardius quam hi, quid tum postea, quando id quod differtur nō aufertur? An non licet mihi facere quod volo? An non sat magnum est, tantum mercedis vel serō accipere? Tale quiddam, Areti, responderi tibi poterit: quin addi etiam increpatione conueniet, quod oblitus tui, dicas statim illis oportuisse vitæ æternæ mercedem reddi, qui statuas merē gratuitam esse, nullisque parari meritis illius vitæ retributionem; Cur ergo differri non potuit, quod potuit & negari? Sed & de ipsa beata corporum resurrectione, vehementer redargueris, quam differri vsque ad sæculi finem constat, in qua tamen tantū inerit boni, tantumque felicitatis, ut propterea electi omnes, in illo communi supremoque iudicio audituri sint: Venite benedicti patris mei, possidete regnum quod vobis paratum est ab origine mundi. Hoc ergo beatum regnum quod sanctis in fine reddetur, in quo demum erit vera *πλούθυια* rerum omnium, differri certissimum est, donec fratrum numerus compleatur. Neque tamen, si audiendus es, differri debuit, sed statim post mortem

Matth. 25.

reddi iustis omnibus, sicuti post mortem continuò reddetur eis iustis, qui in fine sæculi iudice veniente morientur. *Quanam*, inquis, *hoc consequentia ratiocinationis astringitur?* Tua (inquam) ipsius, si attēdere me libuerit, per tuæ rationis vestigia gradientem. Sancti in veteri testamēto eadem fide in Christum qua nos, sunt iustificati. Quod si eadem fides est utrosque iustificans, habuēre igitur (statim videlicet post mortem, hoc enim intelligi vis) eandem iustificationis gloriam. Gloria autem iustificationis, est resurrectio gloriosa, totiusque hominis beata & æterna vita. Quare tua quidem sententia, Areti, pij ante Christum defuncti, non anima solum in cælos ascendēre, sed ipsis quoque corporibus beata immortalitate donatis, translati sunt toti prorsus ad superos, ut totius hominis vita beata potirētur: Aut hoc tibi quod sic colligo concedendum est, aut rationis tuæ imbecillitas confitenda. Denique tibi Apostoli magis audienda doctrina est, quam tuis rationibus auscultādum. Ille autem de antiquis iustis ver-

Hebr. 11. ba faciens: Et hi omnes (inquit) testimonio fidei probati, non acceperunt repromissionem, Deo pro nobis aliquid melius providente, ut non sine nobis consummarentur, hoc est, ne prius donarentur vita beata, veteris testamenti sancti quam novi; sed tum demum illi perfici inciperent euecti ad cæleste domicilium, cum hoc novi testamenti electis donaretur. Sicut & non prius resurgent illi ad beatam corporum

rum immortalitatem, quam Apostoli ceteriq;
 noui testamēti participes. Nisi enim etiam (in-
 quit Chrysostomus) nos illuc venerimus, tunc
 prædixit eis saluator non dare mercedem, vide-
 licet immortalitatis. Sicut pater bonus amator
 filiorum, probis & genuinis filijs & opus perfi-
 cientibus dicit, non se daturum comedere, nisi
 venerint etiam alij fratres. Quin & illud in ea-
 dem ad Hebræos epistola magis etiam huc fa-
 cit quod scriptū est, semel in anno solum Pon-
 tificem in secundum tabernaculum introire so-
 litum, eo significasse Spiritū sanctum nondum
 propalatam seu manifestam esse viam Sancto-
 rum, siue in Sancta; hoc est, cælum ipsum:
 quomodo paulò post interpretatur Apostolus,
 Quia nimirum (authore Chrysostomo, quem
 & Theophylactus & Oecumenius & Haimo
 & Anselmus, alijque sequuntur patres) tunc ad-
 huc occlusum fuerit & inaccessum cælū, prius-
 quam Sacerdos noster Christus Dominus, ob-
 lato proprii sanguinis sacrificio, eo fuisset in-
 gressus, suoque ingressu manifestasset iam re-
 ipsa, membris suis eodem patere deinceps viā.
 Quemadmodum & ipse ait ex sua suorumque
 persona: Notas mihi fecisti vias vitæ. Quia (in-
 quit Ambr.) dum post mortem ab inferis redit
 ad superos, cæpit reipsa notam habere viam
 vitæ, quæ antea habebatur ignota. Nemini igi-
 tur ante Christi ascensum iter in cælum patuit,
 sed hanc ipse, vt est Hebr. 10. initiauit Sancto-
 rum viam: Ascendit enim, quemadmodum ha-

*Hom. 18.
in epist. ad
Hebræos.*

Cap. 9.

*Homil. 15
in epist. ad
Hebræos.*

*Psal. 115.
Serm. 74.*

bet Michæas, cap. 2. pandens iter ante eos, qui
Numc. 35. sua morte, tanquam verè summus Sacerdos,
 exilibus liberum iam in patriam reditum ef-
 fecerat.

Ostenditur imbecillitas argumenti quod
 ex eo fit, quia meritum Christi sem-
 per fuerit paternis oculis præsens.

CAPVT VI.

DEinde, inquis, Cùm sit eadem nostra fides,
 que fuit piorum in veteri testamento, idem
 etiam meritum esse Christi vtrisque salutare fa-
 teri necessum est. Eadem autem fides, idem meri-
 tum approbare potuit. Hebraeorum 13. Chri-
 stus heri & hodie, & idem in secula. Itaque mors
 Christi quauis ætate eundem effectum præstitit.
 Non igitur opus est Limbo. Demum, mors filij
 Dei, expians primi parentis & vniuersæ posteri-
 tatis delictum, Deo patri semper præsens fuit &
 est. Nam temporum hac interualla, æterna illa
 maiestas non sic metitur, vt aliud illi præsens sit,
 aliud præteritum, aliud demum futurum. Quo
 facit locus 2 Petri 3. Vnus dies apud Dominum
 est, vt mille anni, & mille anni vt dies vnus.
 Quod sumpsit ex Psalm. 89. Hinc Apostolus ad
 Ephes. 1. ait nos in Christo electos ante iacta fun-
 damenta mundi, vt essemus sancti & irreprehen-
 sibles. Ideoq; cùm Deo Patri mors Christi sem-
 per fuerit præsens, non fuit opus hoc carcere ad
 piorum animas concludendas.

Haftenus ille.

Hoc

Hoc quoque eiusdem omnino farina est, cuius illud prius. Quis enim nescit meritum Christi tunc quoque fuisse salutare, eademque fide apprehendi potuisse? Et quid illo molimine fuit opus, ut mors Christi paternis oculis præsens semper fuisse probaretur? Verum si propterea consequi putes, eosdem omnes effectus habuisse promissum Christi meritum, quos produxit aut producet exhibitum, confunderis de vocatione gentium, de amplificatione ecclesiæ Christianæ per orbem terrarum, de copiosa illa spiritus effusione, propter quam scriptum est: Spiritus nondum erat datus, quia *Ioann. 7.* Iesus non erat glorificatus; De ipsa postremo resurrectione gloriosa, quæ si ad secundum Christi aduentum præstabitur, quamuis eam multò ante meruerit, quid alienum tibi videatur, si & priorem aduentum quidam sint salutare meriti eius effectus consecuti? Sic enim Christus Dominus antecedere voluit suum aduentum quædam gratiæ suæ munera, ut tamen aduentu ipso præcipuam munificentiam suæ benignitatis exhiberet. Ac tamen si in Christo electi simus ante iacta mundi fundamenta, ut essemus sancti & irreprehensibiles, num ideo sancti & irreprehensibiles fuimus, priusquam mundi fundamenta iacerentur? Sicut igitur mors Christi, ab æterno præsens Deo fuit, ad homines illius intuitu prædestinandos, & tamen neque mortis neque prædestinationis effectum sunt ab æterno consecuti; sic licet ante

aduentum Christi, Deo Patri mors eius fuerit
 præsens, ut eius intuitu suos electos vellet ad
 beatificū Dei conspectum perducere: Non ta-
 men id ante aduentum suum præstitit, sed hoc
 præsentiæ suæ reseruauit, quam decebat clario-
 ribus diuinæ gratiæ muneribus, & effusione
 bonorum largiore atque vberiore decorari. Id-
 circo enim & præsens, plurimos ad se conuertit,
 exaltatusq; à terra, tum demum euidentissimè
 cœpit trahere omnia ad seipsum, qui vix pau-
 cos antea à perditorum massa segregabat. De-
 niq; si mors Christi semper oculis paternæ ma-
 iestatis præsens, plenè statim delictū primi pa-
 rentis, & vniuersæ posteritatis expiauit, cur ad-
 huc electi ex primi illius parentis delicto mo-
 riuntur? Per vnum enim (inquit Apostolus)
 peccatum mors: Et; Sicut in vno omnes mo-
 riuntur, ita & in Christo, omnes (suo tempore)
 viuificabūtur. Quod si quia mors Christi sem-
 per fuerit Deo præsens, idcirco nullus esse de-
 buit Limbi carcer ad piorum animas conclu-
 dendas; nulla ergo etiam mors esse debuit, qua
 piorum corpora summa cum molestia, & tristi
 omninò separatione, à suis animis diuelleren-
 tur. Primi autem parentis delicto non mor-
 tem solum corporis relictam esse regeneratis
 renouatisque spiritu Dei hominibus, verum e-
 tiam interclusum olim aditum in cælestem ha-
 bitationem, clarissimè beatus Anselmus ex-
 pressit, tractans locum posterioris ad Corin-
 thios cap. 5. Scimus quoniam si terrestris do-
 mus

ROMAN. 5.

1. COR. 15.

mus nostra huius habitationis dissoluatur, quod ædificationem ex Deo habemus, domum non manufactam, sed æternam in cælis. Non dicit, habebimus (inquit Anselmus) quia videlicet protinus habetur illa domus ex quo ista dissoluitur. Prius autem quam Redemptor noster morte sua humani generis pœnam solueret, eos etiam qui cælestis patriæ vias sectati sunt, post egressum carnis inferni claustra tenuerunt: Non vt pœna quasi peccatores plecteret, sed vt eos in locis remotioribus quiescentes (quia necdum intercessio Mediatoris aduenerat) ab ingressu regni reatus primæ culpæ prohiberet: Sic ille.

Respondetur ad argumentum peti-
tum à Sacramentis veteris Testamenti.

CAPVT VII.

A Dde etiam illud, inquis, cum Apostolus ad Corinthios prioris cap. 10. & Coloss. 2. tanta diligentia doceat, veteres eadem habuisse Sacramenta quæ & nos, Quid ni etiam eundem habuerint vsum quoque? Tempus igitur Patres non impediuit, quo minus fruerentur virtute mortis Christi, quemadmodum & nos.

Si te, Ateri, mortis Christi meritum, perpetuo patri præsens, nihil in tua hac causa adiuit, multò minus sacramenta iuuabunt, præfertim quæ nihil aliud quam signa esse statuitis, aut sigilla quædam acceptæ per fidem iustificationis. Quæ si nec iustitiam vllò vnquam

tempore præstiterunt, nec iuxta conscientiam (quemadmodum beatus Apostolus docet cap. 9. epistolæ ad Hebræos) perfectum potuerunt facere seruientem; quonam modo mox à morte cōtemplationem beatificam diuinitatis præstitissent? Sint ergo sacramenta eadem populi vtriusque, neque de hoc tecum digladiemur hoc tempore: quamuis & Augustini & Catholicorum cæterorum non ignota tibi doctrina sit; Veteris testamenti sacramenta significasse & præfigurasse iustitiam; noui verò testamenti Sacramenta, eandem præstare atque efficere virtute dominicæ passionis. Verum hoc nunc certamen omitto; tantum ex te quæro, quonam modo illius temporis sacramenta beatificabant post mortem, & quidem continuò, quæ nec in vita iustificauerant? Quonã usu suo efficere potuerunt, vt animæ iustorum mox clara Dei visione fruerentur, quæ nihil veræ purgationis, vti & B. Apostolus docet, & ipsi quoque dicitis; efficere per seipsa potuerint, sed infirma fuerint egenaque elementa; à quibus proindè nec sanctitas nec beatitudo fuerit expectanda? An sicut hic fidem excitabant ad appræhendendam iustitiam, ita & post mortem excitârunt fidem ad appræhendendam visionem? Vides tu hoc quoque esse ridiculum. Sed vsum Sacramentorum fuisse dices, in exhibenda virtute mortis Christi. Vbi ergo, inquam, exhibebant illa mortis dominicæ virtutem? Si in hac tantum vita, ergo ad solam iustitiam: si & post mortem

cam

eam exhibebant ad beatæ visionis effectum, ergo & post mortem vtendum erat Sacramentis. Quod si dixeris, eo ipso profuisse ad accipiendum sine mora cæleste illud regnum, quo hic ad iustitiam contulerant: tum ad superiora te reuocabo, vnde intelligas non fuisse necesse iuxta documenta scripturarum, vt iustitiæ sine mora sua post mortem præmia redderentur. Veruntamen quoniam id, quod falsissimum esse constat de ijsdem vtriusque populi Sacramentis, Scripturæ Apostolicæ testimonio corroborare voluisti, non omittam quin te obiter admoneam vt iterum iterumque legas quod ex capite decimo prioris ad Corinthios protulisti: Omnes (inquit Paulus) eandem spiritualem escam manducauerunt, & omnes eundem potum spiritualem biberunt. Quæro ergo, num dicere velit eundem illos nobiscû, an eundem inter se, & manducasse cibum spiritualem & potum bibisse? Quod si intenderis animum, profectò reperiēs nihil in toto illo cōtextu Apostolicæ doctrinæ esse, quod nos ad priorem illam, hoc est, tuam intelligentiam cogat. Imo verò cum subiungat: Sed non in pluribus eorum bene placitum est Deo; satis id insinuat se velle, quamuis omnes illi eadem inter se habuerint Sacramenta communia, non omnes tamen, sed nec pluresque Deo fuisse acceptos, vt qui non obstantibus Sacramentis quæ magno Dei munere acceperant, perditè nihilominus viuētes, tantisque Dei beneficijs ingrati

grati, merito suo prostrati sint in deserto: & hoc ut populus etiam Christianus intelligat, non impeditura esse Sacramenta, quæ accepit, quamvis ea multò sint præstantiora veteribus, quin iram Dei grauiorem incurrat, si vitijis similibus inquinetur, quem maiore deceat sanctitate pollere. Capite vero secundo epistolæ eius quæ scripta est ad Colossenses, nec iota quidem vnum est, quod pro tua sententia faciat. Neque enim quia circuncisos dicit esse nos circuncisione non manufacta, ideo Sacramentum Circuncisionis significare voluit, nobis cū illis esse commune: sed Sacramentum quidem ipsum circuncisionis penes illos fuisse; at penes nos esse rem eam, quæ illo signaculo adumbrabatur: quæ res ne nunc quidem Sacramentum est, sed tantum Sacramenti, non eiisdem, hoc est, Circuncisionis, sed baptismi quo regeneramur, effectus.

Ridiculo conatu descensum Christi ad inferos, ad mortis manifestationem detorqueri.

C A P. V I I I.

Post hæc niteris nostras ipse rationes conuellere: quod quanta dexteritate facias, ex tuis hisce verbis liquet.

Caterum, inquis, rationes illorum audiamus. Primum aiunt articulum fidei esse, Christus descendit ad inferna; ad quid autem descendisset, nisi ut Patres inde liberaret? quomodo autem inde
libe-

liberaret, nisi illic essent? Ad hoc argumentum solutionem subiungens. Respondemus, inquis, non esse consequens, Christus descendit ad inferna, ergo illic patres fuisse in limbo. Nam de eo articulo notum est fuisse varias semper sententias, & non defuere, qui planè è symbolo tollerent, quibus tamen minimè consentimus. Deinde alij [חשן] scheol, hic pro sepulchro sumunt, ac si idem quod prius diceret, Sepultus est; quod tamen non recipimus: quare descendisse Christum ad inferos concedimus, Sed quid hoc ad limbū? Nam descensum Christi piè possumus intelligere, quod sit manifesta mors illius malis spiritibus, ut quem hactenus sepe audierant promissum mortalibus, hunc iam exhibitum scirent. Quod sanè clariori aliqua illustratione fieri potuit: Non tamen sequitur, ergo patres illic in limbo fuerunt.

Ut video Areti, valdè hic te torquet Christi ad inferos descensus, & ideo fidei nostræ articulum incertum ac dubium, & pro tuo instituto, problematicum conaris efficere. Quo sanè ipso causæ nostræ demonstras firmitatem, quæ labefactari abs te, nisi sublato fidei articulo, non possit. Cùm enim ais, non nuper, sed semper varias extitisse, de hoc articulo sententias: & alios quidem planè è symbolo sustulisse, alios infernum pro sepulchro accepisse, quid aliud moliris, quam ut existimandum videatur non esse fidei, Christum ad inferos descēdisse? Nam si hæreticorum varias illas sententias intelligis, nihil id confert ad firmandum argu-
men-

mentum: sin catholicorum & ecclesiæ Dei, non ergo fidei est articulus. Quare nec symbolo fidei nostræ fuit inferendus, qui mox à catholicis quibusdam sine fidei præiudicio è symbolo fidei tolleretur. Vellem ergo dixisses quorum illæ fuerint sententiæ: non quod nostræ ætatis hæreticorum pugnas hac in re nesciamus; sed quia semper varias fuisse de hoc articulo sententias scribis: dic quorum; Ecclesiæ, an aduersariorum eius? An fortè quia Concilij Nicæni patres, descensus ad inferos non meminere, idcirco id è symbolo fidei sustulerunt? Quasi videlicet propterea deleuerint in symbolo Apostolico, quia non exprefferint in suo. Nam neque sepulturæ idem symbolum meminit, vti nec Athanasius in symbolo suo; neque tamen propterea eum articulum è symbolo fidei sustulisse dicendi sunt. Qui etiam descensum ad inferos, nihil aliud esse putarint quam sepulturæ eius significationem, vnumque alterius interpretationem esse censuerint; nullos nisi hæreticos, aut nullius ponderis authores proferre possis. Quod & Calvini ipse, vti cuius facillimū fuit, sic refellit, vt dicat rem minimè difficilem, verbisque expeditis & clavis demonstratam, obscuriote verborum cōplexu non potuisse illustrari, neque esse verisimile irreperere potuisse superfluā eiusmodi battalogiam in compendium hoc, vbi summatim, quam fieri potest, paucissimis verbis præcipua fidei capita notantur. Quocirca sententiarum ista varias, adiumento tibi non po-

test

test esse ad debilitandum argumentum, quod tamen hoc modo conaris infringere. Ais enim propterea ex Christi ad inferos descensu nihil posse de Limbo statui; quia notū sit varias semper de illo articulo sententias extitisse. Cæterum qualescunque ad authores aspicias, tamen eorum sententias probari tibi negas. Melius ergo aliquid Areti substitue. At quid illud? *Descensum enim ais Christi, piè possumus intelligere, quod sit manifestata mors illius malis spiritibus.* Iam melius Areti, aut ex professo sustulisses è symbolo, aut in sepulchro mansisses, quam sic piè, hoc est, imperitè luderes in Christi ad inferos descensu. Si enim propterea descendit ad inferos: quonā ergo modo reductus ex inferis? Reduxisti (inquit) ex inferno animam meam; *Psal. 119.* Et, Non derelinques animā meam in inferno. *Psal. 115.* An fortè vsq; ad tertium duntaxat resurrectionis diem, eum qui promissus fuerat exhibitum scierunt, & resurgente Christo omnis illa scientia elapsa est? Quæ si perdurauit, Christus ergo remansit apud inferos. Quomodo enim non propter hoc mansit, propter quod solum descendit? Atqui non ait Psalmus, Non derelinques mei notitiam in inferno; sed, non derelinques animam meā in inferno. Vndè certissimè colligitur non per sui duntaxat. notitiam, sed planè secundum animam suam descendisse Christum ad inferos, quomodo secundum corpus suum triduo dūtaxat in sepulchro relictus est, ne contingeret sanctum eius videre corruptio-

ptionem. Rursum, si malis spiritibus manifestari cōueniebat apud inferos exhibitum illum esse, quem sæpè mortalibus promissum audierant, vnde tibi constat non esse manifestationem hanc factam, mox vbi stellæ indicio natus est, aut postquam miraculis clarus & celebris effectus est? Quod si id factum est, quoniam ille iam exhibitus erat, qui fuerat promissus mortalibus, idq; spirituum eorum intererat vt nossent, igitur & ante mortē ad inferos descendit; cū tamen habeat regula fidei, descensum ad inferos mortem ipsam subsecutum esse. Id quod tu ipse sic retines pro indubitato, vt obijciendum putaueris ijs, qui totum quod de descensu ad inferos scribitur, ad sensum iræ diuinæ referunt, qui sensus eo grauior erat, quod pœnas subiret irati patris pro tanto humani generis delicto.

Nam si quæras, inquis, quando hic sensus iræ diuinæ inceperit, quando item sit finitus, respondēt fortasse cœpisse in horto dū orauit & sanguine sudare cœpit: finitum autem in cruce cū tradidit animam. Verum descensus ad inferos hac omnia est consecutus, ideoq; frustra adferuntur illa.

Hæc tu in problemate de descensu ad inferos: Quibus, vt iure verèque refellis commentum illud improbabile de sensu iræ diuinæ, tanquam is fuerit ad inferos descēsus; ita metuere debes, ne istud tuum inuentum de manifestatione mortis Christi, iure ab alijs refellatur, nec alio, quam tuo ipsius argumento. Qui deindè
con-

conueniebat malis spiritibus mortem saluatoris peculiariter manifestari, cū ex mortis nuncio increduli illi spiritus magis persuadere sibi potuerint, non esse saluatorem mortalium, qui mortem ipse subire coactus esset? Nam & hi qui in terris vagabantur spiritus mali, ipsique adeò principes spirituum immūdorū, si scissent mortem Christi futuram fuisse mortalibus saluatorem, nunquam cum in mortem per Iudeorum furorem pertraxissent, neque vnquam, vt Apostoli verbis utar, Dominum gloriæ crucifixissent. Sed hoc insitū tenebant, saluare non posse, quem mori coëgissent. Quæ illos decipit opinio, quod vim dominicæ mortis ignorabant: Magis ergo resurrectionem Christi, & ascensum eius in cælum, atq; effusionem promissi spiritus manifestari conuenerat apud inferos: Quod si proindè factum est; igitur & postquam resurrexit, immo & posteaquam iam ascendit in cælos, descēdit ad inferos Christus, per illam gloriæ suæ manifestationem. Cū enim non ad salutem, sed ad cruciatum facta putanda sit Christi manifestatio apud malignos spiritus, magis profectò de gloriæ & virtutis nuncio terreri, torquerique potuerunt, quam de nuncio imbecillitatis & mortis. Quid deindè clariori illustratione præstitum malis spiritibus? an vt scirent Mariæ filium esse mortuum? Sed hoc per suos collegas, qui eum occiderant, discere potuerunt, nihil vt opus esset ad eam rem clariori illustratione. An vt cre-

I. Cor. 2.

derent eum, qui occisus esset, Dei esse filium, mundiꝛue liberatorem? Ergo fideles effecti sunt apud inferos, qui hic credere recusarant. An ut hoc ipsum intelligerent, non crederent? Feliciores ergo nobis, quibus adhuc in expectatione est, ut quod credimus, tandem clarioris beneficio illustrationis intelligamus. Rursum, si in hac manifestatione mortis, descensus ille ad inferos constituendus est; quaro id ne faciendum sit propter rem manifestatam, an propter manifestantis operationem? Si propter rem manifestatam; Mors ergo Christi & crux eius atque sepulchrum ad inferos descenderunt: sin propter manifestantis operationem, ergo & pater & spiritus sanctus descendit ad inferos; eò quod nulla sit vnus operatio personæ, quæ non sit eadem numero cæteris tribuenda personis. Certa enim sententia est, & tam vera quàm trita, Opera Trinitatis indiuisa esse. Quod vellem Durandus ipse attendisset, non esset (quantum arbitror) tam incircumspectè descensum ad inferos interpretatus, propter effectum quem anima Christi in ijs qui apud inferos erant, habuerit. Cum enim eundem effectum tota produxerit beatissima Trinitas, quis non intelligat sequuturum ut pari ratione totam illam ad inferos descendisse fateri debeamus? Nec verò satis fuerit à quoquam hoc patrocínio defensus, si dixerit illū ad causam meritoriam respexisse. Nam si Christus rectè dicetur ad inferos descendisse propter effectum meriti sui, quan-

quanto magis tota Trinitas propter suæ diuinitatis energiam? Postremò si propter mortis manifestationē descendit ad inferos Christus, non igitur eo descendit secundum animam tantummodo, verum etiam secundum corpus; cum constet mortē hominis tam sine corpore quam sine anima concipi omninò non posse. Atqui hoc apud omnes catholicos in cōfessio est, quod etiam clarissimè Diuus Fulgentius explicauit tanquam ad fidei regulas pertinēs, Dei filium in sepulchro secundum solam carnem iacuisse, & in infernum secundum solam animam descendisse: & hoc cum in libro De fide ad Petrum diaconum facit, tum & alijs inculcat locis: velut in epistola ad Ferrādum diaconum, & lib. 3. ad Trasimundum Regem cap. 34. Non enim nesciebat esse hanc Augustini doctrinam tractatu in Ioannem 78. sic scribentis. Quis non est derelictus in inferno? Christus Iesus, sed in anima sola. Quis resurrecturus triduo iacuit in sepulchro? Christus Iesus, sed in carne sola. Iam ut te ipsum audias Areti magnopere postulo. Nōne cum de descensu Christi ad inferos scribis, constare ex Petro asseris Christum spiritu ad inferos descendisse? Ais enim: *Porro quomodo descēderit corporēne, an spiritu: difficile quidem est hac Dei arcana perscrutari. Tamen ex Petro constat, spiritu Christum descendisse. Nam expresse inquit, In quo, scilicet spiritu, profectus predicauit spiritibus, &c. Spiritu igitur cum predicarit illis, & spiritu cum sit ad eos profectus;*

sequitur spiritu illum descendisse. Ac ne dubium esset, quid nomine spiritus significare velles, non multò post animam Christi significare te demonstras, his verbis. Sed de illo non satis constat, quamdiu apud inferos sit commoratus. Non diu ut apparet, ut eadem die secundum animam ab inferis reuersus, gloriosè paradisum sit ingressus cum Latrone. Hoc tu quidem magno errore ob vanum illum metum, ne dicendum esset, Christum eadem die qua mortuus est, non fuisse cum Latrone in paradiso. Veruntamen satis apertè declaras, quid vocabulo spiritus lineis superioribus intelligi volueris. Paulò quoque post: Nec validius est, inquit, alterum quod afferunt, Christum scilicet commendasse animam in manus patris. Nam anima Christi semper in manibus patris fuit, etiamsi descenderit ad inferos. Quin etiam doces postea, descensum illum Christi secundum animam necessarium fuisse: Quod verò dicunt, ais, Non fuisse opus hoc descensu, principium petunt: Quomodo enim opus nõ esset, quod Christum fecisse pronunciat scriptura, & quod cõfitemur in symbolo? Necessarium igitur fuisse iudicamus.

Hæc tua (vt opinor) verba recognoscis. Cùm igitur Areti, alio loco de Christi ad inferos descensu sic differas, vt de eo secundum spiritum seu animam ex scriptura sacra constare dicas, vt necessarium fuisse iudices, vt hoc nos in symbolo affirmes profiteri; cur hic eandem rem in dubium vocas? Cur in eo iam catholicis aduersaris,

faris, quod aduersus alias sectas defendis vt
 certum & indubitatum? Nōne hic animad-
 uertis, quanta tenearis libidine ecclesiæ cōtra-
 dicendi, aduersus quam disputans, non ei con-
 cedendum puras, quod aliās vt certum neces-
 sariumq; defendis? Quæ deinde pietas intel-
 lectus, qui sit contra scripturam, contra sym-
 bolum, cōtra tuum ipsius iudicium? Si ergo, vt
 ipse vehēmenter alio loco confirmas, Christus
 secundum animam descendit ad inferos, pate-
 re nos hoc vti argumento, ad Limbi stabiliendā
 assertionem; quia Christi anima apud inferos
 fuit te quoque iudice, & tamen in gehenna &
 stagno illo ignis & sulphuris cum diabolo non
 fuit. Nec vlla efficiet tua ratio, vt propter solos
 spiritus reprobos aut dæmones, hic Christi se-
 cundum animam descensus, aut factus esse, aut
 necessarius extitisse credatur: Nam quod de
 illuminatione seu clariori apud inferos illustra-
 tione facta commemoras, Id scriptura refert
 non ad damnatos, qui proiecti sunt in tenebras
 exteriores, longeque ab omni spiritus illumi-
 natione remoti, sed ad eos iustorum spiritus,
 qui illic positi sperabant in Domino. Sic enim
 apud Ecclesiasticū loquitur Sapiētia Christus *Cap. 24.*
 Dominus: Penetrabo omnes inferiores partes
 terræ, & inspiciā omnes dormientes, & illumi-
 nabo omnes sperantes in Domino; illos nimi-
 rum de quibus à Domino dicitur in euangelio;
 Multi prophete & iusti cupierunt videre & au- *Matth. 13.*
 dire, quæ vos videris & auditis. Propter hos

*Libro 4. de
Trinit. in
fine.*

enim (inquit S. Irenæus) descendit Christus in inferiora terræ; sicut Hieremias ait: Re-
memoratus est Dominus sanctus Israël mor-
tuum suorum, qui prædormierunt in terra de-
fossionis, & descendit ad eos, vti euangelizaret
eis salutare suum, & saluaret eos. Sic Irenæus
lib. 4. aduersus hæreses cap. 39. Quo referen-
dum est quod Diuus Hilarius ait mortem in
inferno peremisse Christum; quia videlicet e-
lectos suos qui communi mortis lege apud in-
feros tenebantur, reuocarit ad vitam. Ideirco
enim, vt habet epistola Felicis Pontificis, ver-
bum Dei, inferni claustra contriuit, vt viuifica-
rete eos qui à sæculo mortui sunt. At Caluinus
suarum Institutionum lib. 2. cap. 16. Hilarij
sententiam aliò longè detorsit. Cùm enim do-
ctrinam de Patrum Limbo receptissimam, fa-
miliari sibi arrogancia, fabulam esse pronuncia-
ret; simulque interim fateretur à magnis au-
thoribus eam confirmari, (qui tamē magni au-
thores esse non possunt, si tanto consensu, pro
veritate, fabulosa commenta posteris propina-
rint) inferos, ne procul esset eundum, in ipsa
cruce posuit; videlicet ipsum terræ cor in exal-
tatione à terra constituens, descensumque ad
inferna fingens ipsa morte priorem, vt qui in eo
positus fuerit quod Dei filius in cruce pendens
ad corporis cruciatus hoc adiunxerit, vt cum
inferorum copijs, æternæque mortis horrore,
quasi confertis manibus luctaretur: atque hoc
totum, vt Dei iudicio satisfaceret, placatæque
Patris

Patris ira, hoc suo mērito mortem, vt Diuus Hilarius ait, perimeret. Quasi non euidentissimē sanctus ille doctor, symboli Apostolici secutus ordinem, inferos post crucem mortemque posuerit, libro 2. de Trinitate. Quo quidem loco non significat, descensu ad inferos, Christum vitam nobis meruisse: quod vult Calvinus in illis Hilarij verbis intelligi; vt inferos non post crucem, sed in cruce statui Christo debere, Veteris alicuius authoritate confirmaret. Sed nihil mirum si perperam intelligat, qui vel deprauatum legit Hilarium, vel lectionem ipse deprauatit. Sic enim legit Calvinus; Crux, mors, inferi, nostra vita sunt: cum ex diuo Leone qui hunc citat Hilarij locum, sic constet esse legendum: Virgo, partus & corpus; post quæ crux, *Epist. 79.* mors, inferi, salus nostra est. Quibus verbis non significat quod descēsu ad inferos nostram salutem patri satisfaciendo meruerit; sed ordinem expressit rerum gestarum, quo crucem & mortem, descensus ad inferos, atque hæc omnia salus nostra, in populorum conuersione secuta est. Verūm contra Caluinum prolixius agere non huius est instituti: & si esset, nihil ei grauius atque intolerabilius impingi posset, quam id quod vltro ipse fatetur; cum tale sit vt ne torto quidem, si fateretur, ignosci deberet, Christum quo maius atque excellentius patri pretiū offerret, diros in anima cruciatus daminati & perditī hominis pertulisse, istoque modo ad inferos descēdisse; videlicet, non propter

infernales sedes ad quas penetrârit, sed propter gehennæ & desperatissimorum spirituum tormenta quæ in cruce perpeffus sit. Cæterum, benè habet quod alibi Divus Hilarius clarè nobis suam aperuerit mentem, de Christi ad inferos descensu. Siquidem enarrans Psalmum 53. Morte, inquit, non interceptus vnigenitus Dei filius ad explendam quidem hominis naturam, morti se, id est, discessioni se tanquam animæ corporisque subiecit, & ad infernas sedes, id quod homini videtur debitum esse, penetrauit. Habes in illis D. Hilarij verbis, Christum Dominum post animæ à corpore discessionē, non ad desperationem damnatorum sese demisisse, sed ad ipsas inferorum sedes penetrasse. Quid autem respondisset Caluinus ad Ephesini concilij verba, scire vellem: Aiunt enim Patres, pro omnibus Christum gustasse mortem, & tertia die resurgentem expoliasse infernum. Quo etiam modo S. Basilius ait, deuicto mortis regno, redisse à mortuis Dei filium cum spolijs; quemadmodum eius verba referuntur lib. 5. Vigilij Tridentini. Et D. Ambrosius resurgentem ex inferis Christum venisse nouis redimittum exuijs, & spolio ex morte quæsito. Hic certè nullum ei refugium relictū est ad Christi satisfactionem qua infernum spoliauit, quoniam ea peracta sit ante diem tertiam, fueritque in ipsa cruce plenissima. Quonā ergo modo, tertia demum die resurgēs Christus, infernum spoliauit; nisi quia tum, ex inferis rediens victor

*Libro 4 de
fide ad Gra-
ecianū ca. 1*

victor mortis atque inferorum, secum eduxerit quos voluit, & in ijs tanquam spolia quædam pretiosissima amplissimaque exportarit? Habes igitur grauissima quoque illius concilij autoritate confirmatum, propter quos Christus ad inferna descenderit; nimirum non propter impios illos damnatosq; spiritus, quos ibi reliquit æternæ captiuitatis obstrictos vinculis; sed propter eos qui in ipso spem habuerāt, quos illuminatos præsentia sui, eripuit inferis, regnoque cælesti donauit.

Petri locus num quam vim habeat ad Limbum stabiliendum. CAP. IX.

Afferunt, inquis, locum 1. Petri 3. & 4. capite, Christum descendisse & prædicasse spiritibus in carcere detentis, Et ca. 3. Ideo prædicatum est mortuis, vt iudicentur secundum carnē, viuant autem Deo spiritu. Primum, locus prior cap. 3. planè loquitur de impijs, quos non redemit nec eduxit: Frustra igitur ad limbi defensionem trahitur, vt cui sanctos tribuant. Posterior autem locus, de bonis quidem loquitur, sed non exprimit à Christo factam hanc prædicationem. Deinde si maxime Christo tribuatur id, non tamen hic dicit apud inferos & in limbo factum; sed mortuis inquit prædicatum esse euangelium: quod verū est; Christus enim ascēdens in celum, plausibile illis attulit euangelium, ac iudicādos inquit esse secundum carnē, vt viuerēt Deo spiritu. Quod de sanctis omnino verū est. Iudicabuntur etenim pij

etiam secundum carnem tanquam homines, in iudicium autem non intrabunt, hoc est, non damnabuntur, sed Deo vivent. Sed possunt mortui intelligi etiam viuentes peccatores, ut Christus inquit: Sine mortuos sepelire mortuos suos: Et Apostolus ad Timoth. 5. Vidua petulans viuens mortua dicitur. Ideoq; D. Augustinus, vult esse collationem temporum Noë & predicationis Christi in carne. Haftenus Aretius.

Quod ad priorem pertinet Petri locum, das hoc saltem nobis Areti, de Christi ad inferos secundum animam descensu rectè intelligi, ut hac in parte patrocínio Veterum non magno-perè sit opus; in quibus clari aliquot scriptores Petri locum eodem retulerunt. Velut, Athanasius in epistola ad Epictetum Corinthiorum Episcopum: Et Tractatu aduersus Apollinaré, de salutari Christi aduentu. Cyrillus quoque lib. de recta fide, ad Theodosium; In libro de recta fide ad Reginas: Libro quoque 12. in Ioannem capite 36. Quibus consentit & ille commentarius Diuo inscriptus Ambrosio in illud 10. capitis ad Romanos: Quis descendit in abyssum. Nec ab eo sensu alienum est, quod legitur apud D. Hieronymum in cap. 54. Isaia; ubi commentarius ex Origene depromptus est. Nec verò necesse est, plura testimonia cōgerere in eo quod abs te nobis conceditur. Veruntamen nihil id valere ad Limbum astruendum, propterea vis, quod de impijs loquatur Petrus; ad quos quamuis descenderit Christus, non
tamen

tamen eos redemerit neque eduxerit. Sed quæro, Cur tam planum sit, Petro sermonem esse de impijs apud inferos constitutis? Respondebis, opinor, quia dicat prædicatum esse spiritibus ijs qui increduli fuerant aliquando. An verò propterea planum est de impijs in sua incredulitate damnatis sermonem esse? Imò verò non permanentis impietatis potius significationem facit, quod non dicit, Qui increduli adhuc erant; sed qui increduli fuerant aliquando. Nam quod adiungitur de arca Noë, id probabili sensu ab antecedentibus auellitur, in quo explicando hære non nostri est instituti. Quod si quæras, quando ergo spiritus illi fuerint increduli siue inobedientes? facile erit respondere, priusquam iustificarentur, beneq; ac sanctè ex fide viuerent, incredulos inobedientesque fuisse, saltem in parente primo, in quo omnes, teste Paulo, peccauerunt. Nam eò respexisse sanctum Athanasium, verba eius illa declarant: Qui de Adæ inobedientia quæstionem habuit, iudicioque peracto, duplicem peccatam in sententia sua complexus erat, dum rei terrestri ita loquitur: Terra es, & in terram reuerteris: Atq; hinc est quod homo in duas partes discerpitur, & ut ad duo loca discedat condemnatur. Ac proindè opus fuit illo ipso iudice qui hoc decretum tulerat, ut ipse per se sententiã solueret, sub specie condemnati, in condemnatum se sincerumque à peccato ostendens. In his verbis eam condemnationem qua fit, ut corpore

Roman. 3

In tractatu
de natura
humana
suscepta ab
vniuerso
verbo, &
contra A-
pellinarè;
libre ante
finem.
tom. 3.

pore in terram abeunte, anima discedat in infernum, ascribit Adæ inobedientiæ. Nam agi de descensu ad inferos, ex superioribus constat verbis. Qua ratione, inquit, factum est, vt cum Dominus adesset incorporaliter, pro homine à morte sit agnitus, vt earum animarum quas infernus tenebat, vincula, sua anima inobnoxia quidem vinculis mortis, sed tamen quæ quasi obnoxia facta esset, disrumperet, explicans illis modum rationemq; suæ resurrectionis, vt Plastes ille & conditor hominis, hominem damnationi subiectum ipse præsens ad plenû liberaret in sua forma. Hæc Sanctus Athanasius. Quibus persimilia reperiæ apud Diuum Fulgentium: nec vana, vt arbitror, suspicio est, hæc illû ex Athanasio mutuatum esse. Diuus quoque Hieronymus in illud Zacharię 4. Tu quoque in sanguine testamenti; Et in illud Osee 13. Ero morsus tuus inferne, detentionem sanctorum in inferno refert ad peccatum Adæ, siue inoliti erroris peccata. Et Epiphanius in hæresi Tatiana, quæ est 46. Christum venisse dicit, vt his qui olim ipsum cognouerant, & ab ipsius Deitate non aberrauerât, verûm propter errores in inferno detenti erant, indulgentiam largiretur. Si autem placuerit nullam auulsionem facere, sed vno cõtextu accipienda putentur quæ subiuncta sunt de Noë historia, in promptu erit & ille sensus, vt intelligâtur increduli fuisse, qui fabricanti quidem arcam Noë non crediderunt diluuium esse venturum, nimium videlicet sibi

*Libri tertij
ad Trasimundum
Regē, c. 30.*

sibi de Domini lenitate promittentes, sed tamen diluuiο inundante, terrore perculsi seroque credentes pœnitentiam egerint. Nam & ea non contemnendorum interpretum expositio est. Sed & hoc reperitur apud quosdam, vt dicantur illi sancti increduli fuisse cum expectabat Dei patientia, (siue vt alia habet lectio, quando expectabatur Dei patientia) in diebus Noë, quia cum vulgo hominum expectantium Dei patientiam, non crediderint diluuium non esse venturum, ideoque pro incredulis habiti sint à multitudine: quomodo de se ait Ieremias Seduxisti me Domine & seductus sum, pro- Cap. 20.
 pterea quod passim vt malus propheta & seductus haberetur. Cernis Areti quot vię nobis pateant, vt libera esse possit de piorum spiritibus interpretandi facultas. Quanquam quid ad rem pertinebat, vt de impijs spiritibus hoc interfereretur, quibus nulla potuit ad salutem prædicatio fieri, sed ad confusionem duntaxat ac damnationem; Quid, inquam, attinebat illud interferi à Petro, à quo ex professo Christi beneficium & misericordia erga homines amplificaretur? Nam Christus, inquit, semel pro peccatis nostris mortuus est, iustus pro iniustis, vt 1. Pet. 3.
 nos offerret Deo, mortificatos quidem carne, viuificatos autem spiritu: in quo & his qui in carcere erant spiritibus veniens prædicauit, qui increduli fuerant aliquando. Ideoque fateatur ipse Calvinus, libro suarum Institutionum secundo, cap. 16. contextum eò nos ducere,
 fide-

fideles, qui ante id tempus defuncti fuerant, consortes fuisse eiusdem nobiscum gratiæ: quia vim mortis (inquit) inde amplificat, quod ad mortuos vsque penetrauerit, dum piæ animæ eius visitationis, quam sollicitè expectauerant, præsentis aspectu sunt potitæ. Verum pias hæc mortuorum animas Calvinus in carcere fuisse non putat, quemadmodum nos apud Petrum legimus, sed in Specula, quomodo ipse legendum arbitratur; quod vndè somnariarit diuinare non possum, cum constet alienum id esse à græcæ dictionis significatione, & à communi (quod & ipse agnoscit) hætenusque probata lectione abhorrire. Sed hoc fingendum erat potius, quam Limbi carcer agnoscendus. Quamquam viderit, an non melius illos spiritus reliquisset in carcere, qui si fuerint in specula, inde res humanas prospicere & curare, opemque cum necesse esset afferre potuerint.

Quod verò ad alterum Petri locum spectat: Quamuis eum non vrgeamus, neque vim aliquam ad Limbum statuendum habere putemus; tamen quale est, quod eum tu referas ad spiritus in cælo beatos? Quasi videlicet priusquam ascendisset Christus in cælum, non vixissent Deo spiritu, sed vt sic viuerent, ad hoc eis fuerit euangelium Christi voce prædicandum. Si enim propterea est illis euangelizatum, vt spiritu viuerent Deo; mortui ergo prius erant spiritu; quare nec beati, nec Dei clara visione perfruentes, nec omnino in cælo; in quo
illo

ille status est, quem Propheta expressit, vbi videlicet iam amplius non diceretur, Cognosce Dominum; ideoque nec euangelio omninò sic opus. Deinde, cum iudicium secundum carnem opponat Petrus vitæ ei quæ secundum spiritum est, hoc sensu, vt quamuis iudicentur carne, tamen viuant spiritu: perspicuum est iudicium hoc carnis, damnationem quandam & pœnam mortemque esse, quæ à beatorum corporibus in illo vltimo iudicio longè erit. Mortuos ergo rectè intellexerimus homines mortè destinatos & propinquos, siue per iudicis sententiam, siue per morbi viam, qui immedicabiliter oppresserit; Hi enim pro mortuis deputantur. Veruntamen & quibusdam talibus euangelizatum fuit, vt quamuis carne mortis iudicium subirent, tamen conuersi atque baptizati, spiritu viuere possent. Sic enim sanctus Epiphanius libro primo aduersus hæreses, hæresi 28. rectè accipi posse putat illud: Quid faciunt qui baptizantur pro mortuis? Quod morti vicini, inquit, si fuerint in pietatis doctrina instructi, ob hanc spem ante obitum, lauacro digni fiunt, ostendentes quod qui mortuus est resurget, & ob id indiget remissione peccatorum per lauacrum: Sic Epiphanius. Ac tametsi D. Augustinus epist. 99. sub finē declararet, posse mortuos, infideles intelligi (Fieri enim potest, inquit, vt mortuos dixerit infideles, hoc est in anima mortuos: de quolibus dicitur; dimitte mortuos sepelire mortuos suos) & ideo non cogere

Ierem. 31.

1. Cor. 15.

Matth. 3.

cogere ea verba, vt apud inferos intelligatur hæc mortuis facta prædicatio: tamen iudicium secundum carnem non aliter accipere potuit, quam vt pœna & damnatio aliqua temporalis nomine iudicij significaretur. Propterea enim (inquit) in hac vita & mortuis euangelizatum est, id est, infidelibus & iniquis, vt cum crediderint, iudicentur quidem secundum homines in carne, id est, diuersis tribulationibus, & in ipsa morte carnis. Vnde idem Apostolus alio in loco dicit, tempus esse vt iudicium incipiat à Domo Dei: Viuant autem secundum Deum spiritu. Sed quamuis in priore illo de mortuis per infidelitatem, Augustinum sequeris; in hoc tamen quod adiungitur de iudicio secundum carnem, sequi D. Augustinum non poteris, nisi fateare peccatis remissis, in quo inest vita spiritus, restare adhuc temporalem in morte pœnam. Quid ergo te iuuat, quod cum Augustino infideles intellexeris, quando quod de iudicio exponitur, cum Augustino intelligere nec velis nec per tuam hæresim possis? Denique quod postremò loco ponis, de collatione temporum, Noë & prædicationis Christi in carne; non posterioriorem hunc Petri locum, (quemadmodum tua verba præ se ferunt) sed priorem, Augustinus eò retulit, neque id interpretatione non dubia, sed réperata per [fortè]. Considera (inquit) ne fortè totum illud, quod de conclusis in carcere spiritibus, qui in diebus Noë non crediderant, Petrus Apostolus dicit, omninò ad in-

1. Petri 4.

*Epistola 99.
inter me-
dium &
finem.*

ad inferos non pertineat; sed ad illa potius tempora, quorum formam ad hæc tempora transtulit. Illa quippe res gesta forma fuerat futurorum; vt ij qui modò non credunt euangelio, dum in omnibus gentibus ædificatur Ecclesia, illis intelligantur esse similes, qui tunc non crediderunt cum fabricaretur arca. Illi autem qui crediderunt, & per baptismum salui fiunt, illis comparentur qui tunc in eadem arca salui facti sunt per aquam. Vnde ait: Sic & vos simili forma, baptisma saluos facit. Hæc Augustinus. Quibus si additur epistolæ conclusio eiusmodi: Hæc expositio verborum Petri cui displicet, vel cui etiam si non displicet, non tamen sufficit, quærat ea secundum inferos intelligere. Qui si valuerit illa quibus memoueri supra commemorauimus ita soluere, vt eorum auferat dubitationem, impartiat & mihi. Ad hæc igitur omnia Augustini verba si quis attenderit, faciliè perspiciet non esse verum, quod ais, Augustinum velle esse collationem temporum Noë & prædicationis Christi in carne, cum constet nihil eum hic adhuc fixum habere, sed inquirere, & quod melius sit impartiri sibi cupere.

De loco i. Petri 3. quid annotatum Beza reliquerit. CAPVT X.

CÆterum ad doctrinam de Limbo & Christi ad inferos descensum; Petri locum accommodari non posse, quibusdam argumentis

Y se The-

se Theodorus Beza confecisse non dubitat.

Sit (inquit) ista opinio quantumlibet vetus, & maximorum virorum auctoritate nitatur, tamen non posse huc applicari quod hic commemorat Petrus, istis argumentis ostendo. Primum, nulla hic mentio sit anime Christi, sed spiritus, id est diuine potentia. Neque enim per spiritum intelligere possis animam Christi, quin simul dicas eum per animam fuisse reuocatum in vitam.

Interpres quidem noster Theodore, reddidit: Vt nos offerret Deo, mortificatos quidem carne, viuificatos autem spiritu; In quo & his: vbi cum Spiritus opponatur carni, dicere non possis ad animam id non esse referendum. Si quidem anima præsertim deposita vetustate peccati, spiritualis effecta, non rarò spiritus est appellata: velut vbi legitur; Quod natum est ex carne, caro est; & quod natum est ex spiritu, spiritus est: Et rursum; Caro concupiscit aduersus spiritum, & spiritus aduersus carnem: sed euidentius vbi scriptum est de tradendo Sathanæ Corinthio illo, in interitum carnis vt spiritus saluus sit in die Domini nostri Iesu Christi. Item ad Romanos 8. Corpus quidem mortuum est propter peccatum, Spiritus verò viuit propter iustificationem. Hæc igitur cum sic expressa legamus, neque ipsam diuinitatem intelligere possimus saluam fieri in die Domini, aut per iustificationis gratiam viuere, sed animam humanam debeamus accipere [Spiritus] vocabulo designatam, quid causæ sit cur hic quo-

quoque in vocabulo [spiritus] animam Christi intelligere nequeamus? Etenim etsi legendum fit, quemadmodum legi vis & vetus interpret legit, & Epiphanius & Hieronymus & Oecumenius & Augustinus, vt videlicet Christus ipse dicatur mortificatus carne, viuificatus autē spiritu: nihil tamen terret nos quod ais, nō posse per [Spiritum] animā Christi intelligi, quin simul dicatur eum per animam suam esse in vitam reuocatum. Neque enim necesse est vt viuificatus spiritu, idem sit quod reuocatus in vitam siue suscitatus, cum aptius intellexerimus, viuificationem spiritus, ipsa suscitatione posteriore, naturæ saltem ordine. Diuina siquidem virtute anima corpori reddita est per resurrectionem; Reddita verò anima, corpus antea mortuum penitus viuificare cœpit, vsque adeò vt id iam sine alimentorum subsidij, viuum ac vegetum ipsoque immortalitatis vigore perpetuum redderet. Propter quam animæ in Christo vim dicit Paulus ad Corinthios: Factus est 1. Cor. 15. primus homo Adam in animam viuentem, nouissimus Adam in spiritum viuificantem. Quo etiā loco nomine [Spiritus] significata est anima Christi, quæ cum prius in corpore mortali vitam animale efficeret ad similitudinē primi Adæ, postea conditionem corporis animalis in spiritalem quandā habitum transformauit, non vt corpus esse aut caro desineret, sed vt in modum status angelici cibo deinceps & potu non egeret. Mortuus ergo semel est Christus, iustus

pro iniustis, ut nos offerret Deo, mortificatus quidem carne prius, sed post resurrectionem ita in eadem carne viuificatus à spiritu suo siue anima sua, ut in posterum iam mori non posset. Quanquam & sic quidam intelligant, ut dicatur Christus secundum carnem quidem mortuus, secundum spiritum verò, hoc est, animam semper viuus. Siue ergo hoc, siue illo modo accipias, quid verbis consequentibus intelligendum relinquitur, nisi quod in illo spiritu, hoc est, secundum animam suam, profectus ad eos qui in carcere inclusi tenebantur, prædicarit? Sed ut demus sanè per spiritum intelligi oportere spiritum sanctum, quomodo ipse intellexit Athanasius, cur sit colligendum ad doctrinam de Limbo nihil omninò Petri locum posse pertinere? Adeone bona mente caruit Athanasius, ut cum diuinum spiritum interpretaretur, tamen non dubitarit accipere significatum esse descensum Christi, quo secundum animam profectus sit ad spiritus quosdam iustorum, adhuc inferni carceris vinculis compeditos? Quod enim secundum animam eo profectus sit, etiamsi in vocabulo spiritus non oporteret intelligi, tamen in eo quod dicitur [ueniens] aut [profectus] ex regula rectissimæ rationis, intelligi posset. Nam cum ad eos spiritus qui erant in carcere, non ierit secundum carnem, nec ire potuerit nisi secundum aliquam suæ naturæ humanæ partem; cur non verissimè cogitetur illuc secundum animam profectus esse?

Siqui-

Siquidem nomine [Spirituum] non debere accipi homines totos in hac mortali carne uiuentes, ad quos uenerit Christus etiam secundum carnem, ut prædicatione suæ doctrinæ suscitaret eos à morte peccati, ipse quoque Beza declarat: *Primo enim* (inquit) *cur uicis hominibus Spirituum nomen tribueret? Nam certè noua est & inaudita ista Synecdoche, præsertim cum de ijs agitur qui non sunt regenerati. Secundo cum mortuos apertè non nominet, coactam esse allegoricam istam interpretationem apparet, & cætera.* Sic Beza; in eo proculdubio sensum illum adiuuans, qui de Limbo traditur à uetustis authoribus: Quem multo minus alijs suis argumentis euertit, quæ & nullius momenti sunt, & superioribus dissoluuntur, ut non putem operæ pretium ijs sigillatim proponendis atque dissoluendis tempus conterere. Quale enim est ut urgeatur, non esse dictum [liberauit] sed [prædicauit] cum facillimè possit intelligi non eo descendisse Christum ut frustra & sine effectu solatij prædicaret? Aut cur putetur aliud esse prædicare, aliud dicere, Adsum ille quem expectabatis; cum eo ipso Christus suum in terris Euangelium prædicarit, quia sese demonstratit, & rebus & uerbis illum esse Messiam quem Prophetæ promiserant? Denique quid affert Beza melius? Nempe ut Christus in spiritu suæ diuinitatis neque secundum carnem, neque secundum animam, quæ nondum suscepit, iam olim adueniens,

ipsa Arcæ constructione prædicarit spiritibus, hoc est illis hominibus quorū spiritus iam sunt in carcere infernali. Sed meminisse illū oportuit quod ante dixerat nomine [Spirituum] nō rectè homines viuos intelligi: prædicatio autem illa per Arcam facta ad viuos homines pertinuit. Non ergo sic veniens Christus spiritibus hominum, sed ipsis hominibus qui spiritus non erāt prædicauit. Deinde quamuis Beza legendum putet [Qui sunt in carcere] nos sic tamen nō legimus, sed [Qui in carcere erant] aut [in carcere constitutis] quomodo & Erasmus sine omni scrupulo reddidit, & hætenus lectū ab omnibus est. Non ergo hi spiritus iam sunt in carcere, sed tunc erant, cū veniens Christus prædicaret eis. Et hætenus quidem de illo Petri loco, quo non facilè reperiatur obscurior in nouo testamento, vt non tam videri velimus certum eius aliquem sensum astruxisse, quam restituisse illis qui ad Limbum Patrum accommodari posse negant, quantumlibet vetusta auctoritate sensus ille nitatur.

Frustra exagitari locum Lucæ, de Lazaro & Diuite, aduersus Limbum Patrum.

C A P V T X I.

EX Luca, inquis, afferunt historiam Lazari & diuitis, cap. 16. qui sinus illis non calum, sed locus aliquis intermedius fuisse videtur. Respondemus nihil effici eo argumento. Nam magnum χάσμα inter electos & damnatos esse affir-

mat Abraham, ita vt nemo possit vtrò citroq;
transire. Quare potius efficitur ex inferno non esse
sperandam liberationem. Deindè procùl Abrah-
am vident; non igitur apud inferos. Hactenus ille.

Antea dictum est Areti, sinum Abrahæ rece-
ptaculi non esse nomen, sed quietis eius quæ
Abrahæ promissa sit & semini eius: quæ qui-
dem quies & in cælo & extra cælum esse possit.
Ideoque si quis argumentetur propterea Laza-
rum in limbo fuisse, quia fuerit in sinu Abrahæ,
nulla is vtetur ex vocabulo quidē [sinus] firma
collectione. Verum circumstantia temporis suf-
fragante, confici potest argumentum eiusmodi
non contemnendum: Eo tempore quo defun-
ctus Lazarus est, hoc est, ante Mediatoris ascē-
sum, nondum patebat cælum spiritibus electo-
rum, sed tamen in sinum Abrahæ deportaban-
tur, id est, ad quietem aliquam beatam, quam-
uis nondum clara Dei visione perfectam: Ergo
præter infernum damnatorum & cælum, debet
locus siue status aliquis intermedius constitui,
qui commodissimè Limbi metaphora designe-
tur. Hoc igitur argumentum quoniam tu modo,
Benedicte, refellis? *Nam magnum chasma,*
inquis, *inter electos & damnatos esse affirmat*
Abraham; ita vt nemo possit vtrò citroq; tran-
sire. Quare potius efficitur ex inferno non esse spe-
randam liberationem. Certè, inquam, hoc
quidem efficitur, nullam esse liberationem ex
inferno eo, in quo ille erat damnatus Epulo,
siue ex damnatione. Neque enim plus tua illa

verba postulant, quibus ais affirmare Abrahamum, magnum esse chasma inter electos & damnatos, ita ut nemo possit vltro citroque transire. Sed nondum conuicisti sinum illum, siue quiete illam non potuisse esse Lazaro apud inferos. Quamuis enim nulla fuerit expectanda liberatio ex eo damnationis statu, in quo diues Epulo torquebatur, tamē potuit ex eo statu sperari liberatio & redemptio plenior, in quo erant Abraham & Lazarus, & quicumque illa secreta quiete fruebantur, adhuc licet apud inferos constituti. *At procul, inquis, vidit Abrahamum, non igitur apud inferos.* Quasi non & apud inferos ingēs sit, uti meritotum, ita etiam statuum conditionumque distantia. Nam si necesse esse statuis ut localis distantia intelligatur, propter quam alter ab altero procul fuerit constitutus, iam oculos quoque corporeos, & linguam, & vocem in diuite Epulone requiram, præsertim cum scriptum sit, eleuatis oculis vidisse procul Lazarum in sinu Abrahamæ. Quæ & si tu corporea ponerēs in diuite, quæterem quomodo in cælo situm videre carnis oculis Lazarum potuisset, ipse in inferno sepultus? quomodo item non frustra alloqui, cum sanctos in cælo constitutos audire negetis posse preces & clamores eorum qui in terra versentur? Sin spirituales intelligis oculos, & eleuationem mentis, non carnis, clamoremque non eum qui faucibus corporis, sed desiderij magnitudine ederetur, cur non hic spiritualement quoque distan-

distantiam concipias, quæ damnatos pro suis
 meritis non patiatur vllius solatij fieri partici-
 pes? Quam distantiam Diuus Ambrosius su-
 pra citatus expressit, cum ait per illud chaos
 significatum esse merita post mortem non posse
 mutari. Quam & D. Hilarius interpretatus est,
 cum sic commentatur in Psalm. 51. Non enim,
 inquit, confessio peccatorum, nisi in huius sæ-
 culi tempore est, dum voluntati suæ vnusquis-
 que permissus est, & per vitæ licentiam habet
 confessionis arbitrium. Decidentes namque de
 vita, simul & de iure decidimus volūtatis. Tunc
 enim ex merito præteritæ voluntatis lex iam
 constituta, aut quietis aut pænæ, exceden-
 tium ex corpore suscipit voluntatem. Cuius
 temporis non iam liberam, sed necessariam vo-
 luntatem ostendit Propheta dicens: Non est
 mihi in diebus illis voluntas. Cessante enim
 voluntatis libertate, etiam voluntatis, si qua
 erit, cessabit effectus. Transire namque ad A- *Luce 16.*
 braham volens diues, chaos medio non fini-
 tur, cum ramen per libertatem voluntatis in
 Abrahæ sinibus esse potuisset. Interclusa est
 ergo libertas voluntatis, quia confessio nulla sit
 mortuis, secundum id quod dictum est: In in- *Psalm. 6.*
 ferno autem quis confitebitur tibi? Hactenus
 S. Hilarius. Denique cum tu contra Purgato-
 rium disputās, non rei gestæ historiam, sed pa-
 rabolam esse dicas, atq; id hoc loco sic reperas,
 vt neges omittendum fuisse narrationem de
 diuite & Lazaro parabolam esse, idque multos

etiam Patres agnoscere, quid tibi nunc in mentem venit, ut tam historicè localem vrgeas distantiam & chasma locale? Sed nimirum sic te semper ad institutum magis tuum, quam ad veritatem accommodas, & quidquid contra nos facere potest, arripis; oblitus etià quod antè dixeris. Cæterum fac localem intelligi distantiam, & chasma corporeum (nolo enim in eo quibusdam Catholicis scriptoribus aduersari) cur talè quid apud inferos esse non potuit, ut procul positum diues cerneret Abrahamum, chasmaque medium interesset, quando sæpe numero contingit hoc in amplissimis illis, vastissimisque terrarum voraginibus, ut quamuis intra eiusdem hiatus seu cavitatis spatium plures teneantur, tamen alij alios ita supra positos suspiciant, ut clamore vel maximo vix eorum ferire possint aures? Itaque cùm maior multò sit vastitas & amplitudo inferorù, nihil prorsus impedit, quo minus apud inferos, illud chasma, & illa intelligatur fuisse distantia. Tibi verò laborandum erit, ut esse voraginem & chasma doceas inter cælum & infernum, cùm inter hæc continua ordinatissimaque interiaceat elementorum dispositio, in qua nisi ineptè, vorago & hiatus intelligi nequit. Nec dici chasma solet, nisi in fissuris & interruptionibus, velut cùm quid abruptum perit: Vnde & chasmaticus dictus est terræ motus; estq; Lex apud Iurecōsultos, Si qua agri portio chasmate periisset, quid fieri tunc oporteret.

Argumentum ex consensu Patrum, aduersus hæreticorum exceptiones defenditur.

CAPVT XII.

TAndem ais, *Vrgent nos consensu & auctoritate Veterum. Ad quam respondemus; Verum quidem esse à quibusdam affirmari hoc, præsertim à Dino Hieronymo, qui in caput 13. Ozea ad finem, interpretatur vasa desiderabilia, quæ in thesauris inferni detinebantur: Sanctos inquit intelligimus, quos alligatos fortè Dominus eripuit, & rapuit, & tulit de infernis, & quasi vasa præstantissima secum perduxit in paradysum. Et mox ibidem: Terram inferni non debemus accipere esse terram viuentium, sed mortuorum, quæ diripitur & vastatur, quando morte Christi vincitæ apud inferos anima liberantur. Et epistola 25. Patres ante natum Christum ad inferos descendisse, quia nondum paradisi anuam Christus effregerat, Nondum flammeam rompheam, & vertiginē præsidentium cherubim sanguis extinxerat: Unde & Abraham licet in loco refrigerij, etiam apud inferos cum Lazaro fuisse scribitur, &c. Sed meminisse eos decet, eius auctoritatem valere, quatenus scripturis nititur: Quatenus verò suas affert rationes, aut suum priuatum iudicium sine scripturis & rationibus firmis, nos non illius teneri præiudicio.*

Laudo Areti, quod tuo instituto tam aptè subseruias. Vt enim vim minueres consensu & auctoritatis Veterum, frigidissimè dixisti af-
firma-

firmari à quibusdam, & præsertim à D. Hieronymo. At alibi cum de Inferni pœnis disputas, quia tunc vsui tibi erat authoritas consensusque Patrum, vrges ipse quoque illum aduersus alios tuos contradictores, quem à nobis contra te vrgeri non pateris.

Ad ista, inquis, loca inferorum descendisse ante Christi aduentum etiam patriarchas, & in genere mortales omnes, plerique voluerunt patrum. In qua sententia video Hieronymum esse, qui scribit in epistolam ad Ephes. c. 4. ita: Inferiora autem terra, infernus accipitur, ad quem Dominus noster saluatorq; descendit, ut sanctorum animas quæ ibi tenebantur inclusa, secum ad calos victor abduceret. Idem in commentarijs super Ecclesiasten cap. 3. ait, Ante aduentum Christi omnia ad inferos pariter ducebantur: Unde & Iacob ad inferos descensurum se dicit, & Iob pios & impios in inferno queritur retentari. Et euangelium chaos magnum interpositum apud inferos, Et Abraham cum Lazaro, & diuitem in supplicijs esse testatur. Et reuera antequam flammeam illam rotam, & igneam romphaam ad paradisi fores Christus cum Latrone reseraret, clausa erant caelestia. Et in cap. 9. Ecclesiastes ait, Nota ut Samuelem quoque verè in inferno credas fuisse, & ante aduentum Christi, quamuis sanctos, omnes inferni lege detentos. Et epistola. 3. Ante Christum Abraham apud inferos; Post Christum Latio in paradiso. Hæc tu Areti, eo loco memoria tenes te scripta reliquisse; Vndè colligamus, quo nostra quo-

quoque caussa abs te firmetur, Diuum Hieronymum non vno loco, nec variè, sed pluribus & constanter, Limbum Patrum astruere: nec aliquos tantummodò Patres duos vel tres; sed plerosque in eadem esse sententia. Cur ergo hic in eo tantum elaboras, vt de D. Hieronymi auctoritate satisfacias, quasi is solus ita sensisset? An, cum plerosque Veteres in eadem esse sententia non nescires, vnus Hieronymi ita te terruit autoritas, vt eum solum censes submo- uendum? An & de cæteris quoque hoc intelli- gi voluisti, eorum te non teneri præiudicio, quoniam priuatum suum iudicium, non scripturas secuti sint? Atqui hoc potius existimare te con- uenerat, plerosque veteres ecclesiæ Patres, eos- demque diuinarum literarum sedulos tractato- res, scripturas intellexisse melius quam te vnū, aut tui similes. Et idè quia Limbum sine scri- ptura non affirmant, sed ex varijs scripturarum locis astruunt, non parui ponderis esse tantum consensum persuadere tibi debuisti. Nam & tu ipse alio in loco patrū consensum, quanti facere deberemus non dissimulas, vbi Christi ad inferos descensum probare hoc ipso argumento co- naris. *Nam cum videret (inquis) Ecclesia, aperte tradi in scriptura descensum ad inferos, graui con- silio tandem hanc clausulam in formulā fidei ad- misit. Aut dicant illi nobis qua ratione factum sit, vt tāto consensu apud omnes nationes, in omnibus linguis, adeoq; constanter & consentienter recepta sit illa clausula. Impossibile sanè videtur, si error*
hic

hic esset commissus, quin aliqui huic se opposuissent malo; non sine concertatione fuisset in vsum recepta: Superessent etiã aliqua ecclesia que non agnoscerent; Ideoq; consensus iste, graue est argumentum veritatis. Adde Patrum ferè omnium, licet discrepans, explicatio, tamen concessio est aliquem esse descensum, & secundũ aliquem modum Christum ad inferos descendisse. Hæc tu eo loco. Itaque nunc ex te quaero, vt dicas qua ratione factum sit, vt tanto consensu apud omnes nationes, in omnibus linguis, adeoq; constanter & consentiẽter, recepta sit hæc de Limbo sententia, si non eam ecclesia in scriptura sacra traditã animaduernerit? Quĩ fieri potuit, vt tam grauis error, tanto sit consensu receptus? Cur se huic non aliqui iam olim opposuerunt? Quĩ factum est, vt sine concertatione in vsum doctrinæ receptus sit? Quæ superfuerunt vnquam ecclesiæ, quæ id non agnoscerent? Itaque dicito, Cur secundum tuam ipsius sententiam, consensus iste, non sit graue argumentum veritatis? Forsitan hic excipies Augustinum, quem ais hisce in rebus, suam ignorantiam fateri non erubescere, eiusq; hoc nomine modestiam laudas, ac nobis seruandam proponis. Cur ergo ipse eam primus non sequeris? Cur tam petulanter repudias Limbi assertionem vt absurdam, quam ipse non damnauit? Qua fronte te scire præ te fers, cuius ille ignorantiam (vt ais) confessus est? Quid causæ est, quamobrem tantæ Patrum plerorumq; consensioni (vt ipse testis
es)

es) non plus deferas, cui scis Augustinum plurimum deferre solere? Neque enim ignorare te hic dicis, quid sit de re obscurissima sentiendum, aut incertum harere, propter varias scripturarum expositiones, aut dubitationes aliquorum; sed quæstionem hanc pronunciare non dubitas, quæstum & superstitionem stabilire; eandemque absurdam; deinde, non necessariam; demum, præter scripturas esse. Non pudet, Areti, modestiam ab alijs exigere, quam tu in eo ipso in quo præstari eam vis, tâta hac tua petulantia violasti? Cur tu, dic rogo, modestus es qui ita scribis, ego immodestus qui contraria pono? Quæstionem de Limbo nec superstitionem stabilire, sed conferre ad pietatem; nec ad quæstum, sed ad veri cõfirmationem spectare: Deinde non absurdam, quam Veteres omnes, ijque grauissimi authores comprobarint: & necessariã, quia nec tenuem sanæ doctrinæ particulam ferendum sit à quoquam expungi: Demum nec præter scripturam esse, cuius occasione tractandæ discutitur, & luculêta satis definitione terminatur. Nam à tanto cæterorum consensu, vnum eximi non debere Augustinum, discere potueras ex cap. 15. libri 20. de Ciuitate Dei, vbi ait, Non absurdè credi, antiquos etiam sanctos qui venturi Christi tenuerunt fidem, locis quidem à tormētis impiorum remotissimis, sed apud inferos fuisse; donec eos inde sanguis Christi, & ad ea loca descensus crueret. Vnde etiam animaduertas licet, quãntu

tu eius imiteris modestiam . Ille enim dicit,
 non absurdè hoc credi ; tu eam sententiam ab-
 surditatis condemnas . Quin & li. 17. cap. 11.
 de Ciuitate Dei , affirmat sine cunctatione de-
 scendisse ad inferos Christum , vt quorundam
 illic peccatorum vincula dissolueret . Tametsi
 igitur Augustinus , alijs quibusdam locis ope-
 rum suorum quæ iunior confecerat , rem hanc
 nondum sibi omninò perspectam significauis-
 set ; tamen non parum nos mouere deberet ,
 quod in libris de Ciuitate Dei , quos & senior &
 accuratissimè conscripsit , à cæterorum consen-
 tientium iudicio sese disiungere nolisset . Sed vi-
 deamus obsecro quid id sit , quod se ignorare ,
 vt ais , fateri non erubescat Augustinus . *Quod
 ad locum* , inquis , *Petri attinet , fatetur ignoran-*
tiam suam . Quid tum postea ? An consequens
 est , propterea Limbum Patrum ignorasse , quia
 nescierit , possètne illò Petri testimonio confir-
 mari ? Sunt enim multa certissima , quæ vtrum
 his aut illis confirmètur scripturæ locis , incer-
 tum est . Et Christum quidem ipsum ad inferos
 descendisse , & apud inferos fuisse , ita non du-
 bitat illa epistola 99. vt dicat : *Quis nisi infide-*
lis negauerit fuisse apud inferos Christum ? ni-
 mirum ad fidem hoc pertinere significans , de
 quo tu vt problemate disputas . Deindè (quod
 ad rem propius facit) quosdam in inferno iu-
 stos tunc fuisse , qui adhuc essent à quibusdam
 suis vinculis exoluendi ac liberandi plenius , ita
 sine dubitatione sibi persuaserat in eadem epi-
 stola ,

*Paulo post
 initium .*

stola, vt significet frustra descendurum fuisse Christum ad inferos, si nulli eorum profuisset qui ibi tenebantur inclusi. Quod enim scriptum est (inquit) in morte Christi factum, Solutis doloribus inferni; vel ad ipsum potest intelligi pertinere, quod eos hactenus soluerit, hoc est irritos fecerit, ne ab eis ipse teneretur, præsertim quia sequitur: In quibus impossibile erat teneri eum. Vel si causa quaeritur cur voluerit venire in infernum, vbi dolores illi essent quibus teneri omnino non poterat, tunc quod scriptum est; Solutis doloribus inferni, non in omnibus, sed in quibusdam accipi potest, quos ille dignos ista liberatione iudicabat; vt neque frustra illuc descendisse existimeretur, nulli eorum profuturus qui ibi tenebantur inclusi; nec tamen sit consequens, vt quod diuina quibusdam misericordia iustitiaque concessit, omnibus concessum esse putandum sit. Post hæc vide quid subiungat: Et de illo quidem primo homine patre generis humani, quod eum ibidem soluerit, ecclesia ferè tota consentit, quod eam non inaniter credidisse credendum est, vndeunque hoc traditum sit, etiam si canonicarum scripturarum hinc expressa non proferatur authoritas. Quanquam illud quod in libro Sapientiae scriptum est: Hæc illum, qui primus factus est, patrem orbis terrarum, cum solus esset creatus, custodiuit & eduxit illū à delicto suo, & dedit ei virtutem continendi omnia; magis pro hac sententia, quam pro vllō alio intellectu

Inter principium & medium.

Cap. 12.

facere videatur. Addunt quidam hoc beneficium antiquis etiam sanctis fuisse concessum Abel, Seth, Noë & domui eius, Abraham, Isaac, & Iacob, alijsque Patriarchis & Prophetis, ut cum Dominus in infernum venisset, illis doloribus soluerentur. Sed quonam modo intelligatur Abraham in cuius sinum pius etiam pauper ille susceptus est, in illis fuisse doloribus, ego quidem non video: explicent fortasse qui possunt. In his Areti, vel bis quæ ignorantie professio est? aut quæ dubitationis, de eo quod præcipuè quæritur, significatio? Nam & si Abrahamum & Noë, & quosdam excellentissimi meriti sanctos, non tunc putarit fortè apud inferos fuisse, tamen quin iusti aliqui apud inferos fuerint Christo illuc veniente, quos suis doloribus liberarit, minimè profecto dubitavit. Veruntamen neque illud negat; sed dicit se non videre, quonam modo ad eos pertinere potuerit, dolorum solutio, propter quam Christus ad inferna descendit; cum Abraham & Lazarus in doloribus non fuisse videantur, quos exceperat secretæ cuiusdam quietis beata habitatio. Deindè negat videre se, quid illis iustis, qui in sinu Abrahamæ erant cum Christus in inferna descenderet, suo hoc descensu contulerit (*quâ tum videlicet ad solutionem dolorum spectat de qua agebatur) à quibus, inquit, cum, secundum beatificam præsentiam suæ diuinitatis, nunquam video recessisse. Hoc ergo est, quod illic Augustinus non definit, sed adhuc disputando inuesti-

Thomas dicit quod liberavit eos à dolore qui ipsi erant ex dilatione gloriæ, iuxta id quod scriptum est Proverb. 7. Spes que differunt affligit animam. parte 3. q. 52. art. 2. ad 2.
* Thomas in 3. parte q. 52. art. 5 ad 1.

*Lib. 12. de
Genesi ad
lis. cap. 33.
* Libro 2.
Retraſſae.
cap. 24.*

ueſtigat, ſicut & in libris de Geneſi ad literā in ea diſputatione verſatur. In quibus libris plura ſe quæſiſſe quam inueniſſe * cōfitetur. In Pſal- mum verò 85. ſcribens, eumque tractans Pſal- mi verſiculum : Quoniam miſericordia tua magna eſt ſuper me, & eruiſti animam meam ex inferno inferiori, pro incerto non habet, quin Dominus ad inferos deſcenderit, vt omnium ſanctorum præcedentium animas indè erue- ret: ſed de loci infernalis ſitu, ſecundum quem ſuperiore in parte eſſet Abraham cum Lazaro; Epulo verò multò inferiore, id nondum dicit ſe inueniſſe quid ſtatuī oporteret. Nec tamen opinionem, more tuo repudiat; Fortaſſis enim (inquit) apud ipſos inferos eſt aliqua pars infe- rior, quo trudentur impij qui plurimum pec- cauerunt. Etenim apud inferos, vtrum in locis quibuſdam fuiſſet iam Abraham, non ſatis poſ- ſumus definire. Nōdum enim Dominus vene- rat ad infernū, vt erueret indè omniū ſancto- rum præcedentium animas; & tamē Abraham in requie ibi erat. Et quidem diues, cū tor- queretur apud inferos, cū videret Abraham, leuauit oculos; Non enim poſſet leuatis oculis videre, niſi ille eſſet ſuperius, ille inferius. Er- go inter iſta fortasè duo inferna, quorum in vno quicuerunt animæ iuſtorum, in altero tor- quentur animæ impiorum, attendens quidam orans hic iam in corpore Chriſti poſitus, & orās in voce Chriſti, eruiſſe Deum animam ſuam ab inferno inferiori, dixit, Quia liberauit ſe à tali-

bus peccatis, per quæ posset deduci ad tormēta
 inferni inferioris. Hinc apparet incertum fuisse
 Augustino, non quin Abraham in inferno fue-
 rit, ubi dicit eum in quiete fuisse: sed vtrum illic
 fuerit sicut in loco statuque infernali. Quo etiā
 referri fortasse potest dubitatio Epistolæ 99.
 Vtrum sinus Abrahæ quoddam inferni mem-
 brum fuerit. Ac re vera propriæ significationis
 ratione, non est Abrahæ sinus membrum infer-
 ni, cum & modò sinus Abrahæ sit, ubicunque
 sanctorum animæ requiescunt, expectantes re-
 demptionem corporis sui, ex ea fide per quam
 Abrahæ filij esse meruerunt. Infernus verò pro-
 priè ac per se, locum statumque miseriæ & lu-
 ctus significat. Ideoque benè dicit Augustinus
 nusquam poni in bono; propriam videlicet in-
 ferni rationem attendens. Quare sicut Deus
 in inferno est secundum locum non statum, &
 Christus ad inferna descendit, locum illum in-
 grediens, non loci tristitiam & luctum susci-
 piens: Ita Abraham vna cum Lazaro, cæteris-
 que quibus eximiæ sanctitatis testimoniū scri-
 ptura perhibet, in loco quidem illo inferno fuis-
 se; at non secundum propriam infernalis loci
 statusque rationem concipi ab Augustino po-
 tuerit; sicut & Latronis anima, quamuis in lo-
 co illo vna cum Christi spiritu fuerit, non ta-
 men ibi proprium loci inferni statum, sed para-
 disum habuit ex præsentia Deitatis. Quāquam
 paradisi nomine non necesse sit illam beatitu-
 dinem cogitari, aut illam diuinitatis contem-
 pla-

Sic interpre-
 ratum est D.
 Thomas Au-
 gustini locū:
 Quia nomen
 infernorum
 (inquit) so-
 nat in malū
 pænæ. parte
 3. quæ § 2.
 art. 1. ad 1.

plationem, quæ mundis corde pro fine promittitur, cælestibusque sedibus reservatur. Potest enim paradysum spiritualem præstare, inferior quidam diuinæ præsentiae modus, quantum sat est ad solatium quietis, cum gaudio & optabili quadam felicitate præstandum. Nam & de Mose legitur, quod Dominum viderit facie ad faciem. Paulus quoque raptus fuit in paradysum, & audiuit arcana quæ non licet homini eloqui. Nec tamen illis viris existimandum est visionem illam contigisse, quæ iustitiæ saturitatem & inamissibilem felicitatem præstans, præmium cuique sanctorum aliquando futura est.

Exod. 33.

2. Cor. 12.

Libro 4 contra Marcionem.

Forſitan & Tertullianum nobis obieciſſes, ſi legiſſes, Cuius verba ſunt : Aliud (inquit) inferi vt puto, aliud quoque Abrahæ ſinus; Nam & magnum, ait, interciderẽ regiones iſtas profundum, & tranſitum vtrimque prohibere. Sed nec alleuaſſet Diues oculos, & quidem de longinquo, niſi in ſuperiora, & de altitudinis longinquo per immenſam illam diſtantiã ſublimitatis & profunditatis. Vnde apparet ſapienti cuique, qui aliquando Elyſios audierit, eſſe aliquam localem determinationem; quæ ſinus dicta ſit Abrahæ, ad recipiendas animas filiorum eius, etiam ex nationibus, Patris ſcilicet multarum nationum in Abrahæ cenſum deputandarum, & ex eadem fide, qua & Abraham Deo credidit, nullo ſub iugo legis, nec in ſigno circunſiſionis. Eam itaque regionem ſinum dico Abrahæ, & non cæleſtem, ſublimio-

rem tamen inferis; interim refrigerium, præterea animabus iustorum, donec consummatio rerum resurrectionem omnium plenitudine mercedis expungat. Et infra: Si æternus locus repromittetur, & ascensus in cælum ædificatur à creatore promittente etiam semen Abrahæ velut stellas cæli futurum, utique ob cælestem promissionem, salva ea promissione, cur non capiat sinum Abrahæ dici, temporale aliquod animarum fidelium receptaculum, in quo iam delineietur futuri imago, ac candida quædam utriusque iudicii prospiciatur. Hæc Tertullianus. Verum & ille tibi, ut cernis, aduersatur, qui Abrahamum cum Lazaro in cælesti regione fuisse neget; Quamvis sublimiorem inferis localem determinationem existimet fuisse Abrahæ sinum, sed ijs inferis apud quos diuersabatur epulo: Nam in libro de resurrectione carnis, Abrahamum & Lazarum apud inferos scribit fuisse. Nisi magis hoc intelligendum sit existimasse Tertullianum, sinum Abrahæ totis inferis fuisse contiguum à parte superiore. Quod imaginari videntur multi, qui inferni Limbum appellant, quomodo vestium limbos dicimus, quæ neque propriè vestium partes sunt, ad earum integritatem pertinentes, & tamen adhærent certoque nexu iunguntur. Cum ergo hæc illi ad istum modum scribant, quem tandem nobis Veterum ab illa cōcordia separabis? Authoremne expositionis Symboli, quæ sub nomine Cypriani inter eius opera falsò recēsetur? Videlicet quia

quia dicat in ecclesiæ Romanæ symbolo nō haberi additum: Descendit ad inferna: Sed neque in Orientis ecclesijs haberi hunc sermonē. Vim tamen verbi eandem videri esse, in eo quod sepultus dicitur. Et tamen in eadem expositione symboli, vide quid author ille scribat, & animaduerte cum ceteris in quadam discordiæ specie quam pulchrè concordet: Redijt, inquit, victor à mortuis, inferni secum spolia trahens: Eduxit enim eos qui tenebantur à morte, sicut & ipse prædixerat vbi ait: Cū exaltatus fuero *Ioann. 12.* à terra, omnia ad me traham. Attestatur autem euangelium de hoc cum dicit: quia monumenta aperta sunt, & multa corpora sanctorum dormientium resurrexerunt & apparuerūt multis. Rursūque in eodem libro: Consummatis (inquit) his, quæ in terra gerebantur, & animabus de inferni captiuitate reuocatis, ascendere memoratur ad cælos, sicut propheta *Psalm. 67.* prædixerat: Ascendēs in altum, captiuam duxit captiuitatem, dedit dona hominibus, illa scilicet dona quæ Petrus in Actis Apostolorum de Spiritu sancto dicebat; Exaltatus ergo dextera Dei effudit hoc donum, quod vos auditis & videris. Donum ergo spiritus sancti hominibus dedit, quia captiuitatem quam prius diabolus per peccatum deduxerat in infernum, Christus per mortis suæ resurrectionē reuocauit ad cælum. Nec verò, quod de ecclesiæ Romanæ symbolo, aut ecclesiarum Orientalium dicit, ad symbolum Apostolicum referendum

est, quod à suis authoribus hoc est Apostolis sine hoc articulo descensus ad inferos nunquam est profectum; sed ad ea symbola quæ postea in ecclesijs condita sunt, pro natis occasionibus (velut in Synodo Romana sub Iulio, in Nicæna sub Siluestro; & in Antiochena, Sardiensi, Syrmienti, quarum symbola à Diuo Hilario referuntur in libro de Synodis) ubi prolixius explicatis ijs, quæ ad hereses illorum temporum confutandas pertinebant, cætera omnia de quibus nulla tum mouebatur quæstio, expressè repeti non necesse esse putabatur; præsertim, quia vel ex resurrectione à mortuis tertia die, vel ex sepultura & morte, descensus ad inferos, qui mortem communi lege comitabatur, facile posset cogitari: proptereaque dixit author ille, vim verbi eadem videri; in eo quod sepultus dicitur: non quia (vt videtur nonnullis) Infernus pro sepulchro ponatur, aut sepulchrum significet, sed quia hæc reipsa ita coniuncta erant, hoc est sepultura secundum corpus, & descensus ad inferos secundum animam, vt alterum in altero soleret intelligi; quomodo & in passione crucem, & in cruce mortem, alij intelligendam cogitandamque reliquerunt. Nam quod in infernum Christus secundum animam descenderit, dicit ille author, euidenter prænunciatum in psalmis, vbi scriptum est: Et in puluerem mortis deduxisti me. Et iterum: Quæ utilitas in sanguine meo, dum descendo in corruptionem? Et iterum: Descendisti

disti in limum profundi, & non est substantia. Hisque adiungit Petri locum; Et eis qui in carcere inclusi erant in diebus Noë; In quo etiam inquit, quid operis egerit in inferno, declaratur. Et multis interiectis, illas quoque scripturas profert: Domine eduxisti de inferno animam meam, saluasti me à descendantibus in lacum. Et illam: Quoniam conuersus uiuificasti me, & de abyssu terræ iterum reduxisti me. Euiden-
tissimè autem (inquit) in octuagesimo & septimo Psalmo dicitur de eo: Et factus sum sicut homo inter mortuos liber sine adiutorio; non dixit, homo, sed sicut homo. Sicut homo enim erat, quia etiam descenderat in infernum: sed inter mortuos liber erat, quia à morte teneri non poterat. Hæc ille ex scripturis de Christi ad inferos descensu; & quid illic egerit, secundum animam. At erit forsitan qui nobis Chrysostomum diuellere conetur ab hac Patrum concordia, propterea quod in Matthæum scribens, tractansque illud quod narratur ab Euangelista, apertos esse Christo cælos; Vis, inquit, manifestè scire, quoniam ante Christum, cæli si aperiebantur iterum clauderentur. Nam iusti quidem forsitan ascende-
bant in cælum; peccatores autem nequaquam. Ideo autem dixi, forsitan, ne quibusdam placeat & ante aduentum Christi, iustorum animas ascendere potuisse in cælum. His verbis quid aliud loquitur Chrysostomus, quam nondum certam sibi fuisse huius nostræ sententiæ veritatem? Verum meminisse

Matth. 3.

oportet Catholicorum nos doctorum vrgere consensum : quo in numero non esse illum commentarij in Matthæum imperfecti scriptorem , vndè superiora verba prolata sunt , apertus eius Arrianismus testabitur, quem varijs locis inspersum in antiquioribus exemplaribus videre licebit . Veruntamen ne illum quidem dissentientem habemus , qui suam sententiam aperiens , post illa verba continuò subiunxerit: Alioqui nullam animam ante Christum arbitror ascendisse in cælum, ex quo peccauit Adam, & ei clausi sunt cæli; sed omnes in inferno detentas, propter quas etiam descendit ad inferiores partes terræ: Sicut ipse in Sapiëntia dicit; Descendam ad inferiores partes terræ, & visitabo omnes dormientes, & illuminabo sperantes in Deum . Animaduertis & illum commentarium , ad veterum Catholicorum concordiam accedere, tametsi alias in multis grauibûsq; erratis deprehensum. Exurgit & alius qui dicat, Damascenum cum in hoc argumëto versaretur, nihil ausum esse definire. Vide, inquit, quo nos cursu suo sermo produxit, dum rem quam propè occultam esse oportebat, soluere & dijudicare auxilio Dei conamur. At nos (indignū enim foret) definimus nihil; tantum fraternitatis studio ratiocinamur. Cæterum hūc Damascenum de eo quod agitur, velle dubium & incertum efficere, id quidem operam perdere est . Cum enim de liberatis per Christi descensum animabus duo dicat; alterum eos qui

fideles

*In oratione
qua decla-
rat, mor-
tuis viuo-
rum suffra-
gijs iuuari.*

fideles hic fuissent, eductos esse; alterum, eos etiā liberatos, qui hic sine fide sobriè continenterque vixissent: prius quidem illud pro indubitato confirmat; posterius verò, non credere sed opinari, nec definire sed disputare magis se dicit. Quamuis enim (inquit) ita dicat Prophetæ; In inferno quis confitebitur tibi? omninò tamen in inferno aliqua confessio fuit; eorum, inquam, qui in salutarem Domini descensum crediderunt. Christus enim assertor vitæ, non simpliciter omnes, sed eos tantum qui crediderant, ut dictum est, saluauit. Et quoniam ante nos crediderunt? Patres & Prophetæ, Iudices Reges & Præsides, alijq; ex Hebræorum gente in magno numero, & noti omnibus. Oportebat ergo omnes huiusmodi, per descensum Dei & Domini nostri, ab inferni vinculis liberatos saluari: quod & illius prouidentia factum est. Hoc igitur est de quo Damascenus minimè dubitat. Consequentibus verò verbis, quid duntaxat opinetur expressit. Solius, inquit, misericordiæ gratia saluatos opinor omnes, qui in vitæ puritate nullum nō perfecerunt opus bonum, continenter, sobriè tenuiterque viuendo; licet minus satis exercitati, fidē diuinam ac sincerā non acceperint: Aliaq; multa subiungit in eam sententiam. Verum libro quarto de Orthodoxa fide, cap. 29. (vndè non iniuria videri possit, sermonem illum non esse Damasceni) docet Christi animam ad inferos vsque penetrantem, his quidem qui in terra crediderāt saluti fuisse; illis

illis verò qui non crediderant, improprio & redargutioni. Descendit, inquit, ad infernum anima deificata, vt quemadmodum ijs qui in terra, iustitiæ ortus est sol; sic & ijs qui sub terra in tenebris & vmbra mortis sedebāt, lux infulgeret: & vt quemadmodum in terra euangelizauerat pacem, captiuis remissionem, cæcis visum, & ijs qui crediderunt factus est caussa salutis æternæ, incredulis autem infidelitatis improprium & redargutio; sic & ijs qui in inferno, vt ipsi omne genu flectatur, cælestium, terre strium & infernorum: atque hoc pacto à sæculo compeditos soluens, rursus ex mortuis redijt, nobis viā parans ad resurrectionē. Hæcenus Damascenus. Itaque iam, Areti, quantus sit hæc in re Patrum consensus, vides. Tantus enim est, vt quem hinc reuellas, reperire non possis: tantus omninò est de Limbo patrum consensus, quantus & de descensu Christi ad inferos, quem tu propter consensum Patrum negare non audes: tantus denique in id est Patrum consensus, vt propterea publicis hymnis atque carminibus in ecclesia celebretur, iamque olim celebratum sit. Inde enim illa sunt.

Ex Hymno
D. Ambrosij.

*Inferni claustra penetrans,
Tuos captiuos redimens,
Victor triumpho nobili,
Ad dextram Patris residens.*

Inde & illa Lactantij Firmiani, in carmine de Resurrectionis Dominicæ die:

*Solue cathenatas inferni carceris umbras.
Et reuoca sursum, quicquid ad ima vult.
Redde tuam faciem, videant ut sæcula lumen,*

Redde

Redde diem, qui nos te moriente, fugit,
 Sed planè implesti, remi aus piè victor, Olympum;
 Tartara pressa iacent, nec sua iura tenent.
 Inferus insaturabiliter caua guttura pandens,
 Qui taperet semper, fit tua prada Deus.
 Et ipis innumetum populum de carcere mortis;
 Et sequitur liber, quo suus anthor abis.
 Euomis absorptam pauidè fera bellua plebem;
 Et de fauce lupi subtrahit agnus oues.
 Hinc tumulum repetens post tartara carne resumpta,
 Belliger ad calos ampla trophæa refers.
 Quos habuit pœnale chaos, iam reddidit istæ,
 Et quos mors peteret, hos noua vita tenet.

Hoc verò ita esse, vsque adeò inconcussè Veteres tenuerunt, vt id sumerent in argumentum diuinitatis Christi. Ex quo & illa sunt apud Prudentium in Apotheosi.

Hunc ego non cumulem, myrrhaq; & thuris, & auri
 Muneribus? scio quem videam, quæ dona rependam.
 Hunc ego non veneret: qui, calo visus, humiliq;
 Inuentus Rex, atque Deus, moderatur utrumque
 Naturæ specimen, tumultoque inferna refringens
 Regna, resurgentes secum iubet ire sepultos?
 Calum habitat, terris interuenit, abdita rumpit
 Tanara. vera fides, Deus est, qui totus ubique est.

Et infra:

Totum hominem Deus assumit: quia totus ab ipso est.
 Et totum redimit quem sumpserat, omne reducens
 Quidquid homo est, istud tumultis, ast illud abisso.

Quin & Arriani cum nollent filium consubstantialem & æqualem dici patri, sed similem; idque in symbolo expressissent quod apud Syrmium præsentè Constantino ediderunt, ne tamen nihil magnum viderentur Christo tribuere, in eodem symbolo, præter morem Orientalium symbolorum quæ ab Hilario referuntur, posuerunt & descensum ad inferos; quem
 sic

Paulò post
 medium.

sic expreſſerunt. Hunc nouimus vnigenitum
 eius filium, nutu paterno veniſſe de cælis ad de-
 ſtructionem peccati; & natum ex Maria virgi-
 ne, & ſecundum paternam voluntatem cruci-
 fixum, & mortuum, & ad inferos deſcendiſſe,
 & quæ ibi erant diſpenſaſſe, quem ianitores in-
 ferni videntes expauperunt, & die tertia reſur-
 rexiffe. Hoc igitur Arriani, quoniam ſciebant in
 conſeſſo eſſe apud omnes, vt inuidiam, quam
 ſe de Chriſti diminutione pati non ignorabant,
 temperarent, expreſſè in ſuo ſymbolo ponen-
 dum eſſe putauerunt; vt catholica hac confeſ-
 ſione quæ ſatis de Chriſto magnifica videretur,
 nonnullam errori ſuo apud ſimpliciores vm-
 bram facerēt. Nec ſcio vtrum vlla hæreſis olim
 hoc è ſymbolo fidei putauerit eſſe ſubmouen-
 dum; niſi fortè Apollinaristas id facere neceſſe
 fuerit, propterea quod animam Chriſto detra-
 herent. Sed inueniſſent, opinor, illi quoq; inter-
 pretandi rationem aliquam, potius quam pri-
 mum illud eccleſiæ traditum fidei ſymbolum,
 vnus articuli detractiōe mutilarent. Nam
 quod hoc additum ſymbolo, id quæ à recentio-
 ribus quidam ſuſpiciuntur, & forſitan à D. Tho-
 ma (quam ſuſpicionem Eraſmus iniecit) abſur-
 ditatem habet non ferendam. Vndè enim niſi
 ex prima fidei regula, tantus omnium Veterum,
 eorumq; ipſorū qui hæud procul ab Apoſtolicis
 temporibus vixere cōſenſus? Vndè eius memi-
 niſſent Ephesine concilij Patres, in explicatio-
 ne fidei ſuæ? Vndè id antea D. Athanaſius, ſuo
 ſym-

symbolo inferuisset? Vndè hoc ipsum Rufinus legisset in symbolo eo, quod à maioribus pro Apostolico symbolo traditū esse testatur? Vndè hoc transtulissent in professionem fidei suæ, Toletani concilij quarti, hoc est, totius Hispaniæ & Galiciæ Patres, circa tempora Honorij Papæ primi? Aiunt enim; Secundum diuinas scripturas, & doctrinam quam à sanctis Patribus accepimus. Ac postea, symbolum percurrentes: Descendit (inquiunt) ad inferos, vt sanctos qui ibi tenebātur erueret; & deuicto mortis imperio resurrexit. Pauloque post: Hæc est (aiūt) Ecclesiæ catholicæ fides: Hanc confessionē seruamus atq; tenemus. Iam autē, quisquis vel mediocri prudentia præditus est, intelligit quam rationi consentaneum sit, vt quibus auctoribus hunc esse fidei catholicæ Christianique symboli articulum credimus, iisdem de eius sensu atque interpretatione credere debeamus. |

Absurdè statui Christi animam vno duntaxat die apud inferos fuisse, propter id quod dictū est Latroni; Hodie mecum eris in paradiso. CAP. XIII.

Sed præclarū est, quod tu inter extrema ponis; *ex descensu Christi ad inferos, non posse Limbum confirmari. Id vel inde constare, quia Christus in cruce Latroni respondet; Hodie mecum eris in paradiso: Notum autem est, inquis, Non eadem die Christum resurrexisse. Quare*
frivo-

frivolum est, Christum resurgendo, tandem primum ingressum calos, & secum pompam Patrum deduxisse.

Quid sibi ista, rogo te Areti, volunt? quid concludunt? Primum, ut tibi demus, Christum secundum animam eodem die cælos ingressum: saltem fateberis, quod apud inferos aliquantisper secundum eandem animam fuerit; neque id frustra; ergo propter electos; quia frustra propter reprobos & damnatos. Statueremus ergo Limbum ex descensu, etiam si id verum esset quod dicis, Christum eodem die secundum animam in cælum subuolasse. Quare tua isthæc infirma omnino collectio est. Quale verò id unde sic colligis? Non enim solum infirma vteris conclusione; sed absurdum etiam id est, ex quo ad eum modum concluditur; Nempe, Christum secundum animam ante diem tertium in cælum esse profectum: Sequitur enim quod in cælum ascenderit Christus priusquam resurrexerit; cum in symbolo Apostolico hic ordo servetur: Tertia die resurrexit à mortuis, Ascendit in cælos: Tuque ipse annotes, ea quæ in symbolo fidei expressa sunt, eo ordine intelligi debere gesta, quo sunt expressa. *Nam in symbolo, inquis, hic ordo servatur, ut quæ tempore præcessere, tempore succedant, quod Christi personam dico attinet.* Hoc tu in eo loco, qui est de descensu ad inferos. Quod si neges cōsequi, ascendisse propterea Christum in cælum, quia illuc secundum animam ierit; Quæro abs te, cum sit anima

anima multo præstantior corpore, eaque portio
 unde propriè hominem æstimare debeamus,
 cùm non potius dicendus est ascendisse in cæ-
 lum propter animam, quam propter corpus?
 Ad sepultus quidem esse dicitur filius Dei, pro-
 pter solum corpus. Quare & ascendisse verè
 dicetur propter solam animam; cùm tamen ipse
 dicat Magdalene; Noli me tangere, Nondum *Icann. 20.*
 enim ascendi ad Patrem meum. Rursum, si a-
 scendit secundum animam, priusquam secun-
 dum corpus; ergo iterum descendit è cælo,
 ut secundum animam corpori iungeretur, to-
 tiusque postea posset in cælum ascendere: Aut
 manente in cælo anima, nec resurrexit Chri-
 stus tertia die, ad veram scilicet hominis vitam,
 quæ esse in corpore sine anima non potest; so-
 loque in cælum corpore sublatus est. Sed quid
 etiam illa sibi vult scriptura; Quemadmodum *Matth. 12.*
 Ionas fuit in ventre cæti tribus diebus & tribus
 noctibus; sic erit filius hominis in corde terræ?
 An ergo secundum corpus suum in corde terræ
 per triduum hæsit? Et sepulchrū eius in super-
 ficie terræ; an in ipsis terræ visceribus intimis-
 que & profundissimis partibus constructū est?
 Hoc si absurdè statuitur, ergo secundum ani-
 mam suā in corde terræ tridui spacio fuisse cre-
 dendus est. Quod sanè sic esse, ex antiquissima
 regula fidei Veteres astuxerūt. Irenæus aduer-
 sus hæreses, in fine totius operis, non minus ad-
 uersum vos, quam aduersus suæ ætatis hæreti- *Cap. 31. se-*
 cos disputas; Quis, inquit, vniuersam reprobant *candum no-*
 a resur- *nam edit.*

resurrectionem, & quātum in ipsis est auferunt
 eam de medio, quid mirum est, si nec ordinem.
 resurrectionis sciūt, nolentes intelligere. Quo-
 niam si hæc ita essent quemadmodum dicunt,
 ipse vtique Dominus, in quem se dicunt cre-
 dere, non in tertia die fecisset resurrectionem,
 sed super crucem expirans, confestim vtique
 abiisset sursum, relinquens corpus terræ. Nunc
 autem tribus diebus conuersatus est vbi erant
 mortui, quemadmodum prophetia ait de eo:
 Commemoratus est Dominus sanctorum mor-
 tuorum suorum, eorum qui ante dormierunt
 in terram sepelitionis, & descendit ad eos ex-
 trahere eos, & saluare eos. Et ipse autem Domi-
 nus: Quemadmodum, ait, Ionas, in ventre cæti
 tres dies & tres noctes mansit, sic exit filius ho-
 minis in corde terræ. Sed & Apostolus ait: A-
 scendit autē, quid est, nisi quia & descendit in
 inferiora terræ? Hoc & Dauid in eum prophe-
 tans dixit: Eripiuisti animam meam, ex in-
 ferno inferiori. Resurgens autem tertia die, &
 Mariæ quæ se prima vidit & adorauit, dicebat:
 Noli me tangere, nondum enim ascendi ad Pa-
 trem meum: sed vade ad discipulos, & dices
 eis; Ascendo ad Patrem meum & Patrem ve-
 strum. Si ergo Dominus legem mortuorum
 seruauit, vt fieret primogenitus à mortuis, &
 commemoratus vsque ad tertiam diem in infe-
 rioribus terræ, post deindē surgens in carne,
 vt etiam figuras clauorum ostenderet disci-
 pulis, sic ascendit ad Patrem, quomodo non
 con-

confundentur, qui dicunt inferos quidem esse hunc mundum, qui sit secundum nos, interiorum autem hominum ipsorum, derelinquentem hic corpus, in supercaelestem ascendere locum? Cum enim Dominus in medio umbræ mortis abierit, ubi animæ mortuorum erant; post deinde corporaliter resurrexit; & post resurrectionem assumptus est, manifestum est, quia & discipulorum eius, propter quos & hæc operatus est Dominus, animæ abibunt in inuisibilem locum, definitum eis à Deo. Hæc S. Irenæus vetustissimus author, Christi ad inferos descensum ijs verbis cōprobans, quæ de Hieremiæ prophetia rescata à Iudeis, & erasa esse Iustinus Martyr Dialogo cōtra Triphonem conqueritur. Ex Hieremiæ similiter dictis (inquit) ista rescuerūt: Recordatus est Dominus Deus mortuorum suorum ex Israhel, qui obdormierunt in terra aggeris, & descendit ad eos ut euangelizaret, lætoque eis nuncio significaret salutare suum. Irenæo & Diuū adiungam Fulgentium ex eo libro, in quo ad Petrum diaconum scribens, fidei regulas se tradere profectur, ideoque & librum ipsum de fide inscripsit. Eius ergo libri c. 2. sic scriptum reliquit: De matris (inquit) utero, idem Deus homo factus exiuit, & in cruce idem Deus homo factus pependit, Et in sepulchro idem Deus homo factus iacuit, & ab inferis idem Deus homo factus tertio die resurrexit; Sed in sepulchro secundum solam carnem idem Deus iacuit, & in inferis.

num secundum solam animam descendit, quæ de inferis ad carnem die tertia reuertente, idem Deus secundum carnem, quæ in sepulchro iacuit, de sepulchro resurrexit. Colligit hoc ipsum D. Leo ex illis verbis; * Quoniam non derelinques animam meam in inferno, nec dabis sanctum tuum videre corruptionem. His enim utique verbis, manifestum est. (inquit) quod caro Domini & verè sepulta requieuit, & corruptionem non subiit; quia celeriter viuificata reditu animæ resurrexit. Quid? quod ipsa Dominica resurrectio, non modò secundum carnem è sepulchro, verùm etiam secundum animam ex inferis intelligenda est. Hoc enim in Actis Apostolorum B. Petrus significat cum ait; Quæ Deus suscitauit, solutis doloribus inferni. Hoc & S. Hilarius insinuat, enarrans Psalm. 54. Non relicto, inquit, in fluctuatione iusto, illi in puteum interitus deducuntur, cuius os clausum, resurgente ex inferis vnigenito Deo esse non potuit. Hoc ipse quoque Lactantius (quoniam ea communis erat Christianorum fides) sic accepit: Quoniam (inquit) prædixerat Dominus, se tertio die ab inferis resurrecturum. Et infra: Illum autem apud inferos non remansurum, sed tertio die resurrecturum, Prophetæ cecinerant. Dauid in Psalm. 15. Non derelinques animam meam apud inferos; nec dabis sanctum tuum videre interitum. Item in tertio: Ego dormiui, & somnum cœpi, & resurrexi: quoniam Dominus auxiliatus est mihi.

Ofæas quoque primus duodecim prophetarū,
 de resurrectione eius testificatus est: Hic fi-
 lius meus sapiens; propter quod nunc resister
 in contri-bulatione filiorum suorum; & de ma-
 nu inferorum eriam eum. Vbi est iudicium
 tuum mors, aut vbi est aculeus tuus? Idem alio
 loco; Viuificabit nos post biduum, die tertio.
 Hæc Lactantius Cyprianum imitatus, qui Li-
 bro aduersus Iudæos secundo, docet ab inferis *Cap. 24.*
 resurrecturum fuisse Christum die tertio, tum
 ex Ozæ cap. 6. tum ex illo Ionæ signo, qui in
 ventre cæti, diebus tribus & noctibus fuit. Vn- *Serm. I de*
 de & S. Leo, resurrectionem Dominicam se- *Resurrect.*
 cundum vtriusque partis locum intelligens, sic *Domin.*
 ait: Resurrectio saluatoris, nec animam in in-
 ferno nec carnē diu morata (siue morari passa)
 est in sepulchro. Quo etiam modo intelligunt
 Veteres, resurrexisse à mortuis Dominū. Non
 enim dicitur, Resurrexit à morte; sed, Resur-
 rexit à mortuis: quia videlicet postquam ad
 mortuos descendisset, ab his rursus ascēdens,
 corpore quoque è sepulchro surrexit, idque die
 tertia. Nam quemadmodum S. Iræneus loqui-
 tur, tribus diebus conuersatus est vbi erant
 mortui; & hoc procul dubio, secundum ani-
 mam suam. Cum igitur Christiana teneat fides
 Christum die tertia resurrexisse, non id modò
 referendū ad corpus est, quod sit die tertia ere-
 ctum è sepulchro; verum ad animam quoque
 ipsam; quæ ex inferis reducta ad corpus, bea-
 tam illi suo consortio præstiterit immortalita-
 tem.

tem. Sed in aduersum errorem Aretium impulsit, non intellectus scripturæ locus; Hodie mecum eris in paradiso. Quia enim paradisu[m], sine cælesti domicilio concipere non potuit, consequens esse putauit, eadem die Christum secundum animam in cælum ascendere debuisse, si prestare vellet quod promiserat; Hodie mecum eris in paradiso. Cui legendus fuerat Augustinus li. 12. de Genesi ad literam c. 34. Quo loco, si propriè (inquit) Paradisus, locus, quidam est nemorosus: translato autem verbo, omnis etiam spiritalis quasi regio ubi animæ benè est, meritò paradisus dici potest; non solum tertium cælum quicquid illud est, verum etiam in ipso homine lætitia quædam bonæ conscientiæ paradisus est. Vnde & ecclesia in sanctis temperanter & iustè & piè viuentibus, paradisus rectè dicitur, pollens affluentia gratiarum castisque delicijs. Quāto magis ergo post hanc vitam, etiam sinus ille Abrahamæ paradisus dici potest, ubi iam nulla tentatio, ubi tanta requies post omnes dolores vitæ huius? Sic Augustinus: Vnde intelligimus nihil vetare quin dicamus Patriarcharum quidem animas fuisse in sinu Abrahamæ, & in paradiso, in quo & Latronem futurum eodem secum die Christus fuerat pollicitus: sed tamen ante ascensum Christi in cælum, nondum quemquam istorum fuisse in tertio cælo, hoc est in paradiso meliore & multo perfectiore, & si dici oportet, Paradiso paradisorum: Neque enim esse potest, quicquam

quam ea lætitia præstantius, quæ capitur ex verbi Dei non qualicumque præsentia, sed per omnia beatifica, hoc est, clara illa, qua sicuti in seipsa est videatur, contemplatione diuinitatis. Quæ tamen tanta diuinę contemplationis excellentia, etiam si putetur Latroni mox esse concessa, ne tunc quidem concludi potest eodem illo die Latronis animam in cælum subuectam fuisse, non ad inferos descēdisse. Quoniam ab illo paradiso excellentiore nunquam recessit Dei filius (inquit Augustinus) quamuis à Iudeis per susceptam carnem tanta pateretur. *Lib. 2. 9. evāg. c. 38. & epist. 57.* Quid autem est unde nunquam recessit Dei filius, nisi diuinitas, hoc est natura patris & sua, cuius contēplatione beatus & ipse semper fuit? Deus enim seipso non aliundē beatus est: nos verò illius efficimur participatione beati. Hoc itaque Latroni dicitur; Eris eò beatus quo ego sum & nūquam esse desij, idque tibi paradisos erit, quod mihi & modo est in hac cruce & semper fuit paradisos.

Hactenus de Limbo.

TERTII LIBRI FINIS.

AVTHORITATES, QVIBVS CON-
sensus eorum de Patrum Limbo declaratur: partim,
eò quod animas, etiam sanctorum, ante Christi mor-
tem, non in cælum admissas fuisse, sed ad infernum
descendisse dicant; partim quia Christum ad inferos
descendisse affirmant, vt piorum animas inde liberaret.

Et primum.

Testimonia quibus sanctorum etiam animas, ad in-
fernum descendisse ante Christi aduentum, asserunt.

Citatur
supra pag.

357.

&

358.

Tertullianus lib. 4. contra Marcionem.

Aliud inferi vt puo, aliud quoque Abrahæ sinus. — Eam
itaque regionem solum dico Abrahæ, & non caelestem, sibi-
miorem tamen inferis, &c.

Athanasius in psalm: 138. ad illud; Si descen-
dero in infernum ades.

Humana ista lex necessitatis est, vt sepultis corporibus, ad inferos ani-
mae descendant. Quam descensionem Dominus ad consummationem
veri hominis non recusauit.

Ambrosius lib. 4. de Fide ad Gratianum c. 12.

305.

Licet corpus Moysi non apparuerit in terris, nusquam tamen in gloria
caelesti legimus.

Et in cap. 5. ad Rom. ad illud. Sed regnauit mors.

Abraham quamuis apud inferos fuerit, discretus tamen erat loco in-
teruallo, ita vt chaos esset ingens inter iustos & peccatores.

Chrysostomus hom. 15. in epist. ad Hebræos.

309.

Hoc significante spiritu sancto, nondum manifestam esse sanctorum
uiam. Propterea inquit ista ita constructa sunt, vt discamus quia san-
cta sanctorum, hoc est, cælum adhuc est inaccessibile.

Author operis imperfecti apud Chrysostomum
hom. 5. in illud Matthæi 3. Aperti
sunt ei cæli.

Nullam animam ante Christum arbitror ascendisse in cælum, ex quo
peccauit Adam, & ei clausi sunt cæli; sed omnes in inferno detentæ:
propter quas etiam descendit in inferiores partes terre.

Homil. 4. in Marcum, inter opera Chrysost.

Ante aduentum saluatoris & euangelij charitatem, antequam Chri-
stus aperiret paradisi ianuam, cum Laitone omnes sanctorum anime ad
inferos deducebantur. Si Abraham ad inferos, quis non ad inferos?

In lege Abraham apud inferos: in euangelio Laito in paradiso.

Citatur
supra pag.

Sumpta sunt ex Hieron.

Hieronymus, epist. 3. quæ est ad Heliodorum.

Ante Christum Abraham apud inferos: post Christum Laito in paradiso.

348.

Epistola 25. quæ est ad Paulam, de obitu Blesillæ,
circa medium.

Luxit Iacob filium quem putabat occisum; et quem & ipse traiecit ad
inferos descendurus, quia necdum paralistianuam Christus effugerat;
Vnde & Abraham licet in loco refrigerij, tamen apud inferos cum La-
zaro fuisse scribitur.

347.

Epistola 127. ad Fabiolam, de 42. mansio-
nibus mans: 34.

In lege descensus ad inferos; in Euangelio ad paradisum transmigration.

Epist. 129. ad Dardanum, longe post initium.

Ante aduentum in carne Domini saluatoris, nec Abraham & alij iu-
sti viri, terram uiuentium consequi potuerunt. Et Abraham cum La-
zaro videtur apud inferos.

In caput 3. Ecclesiastes.

Ante aduentum Christi, omnia ad inferos pariter ducebantur, &c.

348.

In caput 9. Ecclesiastes.

Nota, ut Samuelem quoque verè in inferno credas fuisse; & ante ad-
uentum Christi, quamuis sanctos, omnes inferni lege deventos.

348.

Augustinus lib. 20. Ciuit. cap. 15.

Non absurde credi videtur, antiquos etiam sanctos, qui venturi Chri-
sti tenuerunt fidem, locis quidem à tormentis impiorum remotissimis,
sed apud inferos fuisse, donec eos inde sanguis Christi & ad ea loca
descensus erueret.

351.

Petrus Chrysologus, serm. 123.

Iustos etsi discretio locorum, una tamen inferni adhuc regio continebat.
Et multa quæ sequuntur.

Gregorius lib. 4. Moral. cap. 27.

Priusquam redemptor noster, morte sua humani generis pœnam solue-
ret, eos etiam qui callestis patriæ vias sectari sunt, post egressum car-
nis inferni claustratenuerunt. Non ut pena quasi peccatores plecleret,
sed ut eos in locis remotioribus quiescentes (quia necdum intercessio
mediatoris aduenerat) ab ingressu regni, reatui primæ culpæ prohibere.
Citantur eadem verba ab Anselmo in illud. 2. Cor. 5.
Scimus quoniam si terrestris. Vide supra pag. 312.

Idem Greg. lib. 29. Moral. c. 7.

Profundum maris ante redemptoris aduentum non vis sed carcer fuit,
quia in se etiam bonorum animæ, quamuis non in locis pœnalis,
clausit.

Citatur
suprapag.

Theophylactus in cap. 15. Marci ad illud, Pater,
in manus tuas com.

Hoc beneficium Christi est, quod nunc sanctorum spiritus in manus
patris ascendunt, qui olim ab inferno tenebantur; donec veniret qui
gratiam capitiis remisisset.

Bernardus serm. 4. de omnibus sanctis.

305.

Providit eis (sanctis veteris testamenti) Dominus in inferno
ipso locum quietis & refrigerij; chaos magnum firmans inter sanctas
illas animas, & animas impiorum. Quamvis enim utraq; in tenebris
essent, non utraq; erant in penis.

Anselmus lib. 2. Cui Deus homo, cap. 16.

Nulla anima ante mortem Christi, paradysum caelestem ingredi potuit.

Idem in cap. 9. ad Hebraeos.

309.

Ante saluatoris ascensionem, calum fuit inaccessibile sanctorum ani-
mabus.

Haimo in cap. 9. ad Hebraeos.

Caeleste regnum inaccessibile erat a tunc mortalibus, quoad usque ve-
niet Christus, qui expleta passione sua aperiret nobis ianuam patriae
caelestis.

TESTIMONIA VETERVM

QUIBUS CHRISTI PROBATVR
ad inferos, hoc est, ad Limbum, descensus, ut inde
iustorum animas liberaret.

GRÆCI

Symbolum Apostolorum.

Descendit ad inferos.

Ignatius epistola 2. quæ est ad Trallianos.

Descendit ad inferos solus; ascendit vero cum multitudine.

Irenæus lib. 5. contra hæreses cap. 39.

316.

Propter Prophetas & iustos descendit Christus in inferiora terra; sicut
Hieremias ait, Recordatus est Dominus sanctus Israel mortuo-
rum suorum, & ascendit ad eos ut evangelizaret eis salutare suum,
& saluaret eos.

Et in fine lib. 5. siue secundum postremam edit.

lib. 5. cap. 31.

396.

Tribus diebus conuersatus est ubi erant mortui, quemadmodum pro-
& sequer. phetia ait de eo. Commemoratus est Dominus sanctorum mortuorum
suorum, eorum qui ante dormierunt in terra sepelitionis, & descendit
ad eos, extrahere eos & saluare eos. &c.

Ori-

Origenes hom. 15. in Genes. sub finem.

Sub finem seculorum, unigenitus filius pro salute mundi usque ad inferna descendit, & inde protoplastum reuocauit. Quod enim dixit ad Latronem, Hodie mecum eris in paradiso, hoc non illi soli dictum, sed & omnibus sanctis intellige, pro quibus in inferna descenderat.

Idem in 5. caput epistolæ ad Roman.

Intelligimus Christum idcirco in infernum descendisse, non solum ut ipse non teneretur a morte, sed ut & eos qui inibi, non tam præuicationis crimine, quam morientis conditione habebantur absolueret.

Eusebius Cæsariens. lib. 4. de Euang. demonst. c. 12.

Christum cum altius vocem emisisset, & patri dixisset Conimendo spiritum, solutus corpore abiit, mor. em. à tergo insequens atque impellens, æternasque abditiorum tenebrarum portas refringens, & mortuus qui illic catenis mortis impliciti erant, remeandi ad uitam iter reuorsum aperuit. Et mox. Dominus noster qui Christus est Dei, victoriaque reportator dicitur, ut propheticiis uaticinijs mortem obiurgans induciatur, & animas soluens quas illic uinctæ detinebantur, &c.

Idem lib. 10. de Demonst. Euang. sub finem.

Vni Christo hoc seruabatur, ut ausus esset regias mortis domus inuadere, atque ad auxilium animarum quas illic erant, socium se præbere, & unum illum Orci ianitores conspicati formidauerunt.

305.

Athanasius in symbolo suo.

Descendit ad inferos.

Idem serm. in illud, Profecti in pagum. tom. 3.

Resurrexit Dominus tertia die, spoliato inferno.

Idem serm. de Pass. & cruce, post med. tom. 3.

Postmodum eiectus ille miser ex inferno, sedensq; ad limina, conspicatus est omnes suos uinctos, uirtute Christi educi; & omnes sanctos quæcum Adamo erant, obuiam cedere.

Idem in Tractatu de natura humana suscepta ab unigenito verbo, post initium tom. 3.

Mortis condemnationem in inferno peregit, omnia loca permeans. Ibidem paulò post. Christus in terra potestatem diuini cunctis peccata, in sepulchro incorruptibilitatem, in descensu inferorum soluentem moris potestatem ostendit.

Multis interiectis.

Corpore Christi non ultra sepulchra delato, anima ad inferos penetravit, ut earum animarum quas infernus tenebat, uincula dirumperet. Et paulò ante finem. Nonne diuisus in duas partes ut homo, & in sepulchro, & apud inferos agebat? &c.

332.

Basilii in Psalm. 44.

Non inefficax in sepulchro permansit tribus illis diebus, sed in infernum descendit, gratia dispensationis circa resurrectionem absoluende.

Idem

Citatur
suprapag.

Idem in psal. 48. ad illud, Veruntamen Deus redimet animam meam.

Palam vaticinatur Christi ad infernum descensionem, qui una cum alijs, prophetæ ipsius animam sit liberaturus, ut ibi nequaquam remaneat.

Idem in psal. 115. ad illud. Dirupisti vincula mea. Ex quo peccavi vinculis me exemisti, mox à tuo in infernum descensu, & exoluta hominum numerosissima multitudine, quæ illic mortis astricta vinculis, &c.

Idem, referente Vigilio Tridentino lib. 5.

328. Deuictio mortis regno, redijt à mortis Dei filius cum spolijs.

Gregorius Nissenus orat. 1. de Resurrectione Domini.

In hac festiuitate, contractæ sunt ferrea mortis portæ, in hac aerei inferni uellēs contusi sunt. Nunc mortis carcer aperitur, nunc predicatur captiuis dimissio. Et multa quæ sequuntur.

Et longius ante finem. Quomodo eodem tempore, & apud inferos & in Paradiso Dominus fuerit, quæritur, &c.

Gregorius Nazianzenus in Pascha orat. 2.

Si in infernum descendat, simul descende. Ea quoque mysteria cognosce quæ Christus illic designauit, utrum omnes sine ulla exceptione aduentu suo saluos fecerit, an illic quoque eos dimittat qui crediderunt. Si in calos ascenderit, simul ascende, &c.

Theophilus Alexandrinus lib. 1. Paschali.

Credibile non est quod ad inferos caro eius descenderit, vel prudentia carnis quæ appellata sit anima, inferis apparuerit, sed quod corpus eius positum in sepulchro, & ipse nec de corpore, nec de diuinitate sua dixerit, non derelinques animam meam in inferno.

Inter opera Chrysostomi. hom. 4. in Marcum.

Dominus roffer atque saluator, & in terra predicauit, & apud inferos predicauit. Ideo mortuus est, & ideo descendit ad inferos, ut anime quæ ibi uinctæ fuerant laxarentur.

Epiphanius hæresi 46. quæ est Tarian. post med.

332. Christus venit, ut his qui olim ipsum cognouerant, & ab ipsius Deitate non aberrauerant, verum propter errores in inferno detenti sunt, indulgentiam largiretur.

Idem hæresi 69. quæ est Arrianor. post med.

Volebat Deitas omnia perficere quæ ad passionis mysterium pertinent, & cum anima descendere ad inferna, ad operandum salutem eorum qui illic prædormiunt, sanctorum inquam Patriarcharum.

Idem hæresi 77. quæ est Dimær. longiusculè ante finem. Descendit in Deitæe cum anima ad infernum, & soluens ligatos in forti-

fortitudine ac potentia, rediens Deus verbum cum anima sancta, cum qua liberaui captiuitatem, &c.

Citatur
suprapag.

Idem sub finem Panarij.

Depositus in monumento concluso per lapidem, non conclusa Deitate, sed simul cum sancta anima descendente ad inferna & auferente illinc animarum captiuitatem, &c. Eadem ipsidem verbis repetit sub finem Anacephaleosis.

Cyrillus Hierosolymitanus Catechesi illuminat. 4.

Descendit ad inferos ut & illinc iustos liberaret. Cur enim vellet viuentes quidem sui gratia, quamuis plurimi ex his sancti non essent; qui vero cum Adam a longo tempore conclusi erant, deinceps non potui libertate?

Idem catechesi 14.

Solus Christus quidem descendit ad inferos, cum multis autem inde ascendit. Exeruita est mors videns nunc quendam descendentem in infernum, vinculis quæ illi sunt non ligatum. Fugit mors, accurrerunt sancti prophetae, &c.

Cyrillus Alexandrinus lib. 12. in Ioannem c. 36.

Cum tempus iam esset ut etiam spiritibus apud inferos pradiaret, mortem pro nobis suscepit, & spoliatis inferis, primogenitus mortuorum factus, recursus ad vitam nature nostre largiretur, &c.

Idem libro de recta fide ad Theodosium circa med.

Anima quæ descendit in infernum: diuina autem virtute & potestate utens, etiam spiritibus qui illic erant apparuit. Neque enim opinor dixit (Petrus) quod apud & per se diuinitas descendit in infernum, &c.

Ephesini Concilij PP.

Pro omnibus Christus gustauit mortem, & tertia die resurgens spoliavit infernum.

328.

Damasceus lib. 3. de orthod. fide c. 29.

Descendit ad infernum anima deificata — & hoc pacto a seculo compedidos soluens, rursus ex mortuis rediit, nobis viam parans ad resurrectionem.

364.

Idem in Oratione qua declarat quod mortui viuorum suffragijs iuuentur.

Oportebat omnes (Patres & prophetas) per descensum Dei & Domini nostri ab inferni vinculis liberatos saluari.

383.

Theophylactus in cap. 27. Matthæi.

Mortuorum resurrectio quæ facta est in cruce Domini, significauit eorum qui in inferno fuerint liberationem.

305.

Nicephorus lib. 1. hist. cap. 31.

Instituta sol Christus, anima sola per mortem a corpore segregata, apud inferos iustorum animis prelo fuit.

Citatur
suprapag.

Tertullianus lib. de Anima, Tit. de Inferis, cap. 32.
Christus non ante ascendit in sublimiora calorum, quam descendit in
inferiora terrarum, ut illis patriarchas & prophetas copotes sui faceret.
Felix Pontifex epist. sua.

326. Verbum Dei inferni claustra cecidit, ut uiuificaret eos qui à seculo
mortui sunt.

Cyprianus lib. 2. contra Iulianos cap. 24

373. Quid ab inferis tertio die resurgeret, apud Origenem, &c.

Author expositionis symboli apud Cyprianum.

359. Rediit victor à mortuis, inferni secum spolia trahens. Eduxit enim eos
qui tenebantur à morte. Paulo post. Consummatis his que in terra
geriebantur, & animabus de misera captiuitate libera is, ascendere
memoratur ad calos. Et iterum. Quod in infernum Christus se-

360. cundum animam ascenderit, euidenter in Psalmis prænunciatum est.
Author Serm. de Vnctione Chrismi sub finē, apud Cyprianum.
Passus est rex illud, & vita occidi, descendensq; ad inferos captiuam
ab antiquo captiuitatem reuinxit, &c.

Author Serm. de Resurrectione Christi, apud Cyprianum.
Honorificatus est Christus resurgens à mortuis, victor mortis spoliatus
inferos, & captiuos pramittens ad superiores.

Lactantius lib 4. cap. 19.

372. Illum apud inferos non remansurum, sed tertio die resurrectionum pro-
pheta cecinerant.

Idem in carmine de Resurrectione Dominica.

364. Solue catenatas inferni carceris vinctas, &c.
Iulius Firmicus Maternus, lib. de Mysterijs & erroribus
prophanarum religionum, ad Constantinum &
Constantem A. A. cap. 25. Extralib. 5. Biblioth. P. P.
Ne infortorum meritum ex longa desperatione concideret, fregit claustra
perpetua, & ferrea fores Christo iubente collapsa sunt. Et postea.
Exultat salutare nuntius, & triumphales curus eius, infortorum ac
sanctorum turba comitatur. Et quæ sequuntur.

Hilarius lib. 4. Trinit. in fine.

326. Mortem in inferno peremit Christus. Idem in psalm. 53.
328. Morte non interceptus unigenitus Dei filius, ad explendam quidem
hominis naturam, morti se, id est, discessionem se tanquam anima cor-
porisque subiecit, & ad inferni sedes, id quod homini videtur debitum
esse, penetrauit. Idem in psalm. 54.

Inferni os clausum, resurgente ex inferis unigenito Deo non potuit.

Idem in psalm. 118. ad illud, Adiua me & saluus ero.
Adhuc sibi obvennda mors est, adhuc inferi sustinendi.

Prudentius in Apotheōsi post medium.

tumuloq; infēna iefringens.

Regna, resurgentes secum iubet ire sepulcos?

Cathymenimenon hymno. 9.

Quin & ipsum ne salutis inferi expertes forent

Tartarum benignus intrat, tracta cedit ianua;

Vellibus cadit repulsis cardo dissolubilis.

Illa prompta ad intruente istenax

Obijce extorsum recluso porta reddit mortuos, &c.

Ambrosius lib. 4. de fide ad Gratianum. cap. 1.

Dominus resurrectionis sue pignore, vincula soluit inferni & piorum animas eleuauit.

Idem ibidem.

Resurgens ex inferis Christus venit, nouis redimitus exunijs, & spolio ex morte quæsito.

Idem in Hymno.

Inferni claustra penetrans

Tuos captiuos redimens.

Hieronymus in cap. 13. Osee. ad finem.

Sanctos intelligimus vasa desiderabilia quæ in thesauris inferni detinebantur, quos alligatos forte Dominus eripuit & tulit de infernis, & quos vasa præstantissima secum perduxit in paradysum.

Et infra. Terra inferi est terra mortuorum; quæ accipitur & vastatur, quando morte Christi vincula apud inferos animæ liberantur.

Idem in cap. 4. ad Ephes.

Inferiora terra Infernus accipitur, ad quem Dominus noster saluatorq; descendit, ut sanctorum animas quæ ibi tenebantur inclusa, secum ad celos victor abduceret.

Idem in cap. 3. Danielis.

In typo præfigurat iste Angelus siue filius Dei, Dominum nostrum Iesum Christum, qui ad foinacem descendit inferni, in quo clausa & peccatorum & iustorum animæ tenebantur, ut absque exustione & noxa sui, eos qui tenebantur inclusi, mortis vinculis liberaret.

Idem in Psal. 15.

Non derelinques: quia propterea illuc (in infernum) descendit, ut electos suos inde eiceret & diabolum ligaret.

Idem in Psal. 29.

Animam Christi, cum alijs animabus sanctorum, Deus de inferno reuocauit.

Idem in Psal. 87.

Inter mortuos liber. Nemo me in inferno vinxit, sed ego. vincitorum catenam propria virtute laxavi.

Idem lib. 2. contra Iouin.

Donec moriatur sacerdos magnus, & ad inferna descendens, liberet animas fugitiuorum.

Augustinus lib. 17. Ciuit. cap. 11.

Animam suam Christus eruit de manu inferi, quia propter quorūdam soluenda peccatorum vincula ad inferna descenderat.

Idem

305.

328.

364.

347.

348.

352.

Citatur
supra pag.
352.

Idem August. Epist. 99. Quis nisi infidelium negauerit fuisse apud inferos Christum, &c. Et post. Teneamus firmissimè quod fides habet, fundatissimā authoritate firmata, quia Christus apud inferos fuit, soluis eorum doloribus, à quibus recte intelligitur soluisse & liberaisse quos voluit. Et Epist. 57. ad Dard. post initum. Quærit solet, Si non pœnaliter recte intelliguntur inferna, quomodo animam Domini Christi piè credamus fuisse in inferno? Sed bene respondetur ideo descendisse, ut quibus oportuit subueniret.

355.

Idem in psal. 85. ad illud, Quoniam misericordia tua. Nondum Dominus venerat ad infernum, ut erueret inde omnium sanctorum præcedentium animas; & tamē Abraham in requie ibi erat.

Idem Tract. 111 in Ioannem.

Qui homini pœnaliter pendenti ait, Hodie mecum eris in paradiso; secundum id quod homo erat, anima eius ipso die suā suā fuerat in inferno, caro in sepulchro. Serm. 137. de Temp. inter serm. Aug. Carnem in sepulchro posuit, & comitante secum anima ad inferna descendit. Per hanc electi, qui quamvis in tranquillitatis sinu, tamen apud inferni claustra tenebantur, ad paradisi amœna reuerti sunt, &c. Sed quæ deprompta sunt ex homil. 22. Greg. in Euang.

Petrus Chrysologus serm. 123.

Ipse Dominus qui clausit infernum, ad inferos tota potestate descendit; ut clausa protinus aperiret, &c. Leo ser. 1. Resurrect.

373.

Resurrectio Saluatoris; nec animam in inferno; nec carnem diu &c.

323.

Fulgentius l. 3. ad Tras. c. 34. & li. de fide ad Pet. c. 2.

Gregorius. lib. 4. Moral. c. 27.

Redemptor noster pro nostra culpa debito occumbens inferna penetrat; ut suos qui ei inhaerant, ad caelestia reducat. Et l. 29. Moral. c. 7.

Profundum maris Dominus perijt, cum inferni notissima electorum suorum animas crepitans intrauit. &c. Idem lib. 6. epist. 15.

Vera fides per ecclesiam catholicam docet, quia descendens ad inferos Dominus, illos solummodo ab inferni claustris eripuit, quos viuentes in carne per suam gratiam in fide & operatione seruauit.

Concilium Toletanum 4. can. 1.

367.

Descendit ad inferos, ut sanctos qui ibi tenebantur erueret. Hæc est Catholica ecclesie fides. Bernardus serm. 4. de omni. sanct.

304.

In locum (infernum) saluator descendens, continui portas æreas, reuocatosque vinclos de domo carceris, sedentes quidem, sed in tenebris. &c.

Romanum officium pro defunctis, Respons. lect. 9.

Libera me Domine de vijs inferni, qui portas æreas confregisti, & visitasti infernum, & dedisti eis lumen ut viderent te, qui erant in pœnis tenebrarum.

S V P E R I O R V M Q V O -
R V N D A M L O C O R V M I L L V -
strationes, ab ipso Authore
adiectæ.

*De quibusdam malis sanctorum affectibus etiam
post mortem inhaerentibus. AD CAPVT VI.
Pag. 46. post medianm.*

QUOD ad piorum pertinet affectus vitiosos, sciendum est alios esse illos affectus & motus quos inuiti patiuntur, quibusque resistunt quotidiano certamine, tanquam in ciuili & domestico atque intestino bello; alios illos quibus adhuc voluntariè distinentur, quamuis non vsque ad crimen perpetrandum. Hos enim vsque ad mortem perdurantes, etiam post mortem in anima inhaerere, nihil obstat quo minus existimemus, vt indè etiam dolor animi sit, ab ijs abstractum esse rebus quarum amore tenebatur; Illos verò ex carne surgentes impetus quibus hic sedulò resistebatur, animæ iustorum simul vt exutæ suis corporibus fuerint, deponent, nec vllum ab ijs amplius patientur bellum, metumue cadendi. Ac de his vitijs loqui Diuum Augustinum cum ait lib. 2. contra Iulianum cap. 3. quod anima pia discedente peribunt, in resurgente corpore non redibunt, satis ex antecedentibus liquet. Iamne (inquit) discernis, iamne perspicis, iamne respicis, & in baptismo fieri omnium remissionem peccatorum, & cum baptizatis quasi ciuile bellum interiorum remanere vitiorum? Non enim talia sunt vitia quæ iam peccata dicenda sint, si ad illicita opera spiritum concupiscentia non trahat, & concipiat pariatque peccatum. Nec tamen extra nos sunt, quibus vincendis cum in hoc certamine proficienter laboramus, instandum est. Nostra sunt, passiones sunt, vitia sunt, frenanda, cohibenda, sananda sunt; sed dum
b curan-

curantur infesta sunt. Et si nobis ad meliora proficientibus magis magisque minuuntur, tamen dum hic vivitur esse non desinunt: discedente hinc anima pia, peribunt; in resurgente corpore non redibunt.

Hæc Augustinus.

De securitate sanctarum animarum in Purgatorio. AD CAPVT VI. *Pag. 56.*

SCiendum est securitatem dici tripliciter: Vno enim modo est in re ipsa securitas, quamuis non sit in opinione, quod propriè dixerimus esse in tuto; Alio in opinione etsi nō sit in re; Tertio demum in re & persuasione, quæ perfecta est veraq; securitas. Quibuldam enim nullum imminet periculum & agunt tamen timidius, alij nihil metuunt securiq; agunt etiam in magnis periculis; Illi demum perfectè sunt securi, qui & periculo carent omni, in tutoque sunt, & ita esse certa cognitione exploratum habent. Quod autem iustorum animæ in Purgatorio primo modo securæ sint, liberæ videlicet ab omni periculo excidendi à sua felicitate, illæ scripturæ docent. Qui perseuerauerit vsque in finem hic saluus erit; & Estote fidelis vsque ad mortem, & dabo tibi coronam vitæ; & Lignum vbicunq; ceciderit, siue ad austrum siue ad aquilonem, illic erit. Illa quoque ex libro Sapientiæ, Raptus est, ne malitia mutaret intellectum eius, & fictio deciperet animam illius: Vnde constat post hanc vitam, nullum amplius à tentatione periculum impendere. Docet hoc luculenter Diuus Cyprianus, sermone de mortalitate, & Diuus Augustinus lib. de prædestinatione sanctorum cap. 14. ex Diuo Cypriano, quem docere ait, non solum non esse fidelibus inutilem mortem, verumetiam vtilem reperiri, quoniam peccandi periculis hominem subtrahit, & in non peccandi securitate constituit. Vt autem & tertio modo securæ sint, propriè circa vnumquemque diuini iudicii sententia facit. Quia statutum est hominibus mori, post hoc autem iudicium; & facile est, (inquit) Sapiens

coram

Math. 10.

Apocal. 21.

Eccles. 11.

Cap. 4.

coram Deo in die obitus retribuere vnicuique secundum vias suas; id quod propter diuini iudicii sententiam dictum est qua quisque post mortem continuò vel vitæ adiudicatur vel morti: sola enim hæc est adæquata viæ cuiusque retributio. Neque verò existimandum est sic ferri sententiā vt esse possit ignota, cum hoc ipsum circa vnumquemque Dei sententiā sit, decreti eius manifestatio qua cuique sua retributio innotescit. Nam & hic aliqui suam quisque sententiā acciperet, imò & accepisset ab æterno, si nihil aliud esset Dei sententiā quam decretum quo quemque secundum vias suas, aut vitæ aut morti destinaret. Sententiæ ergo circa quemque pronuntiatio, Diuini decreti manifestatio est qua suus cuique declaratur futurus status, aut felicitatis aut miseriæ secundū ea quæ in corpore gessit bona aut mala. Quamquam & hoc quod bona & tranquilla conscientia sunt, atque iustificati ex fide pacem habent cum Deo ac regni consequendi fiducia lætantur; imò verò iam intra sese regnum illud habent, de quo Paulus, Regnum Dei non est esca & potus; sed iustitia, & pax, & gaudium in spiritu sancto; id igitur certam ipsis persuasionem facit se non esse damnatos, neque à facie Domini proiectos in æternum: Tales enim desperatione torqueri necesse est, & luctum concipere inconsolabilem. Quod autem Diuus Cyprianus ait, loco citato, pendere quosdam in die Iudicii ad sententiā Domini, id vel huius vitæ metum significat, quemadmodum & illud in euangelio à prudentibus virginibus dictum; Ne fortè non sufficiat nobis & vobis. Non enim hoc (ait Diuus Hieronymus) de auaritia, sed de timore respondent; aut magnæ misericordiæ & gratiæ intentā significatur expectatio propter actam in sceleribus vitam.

Roman. 14.

Matth. 25.

De Allegoria. Ad finem CAP. XII.
libri primi.

CVM sit Allegoria duplex, verborum & rerum, tamē apud Theologos familiarius allegoria in rerū
b ij ipsa.

ipſarum myſtica ſignificatione ponitur; vt vbi ſit allegoria, ibi duplex habeatur ſenſus: vnus in ſignificatione verborum, qui dicitur literalis; alter in myſtica ſignificatione rerum ipſarum quæ verbis designantur. Hoc enim ſacræ Theologiæ ferè proprium eſt inter omnes diſciplinæ, vt cum quippiam narratur verbis, vltèrius tamen per ipſas res aliud quippiam intelligendum offeratur: velut apertiffimum eſt illis locis; Abraham duos filios habuit. Os non cōfringetis ex eo, non alligabis os boui trituranti, vbi ſenſus allegoricus altioris intelligentiæ eſt, quam cēſet beatus Hieronymus à Paulo interdum ſpiritualem intelligentiam dici: vt ibi (inquit) Scimus quod lex ſpiritualis eſt, pro eo quod eſt allegorica. Et alibi. Omnes eandem ſpiritualem comedunt eſcam, & eundem ſpiritualem biberunt potum, id eſt per allegoriam, aliud quippiam ſpiritualiter ſignificantem. Iſto ſanè modo euident eſt Allegoriæ à Metaphora diſcrimen, quæ in verborum eſt ſignificatione translata, nec literalis ſenſus fines egreditur; vt cum dicimus prata ridere, aut ciuitatem florere. Sicut autem ex ſermone metaphorico non ducitur firmum argumentum vbi obſcura & incerta verbi tranſlatio eſt, poſteſtque & in hanc & in illam accipi partem: ſecus autem cum nota & fixa fuerit & vſu iam trita; velut ex eo quod dicitur Ciuitas florere, cuius in prōptu eſt quid indubitanter colligat; Item ex eo quod de eccleſia dicitur ad literā, Vna eſt columba mea, colligunt omnes eccleſiæ Chriſti vnitatem: Sic cum incertum eſt & obſcurum, quid ſignificetur rebus, poſſuntque huc atque illuc trahi, nullum eſt firmum argumentum; at vbi certa notaque ſignificatio eſt, rectè trahitur in argumentum, quemadmodum fecit Paulus, non ſolum in eo quod ſcriptum eſt de duobus Abrahæ filiis, verum etiam in illo de non obligando ore bouis triturantis. Nihil proinde inſulſius eo quod Donatiſtæ pro ſe afferebāt ex Canticis; Dic vbi paſcis, vbi cubes in meridie, quo probarent apud ſe in Africa eſſe eccleſiam. Quibus reſpondens Auguſtinus. Quis (inquit) non impudentiſſimè nitatur, aliquid in allegoria poſitum, pro ſe interpretari niſi habeat

In caput 4.
epiſtolæ ad
Galathas.

1. Corint. 9.

Epistol. 48.

ad Vincētiū
Rogatiſtam,

beat & manifesta testimonia, quorum lumine illustratur obscura. Non ergo docet Augustinus (quemadmodum falsò Lutherus asserit) figuram nihil probare; aut quod hic Benedictus ait, allegoriam ne perspicuam quidem vim habere probandi: sed hoc docet, si obscura sit allegoria, illustrari & perspicuā reddi oportere, vbi vsui sunt & testimonia scripturæ clariora, & constantes celebrioresque interpretationes Patrum.

De igne extremi iudicij. AD CAP. XVII.

Ignis illius extremi iudicij triplex videtur effectus futurus. Vnus in purgatione elementorum quæ mundi conflagratione futura est, qua fiet vt eæ qualitates quæ nostris corruptibilibus corporibus congruebant, ardendo penitus intereāt, succedant autem eæ quæ corporibus nostris immortalibus mirabili mutatione conueniant. Qua de re scriptum est apud Augustinū lib. 20. de Ciuit. Dei cap. 16. Alius effectus in vindicta impiorum, de quo Paulus ad Thess. posteriore cap. 1. Tertius in probatione iustorum, vbi ignis ille perfectioribus hoc erit, quod fuit caminus Regis tribus pueris, quẽadmodum docet Augustinus ad versiculum Psal. 101. Ipsi autem peribūt, & ex Augustino Alcuinus: Vndè & illud est Emisseni hom. 3. de Epiphania. Illuc (inquit) iusti velut per amcenos gurgites, incendijs naturam suam mutantibus transmeabunt intacta ignibus corpora, ipsis honorificanda pœnis quia non sunt onerata peccatis. In illos enim sæuis æstibus nihil licebit, quos ante libidinum flamma non attigit, & quibus puritas contulit reuerētiam, inferre nesciet rationabilis ardor iniuriam. Qui autem illa quæ huius sæculi sunt vsque in finem amauerint, & cum huius mundi concupiscentia, quãuis non vsque ad mortale peccatum dominante, ex hac vita migrauerint, saluabuntur quidem merito fundamenti, sed detrimentum per ignem accipient; quia non solum mundus, sed etiam eius concupiscentia transire debet. Ideoque illa tunc exuretur concupiscentia, nisi ante extremum illud iudicium in purgatorii loco fuerit exusta. In quo loco plenè purgati, cum his erunt

in illo die qui illæ si transibunt, quod detractis antea ligno fœno & stipula, nihil tunc præter purum iustitiæ aurum circumferent. Illi detrimentum patientur tunc, quibus adhuc, aut per affectum aut per reatum materia inflammabilis adhærebit. Quod si dixerit aliquis ignem illum conflagrationis, sequuturum esse resurrectionem corporum; iustos autem omnes in corpore impatibili surrecturos, & ideo tunc nullum eorum posse purgari aut detrimentum accipere. Respondebitur, de ordine rerum tunc gerendarum obscurissimam esse quæstionem, cuius plenam notitiam is solus habeat, cuius tunc nutu illa fient. Sed iuxta enumerationem Augustini, sequitur resurrectionem conflagratio; ponit enim ille primo loco Heliam Thesbiten; deinde ordine conuersionem Iudæorum, Antichristum persequuturum, Christum venturum vel iudicaturum, mortuorum resurrectionem, bonorum malorumq; diuisionem, mundi conflagrationem & renouationem: Quæ æstimo (inquit) eo ordine esse ventura, quo sunt à me cōmemorata. Cæterum poterit quibusdam iustis corpus resurrectione redditum ad tempus esse patibile, quomodo & nunc anima seiuncta à corpore affligitur ad tempus, postea donanda munere impassibilitatis. Patientur ergo tunc iusti quidam, ipsaque passione & afflictione purgabuntur. Neque id dubium habuit Augustinus ut videre est cap. 25. lib. 20. de Ciuitate, ubi postquam dixisset quæstionē de purgatorijs pœnis diligentius esse pertractandam, non quo sciret utrum futuræ essent, sed quam ratione dicendæ essent purgatoriæ, subiungit. Filios autem Leui & Iuda & Hierusalē, ipsam Dei Ecclesiā debemus accipere, non ex Iudæis tantum sed ex alijs etiam gentibus congregatam; nec talem qualis nunc est, ubi si dixerimus quia peccatum non habemus, nosipsum seducimus & veritas in nobis non est; sed qualis tūc erit, velut area per ventilationem, ita per iudicium purgata nouissimum, eis quoque igne mundatis quibus talis mundatio necessaria est.

*Epistol. 80.
ad Hesychiū.*

*De consuetudine & vetustate. AD CAPVT
XXVI. libri primi. Pag. 210.*

Augustino tribuitur à Gratiano sententia qua dicitur; Nemo consuetudinem rationi & veritati præponat, quia consuetudinem ratio & veritas semper exclusit, cum ea sit Felicis à Buslacenis collegæ Diui Cypriani. Quam tamen sic approbat Augustinus, vt respondens mox adiungat: Si ratio, si veritas, optimè. Et certa quidem res est consuetudinem rationi & veritati præferri manifestæ, non debere præponi: sed errantibus atque hæreticis plerunque id familiare fuit, vt cum sibi animaduernerent Ecclesiæ consuetudinem aduersari, ad istam sententiam confugerent tanquam ad sacram anchoram, veritati non esse consuetudinem præponendam. Fecerunt hoc Cyprianus eiusque collegæ. Fecit hoc & Tertullianus, cum ecclesiæ relictis castris ad Mōtanicum paracletum transfugisset. Non quidem in mala causa cum ageret de velandis virginibus, sed tamen ad sui instituti respiciens tacitus nouitatem, quemadmodum animaduerti potest ex ijs quæ paulò post consequuntur. Dicit ergo Tertullianus initio libri illius de virginibus velandis; Veritati nemo præscribere potest, non spatium temporum, non patrocinia personarum, non priuilegium Regionum. Ex his enim ferè consuetudo initium ab aliqua ignorantia vel simplicitate sortita, in vsum per successionem corroboratur, & ita aduersus veritatem vindicatur. Sed Dominus noster Iesus Christus veritatem se, non consuetudinem cognominauit. Et infra; Hæreses non tam nouitas quam veritas reuincit. Quodcunque aduersus veritatem sapit, hoc erit hæresis, etiam vetus consuetudo. Hæc Tertullianus; quem vt similia diceret, Cyprianus in causa non bona sequutus est. Plausibilis enim est per seipsam causa veritatis; consuetudo verò atque vetustas, veritate nitatur necesse est, neque quicquam ideo aut verum propriè quia vetustum, aut rectum quia consuetum. Cæterum quemadmodum in religione & fide, nouitas index est falsitatis, cum fides noua esse non possit: ita quod contra

Ecclesiæ vetustissimam consuetudinem emergit, eo ipso se prodit è quo spiritu proficiscatur. Ideoq; Tertullianus ipse cuius illa superiora sunt, audi quid alibi cum adhuc catholicus esset scriptum reliquerit, initio libri aduersus Hermogenem. Solemus (inquit) hæreticis cōpendij gratia de posteritate præscribere. Inquantū enim veritatis regula prior, quæ etiam futuras hæreses renunciauit, intantum posteriores quæque doctrinæ hæreses præiudicabuntur, quia sunt quæ futuræ veritatis antiquiore regula prænunciabantur. Et in libro de præscriptionibus hæreticorum. Sed ab excessu (inquit) reuertar ad principalitatem veritati, & posteritatem mēdacitati deputandam, ex illius quoque parabolæ patrocínio, quæ bonum semen frumenti à Domino seminatum in primo reconstituit: Auenarum autem sterilis sceni adulterium, ab inimico diabolo postea superducit. Pro parte enim doctrinarum distinctionem figurat, quia & alibi verbum Dei seminis similitudo est: ita ex ipso ordine manifestatur id esse Dominicum & verum, quod sit prius traditum; id autem extraneum & falsum quod sit posterius immissum. Ea sententia (inquit) manebit aduersus posteriores quasque hæreses quibus nulla constantia & conscientia concedit ad defendendam sibi veritatē. Hæc Tertullianus, nobis etiam nunc nostræ ætatis nouatores vero indicio prodens. Quantūcunque enim de veritate sibi applaudant, hoc ipso conuincuntur mēdaces, quia noui. Cum enim ecclesia Christi debeat esse perpetua, regnumque illud quod in æternum non dissipabitur, fides quoque ac pietas noua esse non possit, sed vna eademque esse debeat omnium temporum, neque ea latens & oppressa ne Christum diabolo subiugemus, sed manifesta semper ecclesiæ professione clara & illustris, certum est verum & pium esse non posse quod deprehendatur nouum, & perpetuæ cum prædicationi tum consuetudini ecclesiæ contrarium. Eam ob rem Christus Dominus veram afferens medicinam, quæ corruptos hominum

ca. 14. lib de mores sanatura erat, hoc est ordine progressus, vt mi-
 visil. crededi. raculis (quemadmodū inquit Augustinus) conciliaret

autho-

authoritatem, autoritate mereretur fidem, fide contraheret multitudinem, multitudine obtineret vetustatem, vetustate roboraret religionem, quam non solum ineptissima hæreticorum nouitas fraudibus agens, sed nec gentium quidem veterinosus error violenter aduersans, aliqua ex parte conuelleret.

AD CAPVT XI. *libri secundi.*

EST & illud animaduertendum, non continuò de Purgatorio dubitari vtrum aliquod sit post mortem, si dubium videatur vtrū defunctis ad refrigerium aliena prodesse queat Satisfactio. Quanquam enim ex oratione pro defunctis, rectè Purgatorium esse statuitur, non tamen sublata pro defunctis oratione Purgatorium tolleretur; cum ipsæ pœnæ quamuis temporariæ, post mortem, eò possint Diuino iudicio fixæ esse vt ad nouissimum vsque quadrantem seuerissimè ad omnibus exigantur. Nunc autem ita res habet vt taxata per Dei sententiam in nonnullos pœna, possit interueniēte misericordia mitigari. Tamen si enim Deus consilium non mutet suum, tamen sententiam latam ab eo interdum mutari, & fundatum in scripturis est, & apud veteres ecclesiæ * Doctores tritum.

* Ambro. li. 3. offi. c. 12.
Hieron. in 4. & 26. cap.
Hiere. & in 4 cap. Dan.
& in 3. cap.
Iona. in c. 7
Amos, & in ca. 8. Zach.
Chryso. ho. mi. 1. & 37 in Genes.
Aug. lib. 14. Ciuit. c. 11.
Aperitissimè vidè Diuus Gregor. lib. 15. Moral. cap. 4.

AD CAPVT VIII. *libri tertij.*

EST in vita Caluini scriptum, quod articulū descensus ad inferos concernit, vnde varium & impudens & nequam illius hæresiarchæ liceat ingenium agnoscere. Cum enim in primis suis catechismis, interpretatus fuisset, descendisse Christum ad inferos quia demissus esset in sepulchrum, ob idque repræhensus esset, quod tam vitiosa fœdaque battologia, bis poneret in breuissimo symbolo sepulturæ mentionem, semel sub expresso nomine sepulturæ cum dicitur Mortuus & sepultus; semel sub nomine descensus ad inferos; quid hic consilij callidus impostor inijt? Nimirum suppressit priores illos catechismos, quotquot potuit vndecunque colligere. Anno verò 1562. sic recudi iussit, vt in ijs ne verbo quidem descensus ad inferos attingeretur. Hæc in vita

Caluini reperies, quam mihi videre contigit gallico sermone descriptam : vnde colligere liceat quam ei pro ludo fuerit articulum fidei, aut deprauare; aut modò locū aliquem ei in Symbolo dare, modò excludere. Quid verò in sua Institutione? Primum ait esse extra controuersiam, quin ex communi piorum omnium sensu hic articulus desumptus sit, quādo nemo sit Patrum qui non in suis scriptis descensum Christi ad inferos commemoraret; Ac quo primū quidem tempore insertus sit, parum ad rem attinere, potius hoc curandū in Symbolo, vt plena & numeris omnibus absoluta fidei summa nobis cōstet. Et si quos impedit morositas ne in Symbolum admittant, mox tamen se planum facturum tanti interesse ad redemptionis nostræ summam, vt ea præterita multum ex mortis Christi fructu depereat. Atque adiungit esse quidem qui opiuentur non aliquid nouum hic dici, sed aliis verbis repeti quod de sepultura dictū fuerat; verū nō esse verisimile irrepere hic potuisse superfluam eiusmodi battologiā. Denique quid mysterij haberet descensus ad inferos explanans, eum in ipsa cruce peractum docet, in eo quod implicitus fuerit doloribus ijs, quos parit maledictio & ira Dei. Nō enim fingi posse magis formidabilem abyssum, quam sentire te à Deo derelictum & alienatū, & cū inuocaueris nō exaudiri, perindè atque si in tuam pernitiem ipse conspirasset. Hæc aliāq; in eandem sententiā Institutionum suarum lib. 2. cap. 16. sect. 11. anno 1561. Considera hic, Lector, varietatem leuissimam versipellis ingenij, quod huc illicq; suæ præsumptionis vento iactetur, nec tamen sensum mutet in melius, sed in absurdiora proficiat. Primo enim descensus ad inferos nihil aliud quam sepultura fuit, vt descenderit ad inferos secundum corpus. Secūdo descensus ad inferos horribili & indignissima Christo desperatione, & tetrīs damnatorū cruciatibus fœdatur atque obscuratur. Tertio demum loco, eraditur descensus è Symbolo tāquam ex priorum interpretationum poenitudine. Quod autem Paulus ait cap. 4. epist. ad Ephes. descendisse Christum in inferiores partes terræ, id negat omninò pertinere ad Limbū aut descensum ad inferos.

Non

Non enim esse comparisonem vnius partis terræ cum altera, sed totius terræ cum cælo; Quasi scilicet dictum sit in inferiores partes mundi, & non in inferiores terræ partes.


Si quis autem forte miretur, vnde potuerit Caluino in mentem venire, tam noua tamq; absurda interpretatio descensus ad inferos, quam & in sua Institutione tantū facit, & in Catechismis quibusdam suis explicatam reliquit; Ille quidem de hac cōstare sibi dicit ex Dei verbo, tanquam sancta & pia, plenaq; eximie consolationis; sed adiutorem illi fuisse arbitror Erasmus, cuius in libello de præparatione ad mortem, verba sunt; Gehenna (inquit) cum summis malis summam habet desperationem; huius igitur horror superat omnem horrorem: quem tamen clementissimus redemptor vt nobis mitigaret in sese recipere dignatus est. Quod in horto expauit & angore extremo sic correptus est vt sudaret sanguine, nostræ naturæ erat infirmitas; quod autem affixus cruci clamat, Deus meus, Deus meus, cur deseruisti me? longè à salute mea verba delictorū meorum, videtur gehennæ horrorem animo persensisse. Quid enim superest à Deo destitutis, nisi extrema desperatio? Hæc, ni fallor, verba Christo impingunt extremam desperationem, quoniam à Deo fuerit destitutus quemadmodum ipse conqueritur, Vt quid deseruisti me? Hoc autē cum Calvinus sibi obijci videret, quod Christum faceret desperantem cum atrocissima filij Dei iniuria, id quidem refert ad exaggerationem calumniæ, sed se tamen non expedit. Quo namque modo non fuit necesse desperare cum qui se sentiret à Deo esse derelictum? Agnouit hoc Erasmus ingenuè, nihil superesse à Deo destitutis nisi extremam desperationem. Atqui fatetur cum Erasmo Calvinus Christum à Deo fuisse desertū, non ad hoc modò vt moreretur secundum carnem, verum etiam vt tanquam in gehennam iturus videretur. Nulla (inquit) fingi potest magis formidabilis abyssus quam sentire te à Deo derelictum & alienatum, & cum inuocaueris non exaudiri, perindè atque si in tuam perniciem ipse conspirasset. Eò Christum videmus fuisse deie-

deiectum, ut coactus fuerit urgente angustia exclamare; Deus Deus meus, ut quid me dereliquisti? Et addit: Quod enim nonnulli volunt ex aliorum potius opinione, quam ex suo sensu sic locutum fuisse, nequaquam probabile est, cum ex intimi animi angore deductam fuisse vocem constet. Dixerat autem paulo antè, sciri debere non modò corpus Christi in pretiù redemptionis fuisse traditum, sed aliud maius & excellentius prætiù fuisse, quod diros in anima cruciatus damnati ac perditionis pertulerit. Quis autem est damnati ac perditionis hominis cruciatus, nisi quod ad salutem reditum sibi esse posse desperet? Si enim confidit & sperat adhuc, neque vanam eam spem esse exploratum habet, tum se pro perditione & damnato nequaquam habere potest, quare nec diros illos cruciatus damnati ac perditionis hominis perferre: ubi enim solida spes est atque fiducia, magnum id profectò medijs etià in malis solatium est. Quid igitur esse putes ubi adsit certissima securitas? Atqui sciebat Christus se in gehennam detrudi non posse, non modò scientia suæ diuinitatis, verum etiam animæ suæ perpetua visione Dei beatæ. An fortè scientiam illam propositæ in conspectu gehennæ horror excussit? Hic vero nimis fuisset excessus, perturbatæ atque extra se positæ mentis. Atqui hoc ipso loco suarum Institutionum Calvinus diligenter admonet, cum fuerit integer Christus, in cunctis eius affectibus eam fuisse moderationem, quæ omnem excessum cohiberet. Non video etiam quæ possit maior esse, phrenesis quam formidare & timere tam vehementer quod euenire non possit. Certè hi quos mente captos cernimus, qui gladios metuunt quorumlibet prætereuntium, à quibus nullum eis periculum est, metuunt tamen id quod accidere potest. At Christus, secundum Calvinum, timuit & anxius fuit, ingentesque animi cruciatus perpeçsus est, tãquam si perditus ac damnatus esset, propter gehennæ considerationem, in quam incidere non potuit. Nónne hanc intolerabilem phrenesim videri necesse est? Vtunque ergo amoliatur à Christo desperationem, quod tamen non potest si secum velit consentire, interim quin timuerit Christus quod timere nõ de-

debut, id effugere nullo modo potest. Timuit autem quod timere nō debuit, si hoc timuit quod euenire non potuit. Nam vel ignorantis hoc est, quam ignorantiam longissimè à Christo alienam fuisse constat, vel præ perturbatione & ægritudine animi nō attendentis id quod alioqui non ignoretur. Est etiam timor ille gehennæ tantus, planè seruilis. Cuiusmodi timorem Ioannes negat esse in charitate; eumque foras expelli affirmat, vbi perfecta sit charitas. Num ergo Christus perfectam non habuit charitatem? Tale certè conscientia tormentum, quale Ioannes cum perfecta charitate negat consistere, in Christo fuisse Caluini catechismus docet, vbi Magister loquitur. Hinc colligimus quid differat conscientia tormentum, quod sustinuit Christus, ab eo quo cruciantur peccatores, quos Dei irati manus persequitur. Nam quod in illo temporarium fuit, in his est perpetuum; & quod illi vice duntaxat aculei fuit ad pungendum, his est lethalis gladius ad cor sauciandum. Habuit ergo secundum istum Christus conscientia tormentum, quale sustinent peccatores, in quibus charitas non est. Nec sane refert, an perpetuus an temporaneus; an tanquam aculeus pungens aut gladius confodiens; cum constet, vbi sit perfecta charitas, ibi tormentum eiusmodi esse non posse. Ex his iam facillimè dilui potest, quod illi visum est Achillæum & inexpugnabile; Pontificem habere nos, qui nostras expertus infirmitates compati nobis posset, qui que tentatus esset per omnia pro similitudine, absque peccato: Non enim Christo accidere sine peccato eiusmodi angoris tentatio potuit, quæ sine diminutione charitatis esse non queat; quam in eo flagrantissimam perfectissimamque semper esse necesse fuit.

1. Ioan. 4.

Hebr. 4.



INDEX SCRIPTURARVM quæ in præcedentibus tribus Libris explicantur :

Et primum, E VETERI TESTAMENTO.

L Euitici 16. Cumq; (sacerdos) obtulerit vitulum, & ora-
uerit pro se & pro omni domo sua. Pagina 259.

Deuteron. 12. Quod præcipio tibi, hoc tantum facito, nec addas
quicquam nec minuas. Pag. 193.

1. Regum. 28. Samuelem mihi suscita. 88. & sequent.
Ibidem Cras mecum eris. 90.

2. Regum 12. Veruntamen quia blasphemare fecisti nomen
Domini, Filius qui natus est tibi, morte morietur. 49.

2. Regum 22. Funes inferni circumdederunt me. 304.
Tobiæ 4. Panem tuum & vinum tuum, super sepulcrum in-
sti constitue. Lib. 1. cap. 22.

Iob 14. Homo cum dormierit non consurget, donec attetur
calum. 107. 108.

Psal. 6. Non est in morte qui memor sit tui; in inferno autem
quis confitebitur tibi. 293.

Psal. 15. Non derelinques animam meam in inferno. 301. & seq.

Psal. 65. Transiimus per aquam & ignem. 167. & seq.

Psal. 113. Non mortui laudabunt te Domine. 237. & seq.

Eccles. 3. Non possumus eis (operibus Dei) quicquam adde-
re, nec auferre, quæ fecit Deus ut timeatur. 194.

Eccles. 9. Mortui nihil nouerunt amplius, nec habent ullam
mercedem, quia obliuioni tradita est memoria eorum. 241. & seq.

Ibidem. Quodcumque facere potest manus tua, instanter operare:
quia nec opus, nec ratio, nec sapientia, nec scientia erunt apud in-
feros, quo tu properas. 18.

Eccles. 11. Si ceciderit lignum ad Austrum, aut ad Aquilonem,
in quocumque loco ceciderit, ibi erit. 18. 19.

Sapient. 3. Iustorum animæ in manu Dei sunt, & non tange-
bunt illos tormentum mortis. 59.

Ecclesi. 14. Ante mortem operare iustitiam, quoniam apud in-
feros non est inuenire cibum. 301. & seq.

Ecclesi. 46. Notum fecit (Samuel) Regi (Sauli) & ostendit
illi finem vite sue. 95. & seq.

Isa. 22. Nō dimittatur vobis hæc iniquitas, donec moriamini. 109.

Isaiz

INDEX SCRIPTVRARVM.

Isaia ult. Dominus in igne veniet, & quasi turbo quadrigæ eius, reddere in indignatione furorem suum, & increpationem suam in flamma ignis, quia in igne Dominus diiudicabit. 254. 255.

Zach. 9. Tu quoque in sanguine testamenti tui, emisisti vinctos tuos de lacu, in quo non est aqua. Lib. I. cap. 21.

2. Mach. 12. Collatione facta, duodecim milia drachmas argenti, misit (Iudas Machabæus) Hierosolymam, offerre ea pro peccatis mortuorum sacrificium. Lib. I. cap. 23. Et lib. 2. cap. 7. 8. & 9.

EX NOVO TESTAMENTO.

Matthæi. 1. Et non cognovit eam, donec peperit filium suum primogenitum. Pagina, 110. 111.

Matth. 5. Iota unum aut unus apex non prateribit à lege, donec omnia fiant. Pag. 106.

Ibidem. Esto consentiens aduersario tuo. Amen dico tibi, Non exies inde, donec reddas nonissimum quadrantiem. Pag. 97. & seq.

Matthæi 12. Linum sumigans non extinguet, donec cñciat ad victoriam iudicium. 106.

Ibidem. Qui dixerit contra spiritum sanctum, non remittetur ei in hoc saculo, neque in futuro. Pag. 115. & seq. Item 272. & seq.

Ibidem. Omne verbum otiosum quod locuti fuerint homines, reddent de eorationem in die iudicij. 48.

Matthæi 18. Angeli eorum semper vident faciem Patris mei qui in calis est. 7.

Ibidem. Abijt, & misit eum in carcerem, donec redderet debitum 107.

Matth. 20. Redde illis mercedem, incipiendo à nonissimis Et acceperunt singulos denarios. 306.

Mat. 23. Nō me videbitis amodo, donec dicatis, Benedictus. 106.

Matth. 26. Hic est sanguis novi testamenti. 172.

Lucæ 9. Sunt quidam de hic stantibus, qui non gustabunt mortem, donec videant filium hominis venientem in regno. 106.

Lucæ 12. Dico tibi, non exies inde, donec etiam nonissimum minimum reddas. 97. & seq.

Lucæ 13. Acceptum fermentum mulier abscondit, in farina faris tribus, donec fermentatum est totum. 106.

Lucæ 16. Facite vobis amicos de māmōna iniquitatis &c. 161.

Ibidem. Historia Lazari & epulonis expenditur. 129. & seq.

Ibidem. Mortuus est autem & diues, & sepultus in inferno. 298. 342. & sequent.

Ibidem. Eleuans oculos, vidit Abraham à longè. 344.

Lucæ 23. Hodie mecum eris in paradiso. 246. 356. 357. 368. & sequentibus. Item 374.

Ioan.

- Ioannis 5. Qui audit verbum meum, in iudiciū non venit. 55.
 Ioannis 13. Qui lotus est, non indiget nisi ut pedes lauet. 38.
 Ioannis 14. In domo patris mei, mansiones multe sunt. 293.
 Actorum 2. Quem suscitauit solutis uolontatibus inferni, iuxta
 quod impossibile erat teneri eum ab eo. 165.
 1. Corinth. 3. Si quis superadificauerit ligna, fenum, stipu-
 lam, &c. 45. 46.
 Ibidem. Vniuscuiusque opus quale sit ignis probabit. Dies Do-
 mini in igne reuelabitur. Saluus erit, sic tamen quasi per ignem. 74.
 75. 80. Et lib. 1. cap. 15. 16. & 17. Et lib. 2. cap. 6. & 14.
 1. Cor. 10. Omnes, eandem escam spiritalem manducauerunt, &
 omnes eundem potum spiritalem biberunt. Pag. 315. & seq.
 1. Corinth. 11. Ideo inter uos multi infirmi & imbecilles, &
 dormiunt multi. 50.
 1. Corinth. 15. Oportet illum regnare, donec ponat omnes ini-
 micos sub pedibus suis. 106. & seq.
 Ibidem. Quid faciunt qui baptizantur pro mortuis. 335.
 Ibidem. Factus est primus homo in anima uiuentem; nouissimus
 in spiritu uiuificantem. 339.
 Galat. 6. Dum tempus habemus, operemur bonū ad omnes. 27.
 Ephes. 4. Descendit in inferiores partes terre. 78.
 Philipp. 2. In nomine Iesu, omne genu flectetur, caelestium, ter-
 restrium & infernorum. 163. 164.
 Col. 2. In quo & circūcisi estis, circūcisione non manufacta 316.
 2. Thess. 1. Quas sustinetis, in exemplum iusti iudicij Dei. 170.
 Heb. 11. Hi omnes testimonio fidei probati, non acceperunt re-
 promissionem. 308.
 1. Pet. 3. Mortuus est Christus, iustus pro iniustis, ut nos offer-
 ret Deo, mortificatus quidem in carne, uiuificatus autem spiritu. In quo
 & his qui in carcere erant spiritu ueniens predicauit. 324.
 Et lib. 3. cap. 9. & 10. pag. 330. & sequent.
 1. Pet. 4. Propter hoc & mortuis euangelizatum est, ut iudicētur
 quidem secundum homines in carne, uiuant autem, &c. 334.
 2. Petri 2. Deus Angelos peccantes rudentibus inferni detractos,
 in tartarum tradidit cruciandos. 303.
 Apocal. 5. Nemo poterat neque in calo, neque in terra, neque
 subtus terram aperire librum. 122.
 Ibidem. Audiu omnem creaturam qua in calo est, & super ter-
 ram, & sub terra, dicentem sedenti in throno. 165. & seq.
 Apocalyp. 14. Beati mortui qui in Domino moriuntur.
 Pag. 56. Et lib. 1. cap. 18.

Apoc. 20. Infernus & mors, missi sunt in stagnū ignis, Pag. 291.



INDEX RERVM,

QVÆ LIBRIS TRIBVS

præcedentibus conti-
nentur.

A.

Abraham ante Christi ascensum apud inferos,
Pagina 353. & sequent. & 376. & sequent.
Abrahæ sinus. Vide Sinus.

Absolutio sacerdotis, cur non semper plenè omnem
pœnam remittat. 61.

Aërius qui pro defunctis orandum negabat, hæreticus
iudicatus. 205.

Aduersarius cui in hac vita secundum Matthæum est
consentiendum, quis sit. 101. & seq.

Afflictionum varia utilitas. 251.

Afflictionum causæ. 248.

Afflictionibus huius vitæ, etiam puniuntur interdum
sancti, & non tantum exercentur. 247. & seq.

Afflictio non semper pœna 250.

Affectus prauus non omnes morte deponitur. 46. & 385.
de eo tamen dubitat Augustinus. 150. 214. 215.

Alcuini de Purgatorij loco sententia explicatur, & con-
tra Aretium defenditur. 80. 81.

Allegoriæ & metaphoriæ discrimen. 388.

Allegoria si perspicua sit, vim habet probandi. 114. 115.
& 389.

Anima Christi non vno tantum die apud inferos fuit.
368. & sequent.

Animas defunctorum interdum apparere docetur. Lib.
1. cap. 11. & tamen suæ beatitudinis detrimentum
non pati. Pag. 85.

Animas piorum & impiorum in eodem ad tempus esse
post hanc vitam generali domicilio, absurdum non
est, cum semper distinguantur proprijs. 293.

INDEX

- Animæ in Purgatorio existentes , inter oues censendæ sunt ; ad dexteram , & ad prudentes virgines pertinent.** 17. 18.
- Animæ in Purgatorio pertinent ad regnū Christi.** 21. 22.
- Animæ in Purgatorio licet sint in pœnis, rectè tamē dicuntur beatæ & à laboribus quiescere.** 56. 160.
- sunt de salute sua securæ.** 56. & 386.
- Animæ corporibus exutæ, possunt à corporeo elemento aliquam suscipere impressionem.** 77.
- Antonini de Purgatorij loco , vbi sit sententia defenditur.** 82.
- Aretij argumenta contra Purgatorium dissoluuntur.**
Lib. 1. cap. 3. 4. 7.
- Aretij mira contradicendi libido.** 325.
- Aretius modestiam à catholicis requirit , quam ipse violat.** 350. 351.
- Articulus fidei de Christi ad inferos descensu retinendus.** 317. & seq.
- Arrianos Christi descensum ad inferos non negasse.** 365. & seq.
- Apparitiones defunctorum generatim omnes malè ab Aretio repudiari.** Lib. 1. cap. 11.
- Apollinaristæ descensum Christi ad inferos submouisse videri possunt.** 366.
- Augustinus de pœnis purgatorijs quid alicubi dubitet.** 212. & seq.
- Augustinus quomodo doceat non esse locum medium.** 22. 23. 217.
- quomodo doceat hic , & non in futuro peccata solui.** 31. 35.
- quomodo doceat in futuro tantum esse remunerationem & condemnationem.** 35.
- Augustini dubitatio circa Apostoli de igne probationis, locum, quænam intelligenda.** 150. & seq.
- Augustini loca quædam contra Purgatorium obiecta explicantur.** 262. & seq.
- Augustinus de descensu Christi ad inferos, non dubiam profert sententiam.** 351. 352.
- quid sit quod de descensu Christi dubitat.** 354.
- Author libri Hypognosticon non repugnat Purgatorio.** 20. & sequent.

Author operis imperfecti non est Chrysostomus. 362.
 Auxesi qua, Christus in suis verbis vsus intelligi de-
 beat. Pagina 123.

B.

B Aptissimi & reconciliationis non par est indulgentiæ
 diuinæ facilitas. 31.

C.

C Alvinus descensum Christi ad inferos in cruce tor-
 mentisque mortis posuit. 326. & sequent.
 & 395. & sequent.

Canonici libri sunt libri Machabæorum. 188. & seq.

Canonicus esse liber potest, etsi is qui scripserit, spiritus
 sancti nesciat esse oracula. 192.

Cælum ante Christi mortem fuisse inaccessum, nec
 quenquam ad illud admissum. 309.

Idem docetur Veterum testimonijs. 376.

Chaos magnum quid sit. 79. 129. 299. 345. 346.

Christi mors paternis oculis semper præsens, non con-
 uincit sanctorum animas ante Christi ascensum ad
 cælum admissas. lib. 3. c. 6.

Christus electos plerosque, aduentus sui tempore esse
 voluit. 311. 312.

Christi ad inferos descensus, conuincit fuisse Limbum
 Patrum. 317. & seq.

Christi ad inferos descensus, est articulus fidei, symbo-
 lo expressus. 317. & seq.

Idem descensus probatur Veterum ecclesiæ Patrum
 testimonijs. 378. & seq.

Christum descendisse ad inferos, non per sui duntaxat
 notitiam, sed secundum animam. 319.

Christi animam fuisse apud inferos, ipsius etiam Aretij
 confessione. 324.

Christi descensum mortem non præcessisse, contra Cal-
 uinum. 326. & seq.

Christum non descendisse propter dānatos spiritus. 329.

Christi animam non vno tantum die apud inferos fuisse.
 368. & seq.

Christum secundum animam non ascendisse in cælum
 primo post mortem die. 368.

- Christum secundum animam, in corde terræ tridui
spatio fuisse, Veterum testimonio ostenditur. 369.
Chrysostomi sententia de apparitionibus animarū post
mortem. Pag. 86.
Consuetudo, veritati licet non præiudicet, index tamen
est testisq̃ue veritatis. lib. 1. cap. 26. & Pag. 259.
& 391. & sequent.
Cyprianus quomodo dicat post hanc vitam nullum re-
linqui pænitiæ locum. 30.
Cyrillus quomodo animas sanctorum statim in manus
patris euolare dicat. 58. 59.

D.

- D** Amascenus descensum Christi ad inferos non ne-
gat, nec de eo dubitat. 362. & sequent.
Damnatio futuri sæculi duplex; Æterna & tempora-
lis. 54.
per Defunctos veritas interdum manifestatur. 85. 90.
Descensus Christi ad inferos defenditur. 317. & seq.
astruitur Veterum Patrum testimonijs. 378. & seq.
etiam hæretici testimonio. 349. 350.
quo modo sit intelligendus. 356.
quam prauè eum ex Erasmo intellexit Calvinus.
395. & seq.
aliud significat quam Christi sepulturam. 318.
neque fuit sensus iræ diuinæ. 320.
Descensus ad inferos non præcessit crucem & mortem
Christi, contra Calvinum. 326. & seq.
Descensum Christi ad inferos malè intelligi propter
mortis manifestationem. 319.
Descensum Christi non euerit author expositionis sym-
boli apud Cyprianum. 358. & sequent.
Patrum testimonia quæ contra descensum Christi
objiciuntur, explicantur. 358. & seq.
Diabolus quæ petit aut dicit, non omnia illicita falsaue
esse. 87.
Donec, in scripturis quid valeat. 106. & sequent.
Duo tantum loca in scripturis, non obflare Purgato-
rio. 14. 15. 16.
Durandus interpretatur descensum Christi ad inferos
pro-

propter effectū , quem anima Christi in iis qui apud
 inferos erant habuerit, & refellitur. 322. & seq.

E.

Ecclesiam non falsam habuisse de Purgatorio do-
 ctrinam. Pag. 4.

Ecclesiastici librum esse de canone scripturarum. 96.

Erasmus descensum Christi ad inferos , à D. Thoma
 symbolo additum esse suspicatus reijcit. 366.

quam peruersè illum intelligat explicatur, & refel-
 litur. 395.

Exequiarum vetus officium , Purgatorio testimonium
 perhibet. 218. & sequent.

F.

Fides eadem licet fuerit sanctis veteris & noui testa-
 menti, non tamen illi perindè mox sunt post mor-
 tem ad cælum admissi. Pagina 306. & seq.

Fulgentij doctrina de remissione peccatorum in hoc
 tantum sæculo obtinenda explicatur. Lib. 1. cap. 5.

G.

Gentilium supersticiosas consuetudines , rectè in-
 terdum in Christianos ritus conuerti. 183.

Gratiæ impetrandæ tempus solum esse in hac vita , &
 tamen eam etiam post hanc vitam dari. 26. & seq.

Veterum Patrum testimonio id ipsum ostenditur 29.

Gratiani diligentia accuratior, in citandis Veterum te-
 stimonijs requiritur. 93-95.

Græcorum de Purgatorio sententia, in concilio Floren-
 tino explicatur. 74.

H.

Hæretici infirmiora catholicorum argumēta exa-
 gitant, vt eiusdem esse generis etiam potentiora
 persuadeant. 129.

Hæretici quo consilio Veterum interdum Patrum, te-
 stimonia adhibeant. 264.

Hæreticus Aretius Veterum consensum dum pro sua
 facit sentētia, vrget; quando verò cum sibi aduersari
 videt, reijcit. 347-348.

Hilarij sententiam de descensu Christi ad inferos, quam
 falsò Caluinus aliò detorquere conetur. 326.

- I**eiunauit Dauid & viri labes, Galaad pro mortuis, vt
ad requiem peruenirent. Pag. 195. 196.
- Ignis extremi iudicij eff. & us triplex. 389.
- Inferorum nomine quid iuxta familiarem scripturis v-
sum intelligatur. 14. 174.
- Infernum nusquam in bono in scripturis accipi quomo-
do intelligatur. 356.
- Inferorū vocabulum latius patet quam vt ad gehennam
aut Tartarum restringatur. 300. & seq.
- Inferni maxima pœna est esse à facie Dei sine spe reuo-
cationis proiectum. 12.
- Inferni nomine non posse sepulchrum intelligi. 301. &
sequent. & 360.
- Inferorum variæ mansiones contra Aretium defendun-
tur. Lib. 3. cap. 2.
- In inferno quomodo nulla esse intelligatur redemptio.
Pag. 175. 236.
- ad Inferos descēdisse etiam Patriarchas ante Christi ad-
uentum, docetur veterum testimonijs. 348. & 376.
- Respondetur ad Chrysostomū, qui obijci posset. 361.
- Iudæ Machabæi factum de duodecim milibus drach-
marum missis Hierosolymam, offerre pro peccatis
mortuorum defenditur. Lib. 1. cap. 23. &
lib. 2. cap. 7. & 8.
- Iudæ Machabæi legale pro mortuis sacrificium, quate-
nus noui nunc testamenti tempore in exemplum tra-
hatur. 161.
- Iustini verba quomodo nō aduersentur Purgatorio. 130
- Iustificatio duplex, prima & secūda ex scripturis osten-
ditur. 38.
- Iustos in hac vita propter sua peccata etiam flagellari,
non tantum exerceri. 247. & seq.
- non in omnibus tamen afflictionibus puniri. 250.
- Iustos ante Christi aduentum non ascendisse in cælum
habes in dictione Limbus.
- Iustos omnes non continuò transire ad vitam beatā. 44.
idque vel propter peccata venialia, affectuque pra-
uos. 45. 46. 47.

- vel propter mortalium peccatorum reliquias. 48.
 Iustorum magna differentia. 52. 53.
 Iustitia nisi plena non continuò hominem in cælo con-
 stituit. 55.
 Iustitiæ post mortem non statim sua redduntur præ-
 mia. 307. & 315.

L.

- L** Abores sanctorum proprii qui sint. 56.
 Latinorum de Purgatorio sententia, explicata in
 Concilio Florentino. 73.
 Latronis exemplum non obesse Purgatorio. 246.
 Lazari & epulonis narratio, historicane sit, an parabo-
 lica. 129. 130. 345.
 an quid valeat ad probandum Purgatoriū. 128. & seq.
 Lazari historiam non convincere mortuos nunquam
 mitti ad viuentes. 84. 92.
 Lazarus fuit etiam apud inferos, non solus epulo. 298.
 Lazari historia frustrà exagitur aduersus Limbū Pa-
 trum. Lib. 3. cap. 11.
 à Lege quomodo liberemur, & ei quomodo consen-
 tiamus. Pag. 102.
 Libertas Christiana hic inchoata, in futuro sæculo per-
 ficietur. 68.
 Liberati ex inferno quomodo electi intelligantur. 176.
 Liberationem redemptionemque aliquam post mor-
 tem futuram. 235. & seq.
 Limbi vocabulum, etsi non sit in scripturis expressum,
 rectè tamen frequentari. 295.
 Limbus vnde dicatur. 296. 358.
 Limbi assertionem cur deuitet hæreticus. 286. 303.
 Limbum Patrum, rectè statui ex Christi ad inferos de-
 scensu. 317. & seq. & 368.
 Limbum quibus argumentis conetur expugnare Arc-
 tius. Lib. 3. cap. 4. & seq.
 Limbus Patrum, Veterum Ecclesiæ doctorum cōsensu
 astringitur. Pag. 347. & seq. & 376. & sequent.
 aduersus eum hæretici exceptiones reiiciuntur.
 347. & sequent.
 de Limbo an dubitârît Augustinus. 351. & seq.

M Achabæorum libri canonici, soluunturque quæ aduersari videntur argumenta. Pag. 188. & seq.
 Martyrij prærogatiua, quod iusti statim in cælum euolent, secundum Tertullianum. 111. 52.

Martyri facit pro eo orans iniuriam. 220.

Martyres Purgatorij expertes. 267. 268.

Meriti aliam esse rationem, quam boni operis. 15.

Merito non est post hanc vitam locus. 26. 236. 243.

Meritorum non eundem esse in Ecclesia gradum. 52. 53.

Misericordia quæ electis post hanc vitam præstatur, ad iustam pertinet retributionem. 33. 34.

Modestiam à nobis requirit Aretius, quam ipse violat. 350.

Morte tempus merendi auferri, quomodo dicat Hieronymus. 30.

Mortuos quomodo Abraham cæteri que Veteris testamenti sancti luxerint. 181. 195. 196.

Mortui quomodo nihil scire dicantur. 241. & seq.

N.

N Icænum concilium descensus Christi ad inferos, etsi in Symbolo suo non meminit, non tamen de eo dubitandum. 318.

O.

Opera bona post hanc vitam non esse meritoria. 25.

Opera sanctorum non pauca laudari, quæ nusquam in scripturis præcepta inueniantur. 193. 194.

Orandum pro defunctis quia negabat Aërius, hæreticus iudicatus. 205.

Orandum pro defunctis non dubitat Augustinus, 212.

P.

Paruuli sine baptismo decedentes, in æterna sunt apud inferos, quamuis leuissima, damnatione. Pag. 289. 290.

Paradisus non est receptaculi vocabulum. 300.

in Paradiso quomodo Latro intelligendus esse. 356. 374.

Patres sancti Veteris testamenti ante Christi ascensum apud inferos fuisse, scripturæ & Veterum testimonio ostenditur. 16. & 376. & seq.

Pa.

Patrū ecclesiæ consensus ab hæreticis cōtemnitur. 264.
 Pauli dictum de igne qui opus cuiusque probabit, & per
 quem saluus erit, aliter à Græcis, aliter à Latinis ex-
 ponitur. Pag. 74.

Peccatum manere, & tamen per fidem remitti, absurdè
 ab hæreticis asseritur. 47.

Peccato dimisso remanere subinde temporalia suppli-
 cia, exemplis ostenditur. 49. 63. 64.

Peccata leuia, & lethalia quoad pœnam restantem, post
 hanc vitam dimittuntur. 121.

Pœtarum & Philosophorum de purgatione post hanc
 vitam figmenta, Purgatorij nostri nihil detrahunt ve-
 ritati 224. & seq.

Pœtæ quosdam etiam ad inferos descendisse, ac inde
 rediisse fabulantur. Ibidem.

Iidem multa de inferorum pœnis, & beatorum feli-
 citate prædicant. 225.

Purgatorij origines quas fingāt hæretici. 233. & seq.

Purgatorium esse non dubium fuit Græcis & Latinis,
 etiamsi esset aliqua de igne controuersia. Lib. 1.
 cap. 9. pag. 73. & sequent.

Purgatorij variæ descriptiones defenduntur.
 Lib. 1. cap. 3. 4. & 7.

Purgatorium non tam locum significat quam anima-
 rum statum. Pag. 7.

Purgatoriam afflictionem dupliciter intelligi posse.
 Lib. 1. cap. 27.

Purgatorium esse locum seu statum medium inter æ-
 ternam felicitatem & statum damnatorum. Pag. 5.

Purgatorium non ignem, sed obscurum & labore plenū
 locum, existimarunt Græci. 75.

Purgatorij satisfactio, quomodo valeat contra peccata
 mortalia. 66.

Purgatorij pœnam esse satisfactionem in pœna. 9. 10.

Purgatorij pœnam esse grauissimam, infernali tamen
 minorem. 11. 12.

Purgatorij & inferni pœnæ, non sola differunt æterni-
 tate. 12.

Purgatorij doctrina nihil Christi detrahit redemptioni,
 sed

sed passionis eius gloriam magis illustrat. 66. 67. 176.
& sequent. & 271. & seq.

Purgatorium ex veteri pro defunctis Ecclesiastico officio astringitur. Lib. 1. cap. 28.

Purgatorium vitæ huius, quale. pag. 227.

Purgatorij assertio quatenus adiuuetur Ethnicorum fabulis. 228. & seq.

Purgatorio non ob stare quod duo tantum videatur scriptura loca agnoscere, Cælum & infernum; dextrā & sinistram; Austrum & Aquilonem. 14. 15. 16. 17. aut quod Patres mediū locū non agnoscant. 22. 217.

Purgatorio vias duas non ob stare, vitæ & interitus. 245. nec aduersatur quod dicitur Apoc. 14. Beati mortui qui in Domino moriuntur. 56.

Purgatorio probando Lazari & epulonis historia, idonea an sit. 128. & sequent.
an efficax sit locus Philipp. 2. In nomine Iesu omne genu flectetur, cælestium terrestrium & infernorum. 163. 164.

Item locus Psalm. 65. Transiimus per aquam & ignem. 167.

Item locus Zach. 9. de lacu sine aqua. 172.

Item locus Tobix 4. Panem tuum & vinum, super sepulturam iusti constitue. 177.

de Purgatorio non esse dubitandum, etiamsi de eius loco nihil de finitum habeatur. 70. & seq.

de Purgatorij loco ubi sit, probabilior sententia. 76.

Purgatorio qui Patres testimonium perhibeant.

Lib. 1. cap. 24.

contra Purgatorium quæ ex Augustino obijciuntur loca, explicantur. Pag. 262. & seq.

Purgatorio non aduersatur author libri Hypognosticon. 20. & sequent.

de Purgatorio quæstio, an fuerit D. Augustini ætate controuersa. 268. & 393.

Q. **Q** Vasi, non solam semper similitudinem, sed ipsam interdum veritatem exprimit. 154.

Recep.

R Eceptacula plura quam duo, Cælum & Inferos seu Gehennam & tartarum, à scriptura agnosci.

Pagina 14. 300. & seq.

Redimi quando quis intelligatur. 30.

Redemptionis humani generis, nullum ex rebus creatis suggeritur argumentum. 166.

Redemptio nulla in inferno, quo sensu. 175. 236.

Redemptio aliqua post mortem futura. 235. & seq.

Remitti peccatum non ideo rectè intelligitur, quia hic non puniatur. 126.

Remissio peccatorum duplex, prima & secunda. 39.

Remissionē peccatorum etiam post hanc vitam, rectè à pijs expectari. 42.

Retia tendi sanctis, si Purgatorium in aëre diffusum poneretur, quam inale opinetur Arctius. 76. 77. 82.

Retributio omnis non est in regno, neque omnis in gehenna condemnatio. 32.

S.

S Acramenta Veteris testamenti, non potuerunt sanctos illius temporis, statim à morte in cælum emittere. 313. & seq.

Sacramenta Veteris testamenti, iustitiam non contulisse. 314. quatenus tamen remissionem contulerint peccatorum. 256. & seq.

Sacrificia prodesse defunctis, vt tolerabilior sit ipsa damnatio, quomodo dicat Augustinus. 35.

Sacrificandum dum pro mortuis esse dicimus, nō facta legalia ad nos trahimus. 261. & seq.

Sacrificia Veteris testamenti, an pro defunctis offerre licuerit. 193. 194. 257. & seq.

Sacrificia Veteris testamenti, quatenus ad remissionem valuerint peccatorum. 255. & seq.

Sacrificia pro mortuis an fuerint aliqua in veteri lege instituta. 257.

præter Sacrificia lege præscripta, fuisse & alia extraordinaria lege non præscripta. 260.

Samuel an verè fuerit per Pythonissā suscitatus. 88. & te.

Sancti Veteris testamenti, ante Christi resurrectionem, ad cælum.

- ad cælū admissi non sunt. Pag. 16. 306. & 376. & seq.
 eos tamen accepisse iustificationis gloriam, hoc est,
 vitam æternam. 306. & seq.
- Sanctos Veteris testamenti nō habuisse nobiscum com-
 munia sacramenta. 315. & seq.
- Sanctos afflictionibus non tantum exerceri, sed & in-
 terdum puniri. 247. & seq.
- non omnia tamen quæ eis accidunt mala, in peccati
 pœnam accidisse. 250.
- Satisfactio quid, iuxta Grāmaticam significatiōē. 8.
- Satisfactio duplex; in pœna & pro pœna explicatur.
 Ibidem.
- Satisfactio post hanc vitam agnoscenda. 7.
- nōn tamen meritoria neque frugifera. 25.
- neque euacuat Christi meritū, etsi pro lethalibus pec-
 catis post hanc vitam admitteretur. 66. 67.
- Satisfactioni Christi non derogat Purgatorium. 176.
- Scripturæ quibus Purgatorium probatur, defenduntur.
 Lib. 1. cap. 12. 13. 15. & sequent.
- Scriptura Veteris testamenti, etsi tota prophetica sit, nō
 singula tamen prophetica esse debere. 191.
- Securitas triplex. 386.
- Securæ sunt de sua salute animæ in Purgatorio existen-
 tes. 56. & 386.
- Sententiam interdum suam, non autem iudicium Deus
 mutat. 393.
- Sinus Abrahæ quid. 130. & ex professo Lib. 3. ca. 3.
 Pag. 296. & seq. & Pag. 356.
- Sinus Abrahæ non idem est quod Limbus. 296. 343.
- Sinus Abrahæ non est receptaculi vocabulum, sed quie-
 tis. 300. 343.
- Sinus Abrahæ & quies illa apud inferos esse potuit. 344.
- Sinus Abrahæ ratione propriæ significationis, non est
 membrum inferni. 356.
- Spiritus vocatur anima, iam spiritalis, deposita veru-
 state peccati, effecta. 338.
- Suffragia viuorum quibuscumque prosint. 205. 206.
- Symbola fidei quædam, cur descensus Christi ad infe-
 ros mentionem non faciant. 360.

Tertulliani sententia an Abraham fuerit apud inferos explicatur. Pag. 357. & seq.

Theodori Bezzæ argumenta dissoluuntur, quibus conatur efficere vt Petri locus quo dicit Christum prædicasse his qui in carcere erant spiritibus, nihil ad Limbum pertineat. Lib. 3. cap. 10.

D. Thomæ Aquinatis de Purgatorij loco sententia explicatur, & defenditur. Pag. 78.

Tobiæ liber canonicus. 179. 180.

Veritas rerum, non vitiatur gestorum erroribus. 186. 259.

Vitæ æterna non est receptaculi vocabulum. 300.

INDICIS FINIS.

Pagina 38 versu 4. à fine, addatur in margine locus Augustini ex Tractatu 41. in Ioannem. Pagina 45. versu 12. pro qui, lege quod. Pag 89. versu 11. lege æternum vitaret interitum. Pag. 90 versu 7. pro Hodie, leg. Cras. Ibidem versu 19 & 20. Pag. 116. vers. 10. λεξιπικρῶς. Pag. 164. ver. 1 protum, l. tamen. Pag 192. ver. 25. lege diligentiam. Pag 223. ver. 17. l. a' h's. Pag. 225. addatur locus Tertulliani de Resurrectione carnis, in margine. Pag. 226. versu 9. pro collegerit, l. coëgerit. Pag 301 ver. 4. pro Eccles. 9. l in mar. Eccl. 14. Pag. 312. ver 2. à fine, addatur, clarissimè vel vnus ex D. Greg. l. 4. Moral. c. 27. inter plurimos supra pag. 16. postremo loco citatus B. Ans.

C E N S U R A.

Hi libri, quia doctè, contra Aretium, & alios, DE PURGATORIO ET LIMBO conscripti sunt, vtiliter excudentur.

Ioh. Molanus, censor.

Scriptum hoc D. Ioannis Lensæi, in quo catholica DE PURGATORIO ET LIMBO PATRVM, quem vocât, doctrina, cum aduersus cæteros, tum verò vel inaximè contra Benedictum Aretium, nulli hæreticorum nostri temporis eruditione ac ingenio inferiorè, solidissimè inuictissimeq; defenditur; & quibus ea confirmari à nostris solet, ab eorundem calumnijs mira euidencia dexteritateq; scripturæ vindicantur; & totius in hoc dogmate Antiquitatis consensus exhibetur; dignissimū esse iudico, quod typis excusum in publicum emittatur, & ab omnibus quam diligentissimè legatur.


Ita iudico, qui totum hoc opus à capite ad calcem attentissimè perlegi, Henricus Grauius S. Theolog. Regini Lovanijs professor.

PRIVILEGII SVMMA.

PHILIPPVS *Dei gratia Hispaniarum Rex,
&c. Dux Brabantia, &c. Privilegio concessit
Ioanni Masio, Typographo iurato, vt illi impri-
mere & distrahere liceat librum, cuius titulus est:
De Fidelium animarum Purgatorio, libri duo:
& De Limbo Patrum, liber tertius. Authore
Ioanne Lensæo Belliolano, S. Theol. Louanij
Regio Professore: vt latius patet in originali
Privilegio, dato Louanij, Anno 1584. Die 7.
Mensis Septembris.*

Subsignatum.

De Roij.







5-3-7

